

سولدوزون اولدوزلاری

اوچونجو بؤلوم

ساواشی قازانديق، دئوریمی اودوزدوق

دنیز ایشچی

بارات تنز باشا دوشدو کی، بو راحتلیقلا بولشئویکلر کیمی کالخوزلار و ساوخوزلار دوزلمیهجک و اونلار شهرین سیاسی وضعیتینی کونتروللا ائده بیللمیهجکلر. چوخ آشکار گؤرونوردو کی، شهرده و کندلرده نچه دسته «سیاسی-نیظامی» دستلر فعالیت گؤستریردی لر. حالبوکی باراتگیلین دستهسی آنجاق سیاسی بیر دسته ایدی. بوتون عمومی وضعیت بیر آغیر سیاسی- نظامی دوروم اولدوقدا بیر سیاسی جریان کونترولو آینه کنچیره بیلمز. ایکینجی مساله بو ایدی کی، اوراداکي اهالینین چوخو هله کندلرده یاشاییردی لار و هامیدان داها آسانلیقلا آلرینه سیلاح آماغا حاضر ایدی لر، بیر طرفدن ده باراتگیلین نفوذو لاپ آز ایدی.

عمومی سیاسی وضعیتی حاکمیتین نظارتی تعیین ائدن شهرده گۆبەلک کیمی یئردن گۆیەرن بو تزه یارانمیش سیاسی- نظامی جریانلار یئنی بیر سیاسی موعادیلەر یاراتمیشدی. بو موعادیلەر و موعامیلەر ائله بیر سورعتیله یارانیردی کی، باراتگیل نه اینکی اونلارین یارانماسیندا ائله جیدی بیر رول اوینایا بیلیردی، بلکه تنز اۆزلرینی تاپیب و سورعتیله دەیشیلن جریانلار دوزگون تاثیر گۆسترملی دیرلر.

اونلار شهرین ایچینده «کوردرلر» محله سیندن آرخابین ایدی. اونلار بیلیردی کی، اورادا «دئموکراتیک» گوجلر عینی حالدا سیلاحلاراق، کونترولو آللرینه کئچیریب اینتیظام یاراتمیشلار. اونلارین ایچینده چوخو سولچو اولان باراتگیلین یولداشلاری وار ایدی.

شهرین تورکلر طرفینده دوروم تام فرقلی ایدی. بورادا اوچ دسته وار ایدی کی، هر اوچو ده اۆز یئرلرینده قودرتلی و گوجلر ایدی. اونلار بونلاردان عیبارت ایدی: بیرینجی دسته، «سولچولار» دسته سی ایدی. بونلار شهر ایچینده ائولرده و عایله لر ایچینده چوخ حورمتلی و طرفدارلاری چوخ ایدی. اونلار عینی حالدا «موعلملر»، «اؤیرنجیلر» (دانشجولار) و «دولت ایشچیلری» ایچینده چوخلو نفوذلاری وار ایدی. سیلاح گوج علامتی اولان بیر شرایطه یالنیز سایغی و اعتبارلا حؤکومت و نظارت اعمال ائدیله بیلمز.

باراتگیلین خبرلری اولمادان و قاباقچادان پلانلاشمادان بیر سیرا «موعلیملر» و دولت ایشچیلری» سیلاح آله انده بیلیمیشدی. بو دا اونلارا ایمکان یارادیردی کی، اۆزلرینی تنز گۆتور - قوی ائله سینلر. سولچولار خصوصاً، تورکلر بونو حیسن ائدیردی کی، بو مسالهده هامیدان گئری قالیبلار و تنزلیکله بو گری قالمایا جوبران ائله ملیدیرلر.

ایکینجی دسته، «موللا میرزا ایبراهیم و کالبا عظیم معبودی» گیلین دسته سیدیر کی، هامیدان آرتیق سیلاحلانیب تورکلر طرفینده نظارتی آله کئچیرمهیه باشلامیشدی. بونو نظره آلماق لازیم دیر کی، بیر طرفدن عظیم معبودینین اوغلو «میرزا ابراهیم قیزیلا ائولنمکه یاناشی باشقا خصوصیتلری ده وار ایدی: اونلار بیر طرفدن «قارا پاپاق ائلیندن اولدوقلاری اوچون «سولوز»ون قاراپاپاقلاری، خصوصاً، بازار اهاالیسی ایچینده آغیر نفوذلاری وار ایدی؛ ایکینجی، بوتون شهرین قاباقکی «ساواک» مامورلاری دا اونلارین دؤورمه سینه بیغیلیمیشدی؛ اوچونجو، شهرین «لوطو و لومپنلری» اونلارین بایراغینین آلتیندا ایدی؛ دوردونجو، شهرین تورک بازارچی لاریندان سونرا، «سولچو اولمایان» موعلیملری و دولت ایشچیلری ده اونلارین دؤورمه لرینده ایدی کی، چوخلاری دا دموکرات انسانلار ایدی؛ آلتینجی، اونلار آیت الله شریعتمدارییه تقلیدلری باغلی اولان

میرزا ابراهیم بن مسجدینده توپلانمیشدی لار؛ یئددینجی، قاراپاق اربابلاری دا بونلار یاخینلاشیردی.

تورکلر ایچینده کی اوچونجو دسته «خمینی چیلر» ایدی لر کی، سای لاری هامیدان آز ایدی و سولدوزا سونرادان گلیمیش قاراپاق اولمایان موهاجیر جاماعاتین سیاسی ایسلاما ساری یؤنلمیش بیر دسته جوانلاریندان تشکیل تاپیردی لار. بونلارین هامیسی دا مولا «شیخ مورتضا» نین مسجدینن آلتینا بیغیشمیشدی لار. شهرده بیر مسجد و موللارین چتیری آلتیندا یئرلشمیش بو آدم لار اولکهنین او بیرری یئرلرینده اولان خبرلری، ائلهجه ده اؤز عاقبتلرینی گؤزله میوردی لر. بونلار دا حتی سولچولار دسته سیندن ده آرتیق ضعیف ایدی و سیلاحلی گوجلری ده یوخ ایدی و یا سولچولار کیمی چوخ آز ایدی.

تهران دان و او بیرری شهرلردن گلن سولچولار ایچینده دانیشمالار جیددی شکیلده قاباغا گئدیردی. اونلار «سولدوز شهر کومیتەسی» نین یارانماسی دوشونجه سینی بی شیریب او بیرری دسته لرین آراسینا آپارماغی دوشونوردولر کی، شهرده بیر «شهر کومیتەسی» یارانسین. حالبوکی میرزا ابراهیم و عظیم معبودی دسته سی عملا تورکلر طرفده امتیت یاراتماق فیکرینده ایدی لر. اونلار شهرین گیریش و موهوم نؤقطه لرینه سیلاحلی کنشیکلر تعیین ائتمیه باشلادی لار. اونلارین سیلاحلی آدمالاری نین چوخو «لومین» اولدوق لاری اوچون نه اینکی جاماعات بو مسالهدن راضی دئییلدیر، بلکه بعضی اورتالیقدا قاریشیق لیک یارادان عمل لر ده گؤروردولر کی، آنارشیستی وضعیتین یارانماسینا گتیریب چیخاریردی.

چوخلو اینسان لار تاریخده و گلهجکده هانسیسا اولای لار دوشه بیلر دئییه، بو مساله لری چؤزمکده «اوخشار یاراتماقلا» مساله یه باخیب، گلهجی ده اونا اوخشار گؤروردولر. اونلار گونون و زامانین قاباریق گؤستربجی لرینی گؤره بیلمه یئرک تاریخده اوخشار (قرینه) یاراتماغا باشلا ییرلار. بو دسته ده کئچمیشده «قاراپاق» ائلین قارشیلادیق لاری اوخشار جینایتلر، قیرغین لارین تکرار یارانماسینین قاباغینین آلماسینی دوشونوردولر.

اونلار دوشونجه لرینده تورکلری احتمالی «گئرچک» و یا «خیالی» خطرلردن قوروماغی دوشونوردولر. خطر کئچمیش لره سای سالاندا «ایسماعیل آغا سمیتکو» زامانی کیمی «کوردرلر» طرفیندن یارانا بیلر. شهرده بونلار طرفیندن تورکلر طرفینده دیل لره سؤز سالینیردی کی، «بیزلره کوردلر طرفیندن هجوم ائتمه خطری واردی».

شهرده کی «سولچولار» دسته سینین ایچینه «دوکتور تقی، هوشنگ، حسین، قولو و هابله نجه یاشلی، اعتبارلی و داها آرتیق تجروبه لی شخصیتلر قاتیلیمیشدی لار. بو مسله و اولای لارین سورعتله باش وئرمه سینی نظره آلاندا بارات عملا ایکینجی درجه لی شخصلر جرگه سینده ایدی. حالبوکی اونلارین همیشه کی

تشکیلاتلاری اجلاسارینی دوام اندهرک اونلارین ایچیندن «فیروز» دکتر تاغی گیل ایله یاخین ایلشکیده ایدی.

«سولچولار» «موعلیملر و دولت ایشچی لرینین ایچینده نئجه نفر نوفوذلو و او بیرر دسته لرله، یعنی خومئینی چی لر و میرزا ابراهیم - معبودی دسته لرله ایلشکی قوروب، دانیشا بیلن شخصلر تاپا بیلدی لر. اونلار «کوردرلین» ایچینده کی سیاسی تشکیلاتلارلا دانیشماقدا موشکول لر یوخ ایدی.

«شهر کومیته سی» نین یارانما فیکری انله بیر فیکیر ایدی کی، هامی اونونلا راضی ایدی. شهر کومیته سینده شهرین بوتون دؤرد سیاسی بؤلوم لریندن وار ایدی. بو بؤلوم لرین هامیسی سیاسی - نظامی بیر تشکیلات ایدی لر، یالنیز بارات گیلین «تورکلر طرفینده کی سولچولار» ین نظامی قوؤملری یوخ ایدی..

شهر کومیته سینین ایچینده بارات گیلین یولداش لاریندان «دوکتور تاغی» و کوردلر محله سیندن «سولنیمان» وار ایدی. شهر کومیته سینده نه کوردلرین موللاسی «موللا صالح» و نه تورکلرین موللاسی «میرزا ابراهیم» هنج بیرر یوخ ایدی لر. اونلار کناردان میلتی آرامیشه سه سله بیردی لر. اولای لارین کونترول آغیرلیغی کوردلر محله سینده «کوردستان دموکرات پارتیاسی» و تورکلر طرفینده «عظیم معبودی» نین دسته سی اوزهرینده ایدی. بو آرادا «دوکتور تاغی» جیبینده بیر تاپانچاسی دا یوخ، اما بونلارین آراسیندا گنت - گل اندیب، دانیشماق ایدی کی، بیر منطق دوزن یارانسین. اونلارین هامیسی دا بیلیردی لر کی، تورک سولچولارینین نظامی گوجلری یوخ ایدی. اونلار بونلارلا نظامی گوج وئرمه یی ده ایسته میردی لر. شهرین دؤردده اوچونو تشکیل ائدن تورکلر طرفینده گیریش و موهوم نؤقطه لرده سنگر دوزله ییب کئشیک وئریلیردی. بو کئشیکچی لر ایچینده بیر سیرا دئموکرات «موعلیملر و دولت ایشچی لر» و سولچولاردان دا، عینی زاماندا اونلارین ایچینده چوخلو ساوادسیز، سیاسی - ایجتیماعی باخیمدان دایاز و تنزلیکله هر کسین آل آلتیسی اولای بیلن آدمالار وار ایدی لر. اونلاردان سونرا بیر دسته شهرین «لومپن لری» ده وار ایدی لر کی، شهرین تورکلر طرفینده هامی ایله دوست ایدی لر.

شهرده گوندوزلر دوکان- بازار و هر شئی عادی حالینا قایتمیشدی. هامی اؤز ایشی و کسینه دونموشدو. اما شهرده تورکلر طرفینده بئله بیر سؤز اورتالیقدا یاییلیردی کی، «کوردلر بیزه حمله اندیب و یوروش گئتیرمچکلر». شهرده چوخ آزلیق تشکیل ائدن کوردلرده بو سه سلنمه و شایعه لر قورخو یارادیب، اونلارین اؤزلرینی مودافیعه ائتمه یه حاضیرلاشما سینا سبب اولوردو.

«تورکلر طرفینده» بئله سؤزلر یاییلیردی: «کوردلرین خریطه سی آله دوشوب کی، تبریزه جن یوروش آپاریب و آماغی دوشونورلر». بارات گیل بو سؤزلری انشیدنده گولمکلری گلیردی و بو سؤزلری «شاه» رژی می نین ایشدن دوشموش

امنیت قوهرینه نیسبت وئریب و میلتی بیرلییه و ساکینلییه دعوت اندیردی لر. اونلار آنجاق بعضی ایدارلرین سالونلاریندا عومومی چیخیش (دانشیق) ائده بیلیردی لر. اونلار میلتین ایچینده ایمکان داخیلینده دانشیق لار آپاریب و اونلاری ساکینلییه سهله بیردی لر. اما گنجهلر گلنده بیر نچه ساعاتلیق «موسلسل و توفنگ گول له سهسی» قولاق لاری باتیریدی. هامی قورخودان قاپی لاری چهکیب باغلا بیردی لر. هر کس تورکلر طرفینده فیکیر اندیردی کی، کوردلر یوروش گتیریپ. بونون ترسینه، کوردلر محله سینده ده اونلار فیکیر اندیردی لر کی، تورکلر هوجوم اندیبلر.

کوردلر محله سینده بارات گیلین یولداش لارینین چوخو اونیورسیته اویرنجی لری ایدی لر. اونلار دا بارات گیل کیمی شرایطی ارشدیریپ تحلیل اندیردی لر. اونلار دا داغیلیمیش «ساواک» سیستمین قالمیش آدام لارینی «انقلابی» داغیتماغا چالیشمالارینی دوشونه رک، کوردتورک ساواشی سالماغینی دوشونوردلر. اما اونلار کوردلر محله سینده «کوردوستان دموکرات پارتیا» سینین ایچینده هانسی دوشونجه لرین اولوغونو بیلیردی لر.

بارات گیل و اونلارین یولداشلاری آخشام اولرینه گلیب ایلشنده اونلارین «میرزا ابراهیم موحریر و عظیم معبودی» دن تاثیر آلان اتالاری اونلارا دئییردی لر کی، «سبز بونلاری تانیمیرسینیز، ایسماعیل آغا سمیتکو زامانی بیزلره نظر اندیبلر». و یا بو سؤزلر: «سبز بازار ایچینده دئیلسینیز و بیلیمیرسیز. بونلارین خریطه لری وار کی، تا تبریزه قدر آلیب، کوردوستانا قاتماق ایسته ییرلر».

«ایسماعیل آغا سمیتکو» دان هنج بیر شئی خاطرلامیان بارات گیل و یولداشلاری اتالارینا دئییردی لر کی، «اونلار قاچاقچ زامانین تاریخینه عایدیر. ایندی زامان دهیشیلیب و اونلارین یولداشلاری هامیسی اونیورسیته اویرنجی لری دیر. اونلار بیرلیکده و یولداشلیقدا بیزلره یاشماق ایسته ییرلر. «خریطه و نقشه» شایعه سی ده فقط ایختیلاف یارادیب و ساواش سالماقدان اوترو دور. بو ایشی ده یالنیز ساواکیلار ایسته ییرلر. بارات گیلین اولرینده آنالاری اوشاق لارینین دوشونجه لرله بیر فیکیرده ایدی، اما اونلارین اتالاری تامامیه «عظیم معبودی» گیلین دوشونجه لرینی داشییردی لر. بو ارادا کوردستان دموکرات پارتیاسی بیر طرفدن دانشیق لاریندا سولچولار کیمی بو شایعه لری ساواکیلارا نسبت وئیردی، او بیر طرفدن کوردستانین خریطه سی و اونلارین سرحدی و مرزی حاققیندا سوکوت اندیردی لر.

بیر طرفدن ده یونی ایل بایرام یاخینلاشیردی و هامی اوزونو بایراما و گوروشلره حاضر لاییردی. او بیر طرفدن بارات گیلین و شهر ده هامینین بیر گوزو ده تهراندا، تبریزده و اورمیّه اولای لارین نه جور قاباغا گئتمه سینده ایدی. تهراندا بارات گیل یولداشلاری بیرینجی نؤمره «کار» قزئتینی گوندردی لر. اونلار عینی

زاماندا فدایی‌لر تشکیلاتینین «اعلامیه‌لرین» ده گؤندریردی‌لر. بارات‌گیل تهراندا فدایی‌لرین باش‌اریلارینا فخر اندیب، اونلارین آدلارینی، یازی‌لارینی شهرده آشکار یایماغا باش‌لایارق، بوتون شهرده‌کی سولچولار فدایی‌لر تشکیلاتینین سمپاتی اولموشدولار.

قیزلارین ایچینده ده چابالار و فدایی‌لر طرفدارلاری چوخالمیشدی. بارات‌گیلین یولداشلاری اولان ائولرین چوخوندا دوست‌لارینین باجی‌لاری دا فدایی‌لر تشکیلات‌لاریندان طرفدارلیق اندیب بو دوشونجه‌نین دالیسینجا دوشموشدولر. بارات‌گیلین تشکیلات‌لارینین ایچینده هئچ بیر قیز یوخ ایدی، آما هامیسی فدایی‌لرین طرفدارلاری اولان سولچو قیزلار اؤزلری بیر-بیرلرینی تانییردی‌لار و بیر-بیرلریله گل گئت‌لری وار ایدی. قوربان اولدوغوم بارات دا او خانیم‌لاردان اوتانماق خاصیتینی اؤزو ایله داشییاراق اونلاردان ایمکان اولدوغو قدر اوزاق گزیدی اوجون چوخ‌لارینی تانیمیردی.

«کوردلر مسجدی» و یا باشقا سالونلاردا بیر سیرا پروقراملار آپاریلاندا بارات گؤروردو کی، قیزلاردان دا اون نفرن آرتیق گلیب کی، هامیسینین چادرالاری باش‌لاریندا و هئچ بیرینی ده بارات تانیمیردی. او آنجاق بونو بیلیردی کی، هر دن «ترلان» و «مارال» دا اونلارین ایچینده‌دیر یا یوخ. آلبته کی، ایندی ترلان، مارال و اوختای دا قانلاری جوشا گلیب و «فدایی‌لر» سمپاتی اولوب و اونلاردان طرفدارلیق اندیردی‌لر.

تهران‌دان بؤیوک - بؤیوک قیرمیزی رنگلی فدایی‌لر علامتی ده یوخاری حیسه‌سینده اولان اعلامیه‌لر بارات‌گیلین آل‌لرینه یئتیشیردی کی، اونلاری یاییب، یا دا دیوارلارا یاپیشدیریردی‌لار. آیدین و ضیالی عابله‌لر ایچینده «فدایی‌لر» تشکیلاتی هامیدان آرتیق طرفدارلاری وار ایدی. اونلارین حوضورو شهرده تامامیه حیس اولونوردو.

بارات گؤروردو کی، اونلارین ایچینده بعضی ایش‌لر فدایی‌لر طرفیندن گورولور، آما بارات ایکینجی درجه‌ده اونلاردان خبری اولوردو. او بیلیردی کی، «اعلامیه‌لری کیم تهران‌دان گؤندریر، آما هئچ زامان بونلارین هارادان گلمه‌سینی سوروشمازدی. اونا بنزر بیر گون اونلارین جلسه‌سینده بیر نفر اوراداک‌لارین ایچیندن دندی کی، «شهید اولموش فدایی‌لرین شکیل‌لرینین بؤیوک و حاضر لانه‌میش پورترملری نومایشه (سرگییه) قویماق اوجون تشکیلات طرفیندن اونلارین اختیاریندا قویولور».

فدایی‌لرین سمپات‌لاری هم تورکلر، هم ده کوردلر ایچینده اؤزلرینی بو سرگی و قالئری اوجون حاضرلاماغا باش‌لاییردی‌لار. اونلار شهرین دوز اورتاسیندا، کوردلر ایله تورکلرین آراسیندا اولان (بارات‌ین ایلک دفعه مکتبه گئتدی‌ی)

«انوشیروان» مدرسه‌سینی بو چیخیش اوچون دانیشیب و اونون سالونونو توتوموشدولار. اونلارین موعلیم‌لر ایچینه کفایت قدر آدم‌لاری وار ایدی. کیچیک شهرده بو سرگینین سه‌سی تنزلیکه هر یئر یاییلدی. بارات‌گیل بو شکیل‌لری و اونون یانینداکی دیوارلارا یاپیشدیردیقلاری یازیلاردان اوزلری ده تاثیرله‌مرک حیران قالمیشدی‌لار. یوزلرله اونوئورسیتهمه تحصیل ائدن و یا تحصیلینی باشا ووران فدائی «شاه» زامانیندا اؤلدورولموشدو. اونلارین قهرمانلیقلاری و خاطیره‌لری هر اوخویانا تاثیر گؤستریردی. بارات‌گیل بو سرگیده تکجه سالوندا دولاناراق، جاماعاتا بیلگی وئرمکله کیفایتلنمیه‌یب، بلکه گنجینی ده اورادا قالب کئشیک چکیردی‌لر. بونا اوخشار چالیشمالار سولچولار هم رسمیت، هم ده قانونلیک قازاندیریردی. اونلار داها راحت و آشکار جاسینا فدایی‌لر آدینا شهرده چالیشا بیلیردی‌لر. اونلار داها بیر دانیشیق و چیخیشدا «ائیتیم» ائوینده تشکیل ائتدی‌لر کی، اورادا بارات «سیاوش کسرائی» دن بیر شعر حیفظن هامیا اوخودو. او شعر «چه‌قوارا» نین قهرمانلیغی حاققیندا ایدی.

بو بیر طرفدن بارات‌گیل گؤردولر کی، «فدایی‌لر» تشکیلاتی گله‌جکه یارانا بیله‌جک کوردوستانین ایکینجی بؤیوک شهری اولا بیلن و سولدوزدان 50-60 کیلومتر آرالی اولان «سویوق بولاق» شهرینده اوزلرینه دایره آچیب‌لار. اونلارین یئرلری بؤیوک بیر سربازلار یاتاغیدی کی، «دئوریم» دن قاباق اورادا ارتش و حربی قووه‌لرین عسگرلری یاتاردی. بارات‌گیلین تشکیلاتی دا اونلارلا ایلیشکی یاراتماغی دوشونوب تهران یئرینه «سویوق بولاق‌دان» قزئت‌لرین و یازی‌لاری گتیرمه‌یی دوشونوب، عینی حالدا «فدایی‌لر» تشکیلاتی ایله آن یاخیندان ایلیشکی قورماغی اوزلرینه بیر عاجیل ضرورت گؤروردولر.

بارات «سویوق بولاق» شهرینه گئتمه‌میشدن دوکتور تاغی و قولو نجه دفعه اورایا گئتمیشدی‌لر. ایل‌لر بویو زیندانلاردا قالان سولدوزلولار اورادا اولان فدایی‌لرین مسؤل‌لارینی تانییردی‌لار. اونلار بوندان قاباق اونلارا سولدوزداکی «فدایی‌لر» حاققیندا کفایت قدر بیلگی وئرمیشدی‌لر.

بایرام چوخ یاخین اولدوغو اوچون گنج‌لر گؤشه آتمالار هر ایکی طرفدن آزالیردی. عینی حالدا هاوالار یاواش-یاواش ایستیله‌شیردی. گونشین قیزیشماسی میلّتین ده جانینی قیزدیریردی. او بیر طرفدن بایرام گلمه‌سینه گؤره هوشنگ و ناصیرگیل ده سولدوزا دؤنمه‌یه حاضیرلاشیردی‌لار. آخی امکانشیز ایدی کی، اونلار بایرامی سولدوزدا اوز ائو-ایشیک و عایله‌لرینین ایچینه اولماسین‌لار.

بارات‌گیل بیر نجه چیخیش اوچون کورد کندلرینه گئتدی‌لر. «خَلْفَن» کندینده اونلارین طرفیندن «فیروز» چیخیش ائدیپ دانیشدی. اوراداکي چیخیشلاردا «قاضی محمد» بن عمو اوغلو سو دا «کوردوستان دموکرات حزب» ی طرفیندن وار ایدی.

اورادان سونرا اونلار «محمديار» كندينده بير چيخيشدا ايشتيراك ائتدى.لر. اورادا سولچولاردان سونرا او كندين تورك اولماسينا گۆره بير تورك موللاسى دا چيخيش ائتدى كى، دانيشيغيندا «خمينى» دن حمايت اندهر ك، سولچو و ساغچى، آمريكالىنى و شورويلىنى - هر ايكي سىنى محكوم ائتدى و اسلام حۆكومتىنى مودافيعه انديب ايسلامدا آزادلىق و مىلتلرين ده بير اولماغى و عدالتين اولماسيدان دانىشدى. بو ايسه بونا بنزميردى كى، اورا گلنلرين هاميسى بير آيرى دونيادا ياشايردى لار و جناب موللا آيرى بير دونيادا.

بو قاچاقچين ايچينده بارات گيل گوردولر كى، بير طرفدن اونلار موعليلملر، دۆلت ايشچىلرى و كندلىلرين ايچينده اونلارا تشكىلات ياراتماقدا كۆمك ائتمهيه مشغول اولموشلار. اونلار اۆزلرى گنج و جاوان اولدوقلارى اوچون گنجلرين ايچينده ايشلرى آرتيق راحتجاسينا قاباغا آپايردىلار. البته كى، اونلار بو ايشى اۆيرنجىلر و شاگيردلر ايچينده ده گوردولر. بو مساله دئموكراتيك داورانىشا شهر ايچينده بۆيوك كۆمك انديردى.

مىلت اۆز ايش دسته لرينده، خصوصاً «موعليلملر و دۆلت ايشچىلرى» بير- بيرلرينه ياخينلاشيب دانىشلارلى اونلارين ايش گۆرمه توتومونو دا چوخالديب، اونلارى بير-بىرلرينه داها ياخينلاشديريب و آزاد شكilde فيكىر پايلاشمالارينا گتيريب چىخايردى. اونلارين ايچينده يئنى ليدرلى اورتايا چيخيب تانينيردى. اونلارين قاباغا دوشنلرى و فيكىر صاحابلارى تانينيردى.

بارات ايله نوروز بنله قارار گلدىلر كى، سولدوز تشكىلاتى طرفدن گنديب، «سويوق بولاق» دا فدائىلر تشكىلاتيلا تانيش اولماق اوچون ايكى گون اورادا قالسينلار. بارات گيل اورا يا گئنده بير مسالهنى گۆروب و حيس ائتدىلر. يعنى «فدائىلر» تشكىلاتيندا ايكى نفر وار ايدى كى، نه ايش گوردوكلرينى بيليردىلر و هميشه باشلارى مشغول ايدى. بو ايكى نفر «محمد» و «جاواد» ايدى. «محمد» تورك و جاواد دا فارس و مشهد طرفيندن ايدى. بو ايكى نفرين معمولاً بيرى اورادا اولاندا او بيرى تهراندا ايدى. چوخ آز ايكي سى ده بير گونده سويوق بولاقدا تاپيلاردى.

هامى هر بير قارار اوچون اونلارلا مشورت انديردى. اونلارين دا هر سوالا بير جاوابلارى وار ايدى. ايكىنجى سیرادا دا ايكى- اوچ نفر ده وار ايدىلر كى، ياريمچيق قارار وئيردىلر. اونلار دا كاك «مينه»، كاك «عمر» و نهايت «يوسيف» و بير- ايكى نفر آبريلارى ايدىلر. بونلاردان «يوسيف» تورك و ميشكىنلى ايدى. او بيرى ايكى نفر ده كورد ايدىلر.

بىر سیرا گليب گئندنلر ده وار ايدى كى، بارات گيل اونلارى تانيميردىلار. چوخلارى دؤره شهرلردن گليب، اۆز دوروملاريندان بيلگى وئريب و سونرا آللرى دولو فيكىر يارديمى، قزت و يازيلارلا اۆز شهرلرينه دؤنوردولر. بارات گيل

بو ایکی گونده بیر پارا عمومی دانیشیق لاردا ایشیتراک ائتدی لر کی، اونلار اوچون داها چوخ بیر- بیرلری ایله تانیشماق دئمک اولاردی. بو دانیشیق لارین بیرینده «کاک سولنیمان» دا سندنچ شهریندن گلیمیشدی.

«کاک سولنیمان» جاوان اولسا دا، چوخ چتینلیک چکمیش بیر اینسانا بنزه بیردی و چوخ سیقارت چکیردی. او چوخ جسارته جمعین ایچینده «جواد» و یا «محمد» بن بعضی نظرلریله مخالفت ائدیردی. تام سلیس دانیشان و عینی زاماندا دئییب - گولن «کاک عمر» تام ترسینه، «کاک مینه» اوز ایچینه قاپانیدیگی اوچون جیددی، هم فیکیر، هم ده چوخ عمل اهلی ایدی. «جواد» «دوکتور رحمان قاسیمی» ایله اولان اوز گوروشو حاققیندا گلیب اونلارا لازیم اولان قدر خبر وئریدی.

اورادا اونلارین یئمکلری ده چوخ ساده ایدی و داغدا یئدیکلری یئمکلره بنزه بیردی. بیر ماراقلی شئی ده وار ایدی کی، اونلارین ایچینده قیز و یا خانیم چیریک یوخ ایدی. باراتگیل بو ایکی گونو بیر سربازخانا یاشامی کیمی گونلرینی کئچیریب، سونرا سولدوزا دوندولر.

باراتگیل «دئوریم» دن سونرا یئنی یارانمیش شرایطه و اونون یاراتدیگی یئنی ضرورتلره جواب وئرمیه ائله آلیشمیشدی لار کی، داها بایرامین گلهمسی چوخ یادا دوشموردو. دوستلاری بایرامین بیر گوزو ده «تهراندا» ایدی. او تهرانداکی اولای لاری ایزلیمیش، اوراداکي اولای لارین ایچینده اولماسینین حسرتینی چکیردی. بو طرفن ده اونوئورسیتهلر بیلدیرمیشدی لر کی، ایل بایرامی تعطیلاتیندان سونرا کیلاسار یئنیندن باشلا یا جاقدی.

نوروز بایرامین گلهمسی یئنه ده سبب اولموشدو کی، تهرانداکی یولداش لاری ناصیر، هوشنگ و او بیرلر - هامیسی سولدوزا دؤنسون لر. باراتگیلین یولداشلاریندان سونرا شهرده هر یئره باخیردین تزه قیافهلر گورونوردو کی، اونلارین هامیسی دوغما سولدوزلو ایدی، اما باشقا شهرلرده یاشاییردی لار و قوهوم لارینی و یا آتالار لارینی گورمک اوچون سولدوزا گلیمیشدی لر. اونلارین چوخو خیاباندا دولانارکن چوخلو تانیش لارینی خیاباندا گورنده اوپوش - گوروش ائدیردی لر. اونلارین چوخونو بارات تانیمیردی، اما اونلار شهرده چوخلارینی تانیردی لار کی، خیابانلاردا اونلار لا گوروشوردولر.

هامینین اوزو گولوردو. بونا بنزه بیردی کی، بیر طرفن هامینین چیینلریندن بیر آغیر یوک گؤتورولوب. داها لازیم دئییل هئچ کس دانیشاندا دالیسینا و دؤرهمینه باخسین کی، بیر قولاقل آسیر یا یوخ. او بیر طرفه ده هامینین گوزلری پارلاییردی. هامی بیر بویوک و درین اومیدله گلهجهیه باخیردی. هر کس اوز ایستکلرینین یئرینه یئتیریلهمسینی بو «دئوریم» ده گوروردو. سولدوزا گونش ده ملتین شنلیبینه قاریمیشدی. بایرام گونلری بوتون هر یئری گونش کیمی بیر گوزل

و مولایم ایستیلیک وار ایدی کی، قارلاری آریده‌رک، او بیرری طرفدن یئرلری ده قورودوردو. باغلار و منشه‌لرده آغاج‌لار دا چیرتلاماغا و چؤل‌لرده و زمی‌لرده گؤیرنتی‌لر ده گؤرونمه‌یه باشلامیشدی‌لار. گون آغاج‌لارا و زمی‌لره ساچاندا او قدر تمیز و دورو پارلا‌ییردی کی، سانکی آنا اؤز بالاسینی تزه یویوندوروب و اونو تزه پالتارلارلا گئیندیریب‌دیر.

بارات‌گیل بو گؤزل شنلیک و بایرامین گؤزلیکلرینی و طبیعتین ارماغان‌لارینی آلدن قاچیرا بیلمز ایدی‌لر. امکانی اولدوغو قدر کنده، باغا، داغا و چؤل‌لره باش ووروب و آلتیه «گادار» چاینین قیراغیندا آیله‌شیب، اونون آخارلیغینا حیئرآنقلا باخاراق، اونولا دانیشیردی‌لار کی، «سن مین ایل‌لر بویو منطقه‌ده نهلره شاهد اولموبسان». سن بیزیم نسلین تاریخینی ده اؤز سیننده ساخالییب، داشییرسان. «گادار» چایی آنجاق سو بورغان‌لارینین و کؤپوک‌لرینین سه‌سیله بارات‌گیله جاواب قایتاریردی. اونون سه‌سی بوغوناق ایدی و سویو ایسه داغدان آرییه‌ن قارلارین سویو اولاراق سویوقدان آفاق‌لاری کسیردی. «گادار» چایی نظره گلنی چوخ سئوینمیر و شن دئییلدی. مین ایل‌لر بویو «ماننا»‌لار زامانیندا «کیاکسارلار» قالخیشینا شاهد اولان گادار، بارات‌گیلدن داها درین اولای‌لاری گؤره بیلیردی.

اما بارات‌گیل گاداری بیر بؤیوک آنا و یا بؤیوک آتکیمی ساییردی‌لار و اونون یانینا گلیب، بایرام گؤروشونو تزمه‌مکله اؤز اورکلرینده بیر بؤیوک بوشلوغو دولدورودولار. اونلارین اورکلری گادارین گؤروشونده آرام اولاندان سونرا قوربت یئرلرده داها راحت یاشایا بیلیردی‌لر. گادارین سویو طوغيان انده‌رک، آغاج‌لارین اونا ساللانان بوتالاریلا دا ساواشیردی. اونون گور آخار سویو شیخ موختارین و مجید عمی‌نین سو قیراغیندا یئرلشن باخچالارینین آغاج‌لارینین کؤکلری و ریشه‌لرینی شاللاق آلتینا آلمیشدی. گادار سانکی هنج سئوینجلی گؤرونموردو.

بارات قرارینی وئرمیش‌دیر. اونون داها اورهیی دؤزه بیلیمیردی. او بیر طرفدن حیس اندیردی کی، اؤز گؤره‌وینین اصلی بؤلومونو بو دنوریمده سولدوزا نسبت یئرینه یئتیریب. او بیرری طرفدن تهراندا کئچن اولای‌لاردان اوزاق قالماغا داها دؤزه بیلیمیردی. بایرام تعطیلاتیندا تهرانداکی یولداش‌لاری دا سولدوزا گلندن سونرا تهرانداکی اولای‌لاری، ساخلولاری (پادگانلاری) و شهربانی‌لری و باشقا اهمیتی نؤقطه‌لری آلماقدان و اونیورسیته‌لرده «پیشگام» دفترلری آچیلما‌سیندان صو‌حبت اندیردی‌لر. تهرانین مرکزی ساواک دفترینی «فدایی‌لر» آله کئچیریب، اؤز‌لرینه مرکز دفتر تعیین ائتمیش‌دی‌لر. اورادا او بیرری سیاسی تشکیلات‌لار دا چالیشمالارینا باشلامیش‌دی‌لار. اؤیرنجی‌لر ایچینده «خالق موجاهیدلری»‌نین طرفدار‌لاری «فدایی‌لر» طرفدار‌لاریلا ایکسی ده اؤز‌لرینه آیری دفترلر و فاکولته‌لر ده آچمیش‌دی‌لار.

بارات بو بیرى طرفدن ده گۆروردو کی، سولدوزون دورومو داها دولاشیق اوللا. اوللا باراتگیلین تشکیلاتی بیر «نیظامی» (حربی) محیط ده «غیر نیظامی» (سیویل) اولدوقلاری اوچون جریانلارا جیددی تاثیر قویا بیلیمیرلر. باراتگیل نه قدر ده میلّتین ایچینده اعتیبار و احتیراملاری اولسا دا، همیشه بیر بؤیوک آتدیم گئری دیرلر. منطقهده بیر نیظامی عملیات اولونسا، اونلار راحت قوربانای اوللا بیلرلر. هله میلّت ده بونلارین بو بؤیوک ضعفلرینی گوروب، اونلاری چوخ جیددییه آلمیردی. بو طرفدن ده تهراندا آیری بؤیوک سیاسی اولایلار باش وئیریدی. «خومئینی» گلندن سونرا «موقت حؤکومتی» تعیین ائئدی. یئنه ده «خالق فداییلری» و «خالق موجهیدلری» اینقیلاب جبهه سینده آیریلیق دوشمه سین دئییه، اعتراض ائتمه دیلر. اونلار دئییردی لر کی، بو حؤکومت «موقت» دیر. دئموکراتیک قانون ایش اوستونه گلندن سونرا، قانونی حؤکومتلر میلّت طرفیندن سئچیله جک.

بو باخیشلار ساده فیکیرلی بیر باخیش اولاراق، او بیرى طرفدن قارشى طرفین «خومئینیگیل»ین یاخشی نظرلری اولمادیغی اوچون اونلارین طرفیندن سوء ایستیفاده سبب اولاراق، اونلار داها آرتیق نیظامی و سیاسی اورقانلاردا یئرلرینی برکیدی دیلر.

اونلار بونا دا کیفایت ائتمه ییب، اولکه نین آنا یاساسینی یازان قوروجولار مجلسینی سئجی لر کی، اونون ایچینده یئنه ده نه فدایی لردن، نه ده موجهیدلردن وار ایدی. همچنین اونلارین دولایی روللارینین نه اینکی هنج تاثیر یوخ ایدی، حتّا بو غیر دئموکراتیک قورولوش و نومایشی تشکیلاتا دا «دئموکراتیک» بویاق یاخیردی.

خومئینیگیل تامامله «خالق فداییلری» و «خالق موجهیدلرینی» قیراغا ایتمه ییب، حؤکومتلرینی قوروب، آنا یاسانی یازماغا و او بیرى طرفدن نیظامی و اینتیظامی قوهری آل لرینه کنچیرتمه یه باشلادی لار. اونلار عینی حالدا اولکه نین بانکلارینی، نفتین و باشقا جانلی ایقتیصادی دامارلارینی آل لرینه کنچیرتمه یه باشلادی لار.

او بیرى طرفدن تهراندا بوتون کومونست کیتابلار دا چاپ اولاراق هامی سولچولار طرفیندن اوخوماغا باشلانمیش دیر. اونلار و فدایی لر ده اونلارین ایچینده، بو «دئوریمی»، 1905 دئوریمینه اوخشاراق، اؤزلرینی 1917 یه حاضیرلاماغا باشلامیش دیلر. بونو دئمکدن مقصد بودور کی، اونلار بیر عؤمور گیزلین یاشایاراق، بیر داها یاریمچیق یئر آلتی چالیشمالارا دوام اندیردی لر.

عینی حالدا یازیلاریندا «فدایی لر»، خومئینیگیلین بو ایشلرینی تنقید اندیردی لر، آما او بیرى طرفدن «خالق موجهیدلری» داها آرتیق اونلارا موثبت باخیش لا «خومئینی» نی اؤزلرینه «آتا» سه سله ییردی لر. بونون قارشیسیندا

«خومئینی» نین آدم لاری و دستهلری قاباقداکی ایشلره کیفایت ائتمهیب، کوچهلرده، خیابانلاردا، اونیورسیتهلرده، مدرسهلرده، ایدارهلرده و یا فابریکالاردا «خالق موجاهیدلری» و «خالق فداییلری» نین سمپاتلارینا فیزیکی هجوم کچمهیه باشلامیشدی لار.

هله اینقیلابین ایستیلیبی اورکلرده شوعله چکیردی، «خومئینی گیلین ایرتیجاعی و دیکتاتورجاسیا اینقیلابی اوغورلاییب و اونو منیمسهملری داوام اندیردی. بین المیلل قوملرین، آمتریکا، اینگیس و روسیّهنین بو اولایلارین ایچینده نه جور آللری ایشلهییردی، اونلارین دهنیزده سو اوزونده حرکت ائن بوز داغی کیمی قویروق لاری گورونوردو، آما بوتون ایشلرینین او بیرری قیسملری گیزلین ایدی. «خالق فداییلری» و «خالق موجاهیدلری» نی ایزوله اندیب، دارما- داغین ائتمک مقصدی باتی اولکلرینین حوکومتلرینین آن اؤنملی ایستکلریندن بیریدی.

خومئینی» نین دورره سینی فرانسادا اولاندان بزی بیر سیرا شوبههلی و داها دوغروسو، تزه موسلمان اولموش اوروپاداکي «روشنفیکرلر» (ضیالیلار) توتوموشدولار کی، اونلارین هامیسینین موشرک جهتلری «کومونیستلرله دوشمنلیک ایدی». اونلار داخیلی عرصهده و بین المیلل عرصهسینده بیر شئی ده موشرک یؤنلری وار ایدی، او دا بو ایدی کی، «کومونیستلرین و سولچولارین آیاغینی هر نه باهاسینا اولورسا اولسون، کسینلر. سویوق ساواش زامانیندا بو سیاستین کیمی طرفیندن یورودولمهسی معلوم ایدی و بو خومئینی نین دورره سینی آلانلار عملاً بللی دیرلر کی، کیملرین طرفیندن ماموردور.

بیر قدیمکی کیشی دئمیشدیر: «دئوریم» و اینقیلاب گونلرینده بیر گونون ایچینده او قدر بؤیوک اولایلار دوشه بیلر کی، عادی حالدا اون ایللرله او اولایین دوشمه سینه دؤزمه لیسن. بو سورعتله دوشن اولایلارین مرکزی تهران ایدی و بارات اونلاردان بو قدر اوزاق قالماق ایسته میردی.

اونیورسیتهلر ده آچیلیمشدی و کیلاس لار بیر داها بایرام تعطیلاتیندان سونرا باشلاناجادی. بارات درسینی داوام ائتمک اوچون ده تهران دؤنمه لی ایدی. اونون یولداش لاریندان چوخ آز وار ایدی کی، درس لرینی بیتیریمشدی لار. چوخو اونیورسیتهلرینه دؤنمه لی ایدی لار. آما دوروم کوردلر محلله سینده فرقلی ایدی.

بیر گون «فیروز» بونلارا دندی کی، «کورد یولداشلاری» اونلاری بیر خصوصی جلسه دعوت اندیبلر. بارات، فیروز، بایرام، نوروز و قولام بو جلسه ایشتیراک ائتدی لار. بو جلسه کورد یولداشلارینین بیرینین ائوینده تشکیل اولونموشدو. کورد یولداش لاری «فؤاد سولطانی» یه ایشاره اندهرک، کوردوستاندا «کوردوستان زحمت چکن لرینین تشکیلاتی» نین یاران دیغینی بیلدیریپ دندی لار کی، اونلارین هامیسی اونا قاتیلیب لار. اونلار حتماً بونلارا دندی لار کی، سیز ده قاتیلا بیلر سینیز. بارات گیلین هامیسی «چاش باش» قالاراق نه انده جکلرینی بیلمیردی لار.

بیر طرفدن اونلار بیر سرتاسری «فداییلر» تشکیلاتیندان حیمایه ائدیردی لر، او بیر طرفدن اونلار تورک ایدی و کورد دئییلدی لر. بونلار داها چوخ ایسته بیردی لر کی، یولداشلاری «سویوق بولاق» دا «فداییلر تشکیلاتی» نا قاتیلسین لار. بیر قدر چاش باش حالدا انشییه چیخدی لار. یولداشلیق لاری یئرینده، اما ایکی آیری سیاسی سولجو تشکیلات ایچینده چالیشماغا دوام ائتمه لی دیر لر.

داها نه تکجه بارات، حتا او بیر اؤیرنجی یولداشلارینین هامیسی اونوئورسیتهلرینه دؤنوب و درس لرینی دوام ائتدیرمه لی ایدی لر. فداییلر تشکیلاتی چوخ گنیش و پوللی پارالی دئییلدی و اونلار فقط پروفسیونال سیاسی چالیشما یولو یلا اؤزلرینین کئچیمه و یاشاییش خرج لرینی چیخاردا بیلمزدی لر. اونلار بوتون بو چالیشمالارین ایچینده، اوز خرج لرینی اوزلری قازانیب و اوز باشلارینی ساخلامالیدی لار.

اونلار تهراندا دؤنمه دن بیر داها «موعلیملر طره فیندن» سولدوزون فرهنگ ائوینده سولچولار طره فیندن بیر توپلانتی تشکیل اولوندو. اورادا فرقلی دانشانلار چیخیش ائتدی لر. بورادا داها «ایسلام حؤکومتی» ندن صؤحبت گئتمیردی، بلکه میلت و خصوصاً، ایشچی لر، اکینچی لر و زحمت چکیب تر تۆکن جاماعاتین حاق لارینا نجه چاتدیرماسیندان صؤحبت گئدیردی. بو دانشیق لاردا میلتین اوز شورالاری و سندیکالارینی یاراتماقدان دانشیلیردی.

بو چیخیش لارین ایچینده باراتا دا یولداشلاری طرفدن بیر واخت آیریلیمیشدی. او قاباقکی چیخیشلاری کیمی یالینیز قاباقچادان ازبرله دییی بیر شعر حاضیرلامیشدی. بارات آئینده بیر تسبیه، هله هاوالار تام قیزمامیشدان اؤترو کوت-شالوار آئینده تسبیهی چؤیره-چؤیره ایرملی گئتدی. یوز نفردن آرتیق شهرین ضیالی و ساوادلیلارینین قاباغیندا چیخیش ائدیب-دانشماق اونون اورهینی بیر آز تیتیرتمهیه سالمیشدی.

تسبیهی چؤیریمک اونا دینچلیک وئیریب و اوزونو آله آلماقدا کؤمک ائدیردی. بارات قاباقدا دورارکن بیر آن دایاندی. هامی سوساراق، اونون اوخودوغو شعری دینلهمهیه حاضیر ایدی لر. بارات بو دفعه «سیاوش کسرای» نین «چه قوارا» نین خاطیره سینه دئدییی شعری ازبردن اوخوماغا باشلادی. ایکی آلیله تسبیهی قاباقدا برک ساخلایاراق، شعری چوخ سلیس شکیده اولدن آخیراجان ازبردن اوخودو. او حیس ائتدی کی، شعرده کی حیس و دوشونجه نی دینلهمیجیه چاتدیرا بیلیب. اونون نیگار انجیلیغی بوندان ایدی کی، اونون سسینین گوجو آز اولدوغو اوچون اولای بیلسین کی، دالداکی لار انشیده بیلهمسین لر، اما سالونون باغلی و تام سوکوت ایچینده اولدوغو اوچون هامی انشیتیمیشدیر.

بارات گیلین همین بو موعلیم یولداشلاریندان و بیر سیرا «تحصیلی بیترین» و نهایت اورمیه اونوئورسیته سینده اوخویان دوست لاریندان وار ایدی لر کی،

باراتگيل تهرانا گندندن سونرا «سويوق بولاق» فدایى لر تشکيلاتى کؤمهى ايله ایشلره داوام ائتسينلر. بو يولداشلارینین ایچینده درسلرینی قورتارمیش بايرام و اوروج دا وار ایدی. اما حتا اونلار دا اؤزلرینی ساخلایا بيلمیردی لر. اونلار دا تهرانا گندیپ یاخیندان بؤيوک دهییشیکلیکلری گؤرمک ایسته ییردی لر. البته کی، 24 اسفند میدانینداکی ائو یئرینده ایدی. بارات ايله ناصیر ده اورادان گنتمک ایسته میردی لر.

بو بیرى طرفدن باراتگيل گؤروردولر کی، گنجه آتیلان هاوایی تیرلرین قاباغیندا اونلار عاجیز ایدی لر. او بیرى طرفدن نه اونلار هارادان آتیلدیغینی، نه ده اونلاری کونترول ائده بیلیردی لر. بوتون بو وضعیتین ایچینده اونلار قرار وئرمه لی ایدی لر و بارات دا تهرانا دؤنمه یه قرار وئرمیشدیر.

«سیزده بدر» گونو یئتیشمه میشدن، بارات تهرانین اتوبوسونا آتیلیب و اؤزونو تهرانا یئتیردی. او کی داها بو اوزون یولو گنتمه یه عادت ائلمه میشدی، اتوبوس بیر مکانا دؤنموشدو کی، اورادا او یورغونلوغون آلیب و راحت یاتا بیلردی. بارات همیشه کی اتوبوسون ایچینده اؤز رویالارینا جوموب و یاریم خیال و یاریم اویاق دونیاسیندا اؤز فیکیرلرینی دورولدوب، اؤز دوشونجه لرینی داها دریندن آغیر-یونگول اندیردی. او اؤز فیکیرلرینی فلسفی باخیمیندان دا درینلشدیریپ و مؤحکم لشدیریردی.

بارات یئنه ده اؤزونو تهرانا یئتیردی. سحر چاغی هاوانین سویوغوندا هله هاوا قارانلیق ایدی. اتوبوس «غرب ترمینالی» و یا «باتی ترمینالی» ندا ساخلادی. اورادان «شهید» میدانینا کیمی چوخ اوزاق دا دئییلدی. هاوانین سویوغوندا تهرانین هاواسینین چیرکینلییی باراتین بوغازینی قووشدورماغا باشلا ییردی. او حیس ائتدی کی، آلی و اوزونه بیر آز یاغ یاخیلیب. اونون بورنونون دا ایچی آجیشماغا و ایچهریدن قارا پیلته باغلاماغا باشلامیشدی.

بو قارانلیق هاوانین توستولو و آجیلیغینین ایچیندن «شهید» میدانینا باشین اوجالیدیپ، عرشه چکیپ و تهرانا گلن قوناقلاری قارشیلاییب خوش گلدین دئییر. بارات دا چانتاسینی اؤزویله چکه-چکه شهید میدانینا قارشى گنتمه یه باشلادی. ساعات تزه بئش اولموشدو. تهران تزه یوخودان دوروردو. کؤهنه-کهنه ماشینلار خیابانلارین قارانلیغیندا تلمه-تلمه گندیردی لر. اونلارین ایچینده آیله شلرین چوخلاری باشلارینی دا دارامامیشدی لار. هامیسی ایش یئرلرینه گندیردی لر کی، فابریکالاردا و ایش یئرلرینده ایشلرینه باشلا سینلار.

بارات «شهید» میدانیندا اؤزونو 24 اسفند ساری یئتیریپ دایاندی کی، اورادان موسافیر داشیپان مینیک (سواری) ماشینلاردان بیرى گل سین. بیر آزادان

سونرا بیر اون بش- ایگیری ایلیک «پیکان» ماشینی دایاندی. سوروجو بوینونو بیر متر ده باراتا ساری اوزاتمیشدی. بارات دا اوجا سهسیله سهسهدی: «24 اسفند». پیکان دایاندی و بارات چانتاسینی دالیا قویوب آیلهدی.

شوفر «قازا» باسیب سورعتله گئتدی. او، یولدا بیر نچه آیری موسافیری ده میندیردی. ایگیری دقیقهدن سونرا بارات 24 اسفند میاندانینا چاتدی. هاوا بیر آز آچلمیش و جمعیت ده خیابانلاردا چوخالمیشدی. «جمالزاده» خیابانینا یئتیشمه میشدن بارات دئدی: ساخلا. سوروجونون پولونو وئریب ائندی. اون دقیقه پیدادا گئندن سونرا سولدوزلولارین «انچیلیکلی»، یعنی اوز اصلی و قدیمی ائولرینه یئتیشدی. همیشه کی قای آچق ایدی. هله ناصیر اورمیهدن گلهمیشدی. هوشنگ ایله هورموز و موختار اورادایدی لار.

بارات کئچیب سهسسیز یورغان - دوشهیی اولان اوز اوتاق لاریندا یئرینی سالیب یاتدی. هله بیینی باشینین ایچینده دولانان کیمی، گوزلرینی ده یوماندان اولار دا بونا بنزه بیردی کی، آغیرلیقدان و یورغونلوقدان یوخویا گئتمک ایستهمیردی لر. چوخ چکهمدی کی بارات بیر داها یوخویا گئتدی.

بارات یئنه ده موختارین باشماقلارینین سهسینه بیر زامان یوخودان اوپاندی کی، هوشنگ ایله اوجا سهسیله دانیشیردی. بارات یوخودان قالخاندان سونرا موختار سانکی باراتین گلهمسیندن خبری یوخوش کیمی اوزونو گؤستریردی. حالبوکی بیلمک اونو یوخودان اوپاتمیشدیر کی، «دور، سن ده صوبحانه یی.

بارات یورغانین ایچینده اوزونو چهکیب و درین آسنهیندن سونرا یورغانی اوستوندن آتیب، بیر دقیقه دوشهیین اوستونده آیلهدن سونرا بو بیر طرفدن موختار سهسلندی: «اوغان، دور آیاغا». بارات دیک قالخاندان سونرا هر شئیدن قاباق اولارلا اوپوشوب - گوروشدو. سونرا تنز ماوالا قچیب، آل- اوزونو یودو و موختارین حاضیرلادیغی تزه چورک ایله لیقوان پنیری و شیرین چایا یومولدو. اولارین اوچو صبحانه لرینی یئمیه باشلادی لار. ساعات دوققوزا یاخین ایدی. آلتیه سونرا بارات حاضیرلاشیب، تهران اونیورسیتیه سینین قاباغینا گندهجک ایدی.

بارات یوایش-یوایش یئرینی بیغیشدیریب، اوزونو قیرخاندان سونرا پالتارلارینی گئییب، تهران اونیورسیتیه سینین قاباغینا ساری یولا دوشدو. گونش چیخمیشدی و هاوا دا سرین ایدی. تهرانین هاواسی سحر کیمی توستولو گورونموردو. هله بوغازینین ایچی قوشوردو. او ائولرینین یاخینلیغینداکی مئوه ساتان و قزوینلی قصابین و باقالین دوکانین قاباغیندا کئچیب و 24 اسفند میاندانینا ساری گئتدی. دیوارلاردا قیرمیزی رنگیله بویوک شعارلار گوزه چارپیردی. بیرسی «خومئینی» نین مدحینده، او بیرسی «خالق موجهیدلری» نین، نهایت «خالق فدایی لری» نین تعریفینده یازیلیمیشدی. دیوارلارداکی شعارلار باراتی بیر یئنی تهرانا خوش گلدینه چاغیریردی.

24 اسفند میدانی‌نین هر بیر نؤقته‌سی باراتا تانیش ایدی. او اوزونو تهران‌دا قریب حیس ائتمیردی کی هیچ، اوزونو بیر اصل تهرانلی کیمی تانییردی. مئیدانین گیریشینده بوتون ساندویچ ساتانلار و یئر آلتی شوربا «دیزی» قهوه‌خانالاری و بیر نچه دنه ده تزه و مودئرن شکیلده قایریلان رستوران‌لار باراتین نظرینی اوزونه چه‌کیردی. میدان اولدوغو کیمی قالابالیق ایدی. بارات مئیدانین اورتاسینداکی ستونون باشینا باخدی و گوردو کی، آرتیق «شاه»-ین هئیکلی اورادا یوخدو. بیر نچه پاسلانمیش دمیر میل اونون نشان‌لریندن قالیب کی، اونا بیر چیرکین منظره وئریر. بارات دولانا- دولانا اوزونو «تهران» اونیوئرسیتیه‌سینه ساری توتوب گئدیردی.

24 اسفند مئیدانینین آدینی دهییشیب، «اینقیلاب» مئیدانی قویموشدولار. هاوا گونش ایدی، بیر قدر ده یئل آسیردی. یئل باراتین تئل‌لرینی یوخارییا قالدیریردی. او دا کؤکسونو قاباغا وئریب، اوزونو «تهران اونیوئرسیتیه‌سی»-نین یانینا یاخینلاشدیریردی. بارات اوزاقدان کوما- کوما جاماعتی خیابانانین ایکی طرفینده ده گوردو کی، دانیشیرلار. بو کوما- کوما اولماق‌لار دئوریمدن قاباق یوخ ایدی. اوندا هامی قدم آتیب، دولانماق‌دا، عئینی حالدا کیتاب ساتان دوکان‌لارین ایچینده، یا دا خیاباندا ایکی نفر تانیش بیر- بیرینی گؤرنده بیر کیچیک کوما دوزملیب دانیشمالار اولوردو. آما ایندی هر بیر یئرده بنیش اون نفر بیر نؤقته‌ده توپلاشیب، ایکی- اوچ نفر سیاسی بحث ائدیر و او بیریلر قولاقل آسیردی‌لار. دانیشیب موباحیثه ائدن بو ایکی- اوچ نفر او بیریلردن ساوادلاری چوخ ایدی.

بارات باشا دوشدو کی، بو بحث‌لرین چوخونو سولچولار قاباغا آپاریب و جیددی شکیلده ده یؤنلدیرلر. ایندییه قدر یوزده دوخسان کلاسیک سوسیالیستی کتابلاری اوخومايان بارات‌گیل تهران‌ین کیتاب ائولری «مارکس، انگلس، لئنین، مائو، چه قوارا» و هابئله باشقا لیدئرلرین کتابلارینا دولو ایدی. بیر- ایکی دفعه دولاناندان سونرا بارات‌ین باشا دوشدویو بیر نچه شئی بو ایدی کی، بیر سولچولار ایچینده «اوچ دونیا» تئوریه‌سینه اعتقادلاری اولانلار، یعنی عومومیتله «چین» حؤکومتی‌نین طرفدارلاری ایدی‌لر کی، آیری بیر دسته کیمی سولچولار ایچینده آیریلیب و آیدین گؤزه چارپیردی‌لار.

بارات‌ین دیقّیتینی اوزونه چکن ایکینجی مساله ده بو ایدی کی، بو دانیشان‌لارین ایچینده هله چاپ اولمایان و بازارا چیخمایان کیتاب‌لاری چوخ اوخویان بیر سیرا جوان‌لار وار ایدی. اونلار سوسیالیستی کتابلارین چوخونو اوخویوب، معلومات‌لاری اونلارا نسبت قات‌قات چوخ ایدی. اوزونو تجربهللی و «ساوادلی» اینقیلابچی‌لاردان بیلن بارات بونلاری گؤرندن سونرا حیس ائندی کی، او اوزونو یاللیز «تجربهللی» سایا بیلر و ساواد باخیم‌دان تزه چیخان کتاب‌لاری تئز‌تئز آلیب اوخومالی ایدی کی، «تهران اونیوئرسیتیه»-سینین قاباغیندا بوتون سوسیالیستی کلاسیک کتاب‌لاری دریندن بیلن او بیر سولچولاری‌لاردان گئری قالماسین. حالبوکی بو

بحثلره او قدر بلد اولانلارین چوخو اوزلرینین رنگلری و گنیدیکلری پالتارلاردان بارات گیلدن بیر آز فرقلی نظره گلیردی.لر.

البته بونلارین ایچینده بیر چوخ یاشلی، ساواللی، هم ده تجربوبهلی شخصلر ده وار ایدی.لر کی، بارات اونلاردا اولان متانت، درینلیک و تجربوبهدن حددن آرتیق سئوینیردی. چوخ چکمدی، بارات باشا دوشدو کی، بو ساواللی جاونلارین هامیسی «ایران بئین الخالق کونفدراسیون اویرنجی.لری» (کنفدراسیون بین المللی دانشجویان ایران) طرفیندن دنوریمدن سونرا تزه خاریجدن گلیب اینقیلابا قاریشمیش.لار. اونلارین چوخو یا «بئین المیل سوسیالیستلر» دستهسینه، یا دا «اوچ دونیا» تئوریسینه طرفدارلیق ائدیردی.لر. البته، بیر بؤیوک دستهسی ده «فدایی.لر»دن طرفدارلیق ائدیردی.لر. «توده پارتیاسی» طرفدارلاری آشکار شکیده گورونموردو، بلکه میلّتین ایچینه داغیلاراق دانیشیق لارین و ایشلرینی قاباغا آپاریردی.لر. دنوریمدن قاباق بوتون سولچولاری بیر سیرادا گورن بارات ایندی بیرینجی گوروشده اونلاری اوچ بؤلومه آیریلدیغینی گوروردو. بو بؤلوملرین ایکسیسی چوخ کیچیک ایدی: «فدایی.لر»، اوچ دنیا تئوریسینه طرفدارلیق ائدنلر و بین المیل سوسیالیستلر.

بارات بیر نچه ساعات بو بحثلره قاتیلیب، البته، داها چوخ شاهدیمی. عئینی حالدا کیتاب ائولرینه ده گندیب، تزه چیخیمیش کتابلارا باخماغا باشلادی. چوخلو تزه کتابلار چیخیمیشدی. بیر سیرا کتاپ ساتان دوکانلار وار ایدی.لر کی، «اوچ دنیا» تئوریسینه مخصوص چیخان کیتابلاری ساتیردی.لر. بارات بیلیمیردی کی، بو فرقلی باخیشین سببی نه اولاییلر و یا اونلار طرفیندن بیر ایقتیصادی قرار دیرمی؟ یا دا بیر بیلینمز قایناق لاردان سولچولاری نچه شاققایا بؤلک مقصدیله آپاریلیردی بو آیریلما.

تهران اونیورسیتیه سینین قاباغینا شوقیله گئدن بارات دؤنوب ائوه گلنده بیر قاریشیق بئین و دوشونجه ایله گلیردی. او بیر طرفدن کئچن دفعه تهراندان سولدوزا گئندنه سولچولار بو قدر نچه دستهیه بؤلونمهمیشدی.لر. اونلارین هامیسی بیر سیرادا «شاه» رئزیمینه قارشى موباریزه آپاریب، «سوسیالیسم» قورماق ایسته بیردی.لر. ایندی اونلار آن آزی اوچ- دؤرد دستهیه بؤلونموشدولر. دوزدور کی، اونلارین ایچینده «فدایی.لر» تشکیلاتی اون مرتبه او بیریلردن بؤیوک و عظمتلی ایدی، عینی حالدا بو نچه دستهلیک اونو سئویندیرمیردی.

او بیرى طرفدن خیابان کنارینداکی بحثلرده چوخلو تزه فیکیرلر وار ایدی کی، «دنوریم»ین قاباغا گئتمه سینین نه قدر چتین اولماسینی گؤستریردی. بیر نچه نفر توپلاشیب بحث ائدن بیر یئرده سولچولاردان سونرا بیر نچه باشقا دسته و آیری تیپ آدمالار دا گورونوردو.

بو دانیشتیق لاردا سولچولارین هامیسی چالیشیردی کی، «دین» و «مذهب» دانیشتیغینا قاریشماسین لار و دئموکراسی، اجتماعی عدالت و «سوسیالیسم» حاققیدنا دانیشتیق لاری آچسین لار. اونلار اکثر دانیشتیق لاردا «تند» و «ایفراطی» ایسلامی فالانژلارین» قاباغیندا اسکیک گلمکدن اؤترو اونلارلا دایشاندنا موضوع لاری چوخ آرام و متین آچیقلا بیردی لار. بونلارین ایچینده نچه دسته گؤرونوردو: بیر دسته «کونفدراسیون» طرفیندن گلنلر ایدی کی، اکثرأ چوخ ساوادلای ایدی لر؛ او بیردی دسته لر یاشلی، تجروبه لی و ساوادلای آدمالار ایدی لر کی، «توده پارتیاسی» طرفیندن اولایلریدی لر؛ اوچونجو دسته لر ده بارات کیمی اینقیلاب نسلیندن ایدی لر کی، بوتون عشق، اینام و سئوگی ایله بو یولا قاتیلیمیشدی لار. اونلارین ساوادلاری «کونفدراسیون» و یا «توده پارتیاسی» آدمالاری قدر دنیلیدی، اونلار بو ضعیفی بیلهرک اونو دولورماغا چالیشیردی لار، اما اونلار بیر آنا کیمی «اینقیلابی» اؤز بالالاری کیمی بیلیم و مسؤلیتله اونو قوروماق ایسته مییریدی لر.

بو دانیشتیق لاری بیر بللی دسته «ایسلامی فالانژلار» همیشه بیر- بیره وورماق ایسته مییریدی لر. اونلار گلیب، «دین و الله» مسالهرینی آریا چکیب، کومونیست لری الله سیز آدلاندیریب، اونلاری شانتاژا باغلاماق ایسته مییریدی لر. اونلار اینقیلابین او بیردی اساس مسالهرینه قاریشماغا ایمکان وئرمیریدی لر. البته چوخلو آیری و عادتی جاماعات گلیب و اؤزلری بو «فالانژلارین» قاباغیندا دوراراق آزاد بحثلرین دوام ائتمه سی اوچون فرصت یارادیردی لار. گونده اونیوئرسیته نین قاباغیندا مینلرله اینسان کوما- کوما آزاد بحثلره قاتیلیردی لار. سانکی اونیوئرسیته نین ایچینده بیر آیری اونیوئرسیته تشکیل تاپیب. عادتی و عامی جاماعات هر نه سئوالارینی اورادا سوروب و موختلف جاوابلار آلا بیلیردی. بو ایستر- ایسته مز باراتین یادینا ایلک «یونان امپراطورلوغو» زامانی «سناتورلار» مجلسینده کئچن بحثلری یادینا سالیردی، بو فرقله کی، بورادا بو بحثلری قاباغا آپاران لار سناتورلار یوخ، عادتی خالق کوتله سی ایدی.

بیر سیرا کومالاردا دا گؤروردون کی، بیر دسته چوخ چتینلیکله «دوکتور علی شریعتی» و اونون اوتویپایی دانیشتیق لارینی آچماغا، یوروب - یوزماغا چالیشیردی کی، بو دا بیر جیددی بحثن یورولان شخصین بئینین دینجلمه سینه یاخشی بیر دینجلمه ایمکانی یارادیردی.

صوبح گئندنه، اورهی ساغلام و آرام اولان بارات ائوه ساری دؤننده آتدیم لارینی تنز- تنز آتیردی. اونون اورهی داها یئیین دؤیونوردو. او اؤز اؤزونه دانیشتیردی. انقلابدان سونرا هر بیر شئیین بیتهجه یینی دوشون بارات نه قدر چتینلیکلرین هله قاباقدا اولدوغونو گؤروردو. او اؤز ذهنینده و دوشونجه سینده فدایی لرین بو وضعیته قارشیشماق اوچون نه لر ائدهجه یینی دوشونوردو. او آلینده بیر کیچیک کیتاب «کارول مارکس» دان «فاغیرلیق فلسفه سی و یا «فلسفه نین

یوخسوللوغو» آدیندا آلینه آلیب، ائوه ساری گئدیردی. اونون نه قدر آج اولماغی دا یادیندا دئییلدی و ساعتین دا نئچه اولماسینی دا بیلیردی. او یالنیز گوروردو کی، هله هاوا ایشیق و گونشلی ایدی. او هنج بیلهدی، نه زامان ائوه یئتیشدی.

هامی ناهاری یئمیشدی. آما ناهاردان بیر مقدارینی هله ساخلامیشدی لار. بارات اوزو اوزویله دانیشماقدایدی. بو خیابان کنارینداکی بحثلرده اویرنمک، هم ده اوز نظرلرینی و بیلگیلرینی قارشى طرفه مونتهقیل ائتمکده (اوتورمکده) اولان هیجان و شور باراتی دا هیجانا گئتیرمیشدی. او حیس ائدیردی کی، بیر مقدار اوزونو ایتیریر. عینی حالدا نه زامان او «کونفئدراسیون» طرفیندن گلنلر کیمی بوتون سوسیالیت کلاسیک کتابلارینی اوخویا بیلهجک. او بیلیردی کی، بو کتابلاری اوخوماق آی لار و ایللر زامان آپاریر، آما بو اینقیلاب گونلرینده او، یولداشلاریلا بیرلیکده اینقیلابی قورومالیدیر لار.

ائوده موختاردان سونرا هنج کیم یوخ ایدی. هوشنگ گیل ائوده دئییلدی لر، هورموز هله ایشده ایدی، ناصیر و او بیریلر ده هله تهرانا گلهمیشدی لر. دوزدور کی، باهار گونلری قیش گونلریندن داها اوزون ایدی، آما یئنه ده ائشیه گئتسه ایدی، باراتین بیر نئچه ساعتان آرتیق زامانی یوخ ایدی. آخشاما چوخ زامان قالمیردی. بارات بیر جای ایچیپ، بیر ساعات دینجاندیکدن سونرا بیر داها آن یاخین یئر، یعنی یئنه ده تهران اونیورسیتیه سینین قباغینا یوللاندی. بو دفعه گئندن سونرا باراتین اورهمی داها دویونموردو. او بوتون گئندن بحثلرده، همیشه کی اوستون جهته نه - اوز بیلیمی و سوادینی تجروبه سیله بیرلشدیرمه سینه - دایاناراق بحثلرده قودرتلی جواب وئره بیلیردی.

«کومون پاریس» و یا «روسیه اوکتیابر اینقلابی» نین تجروبه لری بارات گیلین اوز تجروبه لری ایله موقاییسده بیر قدر اورادکی جاماعاتا اوزاق و آز عاید اولان مسالهلر ایدی. او، اوزونون آلدی ائتدییی اینقیلاب تجروبه لری و «بیژن جزنی» و اونا تایی اوخودوغو یازیلارا دایاناراق، نسبتاً قودرتلی بیر سیرا جاوابلار وئره بیلیردی. بو دانیشیق لار عینی حالدا باراتین قاباقلار اوخودوغو مطلبلری ده اونون یادینا سالیب و ذهنین ده دورولدوردو.

بو دفعه بارات بیر نئچه بحثه تکجه شاهد کیمی یوخ، بیر دانیشان کیمی قاریشدی. او بیر قدر جیددی دانیشیق لاردان سونرا حیس ائتدی کی، اورهمی ده سرینله ییب، داها دویونمور. آرتیق اوزونه گووه نیب و بیر قدر ده باشینی اوجا ساخلایاراق، کیتاب ساتان مغازلارا ساری دؤندو.

او هم ده گوردو کی، خیابان کناریندا کؤهنه کیتاب ساتانلار نه قدر چوخالیب. بوتون سیاسی تشکیلاتلارین قزنتلری خیاباندا ساتیلیر. شاه زامانیندا ائوین ایچینده ده اینسان دیلینه گتیرمه سیندن قورخدوغو سؤزلر بویوک قزنتلرین بیرینجی صحیفه لرینده یازیلیب. «سوسیالیسم»، «کومونیسم» کلمه لری کیتابلارین و

قزنتلرین اوستونده چوخ راحت یازیلار بیلیردی. هامی آزادجاسینا هر نه فیکر اندیر و دوشونوردو، خیاباندا بیر- بیرلرینه دئیردی. هئچ کس نظرینی دئمکدن قورخوسو یوخ ایدی. هامی بیر- بیرلریله نچه ساعات بحث اندندن سونرا، بیر- بیرلرینین آللرینی سیخیب، سونرا آیریلیب و اوز یوللارینا داوام اندیردی. بو ارادا «ایسلامی فالانژلار» بیر ایستیتنایدی لار کی، بوتون سیویل و دئموکراتیک دانیشمالار و سیستئم لرین یارناماسینا تخریبی بیر شکیلده قاتیلیردی لار.

اونلاردان بیرى بیر بحثه گئریب و قاتیلاندا اورادا سمس سالیب، توهمت ووروب و شوعارلار وئریر، تهدید اندیر و دانیشیق نظمینی بیر- بیره وورماغا چالیشیردی لار. اونلارین بیرینجی سیلاح لاری «الله، پیغمبر، امام، کافیرلر، بهشت و جهنم» ایدی. اونلار عامی و ساوادیسز جامعاتین دینی اعتقادلاریندان سوء ایستفاده اندیب، آنارشیزم شکیلده قورخو و دارتیشما یارادیب و موذاکیرهنی موجایلهمه چئویریردی لار.

اونلارین سایلارینین آرزو، هم ده منطق سیز اولمالارینا گوره عهدهلریندن راحت گلیمک اولوردو، اما چیرکین زهرلرینی تۆکندن سونرا. بارات گوردو کی، سولچو قزنتلرین چوخو، او جملهدن «طوفان»، «سوسیالیستلر قزنتی»، «کار»، «مردم» و «ایشچی یولو» قزنتلری او جملهدن ایدی لار. «تزه گون» قزنتلری، او جملهدن «بیر ایکی ایسلامی قازنت» و «آیندگان» قزنتی ده یئنی گونلوک قزنت اولاراق چیخمیشدی لار.

بارات گورمه میشلر کیمی هر قزنتدن بیر نومونه سینی آلیب، آخشام اوزویله ائوه گئتیردی. اونون آلی اوخوماق اوچون دولویدو. اؤنجه قزنتلرین مطلبلرین اوخوماغا باشلادی کی، اونلارین مطلبلرینین درینلییین و سیاسی- ایدئولوژیک خطرینی آنلایا بیلسین. او بو قزنتلرین هامی سینی جیددی شکیلده هر گون اوخویا بیلمه دیی اوچون اونلاری تانییاندان سونرا دیرلندیرمه لی ایدی، سونرا دا اونلاری یوخلاییب و اونا نسبت نه قدر واخت و اؤنم وئرجه یینی تعیین انده جکدی.

بارات گوردو کی، سوسیالیستی قزنتلرده چوخلو ایدئولوژیک و تئوریک یازیلار واردیر. بو یازیلارین اوزون و آغیر اولماسی اونلارین اوخوماسی اوچون چوخ زامان طلب اندیر و چتینلیک توره دیر. اونا گوره بونلارین ایچیندن مطلبلری اهمیتلرینه گوره سئیمه لی دیر. عینی حالدا بوتون قیسا مطلبلر و خبرلرینی اوخویا بیلیردی. گونلوک قزنتلر ایچینده «آیندگان» قزنتی چوخ آچیق و دئموکراتیک مودترن دوشونجه لرله جامعهنین سیماسینی گؤستریردی. ایسلامی قزنتلر چوخلو آرانى قاتیردی لار. «خالق موجهیدلری» نین قزنتلری بوتون آیدینلادیجی و اومیدوثریجی ایدی. بارات اونلارین قزنتلرین اوخوماقدان لذت آپاریردی کی، ایسلامی حرکتلرله دئموکراتیک دنیا آراسیندا کۆرپو قورماق ایسته ییردی لار. اونلار هله خومئینییه «بؤیوک بابا» آدی وئریردی لار.

بیر- ایکی گوندن چوخ اونیورسیتهلرین آچیلماسینا قالمامیشدی. هله ناصیر، ایسکندر، احمد، نوروز و فیروز تهرانا گلهمیشدی.لر. باراتی بونا گۆره برک داررخما باسیردی. او عینی حالدا بیلیردی کی، یولداشلاریندان بیر نئجهسی، او جمله‌دن ناصیر ایله هوشنگ اینقیلاب گونلری تهراندا بیدیلار و اونلار او گونلرده «فدایی‌لر» ایله بیرلیکده اینقیلاب گونونون اولای‌لارینی یاراتماقدا شریک ایدی.لر. بارات اوزونو بونا گۆره بؤیوک بیر فرصتی آلدن قاچیرمیش کیمی گۆروردو. اونا گۆره بو نئجه گونو چوخ تهراندا یارانمیش ده‌ییشیکلیکلری گۆرمه‌لی ایدی. چوخلو یازی‌لار، قزئت‌لر و کیتاب‌لاری آله آلیب، آزیندان چوخلو بؤلوم‌لرینی اوخومالی ایدی.

آخشام بارات ائوه گلنده قارانلیق اولموشدو. او ائوین ایچینده سرین و مولایم هاوادا، اوز ائولرینی خلوت گوروب، آیاقلارینی بیر بوجاقدا اوزالتدی. دۆره‌سی دولویدو قزئت‌لرله. او بیربه‌بیر اونلاری آینه آلیب، اولجه اونلارین تیتزلرینه باخیب، سونرا خبرلرینی اوخویوب، سوندا بیر سیرا مقاله‌لر سئچیپ، اونلاری اوخوماغا باشلاپیردی. اگر حیس ائیله‌سه ایدی کی، مقاله چوخ غرض ایله یازیلیب، یا دا حددن آرتیق مطلبی دولاشدیریب و اوزو ده مطلبین ایچینده ایتیب و یا ثبوت‌لاری باراتی قانع ائله‌میر، اونو قیراغا قویوردو. بو، عینی حالدا اونا بو قزئت‌لرین خطرینی اؤیردیردی.

شامدان سونرا او ائلییه بیلیردی هوشنگ ایله بیرلیکده، قزئت‌لرین یازدیقلاری مطلب‌لر و اونلارین خط‌لری حاققیندا دا دانیش‌سینلار. هوشنگ ده وار اولان بوتون خبرلر حاققیندا بیلگیسی وار ایدی و بو قزئت‌لرین کیم‌لره باغلی اولدوق‌لارینی و اونلارین خطرینی بیلیردی. بو آرادا باراتا کؤمک ائدیردی کی، اوزونو تزلیکله گونده کئچن سیاسی جریان‌لار سطحینه چاتدیرسین.

کئچن دؤرد آیدا سولدوزدا ایشی سولچولار حرکینده جیددی چالیشمالارا مشغول اولان بارات ایندی سولدوزدان اوزاقدا اوزونو تئوریک و سیاسی باخیمیندان گوندمه کتیرمکده ایدی. تهران ایراندا کئچن سیاسی مساله‌لرین بؤیوک داماری ایدی. اونا گۆره بارات بو مؤیدانین ایچینده اولمالی و اوزون یوخارییا چکمه‌لی ایدی. بوراداکي یولداشلاری بوتون بو کیتاب‌لاری اوخویوب، اونلار حاققیندا بحث ائتمکله چوخ اؤزلرینی یوخاریی سوییه چکمیشدی.لر. بارات اوزونو اونلارین سطحینه یئتیرمه‌لی ایدی.

اونلار شامدان سونرا حیطه ساری اولان پنجره کیمی تخته و شیشه‌دن اولان قاپیلاری آچمیشدیلار، حتّا حَیْطِین چیراق‌لارینی دا یاندیرمیشدی‌لار، ائولرینین دینج موحیطینده هره‌سی آئینده بیر کیتاب اوخوماغا مشغول ایدی.لر. حتّا اونلار سیاسی مساله‌لرده چوخ جیددییه آلمادیق‌لاری موختارین آئیندن کیتاب یئره دوشموردو. بارات «کارل مارکس»ین «فرانسادا ایچ ساواش» کتآبینی آئینه آلمیشدی. داهای چوخ

بیر تاریخی رومانا بنزمین بو کیتاب بارات اوچون «کارل مارکس»ین دنیا گؤروشو، یازی اسلوبو هم ده تحلیل مئتودو باخمیندان چوخ اؤنملی ایدی. دوزدور کی، کیتابی چوخ راحتلیقلا اوخویا بیلیردی، آما اونون فیکرینجه، او اولایلار تاریخی باخمیدان چوخ دا اهمیتلی دئییلدی. «مارکس» اینقیلابین «میلّت لر» طره فیندن یارانماسینی و اونلارین خارق العاده یارادیجی گوجلرینی گؤستریردی.

اونون کتایبندان بارات ساده شئیلری اؤیرنیردی: انقلابی کوچهلر و خیابانلارداکی عادی و عامی میلّت یارادیر. اونلار بو یارادیجی گونلرده نه معجزه لر کی اؤزلریندن گؤسترمیرلر. ضیالی و تحصیل آلمیش آدم لار، انقلابا یول گؤسترمده آپاریجی روللاری اولدوغو قدر ده اونو روشوه و مقاما ساتماقدا خائن اولا بیلرلر. او دهیشیکلیک یاراتمانین و بیر یئنی سیستمین نئجه کؤهنه بیر سیستمین یئرینه اوتورا بیلیر، بونلارین دیالکتیکی میلّتین کوچهلردهکی یارادیجیلیقلاری، پارلماندا و سیاسی قوهلرین آراسیندا کئچن اولایلاری دا آراشدیریب و یئنی سیستمین «اثلئمانلارینین» یارانماسینی تاپیب و گؤستریر. بو گؤستریجی لری سوندا «کمون پاریس» کیتابیندا داها آرتیق آراشدیریر.

بارات اؤزونو ناصیرگیل گلنه کیمی حاضیرلامالی ایدی. اونلار حتماً بو کتابلاردان بیر نئچه سینی باراتدان قاباق اوخویولار. بارات اؤزونو اونلارین سطحینه چاتدیرمالی دیر. بارات ایستهمیه ایستهمیه تهرانا گلملکه باشقا بیر دونیایا گیرمیشدی. سولدوزدا کئچن مسأللر تئهرانداکی لارلا تام فرقلی ایدی. او، سولدوزون گنجهلر تیر آتمالاریندان اوزاق اولاراق، اورانین کیچیک اولدوغو حالدا دولاشیق دوروموندان اوزاقدایدی.

گنجهنی هئچ بیلمدی هاچان یوخویا گنتمیشدی. بارات چوخ زامانلار یئرده اوزاناراق کیتاب اوخویاندا سوندا گؤزلری آخیب و کیتابی آلیندن دوشوب، همن حالدا یوخویا گنדרدی. بعضاً یولداش لاری اویاق اولسایدی لار، اونو اویاداردی لار؛ بعضاً اوستونه بیر یورغان آتاردی لار و بعضاً گنجهنین یاریسیندا اویانیب و اؤزونه یورغان- دؤشک سالیب، یئرینده یاتاردی.

بارات گنجه یاتاندا گوندوز گزدییی یئرلر و ایشتراک انتدییی بحثلرین یوخوسونو گؤروردو. او، گوندوز یئتمه ییب یوخودا دا اؤز دوشونجهلری و اوخودوغو مطلبلری یادینا سالیب، آراشدیریر و خاطیرلاییردی. یوخوداکی بحثلرینین منطیقی بیر سیستمی و قورالی اولماسایدی دا، یئنه ده ذهنیده اؤیرندیی مطلبلری تکرار لاییب، اونلاری دئییه دئییه ساخلایب، یاشادیردی.

گنجهنین یاریسی بارات قالخیب یورغان دؤشهمی سالیب، ایچینده یوخویا گئندنن سونرا یوخوسو درینلشدی. او صاباح یوخودان اویاناندا حیس ائتدی کی، یورغانینین ایچی ایستی، ائشییین هاواسی سویوق ایدی. یورغانین آلتیندان قالخماق ایستهمیردی. اوزونه سویوق ووروردو. هاوانین ایشیقلیغی دا اونو راحت بوراخمیردی. هامیدان

چوخ «موختار»ین باشماق لارینین سەسلری دە گلیب - گندیرکن اونون قولایغیندا توخماق کیمی سەسلەنیردی. او اۆز- اۆزونه موختارا یامان دئیردی کی، سن بیلە- بیلە بو سەسی سالیرسان و یا بیلە- بیلە.

آخیردا بارات باشینی یورغاندان چیخارتدی انشییە. آل لرنی اوزادیب، اۆزونو تیر چکیب، آسنەمەیه باشلادی. دۆرەسینە باخاندا گۆردو کی، ناصیر دە اورمیەدن دۆنوب، سەسسز- سمیرسز یورغان- دۆشەیینی سالیب، درین یوخویا گندیب. اوندان بارات احتیاط ایله قالخیب، سحر یئمەیینی حاضیرلایان موختارا ساری گتندی. اونون قولایغینا پیچیلدا- پیچیلدا یا و عینی حالدا بیر جیددی و یاری عصبی حالدا دئدی کی، «نە خبر؟ باشماق لارینلا بو قدر سەس سالیمسان؟ مگر گۆرمورسن کی هامی یوخودا؟» بو حالدا دۆننە گۆردو کی، هوشنگ اوز اوتاغینین اورتاسیندا او گونون قرئتینی یئره سرب، چوخ جیدی اوخوماقدایر و بارات اونون اوتورماق - باغداش قورما حالیندا نەجە کمرینی بو قدر آییب، قزئتین یازیلارینین ایچینە جومماسیندان تعجب ائدیردی.

اونون تمرکوزونو بیر- بیرە وورماسین دئیە، بارات اول اوتاق لارینین ایچینە حیطە آچیلان قاپی لاردان حیطە گندیب، بیر درین نفس آماغا باشلادی. تهرانین هاواسی یئنە صوبح لر آخشاما نسبت چوخ تمیز ایدی. قونشونون تزه بالالامیش پیشیکلری عایلەلیکلە بیرلیکدە بیر- بیرلریلە بونلارین حیطلریندە اویناییردی لار. بارات بیر نەچە آندان سونرا حیس ائتدی کی، گرک آل - اوزونو یوماق اوچون بیر حاماما گتتمەلی دیر. هامی دورمامیشدان قاباق تمیزلیک اوچون یاخشی بیر زامان دیر. بارات حامامدان قورتولوب - چیخاندان سونرا، گۆردو کی، هوشنگ خبرلری اوخوماقدان قورتولوب فیکرینین یاریسی موختارین سحر یئمەیینی یانیندا، او بیرری یاریسی دا بورنونو قورو- قورو، چکەچکە او خبرلری تجزیە تحلیل ائتمکە دیر. اونون هله مورگوسونو پوزمادان تنز اۆز اوتاق لارینا گیردی. یاری-اویاق اولان ناصیر دە اویانماق ایستەمیردی، هله یورغان-دۆشەیین ایچینە ایدی. بارات پالتارلارینی دەیشیب، هوشنگ گیلە قاریشدی. چای، پنیر- چۆرک و اومثلئت صوبحانەیه حاضیر ایدی.

هوشنگ بو طرفدن سەسلندی. «ادە، پینەچی، بس نە زامان یورغان - دۆشکدن قالخاجاقسان؟» «پینەچی» بیر آد ایدی کی، هوشنگ ناصیرە وئرمیشدی. ناصیر بونو انشیدندە اۆزونو تیر چەکیب، آسنەمەیه باشلایاندا سونرا بیردن دیک قالخدی و یورغان-دۆشەیینی ییغماغا باشلادی. هله گۆزلرینی تام آچماق ایستەمەین ناصیر موختارین حاضیرلادیغی صوبحانە یئمەییندن کۆچە بیلمزدی؛ هله قالدی کی، تزه اول.

ناصر اوتاقدان چیخاندان سونرا اونلارین اوچویله اۆپوش- گۆروشدن سونرا تنز آل-اوزونو یویوب، تزه قزئتین اعلانلار صحیفەسینین اوستونده سوفره آچراق

سحر یئمیهینی تزه چورکله یئمیه باشلادیلار. موختارین ائو ایشینی گورمکه مخصوص واسواسی وار ایدی و چاپلار پارلاق استکانلارین ایچینده بوغلانلاراق لیقوان پنیریه ایشتهای ائله آچیردی کی، اونلار نه زامان قزئت کاغذندان سوفرملرینین بوشالیدیغینی بیلمهدی.لر. سونرا قزئت کاغذینی بوکوب، آشغال قابینا آتدی.لار. اوندان سونرا ایدی کی، اونلارین دانیشمالاری، بیر- بیره دولاشمالاری باشلادی. اونلار هنجکیم بیر- بیرینی اؤز آدیلا سهسلهمزدی.لر. اونلارین هر بیرینین بیر قوندارما آدی (آیاماسی) وار ایدی.

ناصرین آیاماسی «پنهچی»، باراتین آدی «قمه»، هوشنگین ایسه «لهوی» ایدی. بیر موختارین قوندارما آدی یوخ ایدی. اونلارین بیر- ایکی ساعات واختلاری وار ایدی کی، سولدوز- اورمیه و اورادا گوردوکلری ایشلر و خاطیرملردن بیربیرلرینه تعریف ائتسین.لر. او بیریلر خصوصی ماراقلا ولایتدن تزه گلن ناصرین اورا حاققیندا دانیشماغینی ائشیتیمک ایستهییردی.لر. اما او آغزینی آچیغیندا بارات و هوشنگین ده خاطیرملری تۆکولمیه باشلاییردی.

اونلار سولدوز ایله باغلی دانیشیقلار آریا گلنده اؤز نیگرانچیلیقلارینی بیلدیرمکدن اسیرگهمیردی.لر. اونلار دوردولاشیق وضعیتده اؤزلرینی بیر طرفدن عاجیز گوروب، او بیرری طرفدن سولچولار تشکیلاتینی ایچهریدن و ائشیکدن سولدوزدا گوجلندیرمکدن سونرا باشقا بیر ایش آللریندن گلیردی. اونلار داها تهرانا گلندن سونرا تهران اونلارین اصلی جولانگاهینا دؤنموشدو.

بو گون بارات «مئیکده» خیابانینا و فداییلر تشکیلاتینین دفترینین قباغینا گئتمک ایستهییردی. هوشنگ و ناصر هر ایکسی اؤز اونیورسیتهلرینه گئتمهیی دوشونوردولر. اونلار اؤز یولداشلارینی گورمک و اؤز ایشلریله مشغول ایدی.لر. بارات یولون بیر بؤلومونو اوتوبوس ایله و قالانینی پیدادا «کشاورز» خیابانیندا یولا دوشوب، فداییلر تشکیلاتینین دفترینه یاخینلاشدی. او بؤیوک و اوجا آپارتمان بیناسینی گوردو کی، اوستونده بؤیوک فداییلر «آرمی» یاپیشدیریلیب.

او عینی حالدا قاپیداکي کنشیکچیلری گورندن سونرا گوردو کی، بیر سیرا آدم بینانین ایچینه گیریپ-چیخیرلار. قاپیدا هنج کسی و گلیب گئندلردن هنج بیرینی تانیمادان و قاپیدا کشیکچیلری گورندن سونرا اؤزونه جورأت وئره بیلمهدی کی، ایچهریه گئتسین. البته ائشیکده ده بؤیوک هنگامه وار ایدی.

بینانین یاخینلیغینداکی پارکدا جاماعات توپلانمیشدی. اورادا دانیشیقلار و سیاسی بحثلر گئدیردی. بو دانیشیقلارین ایچینده نچه نفر ده «کونفدراسیونچولاردان» وار ایدی.لر کی، تکجه بیژن جزنی، احمدزاده، پویان، چه قواری، هوشی مین و کاستری دئییل، کلاسیک سوسیالیستی کتابلاری دا دریندن اوخوموشدولار کی، اونلارین چوخو هله تهراندا چاپدان چیخمامیشدی.لار.

پارکین آچققلیغیندا و باهار گونشینین قاباغیندا بحثلر و دانیشیق لار مولاییم، صفالی و درین قاباغا گئدیردی. ایسلامی فالانژلاردان هئچ بیر نشانه یوخ ایدی کی، قولاق آسماق یولو ایله اویرنمک قابلیتی یاخشی اولان بارات اورادا دایانیب، او بحث ائدنلرین صوحتلرینی اویرنمیه چالیشیردی. او اوزونو بیر سوسوز اینسان کیمی گوروردو کی، بو بوللو کتابلار و بیلجی لر دنیزیندن چوخ ایچمه لی ایدی.

اونلار «بایرامین سیزده» تعطیلینی «لشکرک» طرفینده سو قیراغیندا گوروشمیه قرار قویموشدولار. اونلارین اوزلری هورموز، یوسف، و بیر نئچه آیری یولداشلار بیلرلر «آیری قولارین» هئیکلی اوستونده و گوز یاشیندان دا دورو سویون کناریندا بیشیریپ، دوشویوب و یئیندن سونرا هاوالار سویوق اولمادان قابق تهراندا دوندولر. صاباحدان اونیورسیتهلر آچیلیب، بارات آی لار اوزاق اولاندان سونرا یئنه ده اونیورسیتیه دؤنمه یی گوزله ییردی.

اونلارین اتولری یئیندن جانلانمیشدی. هله ایسکندر ایله احمد گلهمیشدی لر. اورادا هر کسین آئینده بیر کیتاب اولاندان سونرا اونلار اوزلری ده ایدئولوژیک مسأللرین حاققیندا دانیشیب بحث ائتمیه باشلامیشدی لر. هر شئی دن آچیق بحث بو ایدی کی، «ناصر» چیریکی یول ایله موخالف اولدوغو اوچون فدایی لری قبول ائتمیردی. بارات گیل ده بیر طرفدن شاه زامانین خاص شرایطی اولدوغو اوچون اونلارین مجبوراً بو یولو سئچمه لرینی قئید ائدیپ، او دؤرنین کئچمه سی و ایندی گلهمک مسأللری دوشونمیه سه سله ییردی لر.

اونلارین اتولرینن ایچهریسی گنجلر داها ایشیق و آیدین گورونوردو. اونلار فرقلی کیتابلار اوخودوق لارینا گوره اوخودوق لارینی دا اولدوغو قدر بیر بیرلریله پایلاشیردی لر. باراتین باشا دوشدویو آیری بیر مسأله ده بو ایدی کی، تحصیلی باشا ووران و حربی قوللر اوچون کئچیرمکه اولان «موختار» یولداشی اوز یولداشلاری آراسیندا اینقیلابی دوشونجه لری یایماق اوچون گوروشمه لر، دانیشیق لار و بیر پارا چالیشمالار آپاریردی لر. اونلار ایندییه قدر چوخ جیددییه آلمادیق لاری مختاری اورکلرینده بو مسأله دن غورور لانیپ و سئوینیردی لر.

صاباح هامی اونیورسیتیه عشقینه و یولداش لارینی گورمک عشقینه هئچ بیلمه دی لر، نه زامان قالخیپ صوبحانه لرینی یئیب، نه زامان یولا دوشدولر. بارات بیر زامان گوردو کی، «پارک وی» جاده سینده اتوبوسون ایچینده اونیورسیتیه یولوندا پنجره دن انشیه باخراق، اوز درین رویا لارینا جوموب. یولداکی بینا لار هئچ ده ییلمه میشدی. باهارین هاواسی اونیورسیتیه یاخینلاشدیقجا داها پارلاق و تمیز گورونوردو.

اتوبوس همیشه کی کیمی بئین المیلل سرگی لرینی قاباغیندا کئچندن سونرا دئنگه دن دؤنوب، یوخاریلار چاخراق اونلارین اونیورسیتیه سینیه یئتیشدی. بارات همیشه کی کیمی «طیب فاکولته سی» نین گیریشینده اولان بیرینجی دورا قدا یوخ، بلکه

ایکینجی دوراقتا ائندى كى، اونلارين فاكولتهسینه داها اويغون ایدی. بارات چينينده بير ساكى وار ایدی كى، ايجينده تقريباً هئچ بير درس كيتابى يوخ ایدی. يارات اتوبوسدان ائنددن سونرا يولداشلاريندان هئچ بيرينى اتوبوسدا گورمهيب، اوز فاكولتهلرينه طرف يولا دوشدو. داغلاردا هله چوخلو قار اولدوغو اوچون آسن يئلر سويوق و هله كسرلى ایدی. عینى حالدا گونش چيخيب و هر يئر پاريلدايیردی. هميشه ياشیل اولان «سلب» (سرو) آغاجلاری بوتون اونيوئرسیتده و هر بير يئرده گوزه ووروردولار. بارات اونلارا از ديقت گؤستريب باهاردان نشانهلر آختاریردی. او يئرده «اوچ يارپاق» و «يونجا» اوتلارينين چمنليكلرده يئرى تزمجه سؤكوب چيخديقلارینی گوروردو.

بارات اوز فاكولتهلرينه يئتيشندن سونرا چوخ چهكمهدى كى، يولداشلاريندان بيربهير نچهسينى تاپدی. او، اونلار يلا بيربهير اؤپوش-گوروشدن و قيساجا دانیشانان سونرا، فاكولتههين ايکينجى و اوچونجو قاتينا چيخدی. او، آخیردا اوزونو آخیر قاندا «کيتاب ائوى» نين قاباغيندا گوردو. باراتين بو کيتاب ائوينده اينقيلابدان قاباق ياشاديغى بوتون خاطيرملرى بيربهير نظريندن كئچيردی. او، اوزوندن سوروشوردو كى، داها اينقيلابدان سونرا کيتاب ائوى نه رُل ايفا ائدمجک. بو سورونو اوزو و اوز يولداشلاری حاققيندا سوروشوردو. اونلارين وظيفهلى بوندان سونرا نه دير.

او عینى حالدا دولاناراق هله چوخلو يولداشلاريندان اورادا يوخ ایدی لر. او، بونا گوره بؤيوک بوشلوق حيس ائديب، گؤزلرى نه ايسه آختاریردی. بونا بنزمهيردی كى، بير شئى ايتيرميش و تاپا بيلمير. نظرينه گليردى كى، سوسوزدو و هر نه قدر سو اچسه ده دويمور. اونون عطشى بو آختاريب و باخمالارلا يتمهيردی. خصوصاً، او کيتاب ائوينده حيس ائديردى كى، اورهمى سيخيلير. عيلىتى بيلمهمن اوزونو «حقوق فاكولتهسى» نه يئتيردى. اورادا سوروشوب، خبردار اولدو كى، «نوروز» دا سولدوزدان گليب و فاكولتهدهدير. سونرا اونون ناهار اوچون رئستوران گئتمهسينى بيلديکده اوزونو اورا يئتيريب و اونو تاپاندان سونرا اورهمى دينجلدی.

نوروز بير نچه نفر اوز فاكولتهلرينين داغچى و يا ايندى دئمک اولار كى، سولچولار يلا بير ميزين باشيندا ناهار يئييردى لر. اونلارين تقريباً هاميسينى تانييان بارات دا اونلارا قاتيلدی. ناھاردان سونرا بير ساعت قدر نوروزلا بيرليکده قدم آتيب دولاندى لر. سوندا بارات اوز فاكولتهلرينه دؤندو. آخشاما ياخين داها بير نچه نفر يولداشلاريندان گوردو. ايکى ايسماعيللاری تاپدی، آما هله ابراهيم ايله حميد گلهميشدی لر.

بارات آخشام ائوه گليركن عطشى ياريمچيليق آرادان گئتميشدی. اتوبوس آخشام گونهشين باتان زامانى «پارک وى» جادهسينده اوزو آشاغى گئندده باراتا بير

دینجلمه حیسی وئریب و اورهییی ساکین اندیردی. او چیراق لارین بیربه بیر ایشیتیسینا باخراق، آخشامین گونش باتماسینین بوتون قارانیغا دؤنمه سی و سونرا بوتون ائولر و خیابانلاردا چیراق لارین ایشیتیسینی گوروردو. شهرده یاشاماق بیر دؤره سینی بیتیریپ و بیر یئنی حیات باشلاییردی.

بارات ائوه گلهمیشدن گوردو کی، «ائو صاحیبی» هوشنگ گیلین اوتاغیندا اونولا دانیمغا گلیب. اونلار ناصیرله بیرلیکده قیرتیلدایا. قیرتیلدایا گولوب اؤز اوتاق لاری طرفه گئتدی لر. هله ایسکندر ایله احمد اورمیهدن دؤنمه میشدی لر. اوتاقدا هوشنگ ایله هورموز وار ایدی و اونولا دانیشیردی لار. ائو صاحیبی بیر طرفدن ائوینی تحویل آلماقدان دانیشیردی و او بیرری طرفدن «اونو اوچ نفره یوخ سککیز نفره کرایه وئرمیش» دئییردی. البته بو ائوصاحیبی یاخینلاردا ائوی قاباقکی صاحیبیندن آلمیشدی.

بارات گیل ده هردن بیر چای دمله مک، یا دا سو گؤتورمک باهانا سینا ائشییه چیخب، ایچهرییه گلیردی لر. اونلار ایچهریده کی اولای لاردان خبرلری یوخ ایدی، آنجاق هورموز ایله هوشنگین یوموشاق دانیشیق لاری گؤستریردی کی، اونلار یوموشاق گلیرلر. بئله آندا اونلار آرزو اندیردی لر کی، «کئشکه زیاد بورادا اولاردی». او بونلار یوموشاق دانیشماغین عاقبتینی گؤسمه رردی.

بیر ساعات یاریم یاخین اونلارین دانیشیق لاری سورندن سونرا کیشی آیریلیب گئتدی. هوشنگ ده مخصوص طرزده - باشی بوینونون اوستونده بیر آز اییلن کیمی - فیکره جوماراق دورا- دورا اونو یولا سالدی. او ایچهرییه دؤنرکن بورنونو چکه چکه گلیردی. بئله کی، اونون بورنو تام قورو ایدی، اونون بورنونون چکه سی بیر جیددی دیشیکلیک علامتی ایدی.

او، شام سوفره سی باشیندا بارات ایله ناصیره دئدی کی، ائوصاحیبی ائوینی تحویل آلماق ایسته ییر و اونلار ائوی یواش یواش بوشالتمالی دیرلار. بیربه بیر ائو دالیسینجا گزمک مجبوریتینده دیرلر. بارات گیل دیلده قبول ائتدی لر. اما بیلیردی لر کی، اونلارین هرگون اونیورسیتمده و یولداشلاری ایله اینقیلاب دالیسینجا گؤرولمه لی او قدر ایشلری وار کی، بو ایشلره واخت لاری یوخدور. هله اونلار تهراندا گلندن بری ائو دالیسینجا گزیب آختارما ییلار، بو انقلابدان سونرا هارادا ائو دالیسینجا گزمک لر. ناصیر دؤنوب و هوشنگه بیردن دئدی: «ائو صاحیبی کی بیر سرمایه داردیر و نئچه ائوی وار. بو ائوی گئری آلماقدان هدفی نه دیر؟ بیزلر کی کرایه سینی داییم وئریریک». بو سؤزون مضمونندان بللی ایدی کی، اونلار دیلده ده قبول ائدیب، ائو دالیسینجا گزن دئییلدی لر.

گونلر بؤیله گلیب گئدیردی. بارات ایله ناصیر نه ائو دالیسینجا گزیردی لر، نه ده بیلیردی لر کی، نئجه و هارالاردا گزسینلر و نه ده اورادان چیخماغا اؤزلریندن جیددی هوس گؤستریردی لر. نهایت بیر گون هوشنگ گلیب اونلارا دئدی کی،

اونلار اوچون «ستارخان» خيابانيندان آيريلان «تاج» خيابانيندا بير ائو تاپيب و اونون قراردادين دا اؤز آدينا باغلاييب. داها بارات ايله ناصير بونون آلتيندان قاچا بيلمزدى لر.

ائوى گنديب گؤرندن سونرا اونلارين پيس لرى ده گلمه دى. واقعيتده بير مىقدار دا دورومو و وضعيتى «اينقىلاب» ميدانينداكى ائولريندن داها ساكين، آغاجلى و ياشيل، يئنى تيكيلمىش محله ايدى. ائوين اشاغيسى بير چوركچى خانا ايدى كى، اونلارين ائولرينى ايستيلشديريردى. اورادان هر لحظه ايسته سميدي لر، تزه چورك آلا بيليردى لر. كوچهلرين دؤنگه سينده ايكي نبشلى بير ارزاق دوكانى وار ايدى كى، اونلار دا تورك ايدى لر. او چوركچى لر و باققالين تورك اولماسى اونلارين اورمكلرينى سرينلهديب و راضيليق وئردى لر كى، اورايا داشينسين لار. اونلار يورغان دؤشك باغلامالارى، سونرا دا كتابلارينى و بير قدر ده قاب قاجاق لارينى داشييب اورا گتيردى لر. هوشنگين موللا نصرالدينين قوجالميش ائششمىي اوندان داها قيوراق اولان «ژيان» ماشينى اونلارين اسباب لارينى داشيا بيلدى. اونلار اشاغيداكى باققالدان يئر آلما، سوغان، دويو، يومورتا، باديمجان و نهايت چوركچى خانادان چورك آليب، شام لارينى بيشيرندن سونرا ائوده نه قدر آلمالى اسكيكليكلرى گوردولر.

اونلارين ائولرينده بير بويوك اوتاق وار ايدى كى، دوز چوركچى خانانين اوستونده ايدى. اونون كنارى دا بير اوچ تام اوندا بئش ائنينده و دورد تام اوندا بئش اؤلچولو (3.50×4.50) بير اوتاق وار ايدى. اونلارين بير كيچيك مطبخ لرى ده وار ايدى كى، اورادا هر ايش لرينى گؤره بيليردى لر. اوتاكلارين پنجره سى ده خيابانا باخيردى كى، قويموردو اونلار داريخسين لار.

ائشيك قاپينين گيريشيندن سونرا بير سيرا پيللهلردن يوخاريا چيخاندا سونرا ساغ طرفه دؤنركن اونلارين ائولرينه گيرمك اولوردو. ايچهريله گيرندن سونرا بير نازيك يولاق وار ايدى كى، سول طرفينده مطبخ، ساغ طرفينده كيچيك اوتاق لار يئرلشميشدير. بو يولاقدا دورد بئش متر گئندن سونرا بويوك اوتاغا گيريردين كى، اونلارين قوناق اوتاق لارى سايىلا بيلردى. بو اوتاغين بلكه 4.50 متر ائنى و 6.00 متر اوزونلغو ولا بيلردى.

ائوين دؤشمه سيني قيرمزي موكت ايله دؤشمه ميشدى لر كى، حددن آرتيق قيرمزي اولماسى بير قدر گؤزه چارپيردى. بارات گيل اونيئورسيته لريندن بير آز داها آرتيق اوزاق اولموشدولار. اما اونلار آن آزي ايكي گوندن بير اينقىلاب ميدانينداكى ائولرينه بير باش چكيب، سونرا گئجه نى شاما و ياتماغا اوز ائولرينه گليردى لر.

بارات ايله ناصر او ائودن چيخاندا سونرا، او ائوده يالنيز هوشنگ تكيه جيدي شكيلده گونون سياسى اولايلا ريلا ايلگيله نيپ و موطاليعه انديردى. اونلارين

یولداشلاری دا باراتگیله، یا دا هوشنگگیله گلمکده بیر میقدار آوارا قالمیشدی لار. البته هر گون باراتگیل اوز ائولرینه گلندن قاباق هوشنگگیلین ائولرینه بیر باش ووروردولار، اونا گوره اونلارین یولداشلاری دا آخشام اوستو اورایا گلیب و اورادا بیر-بیرلرینی گؤروردولر.

زامان- زامان هوشنگگیل باراتلا ناصرین ائوینه باش چکمله، هم ده بارات و ناصیرین هوشنگگیلین ائولرینه باش وورماغا آز واختلاری اولدوغو اوچون اونلارین یولداشلاری باراتگیلین ائولرینه ده آردیجیل باش وورماغا آلیشیدیلار. هم ده اونلارین ائولری بیر-بیرلریندن ده چوخ اوزاق دئییلدی، بلکه فاصیلهلری یاریم ساعتدان آرتیق دا اولمزدی.

باهارین ایلک گونلری ایدی. هاوا هله سویوق و هردن ده سرین اولوردو. اونا گوره چۆرکچی خانا اوستونده اولان اوتاغین چوخلو طرفداری وار ایدی. باراتگیل ده گندمه گنده مطبخ قاب- قاشیق و وسایلرینی کامیشدیریب و کامل بیر ائوه چئویریلدی لر. اونلارین قرارگاهلاری بیردن آرتیب ایکی اولموشدور.

بوتون بینانین صاحیبی اولان ائو بییهسی بیر قوجا، ساوادیسز، کؤهنه سایاق بیر کیشی ایدی کی، او دا تورک ایدی. باراتگیل تعجب اندیردی لر کی، نئجه اولاییلر، بیر ساوادیسز، حتّی فارس دیلینده دانیشا بیلیمین بیر تورک ستارخان خیابانیندا بئله بیر بینا صاحیبی اولسون. ماراقلی بودور کی، نئجه بوستانچی لار گونده و یا هفتهده بیر گون بوستانلارینا باش چکرلر، بو کیشی ده هفتهده، یا دا ایکی هفتهدن بیر اونلارین قاپی لارینی دؤیردی کی، گلیب مولکونه باش وورسون. بعضی ائولر ایکی نفره کیرایه وئریلمیشدیر، آما هر زامان اورادا بئش آلتی نفر یاشاییردی و او پاپاقلی قوجا کیشی گلنده دامین اوستونه چیخان و توالئتده گیزلنن لر اولوردو.

نئچه دفعه بئله حال لار یارانیدقا هوشنگ بیرینجی نفر ایدی کی، بورنونو چکهچکه دامین اوستونه قاچیردی. آنلاشما (قرارداد) آدینا اولان هوشنگ هامیدان چوخ احتیاط اندیردی. ناصیر ده بو بیرى طرفدن دؤنوب دئییردی کی، «بیخود ائلییر او «سرمایه دار» فیلان - فیلان اولموش، اونون ایندی نئچه دنه بونا تایی بیناسی وار. حاققی یوخدور، بیزلره موزاحیم اولسون. اصلاً، گلین کیرایه سینی وئرمه ییک. بو سؤزلری دئینده، آنلاشما آدینا اولان هوشنگ بورنون داهایا تئز- تئز چکیب و ناصیره اویود وئرمه یه باشلا بیردی.

باراتگیلین فاکولتهلری و اونیوئرسیتهلری نورمال حالینا دؤندو. اونون یولداشلارینین هامیسی تعطیل لریندن قاییتدی. او تعجوبله گؤردو کی، هله «احسان» درسینی قورتارما ییب و یئنه ده اونیوئرسیتیه گلیر. ابراهیم ایله حمید ده فاکولتهیه

دۇنندن سونرا داھا بارات دارىخمىردى. جعفر، نورعلى، احمدگىل، على، جمشىد. ھامىسى گلمىشىدىلار. باراتى يولداش لارىن ھامىسىنى انقلابىن غالىب اولماسىندان سونرا گۇرمەسى اونو چوخ سۇيىندىرىدى. اونلار داغىن آتەيىندن «اۋىن» زىندانىنا باخاندا اورا نظرلرىنە كىچىمىش چىركىن بىر دۆرە عايد بىر موزە كىمى گلىردى. اونلار اۋز فىكىرلرىنچە، بوتون زنجىرلىرى قىرا بىلمىشىدىلار. اونلار ھامىسىنىن اوزلىرى گولوردو.

بارات بىرىنچى دفعە اولاراق، خاتونو يىنە دە آخىر قاتدا كىتاب اۋىندە گوردو. ھمىشەكى كىمى اوزون و قارا ساچ لارىنى دالىدان كىش (رئزىن) ايله باغلامىشىدى. اونون اوجالىغى دا دوز بارات قدر اولاردى. بارات دوز گىندىب و اونون مىزىندە اوتوردو. بارات سلام و ئىرىكن، خاتون دوداغىنىن قىراغىندان گولومسەيىب، مخمل كىمى سەسىلە جوابىن قايتاردى. بارات اوندان سوروشماغا باشلادى، خاتون دا قىسا. قىسا گىنىش شكىلدە نىچە ايدا زىجان لا تەرانىن آراسىندا اولماسىندان دانىشىدى. بارات خاتونون گۇزلىرىندە قورخو كىمى بىر وضعىت حىس ائىدى. اونون اورەيىندە دە بىر طوفان كىمى طوغىان وار ايدى. بارات خاتونون روحيەسىنى او بىرى يولداش لارىندان فرقى حىس ائىدى. اونون او بىرى يولداش لارى ھامىسى بىر ظفردن دۇنموش عىسگر كىمى داورانىردىلار، حالبوكى، «خاتون» ساواشا گىندن بىر عىسگر كىمى مىن بىر فىكىر اورەيىنىن اىچىندە وار ايدى. آما بارات يالنىز خاتونو اورادا گۇرمەكن و اونون مخمل كىمى سەسىن ائىشەتمەكن اورەيى دىنجهلىب و آرامىش تاپاندا سونرا او بىرى ايشلارىنىن دالىسىنچا گىتتى. بارات، خاتونون اورەيىندەكى طوفان و فىرتىندان خبرى يوخ ايدى.

اولا بىلىسىن، خاتونون اىستەيەنى وار و بىر كىس يا كىسلر اونولا ائولنەك اىستەيىر. آما باراتىن بونلاردان خبرى يوخ ايدى. بلكە دە اونو اىستەيىنلر اونون اۋز فاكولتە يولداشلارىندانىر. اگر بىلە اولسا، خاتون نە جور قرار وئرسىن. او كى بارات ايله بو حاقدان دانىشا بىلمز. بارات دا كى، بىش قىران جىيىندە پولو دا يوخ و عۇمرونون ئمرەلى گونلرىنى و گەجەيىنى بو اىنقىلاب يولوندا قويوب، بو فىكىرلەر اۋزوندە يىر وئرسە دە، اونلار ىن گىرچەكلشە بىلمەسەيىنى دوشونوردو. اونا گۇرە بلكە دە قورخوسوندا اونلار فىكىر ائتمەيە بىلە اۋزونە يول وئرمىردى. او فقط خاتونو گۇرمەكن و اونون بىر كىچىك گولومسەمەسىندن اورەيى دىنجهلىب و آرامىش تاپىردى.

بارات ياواش-ياواش گۇردو كى، اونون يولداشلارىنىن بىر سىراسى «فدايىلر» يوخ، بلكە باشقا سولچو تشكىلاتلار فىكرى باخمىندان باغلاناراق، اونلارلا چاليشىرلار. او گۇردو كى، اونون تورك يولداشلارىندان ايكى اىسماعىل لار، اىبراھىم و سونرا ائىسان دا تودە پارتىياسىلە چاليشىرلار. اونلار باراتىن بو نىچە ايدا سولدوزدا اولدوغوندا خاتونو دا چوخ اۋز طرفلرىنە چكىمىشىدىلار. آما خاتون

اونلاردان بیر نئچه آتدیم آرا ساخلایارق، «فداییلر» تشکیلاتینا باغلی اولان باراتگیله اؤزونو یاخینلاشدیریردی. اونلارین یولداشلاریندان «جعفر» «اوچ دنیا» طرفی اولان تشکیلاتلار ایله چالیشیردی. اونلارین فاکولته‌سینده بیر نئچه نفر ده چوخ جیدی و ساوادلی و هامیسی دا دؤردونجو ایل اویرنجی‌لری بو یاخینلاردا داخل اولموشدولار.

اونلاردان ایکسی خاریجدن گلیب و اونیورسیتهلرینین سون ایلینی باراتگیلین فاکولته‌لرینده اوخویوردولار. اونلارین بیرى اوچ دنیا تئوریسینین طرفدارى اولاراق، جعفر ایله بیرلیکده چالیشیردی‌لار. او بیرسی ده بیر تمیز و دیلی‌باشلی جاوان ایدی کی، داغ چتینلییی چکمه‌میشدی. او دا فدایی‌لر تشکیلاتینین طرفدارى ایدی. اوچونجو اوغلانین آدی «موختار» ایدی. او قالین عینکلی ایدی و بئش ایل سیاسی محبوس اولدوقدان سونرا آزاد اولموشدو و درسینین بیتیرمه‌سی اوچون یئنه ده فاکولته‌یه دؤنموشدو. اونو آنجاق احسان‌گیلین چاغداشلاری تانییردی‌لار. اونون بدننده یاغ تاپیلمازدی، او، هیکیلی خوش، قامتی نسبتاً اوجا و بیر آز دا دریمی قارایدی. او بئش ایل زندان چکه-چکه چوخ تجربهلّی، شّن روحهلّی و ایجتماعی بیر اوغلان ایدی. او بیر جمعیین ایچینده اولاندا بوتون جمعی شورا کتیریردی. او ایل‌لر بویو زیندان ایچینده «فدایی‌لر» و او بیرى سیاسی زیندان‌لر آراسیندا کئچن سیاسی و ایدئولوژیک بحث‌لرده ایشتیراک ائتدییی اوچون او باخیمدان دا چوخ قابیلّتی ایدی. موختار فاکولته‌ده آغیر و آپاریجی بیر مؤهره کیمی فدایی‌لر طرفدارلارینین ایش بیرلیکلرینده تانیندی. اونون منطیقی احمد، جمشید و علی‌گیلین چوخ افراطی حرکت‌لرینین قارشیسینین آلینماسینا سبب اولوردو.

خاتون بیر طرفدن ده بئله یولداشلارینین نئچه دسته‌یه بؤلونمهلریندن ناراحت اولاراق، اؤزونه بو مساله‌نی چؤزوب دوشونه بیلیردی کی، نهدن اونون بو قدر یاخین یولداشلاری نئچه ایل چتینلیکله شاه رئزیمینی ایشدن دئویردیکدن سونرا اؤزلری اؤز ایچ‌لرینده پارام‌پارچا اولسونلار. او هامینی یئنه ده بیرلییه و یولداشلیغا چاغیرارکن، هر کس ده چالیشیردی کی، خاتونو اؤز طره‌فینه چکسین. هامی دا اونا متانت و آغیر- سنگینلییینه و خاپاناق زامانی موباریزه‌لرینه گؤره سایغی گؤستریردی‌لر.

خاتونون درسی ده آز قالمیشدی قورتولسون. او باراتدان بیر ایل قاباق بیر، یا ایکى تئرمده (سئمیسئترده) قورتارا بیلیردی. حالبوکی بارات گؤتوردیو بوتون درس‌لرینی قبول اولسایدی دا، یئنه ده بیر ایلدن چوخ اورادا قالمالی ایدی. خاتون یولونون سونونا چاتان بیر یورغون عسگر کیمی ایسته‌ییردی کی، درس‌لری ده تئز بیتسین و بو داغی دا آشسین. هامینین گؤزلری انقلابین غلبه‌سیندن سونرا دؤنمه‌سینه گؤره گؤزلری پارلاق اولسایدی دا، خاتونون گؤزلرینده بیر قورخو کیمی حیس وار ایدی کی، باراتی بیر قدر ده نیگاران ائتدیردی. او، خاتونون دایانیش گوجونه

ایناناراق، بو مسالهنی چوخ اهمیتلی سایمیردی. هم ده بارات اؤز دونیاسینداکی اؤلچولرله بو مسالهنی آراشدیردیگی اوچون اونو تام دوشونه بیلیمیردی.

بارات بیرینجی دفعه اؤزونو تورک یولداشلاریندان آیری بیر صفده گۆردو. اونلارین هامیسی درس لرین ده بیتیرمک اوزره ایدی لر. اونلارین ایچینده حمید باراتا داها یاخین قالاراق، تئز درس لرینی بیتیرمک فیکرینده ایدی. اونون دۆردونجو کورسدا (ایلده) اوخویان چوخلو یولداشلاری درس لرینی تنزلیکله بیتیرمهیه چالیشیردی لر. اونلارین یولداشلیق لاری و ناهارا بیرلیکده گنتمه لری و بیر-بیرلرینین ائولرینه باش وورمالاری یئنمه داواملی یئرینده وار ایدی.

اونلار بیر-بیرلرینی فاکولته نین یولاق لاریندا گۆرنده بیر-ایکی توققا بیر-بیرلرینه ووراندان سونرا بیر نچه دنه آتماجا دا آتیردی لر. اونلار ساکین زامانلار بیر-بیرلرینی گۆروب سیاسی و ایدئولوژیک بحثلره باشلایاندا بارات گۆروردو کی، ایبراهیم و «اسماعیل» اوندان آرتیق کتاب اوخویوب و کلاسیک متن لری ده بیلیر لر. بو اونو داها دا اوخوماغا تحریک اندیردی. بلکه ده او فکرلشیردی کی، اونلار اوندان آرتیق اوخویوبلار، بلکه اونلار دا بارات اوخویان کتابلاردان اوخوماییب لر، بارات دا اونلار اوخویان کتابلاردان. هر حالدا اونلار بو بحث و دانیشیق لاردان بیربیرلریندن چوخلو شئی لر اؤیرنیردی لر.

بارات گیل دؤندن سونرا کئچن ایل کیمی، داغ کومیته سی تشکیل اولوندو و او دا هفته لیک داغ پروگراملارینی باشلادی. بارات اوچ ایلدن سونرا، جعفر ایله نورعلی نی داغچی لار کومیته سیینه دعوت اندهرک، اؤزو بو کومیتهدن چیخیب گئری چکیددی. اونلارین دایانمالاری و دؤیوش لری اگر شاه زامانیندا داغلاردان باشلاییب، سونرا فاکولته نین ایچینه، داها سونرا شهرلره چکیلسه ایدی ده، ایندی داغا سیاسی و ایدئولوژیک مبارزه اوچون گنتمک چوخ آز اؤنم داشییردی. بونا گۆره بارات هفته سونو ایکی گونو کیتاب اوخوماق و باشقا شهر ایچی چالیشمالارا اختصاص وئیریدی.

نورعلی گاهدان باراتی توتوب خبر آلیردی کی، «بس سن نهن داغا گلیمیرسن؟» بارات دا بیر باهانایلا آلتیندان قاچیردی. داغچی لار کومیته سی باراتین تزه گلن و بیر سیرا قدیمکی یولداشلاریندان او قدر توپلا بیردی کی، قاباقکی کیمی گوجلو اؤز ایشینی قاباغا آپارسین. تزه داغلارین و طبیعتین گۆزلیک لریندن کیم کئجه بیلردی. باراتین سادهجه داغا گنتمک اوچون واختی آز ایدی.

سولوزدان بارات گیلین یولداشلاری بیر-بیر دؤندولر. اونلارین هامیسی اؤز فاکولته لرینه گنذب درس لرینه باشلادیلار. اونلاردان سونرا اؤیرنجی اولمایان چوخلو یاخین یولداش لاری و تانیشلاری دا تهرانا گلدی لر. اونلار فرقلی آماج لار اوچون تهرانا گلیمشدی لر. تهرانا گلمه یین بیر سببی سیاسی چالیشمالارین دوز اورتاسیندا اولماق ایدی. او بیرری سبب ده سولوزون گون به گون نا امن اولماسی

ایدی. گنجملر اورادا تیر آتمالارین داوامی وار ایدی. یول قیراغینداکی پارتلیجی لار ایندییه قدر نجه نفرین آیاغینی آپارمیشدی. بو پاتلايیجی لارین هامیسی تورکلر بؤلومونده اولوردو.

قولو، حسین، خالخاللی لار عایلهسی، ماشاءالله خان عایلهسی و البتّه باراتین اویرنجی یولداشلاری فیروز، قولو، نوروز، اوروج، هابنله ایسکندرگیل - هامیسی دؤنوب تهرانا گلدی لر. اونلارین تهرانا گلملری بارات ایله ناصیره داها اورک وئیریدی. هر گون اونلار اوز ائولرینه گلندن قاباق بیر «نوصرت خیابانی» ائوینده دایانیردی لار. چوخ زامانلار قولو و حسین اوردادا گؤروردولر. اورادا نه قدر بیربیرلرینین گؤروشو و دانیشیغیندان لذت آپاریردی لار. سونرا آخشام اوستو ائولرینه دؤنوردولر.

اونیوئرسیتیه نین سون کورسونو بیتیرمکده اولان فیروز دا تهران اونیوئرسیتیه سینین یاتاق خاناسیندا یوخ، داها ائشیکده اوزونه ائو کیرایا لامالی ایدی. او دا قرار وئردی کی، بارات و ناصیره بیرلیکده ائو شریکی اولسون. فیروز بونلارلا بیرلیکده ائو شریکی اولاندان هوشنگ حیس ائتدی کی، او، ائوده اونونلا فیکیر پایلاشا بیله جک بیر کس یوخ دور. ایندی بو دفعه هوشنگ ایدی کی، اوزونو تک حیس اندیردی و تنز- تنز بارات گیلین ائولرینه باش چکیدری.

آغیرلیق داها دهیشیلیردی. هوشنگین ده بارات گیله چوخ باش وورماسی سبب اولدو کی، قولو و حسین ده بارات گیله تنز- تنیز باش وورسون لار. داها دئمک اولار کی، بارات ایله ناصیرین ائوی هوشنگ گیلین ائوی کیمی گئت. گالی اولوردو. داها او ائوده کتاب اوخوماق لار، بحثلر و دانیشیق لار داواملی قباغا گئدیردی.

بارات و ناصیر گیلین فاکولته لرینده درس لر باشلا بیر. بارات اوزو ده یولداشلارینین هامی سینین درس لرینی بیتیرمه یه چالیشمالارینی گؤرنده و اونلارین قورتولوب گئتمک لرینی تصوّر ائنده اونو داریخما با سیردی. عینی حالدا آلیندن بیر شئی گل میردی، چونکی هر نه ائتسه ایدی، آن آزی بیر ایل یاریم درسی قالیردی.

اونلار بوتون سولچو یولداشلاری ایله - هامیسی بیر- بیرلریله چوخ یاخین یولداشلیق و دوستلوق لاری اولدوغو، هم ده «توده پارتیاسی» نین طرفینی توتانلار اؤزلرینه فاکولته نین بیر اوتاغیندا بیر دفتر آچمیش دیلار. بارات دا طرفداری اولان «فدایی لر حیزبی» نین طرفدارلاری فاکولته نین بیر اوتاغینی توتوش دولار کی، اورادان اوز سیاسی چالیشمالارینی یؤنلدیردی لر. بوتون ایران سطحینده فدایی لر طرفداری اولان اویرنجی لر و شاگیردلر اؤزلرینی «پیشگام» (اؤنچول) آدلاندیریردی لار. بارات گیلین فاکولته لرینده ده «پیشگام» اویرنجی لر اؤزلرینه بیر اوتاق آبی ریب، اونا تابلو ووراراق، اورادا ایش لرینی گؤروردولر.

باراتین بیر «قوزئی ایرانی» و یا «مازندران» اوستانیندان بیر سولچو یولداشی وار ایدی کی، ایکسی ده بیر ایله اونیوئرسیتیه گل میشدی لر. او یولداشینین

آدى «ذبيح» ايدى. ذبيح بير چوخ جىددى سولچو ايدى. فيكىر و مطالعه باخيمىندان بارات لا برابر گلهبىلردى. اونون بارات لا بير نئجه فرقلى جهتلىرى وار ايدى: بيرىنجى، او داغا آزاراق گلردى؛ ايكىنجى، او بوتون ميتينق لره و فعاليت لره قارىشاردى، آما هم ايداره ائتمه سىنده و بوتون او بيرى ايشلرينده بير آتديم اونلاردان داليدا گلردى (ايكىنجى درمجهلى آدام كىمى). بونا گوره او هئچ واخت هاميدان قاباقدا خطرە توش اولمازدى.

آما هم فيكىر باخيمىدان موطاليهلى و ايرملى اولماسى، هم جىددى و مؤحكىم شخصيته مالىك اولماسى اونو بوتون سولچولار آراسىندا سايغىلى و نظر صاحىبى كىمى تانىلاردى. او داغا آز گلمهسى اوچون داغچى لار كومىته سىنده اولما بىلمزدى، آما بوتون يئر آلتى ايشلرده جىددى نظرلر وئريب ايشتىراك ائتمهسى، اونو او بيرىلردن آيىراردى. اونون دوشونجهلىرى «احمد» و يا «جمشىد»، حتا بير قدر آز «على» كىمى افراطى دئىلىدى و آنارشىستى ائلمانلارى يوخ ايدى.

بارات داغچى لار كومىته سىندن چىخاندان «پيشگام» يولداشلارى آراسىندا و اوتاغىندا گونو گوندن قاباغا گلن ايشلرى گورمهيه مشغول ايدى. اونلار يىن چوخ ايشلرى «كار» قىزىتىندن بولوملر چىخارىپ، خطى خوش، هونرلى و باجاريقلى يولداشلارى توسطيله بويوك تابلولار و يا پلاكاردلار يازار و فاكولتهده و باشقا يئرلرده ياپىشدىراردى لار. بو ايشلرين چوخونو دا بير نئجه نفر چوخ گوزل باجاريقلى، خطى و هنرى ياخشى اولان بيرىنجى ايل فاكولته يولداشلارى گورورردى لار.

فاكولتهده اونلار لا جىددى و چاليشقان «پيشگام» قىزلار و اوغلانلار وار ايدى كى، سئىل كىمى «پيشگام» اوتاغىنا گىريب - چىخاردى لار، يا دا اونلار فاكولته نىن ايچمىرىسىنده، حىطينده و رىستورانىندا گىزىردى لار. اونلار يىن چوخو بيرىنجى و يا ايكىنجى ايل اونيورسىته اويرنجى لرى ايدى لار. البته، بارات گىلىن كئچمىش يولداشلارى دا وار ايدى.

بارات اوز باجاريقلار يىن باخاندا گوروردو كى، بير طرفدن نه گوزل خط يازماق هونرى واردىر، نه ده نجارلىقدا (دولگرلىكده) و اونا تاي ايشلرده ايشلهمىشدى كى، ياخشى تابلولار يازسىن و پلاكاردلار دولتسىن. بو ايشى ايكى-اوچ نفر بيرىنجى ايل اونيورسىته اويرنجى يولداشلار يىن گورمهسى يىتتى. بارات اينقىلابدان سونرا فاكولته ايچىنده اوز رولونا او بيرى «پيشگام» يولداشلارى آراسىندا حىيران قالمىشدى.

بارات اونلار لا فدائى لار طرفدار يىن گورنده اوز بىنىنده تزه و گونون شرايطىنى سال- چىخ ائدىپ، اويرنجى يولداشلارى و اوز رولونون نه اولما بىلمه يىنى آراشدىراردى. بو آراشدىرمادا فاكولته نىن يولاقلار يىن دولاشىردى، بيردن «ذبيح» نه راست گلدى كى، اونون دا قىافه سىندن حىيرانلىق ياغىردى.

اونلار گوروشوب، بير- بيريله قدم آتيب دانيشماغا باشلاديلار. سياسي تشكيلاتلارين گيزلى و يا ياريمگيزلى شرايطده نئجه قورولماسى و نئجه ايداره اولونماسى حاققندا كتابلار اوخويوب، فيلملر گورن بارات بو بيرگه آتديم آتيب دانيشمالاردا اوز دوشونجهسيني «ذبيح» ايله پايلاشماغا باشلادى.

بارات دؤنوب «ذبيح» ه دئدى كى، «بوتون آشكار چالیشان بو پيشگام فدایی لر اویرنجی طرفدارلارینی هیدایت ائتمک اوچون بونلارین ایچینده بیر کیچیک و تامامیله سیاسی بیر تشکیلات یاراتمالیق. «سن»، «من» و بیر- ایکی آیری آدمیلا بیز بو کیچیک تشکیلاتین بیرنجی حلقهسینی یارادا بیلهریک.

باراتین آلتینجی حیسی اونا دئییردی كى، «ذبيح» بیر عادى «پیشگام» دئییل. آما نه اونا سوروشا بیلردی، نه ده گیزلی چالیشماق سیاسی اصولونون پرینسیپلری بو سوالی خبر آماغا ایجازه وئیردی. او بو آلتینجی حسنین دئیینه دایاناراق، اوز فیکرینی اورتایا قویدو. «ذبيح» بیرباشا جواب وئرمزدن ایشین اساسی ايله باغلی باراتلا فیکیر پايلاشمالارینا داوام ائتدی.

بیر- ایکی هفتهده بئلهسینه فاکولتهده چوخلو کیتاب و قزئت اوخوماقلا و بیر- بیرلریله بحث ائدیپ و ذهنلرینی دورولتماغا کنچیرمکدن سونرا بیر گون «ذبيح» باراتین یانینا گلدی. او دانیشماغا باشلادی و نئچه هفته اوندان قاباق بارات ايله آتیم آتما گونلرینی وورغولایاراق، دئدی كى، «سازمان بئله قارارا گلیب كى، بیر کیچیک مرکزی کومیتة فاکولتهنین «پیشگام» اویرنجیلرینین حرکتینی یؤنلتسین». بو کومیتةیه سن(بارات)، من(ذبيح) و موختار سئچیل میشدیر. ذبیح باراتین اوگونکو سؤزلری و نظرینه توخوناراق، اوز کیچیک تشکیلاتلارینین چوخ جیددی اولماسینین گرکلی اولماسینا تاکید ائتدی.

او گون نئچه باخیمدان بعضی شئلر حاققیندا آچیقلیق و آیدینلیق آلدی ائتدی: بیرینجی، او چوخلان ذبیحین بیرباشا فدایی لر تشکیلاتیلا ایلیشکیلی اولدوغونو سنزمیشدی، آرتیق بو حاقدا آرخایین اولدو؛ ایکینجی، ایشلرین دوزگون آخیمادوشمهسینه سئوینیردی و بو کومیتةنین چوخ دوزگون اولماسینا اینامی آرتدی؛ اوچونجو ایسه، «ذبيح» و «موختار»لا بیرلیکده اوچ نفر بیرلیکده بو کومیتةنین ایچینده اولماسینا هئج شاشیرمادان غرورلانیردی.

او بیلیردی كى، «دانیشما»، «یازی-پوزو» و تئکنیکی باجاریقلار باخیمدان اونا نسبت چوخلو باجاریقلی آدمیلار وار ایدی. باراتین اوزو ده بیلیردی كى، بو اوچ نفر هم اینام و سؤگی اوغروندا او بیریلره نسبت آرتیق درین ایدی، هم اونلاردان آرتیق ایستی- سویوغا دوشوب سیاسی تشکیلاتی موباریزهنین تجربیهسی اونلاردا چوخ ایدی. بونلارین بیلگیلری هارادان گلیب هارایا گئتمک ایستهدیکلرینه ده چوخ درین اولاراق، عشقلى ده ملتى سئومکده ده اورکلرین دبیى کیمی درین ایدی.

اونلارین بیرینجی جلسه‌ری قورولان زامان، بارات گوردو کی، دانیشماقدان موختارلا ذبیحه حریف اولان بیلیمیه‌جک، اما اوز دوشونجه‌لرینی فورموله ائتمکده درین و اوزون یول گؤستریمکده اوز رولونو جیددی شکیلده ایفا ائده بیلیمیه‌جک. اوچ نفرین بیر یئره توپلانماسی چوخ دا چتین دئییلدی. اونلار ایکینجی بیر اوتورمالاریندا دورومو آراشدیریپ، نه ائده‌جک‌لرینی دوشونوردولر. اونلار سونرا اوزون سورن جلسه‌لرده آراشدیریپ و بیر یئره توپلانان نظرلرینی بوتون قروپون ایچیده یایماغی دوشونوردولر. بونلار «پیشگام» ائوینده مودیریتین اولمادیغینی بیلدیکلری اوچون یاریمچیق اولاراق، عمله اورانین مدیریتی آله کئچیریپ، گورولمه‌لی ایشلری آل‌لرینه آلدیلار.

بارات‌گیل بوتون «پیشگام» اؤیرنجی‌لری بؤیوک میتینگه دعوت ائدیپ، اونلارین کومیتهلره بؤلونمه‌لرینی اورتایا قویاراق، بوتون ایشتیراک ائدن اؤیرنجی‌لردن فیکیر پایلانما‌لارینی ایستهدی‌لر. عینی زاماندا «بارات»، «ذبیح» و «موختار»-ین - اوچو بیر فیکری گؤجه قاباغا آپاراندا سونرا هامینی اوز فیکیرلریله بیر اولماغا قادیر اولدولار و یا بیر مقدار ده‌یشیکلیکله هامینی بیر واحد قرارا گلیمیه کؤمک ائتدیلر.

بو سیلمه اونلارلا «پیشگام» اؤیرنجی‌لری بیر نچه ایش گورن دسته‌لره بؤلونولر و اونلارین هر کومیته‌سینین بیر «باشچیسی» تعیین اولاندان سونرا اونلار دا ایشلرینی بیرلیکده بیر-بیرلریله توتوشدوروردولار. اما اونلارین هفته‌لیک عمومی جلسه‌ری اولدوقلاری اوچون بوتون هر شئی‌دن هامینین خبری اولوردو.

اونلار داغچیلار کومیته‌سینی ایداره ائتمک، اعلانلار یازیب یاپیشدیرما، کیتاب انوی تداروکو گورمه، فیلم گؤستریجی قروپوندا چالیشما، عمومی فدا‌ییلر تشکیلاتی و تظاهوراتیندا ایشتیراک ائتمه، نهایت کیتاب اوخوما دسته‌لرینه بؤلونولر. بو اونلارین ایشلرینه بؤیوک دوزن وئریپ، اونلارین هر بیرینه بونو گؤستردی کی، اونلار بیر گوشه‌دن یاپیشیب و بیر ایش گورورلر.

بارات‌گیلین بوتون سولچو یولداشلارینین بیر بؤیوک ایشلریندن هم غیری پیشگام، هم ده پیشگام اؤیرنجی‌لری بو ایدی کی، اونلار فاکولته‌لرینه «کاپیتالیزم» اقتصادیاتینین یانیندا «سوسیالیزم» اقتصادی و تاریخی درس وئرن چوخلو یئنی «اوستادلار» گتیرسینلر. بو ایش یالنیز «اقتصادیات» فاکولته‌سینده اولان بیلردی.

اونلارین یئنی تشکیل ائتدیکلری کلاس‌لار کچه اوز فاکولته‌لری دئییل، بوتون او بیرری فاکولته‌لردن اؤیرنجی‌لر گلیردی. چوخ زامانلار او بیرری اونیورسیتهلردن اونلارین کلاس‌لارینا گلیب و همیشه دولو اولان بو کلاس‌لاردا ایشتیراک ائدیردی‌لر. اونیورسیته و اونلارین فاکولته‌لری یئنی‌دن حیانا گلیمیشدی.

بوتون بو هیجانلی ایشلرین ایچینده باراتین اورمیینین بیر نۇقطةسى دايم درد ایچینده اولاراق اونو کدرلندیریدی. «خاتون» بو چابادا و فعالیتده اونون کناریندا دنیلیدی. او، حتی «توده پارتیاسی» طرفدارلارینا دا جیددی یاخینلاشمیردی. اینقیلابین قله سینده اوزونو آن چوخ خطرہ سالان و اونجولر سیراسیندا گئدن خاتون اینقیلابدان سونرا همیشه اوز ایچینه قاپانمیشدی. او، چوخ زامانلار کیتاب ائوینده موطالیعه اندیردی. اونون متینلییینه هامی سایغی گؤستریردی. او همیشه اوز ایچینه جوموردو. بارات اونون گؤزلرینده بیر اوزونو ایتیرمیش و عینی حالدا سانکی قورخو ایچینده اولدوغونو حیس ائتسه ده، اونون نه اولدوغونو هئچ زامان آنلایا بیلیمیردی. او اوزونه ده جسارت وئرمیردی کی، اوندان خبر آلسین. اما فورصت تاپدیغی زامان بیر نئچه آددیم «خاتونلا یول گئدیپ و یا بیر یئرده ایله شیب، قدیم یولداشیلا دانیشاراق، اونون گولوشو و ایپک کیمی سهسی باراتین چیرپینان اورمیینی اوخشا یاراق دینجلدیردی. بو، اونا بنزمیردی کی، بیر یارانین اوستونه مرحم قویوب و اوستونو ایپک کیمی دستمال ایله باغلا یاسان. اونلار سیاسی و ایدئولوژیک مسالهلردن دانیشمیردی لار، اونلار عادی دؤرلرده کئچن مسالهلردن و چوخ ساده مسالهلردن دانیشیردی لار.

بارات چوخ واختینی بیرینجی و ایکینجی ایل «پیشگام» اویرنجی لرینین ایچینده کئچیریب، اونلارا بیربیر دانیشیق لاردا سیاسی و ایدئولوژیک باخیمدان آچیقلامالار وئیریدی. اونلار گؤروردون، ایکی-ایکی و یا اوچ-اوچ فاکولته نین ایچینده و یا ائشیینده بارات کیمی قدیمی سولچو اویرنجی لردن سورغو- سوال لارینی سوروشوردولار، بونلار دا اونلارا آچیکلاما وئیریدی لر. او قدر اونیورسیتته، فاکولته و ائشیکده ایش واریدی کی، اونلارین زامانلاری بوتون توتولوردو.

تظاهوراتلاردا ایشتیراک ائتمک، اونیورسیتته و فاکولته «پیشگام» ایشلرینه قاریشماق، پیشگام اویرنجی لرینین یؤنلتمه سینه زامان قویماق، اوز تشکیلاتی ایشینده ایشتیراک ائتمک و نهایت کلاسلا گئدیپ و درس اوخوماق اونون زامانینی آلیردی. بونلاردان سونرا اونون یاشامیینین بیر آیری بؤلومونو اونون ائوده کی یولداشلاری ایله یاشاماسی، کیتاب اوخویوب و بعضی ائشیک ایشلرینده ایشتیراک ائتمک تشکیل اندیردی.

اونون یولداشلاری ایچینده هوشنگ، فیروز، ناصیر هابئله قولو اوزلرینه گؤره هم ساواد، تجروبه و باجاریق باخیمدان بیر مؤحکم «دیرک» کیمی دایاق ایدی لر، هم ده بوتون سولچو اویرنجی حرکاتی ایچینده، هم ده عومومی سیاسی تشکیلاتی باخیمدان. اونلار باشقا بیر انقلابی باشلاریندان کئچیرمیشدی لر. اونلارین هله عومومیتله یاشلاری ایگیرمی بئشدن آشاغی ایدی.

اونلارین ایچینده قولو هامیدان بیر باش اوجا ایدی. بئش آلتی ایل شاه زامانی زیندان چکمیش قولو اینقیلابدان سونرا فاکولته یه دؤنوب و درسینین قالانینا داوام

وئرمەدى. او «پىشەكار» بىر سىياسى چالیشقان «فدائى» اولاراق تهرانىن جنوبوندا ياشاماغا باشلادی. اونو گۆرنده همیشه آدم حیس اندیردی کی، ایندیجه اولو قارین کۆتک یئمکدن گلیب. همیشه بارات حیس اندیردی کی، اونو شاه زامانى زینداندا چوخ دؤیوب- ووروبلار. قولنون باشینین توکلری تۆکولمهیه باشلایب و عینی حالدا یاریمچیق آغارمیشدی. اونون قامتی اوجا دئییلدی، هم ده هئیکلی بیر قدر دولو اولدوغو اوچون جمعین ایچینده چوخ گۆزه وورمازدی. قولنون سهسی ده باراتین سهسی کیمی بوغازیندان چوخ گوجلۇ چیخمازدی. او آرام و یواش دانیشماسینا گۆره، چوخ زامان سهسی آیری سهسلر ایچینده باتاردی.

اونلارین ائولرینده هامی قولنون کئچمیشی، تجربهسی و ساوادینا گۆره اونا احتیرام قویاراق، بیر موعلیم کیمی اوندان درس اؤیرنمهیه چالیشاردی. او باراتگیلدن ده چوخ کلاسیک و او بیرى کتابلاری اوخودوغو اوچون بیلگیلی ایدی و عینی حالدا فداییلر تشکیلاتینین ایچینده چالیشاراق ایچمیدهکی مسالهلردن بیلگیسی وار ایدی. او ایشچیلر ایچینده یاشایاراق، او طبقهنین داماریندا نلر کئچمهسینی ده باراتگیله نیسبت داها یاخشی بیلیردی. قولو هفتهده اوچ و یا دؤرد دفعه باراتگیلین ائولرینه باش ووراردی. اونا گۆره کی، چوخ واخت هوشنگ، فیروز، ناصیر ده باراتلا اوردایدیلار، اونلارین ائولرینه گل- گندی داها چوخالتدی.

باراتگیلین ائولرینده گونده چوخلو کیتاب اوخوماقلا سىاسى و ایدئولوژیک بحثلر و دانیشیقلار کئچیردی. باراتگیلین هامیسی بیر بؤیوک دهنیزین دالغالارینین آراسیندا اوزمهیه باشلامیشدی. اونلار هله بو دالغالارا مینه بیلیردی، بلکه بو دالغالار ایدی کی، اونلاری او طرف - بو طرفه چکیب آپاریردی. باراتگیلین اونیورسیتهلرینده اولان «نوروز» دا چوخ واخت باراتگیله گلردی، اما اونلارین یولداشلاریندان اینقیلابدان قاباق تحصیلینی باشا ووران اوروج و بایرام سولدوزدایدیلار. یئنه ده باراتگیل اوزاقدان - اوزاغا سولدوزدان خبر آلارکن یاخشی خبرلر اورادان آلیردی. لار.

باراتگیل بیلیردی کی، اونلارین چوخلو یئنی و اورمیّه اونیورسیتهلرینده اوخویان یولداشلاری «سویوق بولاق فداییلر» تشکیلاتی دفترینین کؤمهی ايله اؤزلرینی یاخشی ایداره انده بیلیردی. لار. اونلارین شهرین «نظامی» وضعیتینده نگرانچیلیغی داها چوخ آللری بوش اولمالاری، ایش گۆره بیلیمدیکلری، هم ده صدمه گۆره بیلیمه ائحتیمالی ایدی. باراتگیلین آلبندن بیر ایش گله بیلیردی. سادهجه سولدوزدان گنج خبرلر آلیردی. لار. سولدوز هله آمن دیر. هنج نیگار انچیلیق یوخدور. باراتگیل هم ده خوشگورو ايله «کوردستان» سىاسى تشکیلاتلارینین ایچینده «سوسیالیستی» و «غیری ناسیونالیستی» بیر دوشونجهنین وار اولدوغونو تصوّر ائتدیکلری اوچون اونلارین حاققیندا منفی بیر تصوّرلری یوخ ایدی.

«ماشالله خان بوزچالو و «خالخالی» عایله‌لری - هر ایکسی ده سولدوزون تانیمیش سیاسی سابقه‌لی عایله‌لری و هر ایکسی ده میلت ایچنده حورمتلی ایدی‌لر. بونلار سولدوزون دورومونو بارات‌گیل‌دن داها یاخشی دیرلندیریب، سولدوزدان چیخیب و تهرانا گلمیشدی‌لر. اونلار دایم «اینقیلاب میئدانینداکی (نوصرت خیابانینداکی) ائوه گلیب باش چکیردی‌لر. اورا رسمی «هورموز، هوشنگ، ایسکندر و موختارین ائوی ایدی کی، اونلار یاشدا دا بارات‌گیل‌دن بؤیوک ایدی‌لر. بونا گؤره اونلار اورادا راحتلیق حیس اندیردی‌لر.

بو عامل ده سبب اولوردو کی، بارات‌گیلین اؤزلری، هله «نصرت خیابانی»-نی اؤزلرینه مرکز تانییالار. اونلار اورانی «سولدوزون تهرانداکی ائلچیلیی» آدلاندیرمیشدی‌لار. اونلار اؤزلری اورایا دایم باش ووراراق، «ماشالله خان» و «علی خالخی»-نین ایل‌لر بویو تجربهلریندن یارارلانیردی‌لار. باراتین تهراندا ایکی یاشامی وار ایدی: بیر، اونیوئرسیتده یولداشلارینین ایچنده و اونلارین ایچنده‌کی تشکیلاتی یاشام؛ او بیر، اؤز سولدوزلو یولداشلارینین ایچنده‌کی یاشامی ایدی کی، دولغونلوق و بیشکینلیکده بارات‌گیله داها دیرلی و ثمره‌لی ایدی.

«نوروز» تک‌باشینا «ائوین» کندینه بیر بؤیوک باغین ایچنده بیر یانی قایریلمیش «باغ کولاسی» کیمی بیر یئرده یاشاییردی. باهارین بیرینجی آیی بیتیمیشدی، چیچکلر آچمیش و او یاشایان باغین بوتون آعاج‌لاری چیچکلنمیشدی. «نوروزون» اؤزو بارات‌گیل و هوشنگ‌گیله چوخ باش چکردی، آما اونون ائوی اوزاق اولدوغو اوچون اونون ائوینه بارات‌دان باشقا هئچ کس گنتمزدی. سببی ده بو ایدی کی، بارات‌گیلین اونیوئرسیته‌سی اورا چوخ یاخین ایدی. بونا گؤره «نوروز» هامینی بیر هفته سونو گنجه‌سی اؤز گوللوچیچکلی ائوینه قوناق چاغیردی. اونون نوخودلو شوربالاری دا کئچمه‌لی دئییلدی.

بارات‌گیلین ائولری و یولداشلاریندان آلتی- یئددیسی آخشام انقلاب میئدانیندان اتوبوسا مینیب و «ائوین» کندینه ساری یولا دوشدولر. اونلارین اؤزلریندن باشقا اونلارا قوناق گلن «تبریز اونیوئرسیته‌سی» یولداشلاریندان «ایبوش»-گیل ده اونلارلا گلمیشدی. آخشام هاوا هله ایشیق ایدی کی، اونلار «ائوین هوتلی» یاخینلیغیندا اتوبوس دوراغیندا اننیب، سونرا یولا دوشدولر. هاوا هله سرین و ایشیق ایدی. اونلار تنزلیکله هاوانین تمیزلییینی تهرانین ایچینه نسبت حیس ائندی‌لر. اونلارین هامیسی دانیشدانیشا و گوله- گوله چؤلون آچیقلیغیندا پیدا بیر یولاقدان کنده ساری یولا دوشدولر.

اونلارین ایچنده بارات هامیسیندان یاخشی او طرفلری تانییردی. اون دقیقه گئندن سونرا اونلار کنده یئتیشدی‌لر. کئنین هله چوخلو دیوارلاری چومور کریبجدن قایریلمیشدی. عینی حالدا بعضی دیوارلار دا بیشمیش کریبجدن

دوزلمیشدی. کندیڭ ایچینده چوخ آز ایکی مرتبه ائو گوزه ده بیردی. ائولرین چوخو باغلار ایچینده ایدی، آما کندیڭ اورتاسینا یئتیرنده کوچهلرین بوتون ایکی طرفی ده ائو- ائشیک و حیط ایدی کی، بیر نئچه سینده ده دوکان- بازار وار ایدی.

بارات گیل دوکان- بازارا ساری گنتمه یه جکدی لر. چونکی «نوروزون» ائوی باغلارین بیرینین ایچینده ایدی. بارات اونلارین قاباغینا دوشوب و نوروزون قاپیسینا ساری یولا دوشدولر. بؤیوک باغین تاختا قاپیسی آچیق ایدی. قاپینی ایتله یندن سونرا بیر یارالی آدامین سهسی کیمی بیر آغیر «جیریلتی» سهسله آچیلدی. قاپینین قاباغی بیر اوزون قومسال یولاق ایدی کی، ائوین قاباغینا جان گئدیردی. یولاغین ایکی طرفی ده آغاجلیق ایدی کی، تزه سووار یلمیشدیر. هله کردی لر و قانونلار دا سو ایله دولو ایدی. کندیڭ سو یو دا چوخ دورو ایدی. سو یا باتاندا هم تمیزلییی گورونوردو، هم ده سو یون سو یو قلوغو آدامی اوشوتمه یه سالیردی.

بونلارین دانیشمالارینی یولون یاریسیندا «نوروز» ائشیدیب و اونلاری قارشیلاماغا گلدی. همیشه اوجا دانیش- دانیشا آل لرینی ده اؤلچن نوروز اوجادان گوله گوله بونلاری قارشیلادی. اونلار سانکی چوخدان دیر بیر بیر لرینی گورمه ییبلر، اؤپوشوب گوروشدولر. ائوی شهرین قیراغیندا اولدوغو اوچون چوخ آز قوناغی اولان «نوروز» یولداشلاری قوناق گلدیکلری اوچون چوخ سئوینیردی. نظره گلنه ی او لازم اولان هر بیر شئی آلمیشدی، ائوی تمیز سیلیب - سوپورמוש دور. هاوا قارالینجا یا قدر چای دم آلینجا، اونلاری باغین ایچینده دولاندیریپ و آعاجلارین یئمیشلری حاققیندا آچیقلاما وئریپ، سونرا ایچهریه گلدی لر. «نوروز» ون قند- چایینین فرقلی اولدوغو اوچون اونلارا چوخ یاپیشدی. اونلارین اوطرف- بو طرفدن دانیشمالاری قورتولماغا گل میردی. هئج بیلمه دی لر کی، نه زامان ایکی ساعات کئچدی و اونلارین شام سوفره سی آچیلدی، تزه لاواش چؤرکلری، سو یولموش سوغان و قاتیق ایله نوخود شورباسی کاسالارا تؤکولدو. نوروز گیلین لاواش چؤرکلری ده بارات گیلین چؤرکلرینه نیسبت بیر آز قالین نظره گلیردی. اونلار کاسالاری دوغرایارق یئمیه باشلادی لر.

ایبوش گیلی اونلار راحت بوراخمیردی لر، تبریزده کئچن جریانلاردان و نهایت سولوزون آخیر خیرلریندن سوروشوردولار. ایبوش گیلین عایله سینده آتاسینین ایکی آروادی وار ایدی. اونون آتاسی کورد و آناسی تورک ایدی. عینی حالدا اونون آناسینین آن آزی آلتی اوغلو و قیزی وار ایدی. بلکه ایبوش ایکینجی یا اوچونجو اوشاقلاری اولاردی کی، ایندی اونون اوزو بیر ائولنمیش کیشی ایدی و تزه تبریز اونیوئرسیتیه سینده درسینی بیتیرمیشدی.

اونلارین آتالاری کورد و آنالاری تورک اولدوق لاری اوچون ایکی دیله ده تام دانیشا بیلیردی. اونلار کوردلر ایچینه کورد و تورکلر ایچینه تورک ایدی. بو قوناقلیدا هامی تورک اولدوغو اوچون اونلارین هامیسی تورکجه دانیشیردی. لار. اییوش گیلین عایله سی حاقیندا بونو دا ئمک اولاردی کی، اونلارین هامیسی چوخ استعدادلی و هونرلی آدم لاردی. لار. اونلارین هامیسی درام یازیب و تئاتر اویناماق، رسم لر چکمک و بونا بنزر ایش لرده چوخ باجاریقلی و استعدادلیدی. لار. بو گنجه ده اییوشو راحت بوراخمایا جاقدی. لار.

شامدان سونرا چیراغین ایشیغیندا چایی ایچه- ایچه اونلار بیر جور حبس اندیردی کی، یئنه بیر نچه گونلوک داغ پروقرام لاری کیمی هامیسی بیر یئره توپلانیب لار و اوخیوب- اویناماغا باشلادی. لار. اما اونلار داغدان فرقلی اولراق بورادا سولدوزون اصیل هاوالارینی اوخیوردولار.

اونلارین تورکجه و کوردجه اوخوماق لاری و آل چالیب - اوینامالاری، سونرا سولدوزون دملی لرینین یانسیمالاری بیتمهیه گلیردی. هردن «سولیمان خان»، «آللو»، «عئین الله قیرخ کوت»، «تورش علی»، هردن ده «بریم (ابراهیم) و سوندا «فاطمه»ین آدالارینی چیخاریب - گولوردولر. بیر زامان گوردولر کی، صاباح ساعات دوردور و اونلار هله یاتمایب. لار. صاباحین هفته سونو و تعطیل اولماسی اوچون ساعات دورد یاریم صوبح یئرلری سالیب و ایکی- ایکی یاتدی. لار. کندین سکوتو تهرنین سهس- صداسی ایله موقایسه اولونمالی دئییلدی. انشیک ده بوتون ظولمات و قارانیق ایدی کی، انشیه چیخانی خوف باسیردی. قارانیق و سوکوتون ایچینه هامی درین یوخویا گئندی. لار. یوخودا دا اونلار سوز اوخیوب و دملی لرین آدالارینی چیخاریردی. لار.

اونلار یوخودان قالخاندان ساعات اون بیر اولاردی. هله ناهار اولمامیشدی. باغداکی قوش لارین جج- جج و اوخوماق سهسلری باهارین گلشیندن خبر وئیردی. حیطین تمیز و دورو هاواسی، یاشیللیغی و سوکوتون ایچینه قوش لارین اویناییب - اوخومالاری بیر گورونتو ایدی کی، اونلار شهرین ایچینه گوروب - یاشایا بیلیردی. لار. بارات گیل باغین ایچینه آل - اوزلرینی یویوب و سحر یئمیه سو فره سینین باشینا توپلاشانان سونرا هنج بیلمه دی. لر نه زامان «نوروز» گندیب و بوللو تزه چورک، قاتیق و خاما آلیب. او حتا چای باساتینی دا تام حاضیرلامیشدی. پرده لری چکیب، پنجره نی آچاندان سونرا گونون ایشیغی هم ایچهرینی ایشیق اندیب، هم ده هاوانی سربلنیکدن چیخاریب و چوخ گوزل قیدیقلایا- قیدیقلایا ایستی اندیردی. هامی تیکملرینی قاتیق خامایلا دلدوروب، تزه چورکله یئمیه باشلادی و اوستوندن داغ چایی ایچیب، هله یاریمچیلیق خومار حالدا نوروزا دندی. لر کی، دور سن ده حاضیر اول شهره گئدک. اونلار یییب ایچندن سونرا ائی تمیزله مکده نوروزا کؤمک اندیب، سونرا کؤنولسوزجه سینه هامیسی بیرلیکده هوشنگ گیلین

ئولرینه گنتمهیه یولا دوشدولر. اورایا قوناق چاغیرماق آدیندا بیر شئی یوخ ایدی. یئددی سککیز نفر هوشنگ گیلین ئولرینه ساری یولا دوشدولر.

بارات گیلین آغیزلاریندا هله «قاتیق-خاما و چابین» دادی وار ایدی، اما اونلار بو فرصتی قاچیرماق ایسته میردی لر و باهارین گونه شینده یولداشلارینین توپلانماسیندا هفته نین سونوندا «سولدوزون انچیلیبینه» ساری گنډیردی لر کی، ناهاری اورا یئتیشیپ، اورادا دا ناهاری بیرلیکده هوشنگ گیل ایله دؤشه سین لر. اونلار ساعات اون ایکیه یاخین اورایا چاتدی لار. ائوه گیرن کیمی «خالخالی لار» عایله سی و «ماشالله خان» ی اورادا گوردولر. هوشنگ گیل چوخ نیگاران حالدا تنز-تنز او طرف-بو طرفه گنډیردی لر. فیروز ایله ناصیر هله «ستارخان» خیابانیندا بارات گیلین ئولریندیده ایدی لر. بونلارین هامیسی تنز ائشیدیرلر کی، «سولدوزدا کوردلر ایله تورکلر آراسیندا ساواش یارانیب، چوخلو آدام دا اولوب و ساواش هله ده داوام ائدیر». ساواش دونندن - «کوردوستان دئموکرات پارتیاسی» تورکلر طرفینده نیظامی پیشمرگه لرله فوتبال میدانیدا رنژه گئندن باشلاییب.

تورکلر بو قدر آئینده سیلاح کوردو اؤز منطقه لرینده رنژه گنډرکن گورنده سنگر باغلاماغا باشلامیشدی لار. بو حالدا بیر نقطه دن بیر گول له سه سی گل مرک، آرا قاریشیر و شهرده ساواش باشلاییر. بو ساواش ائولره چکیلیر. نهایت سیلاحلی کوردلر سولدوزا باشقا شهرلردن - اورمودان کؤمک گلندن سونرا چیخماق مجبوریتینده قالیرلار. بو حربی قارشیشمادا شهرین چوخلو تورکلری و کوردلریندن اولندن سونرا، اولولرین خبرلری یاییلیر. اونلارین آدلاری بللی اولاندان سونرا شهرین جاماعتی آرتیق هیجانا گلیرلر. قارشى طرفه گول له آتماغا باشلاییرلار. کورد پیشمرگه لرینین اکثریتی باشقا یئردن - شهرلردن و اوستانلاردان گلدیکلرینه گوره شهرین آداملارینی تانیماقلاری اوچون شهرین تورکلریندن بیر چوخونو اولدورورلر. اوندان سونرا تورکلر طرفیندن «قان قولامین دسته سی گیل» کوردلر محله سینده و سونرا بیر نچه کورد کندینده، او جمله دن «قارنا و قالات» دا بیر نچه نفری اولدورورلر.

سولدوزون دورومونو «کول آلتینداکی آلو» کیمی حیس ائدن بارات گیل تهرانا گلندن سونرا امنیت حیس ائدیردی لر. سولدوزدا بیلیردی لر کی، امنیت یوخ ایدی. هر حالدا اونلارین هامیسی بیر «شوک» ایچینده یئره اوتوروب، دینجلمه لری ده گلمیردی. اونلار او طرفه-بو طرفه گنتمکله دالبالدا هوشنگ گیلدن نئجه سولدوزدان خبرلری آلیبلار و سون خبرلر نهدی و بوتون معلوم خبرلری بیلمک ایسته میردی لر.

ساعت اون ایکی اولمامیشدی کی قولو، حوسئین، فیروز، ناصیر، جاوادی و اونلارین بیر نئجه آیری اؤیرنجی یولداشلاریندان اونلارین ائولرینه توپلاندیلار. هئچ اونلار بیللمه‌دی‌لر نه زامان اونلار بیر حلقه ووروب یئره ایله‌شیب و بیر بؤیوک میتینگ تشکیل ائتدی‌لر. ماشالله خان‌گیل و خلخال‌گیل ده بو میتینگ ده ایشتی‌راک ائتمیشدی‌لر.

اؤنجه بوتون خبرلری و بو اولایین نئجه یارانماسینی آراشدیراراق، اونلار ایکی دسته‌نی «هم کوردوستان دئموکرات پارتیاسینی»، هم ده «معبودی، قطاری، و محرر» دسته‌سینی «قارنا، قالات» فاجیه‌سی ایله باغلی محکوم ائتمیشدی‌لر. اونلار «کوردوستان دئموکرات پارتیاسینین» سوسیالیستی آیدین‌لاری اولدوق‌لاری اوچون هئچ جور دوشونه بیلیم‌یدی‌لر کی، اونلارین آیری بیر مقصدلری ده اولای بیلر. اونا گؤره داها چوخ «ساواک تشکیلاتیندان قالان» معبودی دسته‌سینه شوبه‌له‌نیردی‌لر. اونلار عینی حالدا آشکار کوردوستان دئموکرات پارتیاسینین منطقه مسئول‌لاری، خصوصاً، موصطافا هیجری‌نی بو اولای‌لاردا و اولوم‌لرده مسئول بیلیردی‌لر.

اونلار بو آراشدیرمالاردا سونرا سورعتله بؤیوک قرار وئرمیه باشلادی‌لار. اونلار بیر قروپ «آیت الله شریعتمداری»نین یانینا «قوم شهرینه»، بیر قروپ دا «آیت الله طالقانی»نین دفترینه گؤندردیلر کی، اونلارلا گؤروشوب و اونلارلا بو دولاشیق وضعیتی آچیقلاسین‌لار و اونلاردا چرخیش ائدهرک میلتدن ساواشا سون وئرمه‌لرینی ایسته‌سین‌لر.

اونلارین بیر قروپو بیر اوزون و آچیقلاسیجی بیلیری یازماق مسئولیتینی قبول ائتدی‌لر کی، بو بیلدیرینی بوتون سیاسی سازمانلار، گون قزئت‌لری و «پیشگام» دفترلرینده بوتون اونوئورسیت‌لرده یاییلسین. اونلارین بیر قروپو دا «کوردوستان دئموکرات حزبی»نین تهراندا «صنعتی شریف» اونوئورسیت‌ه‌سینده «جلیل قادانی»نین باشچیلیغی ایله یارانان بؤیوک میتینگده ایشتی‌راک ائدیب و چرخیش ائتسین‌لر. بو ایش‌لرین هامیسی گؤرولدو و سنزیدیییندن داها گوجلوقاباغا گئتدی.

هوشنگ، فیروز و علی خلخالی قوم شهرینه «آیت الله شریعتمداری»نین گؤروشونه گئتدی‌لر. اونلار اؤز گؤروش‌لرینده «آیت الله» اونلار یاریم ساعاتدان چوخ آچیقلاما وئردی. بارات بیر طرفدن «آیت الله طالقانی»نین دفترینه گئدن قروپدا، او بیر طرفدن ده «بیلدیرینی یازان قروپدا. قولو ایله بارات واختیندا بیلدیرینی یازدی‌لار. بارات اونون قزئت‌لره و سیاسی تشکیلاتلارلا نئجه گؤندهریلمه‌سیندن خبری اولمادی و بیللمه‌دی کی، او ایشین مسئولیتینی کیم اوزهرینه گؤرتورموشدور. هر حالدا هر کیم او ایشین مسئولو ایدی، ایشینی چوخ گؤزل گؤرموشدو.

او گونون گنجه خبرلرینده هم آیت الله شریعتمداری و هم آیت الله طالقانی تلویزیوندا چرخیش اندرکن میلتی باریشماغا و ساکین اولماغا چاغیردی‌لار. اونلار

اۆز آچيقلامالاريندا بونلارين سۆزلرينه گوجلۇ شكىلده دايانىپ و استفاده ائتمىشدىلر. اونلار عىنى حالدا دايم سولدوز و اورميه ايله تئلفونلا ايليشكى ياراديردىلار. اونلار ائشيديردىلر كى، «كوردلرين چوخو شهردن قاجيب و شهرى بوشالديلار. پيشمرگه لر ده كى هنج بيرى سولدوزلو دئيىلدىلر، هاميسى ارادان يوخ اولموشدولار، اما هله گولله سهسى گليردى. هله كندلر امن دئيىلدى. اونلار اورمودان «مولا حسنى» نين سولدوزا كۆمك گؤندرمه سىنى ده ائشيتمىشدیلر كى، ساواشى بير طرفليك ائتمكده جىددى تاثيرى وار ايمىش.

اونلارين هاميسى او ائوده گئجه نين ياريسينا قدر گوردوكلرى ايشلرى آناليز ائديب، تزه خبرلرى آليب و سونرا گؤرولمك ايشلره حاضيرلىق آپاريردىلار. صاباح باراتگيل بير نچه يولداشلار يلا كوردوستان دئموكرات پارتىياسى نين تهراندا «صنايع اونيورسيتته» سينده كى ميتينقنده ايشتراك ائتدىلر. اورادا «تهران اونيورسيتتهسى» نده حقوق درسى اوخويان قولو آدى بير يولداشلارى بونلارين طره فیندن چيخيش ائديب و او بيلديرىنى اوخوماغا باشلادى. اونون آشكار شكىلده كوردستان دموكرات پارتىياسىنى اۆز ايجلاس لاريندا سولدوز ساواشىندا سوچلو تانيمالارى او حيزبين مسئۇللارنى شاشيرتدى. اما قوش قفسدن چيخيب. اوچاندان سونرا اونلار داها هنج بير ايش گؤره بيلمزدىلر.

باراتگيل ائوه گلندن سونرا گوردولر كى، بير يالنىز «آيندگان» قزئتى اونلارين بيلديرىلرنى چاپ ائديب. او بيرى «كيهان»، «اطلاعات» و «جمهورى اسلامى» و او بيرى قزئتلىر تلويزيون خبرلرى ايله كيفايتلنمىشدیلر. اما عموميتله سياسى هفته ليك اولان قزئتلىر باراتگيلين بيلديرىلرينين بير نچه بؤلومو يازيلمىشدى. «كار» فدايىلر قزئتى كامال يادى و سونوندا بوتون اونيورسيتته لرده او بيلديرى (اعلاميه) بؤيوك تابلو كىمى آبرى آيله يازيلىپ و ديوارلارا آسلىدى. باراتگيلين ائولرينده كى دانشيق لار بوتون اونيورسيتته لره گئديپ و مينلرله اويرنجى اونلارى تام اوخودو.

«سولدوزون تهراندا كى ائلچىلىقى» سولدوزون ساواشى نين بيتمه سىنه و بوتون ايراندا ياشايانلارا بو حاقدان بيلگى وئرمكده بؤيوك بير رول ايفا ائتدى. اونلار تك به تك توكدوكلرى پلانلاردان قطعى نتيجه لر آلدیلار. بونونلا اونلارين اؤزلرينه ايناملارى نه قدر گوجلندى. اونلار عىنى حالدا سولدوزدان گلن خبرلرى ايزله ييردىلر. «بدلى» لر عايله سيندن بير نچه سى (اون بير نفرى) «كوردلر» طره فیندن اؤلدورولموشدو. عىنى حالدا باراتگيلين كورد يولداشى «محي الدين» ين آتاسى و قارداشىنى تورككر اؤلدورموشدو. اونون آتاسى كوچه لرده ساده بير پئير ساتان ايدى.

سولدوزون چوخلو توركلريندن اورمو و باشقا شهرلره كؤچموشدولر، كوردلر قيسمينده اكثرىت جاماعات «سويوق بولاق» و يا باشقا شهرلره گئتمىشدىلر. هامى

آیری بیر قاجاقچین گلهمسی و میلتین دیدرگین دوشمه‌سیندن دانیشیردی‌لار. بو دیدرگینلیکده گنجملر قاجدیقلاریندان دانیشیردی‌لار. بارات‌گیل بو چتینلیک‌لری ائشیده‌رک، خالقین داها بیر- بیرلرینی اولدورمه‌سینین دایانماسیندان سئوینیردی‌لر. کوردلر محله‌سینده سولچولارین موشکول‌لری یوخ ایدی، اما تورکلر طرفینده بوتون سولچولاری کوردلرله امکداشلیق ائتمکده سوچلایب، اونلاری سیخما- بوغمایا سالیردی‌لار. بیر حربی موحیطده و ساواش ایچینده آلی بوش سولچولار «دشمنله امکداشلیغا محکوم اولاراق اولدورولمه خطرله هر آن قارشیلانما بیلردی. اونلار تورکلرین ایچینده داها دئییه بیلیردی‌لر کی، «عادی کوردلر ده سیزلر کیمی باشلارینی آشاغی سالیب و یاشاماق ایسته‌ییرلر. بو قیرغینین یارانماسی اونلارین رهبرلرینین گوناھی ایدی. آتالار اوشاقلارینی انوده یامانلایب، حتا دؤیوردولر و اونلاری کوردلردن حمایت ائتمکده سوچلو ساییردی‌لار. سولچو قیزلار اوندان دا چتین باسقی‌لارا معروض قالیردی‌لار.

دنمک اولار کی، سولدوزدا شهر تامامیله داها تورکلرین آلینه دوشموشدو. بوتون عوضولری تورکلردن اولان «اسلام اینقیلاب پاسدارلاری» و «کومیتیه» شهری آرتیق اؤز کونتروللارینا آلمیشدی‌لار. بارات‌ین «تهران اونیورسیتیه‌سیندن درس‌لرینی بیتیرن یاخین یولداشلاریندان بایرام و اوروج - ایکیمی ده سولدوزدایدی‌لار. اونلارلا بیرلیکده اونلارین او بیرری یولداشلاری دا قورخونج بیر باسقی آلتیندا قالمیشدی‌لار.

اونلارین چتین باسقی آلتیندا اولدوق‌لارینی بارات‌گیلین هامیسی بیلیردی، اما آل‌لریندن بیر ایش گلیردی. سولچولارین ایل‌لر بویو، خصوصاً ده، کئچن ایله قازان‌دیقلارینی بوتون اعتبارلاری بیر قارا بولدولارا بورونمشودور. جاماعاتین چوخو اونلاری آرتیق شهرین ضیالی‌لاری کیمی دئییل، حتا دشمن‌له آل‌بیر تانییردی‌لار.

تهراندا بارات و هوشنگ‌گیل - هامیسی حیس ائدیردی‌لر «سولدوزون اولایلاری» حاققیندا هله‌لیک وظیفه‌لری بیتیب. اونلار داها نورمال شکیلده درس‌لری و «پیشگام» ایله باغلی ایش‌لرینه دؤندولر. اونلارین ایش‌لرینین چوخو آیدینلانماق و آیدینلانماق ماهیتی داشیییردی. اونلار چوخلو کتاب‌لار اوخویوب، یولداشلارلا بحث‌لر انتمیه مشغول ایدی‌لر.

اونلارین ایمتاحان‌لاری یاخینلاشیردی. او بیرری طرفدن ده «آنا یاسا» یازماق اوچون «قوروجولار مجلسی» خومئینی طرفیندن تشکیل اولوندو. «بو اینقیلاب اسلامی» بیر اینقیلاب‌دیر» - دئین خومئینی غیر ایسلامی سولچونو بو مجلسه هنج یول وئرمه‌دی. اونلار اؤزلری آنا‌یاسانی یازماغا باشلادی‌لار. سونوندا «جومهور باشقانی» سئچیم‌لری اورتایا گلنده یئنه ده سولچولارا و فدایی‌لره مئیدان وئریلمه‌دی. بونلار گؤسته‌ریردی کی، «اینقیلابا قازانیلمیش آزادلیغی بیر‌به‌بیر آلدن آلیب و دالییا

قایتارماغا باشلامیشدی لار. سولچولاری حۆكومتە قویماق، اونلاری مونزوی ائدیپ و سیرادان چیخارماق سیاستی، حۆكومتین ایچینده آمئریکا کیمی اۆلکهلرین سیزمیش آدمالارینین آلی ایله حۆكومتین ایچینده یاییلیردی.

باراتگیل «جومهور باشقانی» سئچیملری و او بیرری ایشلرله باغلی خیابانلاردا میلّتین ایچینده اونلارلار آیدینلیق وئرمیه مشغول ایدی لر. امتاحانلار یئتیشیب و اونلار درس لری ایله او بیرری ایشلرینی بیرلیکده هامیسینی گۆروردولر. اونلار آرتیق «ایشچی طبقهسی» نین قایغیسینا قالاراق، او صیفی تشکیلاتدیرماغین یوللارینی دوشونوردولر.

باراتگیل و بوتون سولچولار تئز باشا دوشدولر کی، اونلارلار قارشى حۆكومتین ایچینده چوخ قودرتلی بیر بۆلومو اولان «اسلامچی فالانژلار» طرهفیندن یوروش گتیریلیر. اونلارین چیخیشلاریندا آرا قاریشیدیریلیر. اونلارین چالیشقانلاری او طرف- بو طرفده توتولورلار. خصوصاً، کیچیک شهرلرده اونلارین طرفدارلارینی چوخ باسقی آلتینا آلماقا چالیشیردی لار. حالبوکی حۆكومت «امنیتی کۆمیتهلر» و «انقلابی قورویانلار اردوسونو» هله یولا سالمامیشدی. هله «ائوین» زندانینین فاجیعهلرینین اولایلاری اوزه چیخیب اورانی «موزه» یه چئویرمک صۆحبتی آرادا وار ایدی. او گۆنلر ایدی کی، بیر طرفدن «ائوین»، «قیزیل حصار»، او بیرری زندانلارین ایشکنجه ائنلرینی موحاکیمه ائیدیردی لر، او بیرری طرفدن گیزلی «فداییلری و مجاهدلری» توتوب اذیت ائیدیردی لر. مواهیدلرین «گیلاهلری» اۆز «آتالارینا» جاوابسیز قالیردی. بیر گۆجلو قودرت ایسته میردی کی، «یاشیل قورشاق» یولوندا سولچولاردان بیر اثر قالسین، حتا اونلارین دارماداغین اولونماسینی ایسته میردی. بو ایشلر حۆكومتین ایچینده بیر دلی میمون کیمی اورتایا آتیلیمیش «هادی غفاری» تکین آدمالارین آلیه گۆرولوردو کی، بورونلاری قانایاندا دوکتر موعاینه اوچون «اینگلیستانا» قاچیردی لار.

تهراندا فداییلر طرهفیندن دانیشیق لار آپاریلاجاق بیر نئجه چیخیش اعلان اولوندو. بو چیخیشلارین بیرسی «آزادی» مئیدانیندا گئرجکلشدی. اورادا فداییلرین رهبرلریندن بیر نئجهسی گلیب چیخیش ائدیپ و اۆز سیاسی باخیشلارینی تقدیم ائدیرک، میلّتین اونلاردان حمایه ائتمه سیندن تشکر ائیدیردی لر. یوز میلرله انسان اونلاری قارشیلماق اوچون «آزادلیق» مئیدانینا توپلاشمیشدی لار. اورادا دانیشماقدان سونرا شوعارلار وئریلدی و شعرلر اوخوندو. «فالانژلارین گوجو او میتینقی داغیدا بيملهدیکلری اوچون آلی بوش زنبیل آلینده قاییتدی لار. یوز میلرله اینسانین اونلارین حمایه اینتیمک اوچون توپلانماسی اونلارین گوجلرینی گۆستریردی.

«مواهییدلر تشکیلاتی» «آتالارینی» گۆسترسینلر کی، اونلارلار سولچولوق دامغاسی یاپیشماسین، اۆزلرینی تامامیله سولچولاردان آییریپ و هئچ بیر امکداشلیق

ائتمیردی. لر. اونلار «آتالارینین» قوجاغیندا آغلادیق لاری همین بو گونلرده اونلارین بیر کادرلاریندان تهراندا «روسیه ائچیلیبینه» جاسوسلوق آدینا توتولور و اونا اولوم جزاسی وئرلییر. هله نچه آیدان آرتیق اینقیلابدان کئچمه میشدی کی، بئله بیر یوز سکسن (هشتاد) درجه دؤنوش یارانمیشدی. هله حاکیمیتده اولان قوهلرین اؤز امنیتی و نیظامی گوجلری تام جیددی یارانمامیشدی. گور اونلاری یولا سالاندان سونرا سولچولاری نهلر گوزله بیردی.

بارات داغا گئتمک پروقراملاریندن آرتیق آل چکیب و اونیورسیته نین ایچینده و شهرده کی ایشلره مشغول ایدی. اونون ایشلریندن بیر «فدایی لرین بیلدیری لرینی شهرین تعین اولونموش یئرلرینده یایماق ایدی. عینی حالدا اونیورسیته نین ایچینده «پیشگام» تشکیلاتینی دولاندیران باش عوضولردن بیر ایدی. اونلارین کومیته سینه «ذبیح»ین توصیه سیله «نورعلی» ده آرتیریلیب و اونلارین فاکولته کومیتهلری دورد نفردن (بارات، موختار، ذبیح، نورعلی) عیبارت ایدی.

سولدوزون وضعیتینی بیر طرفدن امن اولاندان سونرا بارات گیلین بیر سیرا یولداشلاریندان تهرانا گئدیب و بیر راحت نفس آماغی دوشونوردولر. بارات گیل ده ایماحانلارینی تزه بیتیرمیشدی. یای یتیشمیشدی. اوروج دا سولدوزدان گلن لرین ایچینده ایدی. اونلارین اوتوروملاری عوموما «ناصر، فیروز و باراتین ائوی اولموشدور کی، سیاسی ایدئولوژیک بحثلرین و موطالیعه لرین یئری ایدی. قولونون اورا گلمه سی اونلارا هم گوج وئریر، هم ده اوزلرینی ایدئولوژیک باخیمیندا آرتیق موطالیعه ائتمکله یوکسلتمه یه بیر مارق یارادیردی.

تهرانین قیراغیندا تزه «آکیاتان» شهرجیی یاریمچیق دوزلمیشدی. اورادا چوخلو سولدوزون کندلریندن گلن جوانلار ایشچی و فهله کیمی چالیشیردی. لار. بارات گیل بیر طرفدن «ایشچی صیفی» ایله ایلشکی باغلاما ی دوشونوردولر، او بیر طرفدن ده اورادا چوخلو سولدوزلو ایشچی اولدوغو اوچون اونلارلا ایلشکی باغلاما باشلادی. لار. بو ایشچی لرین بیر سیراسی دا «آغ طوله» و «محمّدیار» کندلریندن اولان باراتین قوهوملار ایدی. لار. بونلارلا ایلشکی باغلاما ی اونلار اوچون چوخ اؤنم داشیبیردی.

باراتدا بیر خصوصیت وار ایدی کی، اگر بیر ایش گورولمه لی اولسایدی و اونون آلیندن او ایشی گورمک گلسه ایدی، او ایشی کؤنوللو اولراق تنز گورمه یه باشلاردی. بو حاقدا دا هئچ باهاناسی اولمازدی. بو گونه کیمی «کندلی فهله لر ایچینده چالیشمایان بارات بیلیردی کی، بوتون آیری بیر دونیادیر، اونا گوره بیر مقدار او تزه دونیا یا گیرمه یه دیکسینیردی. او اوروجون یاخاسیندان یاپیشدی کی، سولاورادا چالیشاق.

آخیردا اوروج ایله بارات ایکسی «آکباتان» شهرجیبینه فهلهلییه گنتدی لر. اونیوئرسیتده عالی تحصیل لری اولان ایکسی ده بیر موخیطه ایله قارشیلادی لار کی، مودیریت بؤلوموده ایشلهمین بیر نچه نفر دن باشقا هامیسینین ساوادی اونلاردان آز ایدی. مین لرله اینسان اورادا چالیشیردی لار. هله بارات گیل سولوزلولاری اورادا تانیمیردی. اونلار تزه بیر دونیا یا گیریدی لر کی، اونلارین ایکسینه ده تام یئنیلییی وار ایدی. آنجاق کیتاب لاردا حاققیندا نه ایسه اوخودوق لاری بیر دونیا... اونلار «ایشچی» صیفینی گلهجک و اینقیلابین اوزولو بیلیردی لر. بارات گیل بو گلهجهیین یارادیجی گوجونو تشکیلاتلاندیرماغا چالیشیردی لار.

بارات ایله اوروج آکباتان شهرجیبی نین آچیق قاپی لاریندان ایچهریه گیریپ و ایش آختاراراق ایچهریده گزمیه باشلادی لار. اونلار ایچهریده گزمرک تئیکهمن اولان بیر- ایک دکهیه توش گلدی لر کی، اونلارین ایچینده بیر قوروقچو کنشیک چکیردی. اونلارا یاخینلاشیپ، خبر آلدی لار کی، «ایش تاپماق اوچون هارایا گنتسین لر». اونلار دا بونلارا دندی لر: «اگر سیمیت ایشینی گورمک ایسته سهرلر، فیلان قیسمته، «قالیب باغلاماق» ایسته سهرلر، هارایا و «آرماتور» باغلاماق ایسته سهرلر، هانسی بؤلومه گنتسین لر.

«شهرکین» ایچینده هر بیر طرفه باخیردین، اوجا سیماندان اولان تیکیلی لر یوخارییا قالخیردی لار. یئرین اوزو صاف و هر بیر یئری قومسال ایدی. شهرجیبین ایچهریسی نچه «فازا» بؤلونموشدور کی، اونلارین هر فازینین نچه دنه ده کوچه سی وار ایدی. بارات گیل اوندان- بوندان سوروشاراق، بیر زمان گوردولر کی، اوچونجو فازدا «آرماتور باغلاما» بؤلومونون دفتیرین قباغیندا دایانیلار. اونلارین بؤلومونون رئیس لری ایک نفر موهندیس ایدی لر.

اونلار بارات ایله اوروجو فهلهلییه قبول اندندن سونرا اونلاردان ایسته دی لر کی، «فحله باشی» گلیب اونلاری تحویل آلانا کیمی دایانسین لار. چوخ چکمه دی کی، «فحله باشی» تاپیلدی. او بلکه اوتوز بئش یاشیندا گون قباغیندا اوز- گوزو پازی کیمی قیزارمیش بیر کیشی ایدی. اونون سه سی ده چوخ خیشیلتیلا بوغازیندان چیخیردی. اونون تنز- تنز و سرعتله گلمه سی گؤستریردی کی، بیر شئ دن اوترو تله سیر. او زمانینی هئچ بوش کنچیرمک ایسته میردی، داها چوخ بیر چیریکه بنزه میردی کی، امرلری اجرا ائتمک اوچون رئیسین یانینا دستور آلماغا گلیمشیر. بارات ایله اوروج اونا باخاندا، سانکی ائولرینین آشاغیسینداکی چورکچینی و یا چورکچی خانادا ایشلهمین باشقا ایشچی لری گوروردولر. بلکه عؤمرونده بیر کلاس ساوادی اولمایان، یالنیز «آرماتورلاری» بیر- بیرلرینه سیمله باغلاماقدا مهارتلی

اولان بو كيشى بونلار باشچىلىق اندىجىدى. باراتگىل گونده مېن نفر اونا تاي ادامىن قىراغىندان چوركىچىخاندا، بقال دوكانىندا، خىاباندا و آيرى يئرلرده كنجىب و حئيرانلىقلا فيكره داليردىلار كى، بو ساوادسىزلاردا نئجه آيدىنلىق يارادىب و نئجه اونلارنى تشكىلاتلاندىراجاقلار. ايندى بو ساوادسىز ادام صوبىدىن آخشاما قدر بونلار نه ائدىب، نئجه ايشلەمەلرى حاققىندا گۇستريش وئرمەك.

آدى آسلان اولان بو كيشى باراتگىلە باخاندا گوردو كى، بونلارنى آللىرى ايندىيە قدر دمير ايشى گۇرمەيىب، درىلرى ده گون قاباغىندا يانمايىب. اونلارنى سەسلرى ده چىغىرماقدان خىشيلدامىر. او بئله شئىلرى نظره آلمادان ايكي جوت ايش آلجەيى و ايكي دنە كلەتتىن گتيرىپ اوروج ايله باراتا وئردى و اونلارنى قويون كىمى دالينا سالىب و دامىن اوستونه دىرماشدىردى. او اوتوز بئشه ياخين ياشى اولسايدى دا، چپىش كىمى ياريمچىلىق دوزلمىش پىللەلەردن چىخىپ دىرماشىردى. باراتگىل نفس-نفس ووراوورا اونو چتتىنلىكلە توتا بىلىردىلر. اونلار بىر دامىن اوستونه چىخاندان سونرا اورادا اون نفرە ياخين ايشچىنى گۇردولر كى، ھەرسىنىن آلىندە بىر كلبەتتىن آرماتورلارنى اوچ-آياق پايلالارنى اوستونه دوزوب و بىر سىرا نازىك سىملرلە باغلايىرلار.

آرماتورلارنى بعضىلرى يوغون و قىسا ايدى، بعضىلرى ده نازىك و اوزون ايدى. بىر سىراسى دا ھامىدان چوخ نازىك، ھەم دە قىسا ايدى. باراتگىل اونلارنى دوزولمەسىنى بىلمىردىلر. «آسلان اونلار بىر دىفەلىك ھانسى آرماتورلار تئز ھاراي قويلور، آچىقلايىب، سونرا اونلاردان اىستەدى كى، او بىرى فەلەلر كىمى ايشلەسىنلر. بارات ايله اوروج ايكىسى بىر قروپ كىمى بىر باشدان باشلايىب، او بىرىلرە باخاراق، اونلار كىمى باغلاماغا باشلادىلار. او بىرىلر دە سئوينجە اونلار نئجه باغلاماغي اۇيردىردىلر. باراتلا اوروج تئز باشا دوشدولر كى، اورادا بىر نفر خوراسان، بىر نفر دە كىرمانشاھ كوردلرىندە ايشلەيىر. اونلاردان سونرا، قالان فەلەلر، او جوملەدن فەلەباشى - ھامىسى «تورك» دور.

اون نفرە ياخين ايشلەمەن فەلەلرىن ھىچ بىرىنىن آسلاندا خوشو گلەمىردى. آسلان دا سەسى خىشيلدايا-خىشيلدايا، ھامىدان اىستەيىردى كى، تئز-تئز ايشلەسىنلر. او تئز-تئز خىشيلدايان سەسىلە اعتىراض اندىردى كى، نەدن بو بۇلومو تئز قورتارمايىبلار. اونلار بىر سقى قورتاراندا سونرا، او بىرىسىنى باشلامالى ايدىلر. بارات ھىچ بىلمىردى كى، بو ايشى باشلاماقلا دوز ايش گۇروب، يا يوخ. او ھىچ اوزونە دە بو مسالە آيدىن دئىيىلدى كى، بو ساوادسىز فەلەلرىن اىچىندە نە ايش گۇرور. اونلار نە اۇيرەدە بىلر. او اوزونو تئورى باخىمدان دالى قالماغىنى دا گۇروردو، بو ايش ايله نئجه اوزونو او بىرى يولداش لارىنا چاتدىرجاق. ھەر گون كتاب آللىرىندە تئورى باخىمدان اوزلرىنى يوكسلىدىلر.

بارات ايله اوروجون او گون ايشلهمكلرى ساعات اونو كنجندن سونرادان باشلايىردى. بارات زامانين كئچمهسىنى چوخ ياواش حيس ائيدى. او چوخلو ايشلەيندن، يعنى نه قدر آرماتورلاردان دوزوب و باغلایاندان سونرا دؤنوب و ساعاتينا باخدى و گوردو كى، ساعات تزه اون بيرى بير آز كنجير. بير آن گونون نه قدر اوزون اولدوغونو، او، گونده «اوش قوروش» پول چيخارماق اوچون نه قدر چاليشماسى گوزونون قاباغينا گلدی. اگر او آيلار و ایللر فهلملیك ائتسه ده، اونون ياشامینين نه معناسى و مفهومی واردیر.

گون اورتايا ياخينلاشیر، هاوا دا ايشتيله شیردی. بارات گیلين بير ساعات داها ناهار واختلارينا قالیردی. بو بير ساعات نه زامان بيتهجه يينين فيكرينده اولاركن، او كيرمانشاهلى قوجا كورد فهله اونلارا ياخينلاشيب، اونلارين آدلاريني خبر آلدی. سونرا دؤنوب، اونلارا دئدی كى، «ياواش ايشله يين، نه قدر ايشته سه نيز، ايشله ممك اوچون آرماتور وار و گونلر ده چوخ اوزوندور. اوزونوزو يورماغا گرک يوخدور.

بارات گیل ايکيسي ده ايشله ممك سورعتيني آزالداراق، داغا ديرماشماق كيمي «ياواش و داواملى» ايشله مميه باشلادی. اونلار بو قوجا ايشچى ايله دانیشماغا باشلايلاق، اونون هارادان گلهمسى و كيم اولدوغونو اؤيرنميه باشلادی. او دا بونلارين هارادان گلدیکلری و كيم اولمالاريني اؤيرنميه باشلادی. بو دانیشيق لار ياواش ياواش داوام ائيدى. بارات گیل بيردن گوردولر كى، آرتيق ناهار واختی دير. اونلارين هاميسي ناهار يئمک اوچون دامین اوستوندن بير تخته نردیواندان آشاغى طبقه، اوردان پيله لره سارى گندمرک بيربه بير طبقه لری ائنيب آشاغيا گلدی. اونلارين بير ساعات زامانلاری وار ایدی كى، ناهارلاريني يئييب يوخاريا قالخسين لار.

اونلار ايلک اؤنجه سو دولچالاريني آپاريب و اورادا آل لريني يوماغا باشلامالى ایدی. اورادا ايچلری سو ايله دولو اولان بؤيوك «نفت» بوشكالاری وار ایدی كى، هر كس اورادا آل لريني يوييا بيلردی. شیر سويو بير قدر اوزاق ایدی. اونلار شیر سويونو دا تاپيب اوز- گوزلريني جانا سينر يويلاق اورادا گزميه باشلاييب و هارادان بير شئی آلا بيله جكلريني اوندان - بوندان خبر آلماقا باشلادی. اونلار چوخ چكهمدن اؤيرندی. كى، شهرکين ايچينده ياريمچيق بينالارين بيرينين آلتيندا بير نفر قديم ايشچى لردن تاختادان بير دوكان دوزلديب و اورادا يئمک - فلان تاپير لار.

سوروشا سوروشا اورانى تاپير لار. يئمكلر ايچينده كيچيك كيچيك شیرني لار وار ایدی كى، اونلار اوچون ناهار يئری وئرمز ایدی. اونا گؤره اختاراق، بير پارا كئيكلره راست گلدیلر كى، تزه نظره گلیردی. هرهمسى بير كئيك آليب و بير شیشه سرين كوكا كوكلا ايله بير دينج يئر تاپيب، ياری گون ياری كؤلگه بير يئرده

اونلاری یثیب- ایچیب دینجلمیه باشلادیلار. سوندا اونلار یئرده اوزانیب اؤز رویالارینا جومدولار. «ایشچی صیفینین ایچینده ایشلمک نه قدر چتین ایدی، اونلار تئوری باخیمدان یولداشلاریندان چوخ گئری قالاجاقلار، چونکی اونلار آرتیق کیتاب اوخوما واختی قالمايلاق.

ساعات بیره یاخین اونلار یئنه ده دامین باشیندایدیلار. اوندا گۆردولر کی، هامی تقریباً دوز ساعت بیرده پیلهلردن یوخارییا چیخماغا باشلادیلار. دامین اوستونه چیخاندا گۆردولر کی، «آسلان فهله باشی اورادا دامین اوستونده دیک دایانیب و اونلارا سهسلهزک دئی: «تئز اولون، بونلاری بورایا و اونلاری دا اورایا باغلایین». «آخشاما گرک بونلاری قورتاراق». بو حالدا او بیرری فهلهلردن بیر نفر یاشلی آدم باراتگیله یاخینلاشدی. آدی علی ایدی و اوغولیا بیرلیکده اورادا چالیشیردی و موغان طرفیندن گلیمیشدی. او دؤنوب باراتگیله دئی کی، «آسلان پ.....خ یئیر. اؤزونوزو یورمایین». باراتگیل گۆردولر کی، «علی قارداش» نجه یواش یواش دمیرلری قالدیریب و یئرینه قویور و سونرا باغلايیردی. بونلار دا اؤز ریتملرینی اونلارلا تنظیم ائتدیلر.

باراتگیل سوندا بیلدی لر کی علی بهی دن سونرا، اونلارین کندلریندن بیر نجه نفر ده بو «آرما تور باغلیانلار»ین ایچینده واردیر. اونلارین ایچینده بیر قیوراق رشید آدی بیر گنج اوغلان دا وار ایدی. بیر طرفدن اونون قیافه سیندن کیشیلیک و گوج یاغیردی، او بیرری طرفدن ده سانکی بیر شئیدن ناراحت ایدی و دایم اؤز ایچینده ایدی. اونلارین هامی سینین اوزگۆزلری قیزیل کیمی پاریلدايیردی. باشلارینین توکو ده خورما رنگینه چالیردی. آرشد بونلارا گۆزونون آلتیندان بیر سلام وئریب، آزا گولومسه ییب، سونرا اؤز ایشینه مشغول اولدو.

باراتگیل اوراداکیلارین چوخونون، او سیرادان و فلهباشینین دا تورک اولدوغوندان بیر قدر راحتلیق حیس ائدی ردی. ترمته باراتگیل بیربه بیر فهلهلرله تانیشماغا باشلامیشدی. باراتگیل «موغانلی» فهلهلرین «کیرمانشاه» و یا «خوراسان» کوردو اولان فهلهلرله یاری تورکجه و یاری فارسا دانیشیق لارینا اؤزلرینی گولمکدن چتین ساخلايیردی.لار.

کیرمانشاه کوردو سارییا چالیدی قدر، خوراسان کوردو ده قارا رنگینه چالیردی. بونلارین هامی سینین صیف تلرینده بیر نوع توتولماق و عصیلیک وار ایدی. اولایا بیلسین کی، کنده ائولرینده قالان آروادلاریندان اوزاق قالدیق لاریدان آسیلی ایدی. یا دا تهرانی بینمه ییب و اؤز کندلرینه اورکلری داریخیب، مجبوراً تهرانا گلدیکلریندن آسیلی اولایا بیلردی. اونلارین روحو کندن طبیعتی کیمی آزاده اولاراق، اؤزلرینی بیر باغلی موحیطین قفسینین ایچینده «آسلان» کیمی فلهباشینین آلی آلتیندا گۆرمک ایسته می ردی.لر.

بو خیرداخیردا تانیشلارلارین ایچینده زامانی سوردولر، نهایت ساعت دورد اولدو و اونلارین ایش گونلری بیتدی. آجکلرینی دامین اوستونده مخصوص بیر نوقطهیه بوراخاراق، هامیسی بیرلیکده یئنیب بیربیرلریندن آیریلیب، اوز یاشاملارینین او بیرری بولومونون دالیسینجا گئتدی.لر. باراتگیل او بیرریلری هئچ بیلیمدی.لر هارا گئتدی.لر. اونلار تنز قاپی طرفه قاجیب و شهره طرف گئدن «پیکان» موسافیر داشییان ماشینلارا آل قوزاماغا باشلادی.لر. اونلار «آزادی» خیابانیندا بیر یئرده دوشوب، بیر داها موسافیر داشیان ماشینا مینیب و ائولرینین یانینا یئتیشدی.لر. هله ساعات بئش اولمامیشدی. اونلار تنز بیربهیر حاماما گیریب و سو آلتیندا اوزلرینی بیر یویوب تمیزلیب و پالتارلارینی دهییشدی.لر کی، دوننکی آدام اولسونلار. اونلار چوخ یورولماغی حیس انتمیردی.لر. اونلار تنز کتابلارینی آللرینه آلیب اوخوماغا باشلادیلار کی، او بیرری یولداشلاریندان چوخ دالی قالماسینلار. عینی حالدا هامی بیربهیر گلیب اونلارین بیرینجی گون تجروبهلریندن خبر آلیردی. اونلارین ایچینده هامیدان آرتیق «ایشچی صیفینه» اوزوندن فیکری باغلانتی گؤسترن «ناصر» آز سوال سوروشور و او بیرریلرینین سوال-جاوابلارینی دینلیمیب، هردن ده گولومسهییردی. باراتدان دانیشیقدا داها دا هوسلی اولان «اوروج» بیربهیر «فهلہ باشچیسیندان»، «موغانلی» ایشچی.لردن و نهایت «خوراسان» و «کیرمانشاه» کورد ایشچی.لریندن دانیشماغا باشلادی. اونلار «کلاسیک» علمی سوسیالیست کیتابلاردا اوخودوقلاری تئوریلری بو تجروبه.لرله سیناقدان کنجیریب جیلانلاندیریدی.لر.

بارات ایله اوروج ائوده اولان بیر شیشه لیمو سویونو بیر تونگون ایچینه بوشالتدی.لر و اونا چوخلو بوز، شکر و سوقاتاراق لیمو شربتیی دوزلندی.لر. اوندان چوخلو ایچندن سونرا ائشیهه چیخب، هاوا قارانیق اولمامیشدان تهران اونیورسیتتهسینین قاباغینا اوزلرینی یئتیردی.لر. بیر او باش-بو باشا دولانیب و کیتاب.لاری آراشدیریب، هرهسی آئینده بیر کیتاب ائوه گلدی.لر. اونلار فرقلی سیاسی قروپلارین خیابان کناریندا پایلاشان رسمی قزئتتلریندن ده آلیب، ائوه دؤنرکن اتوبوسون ایچینده اونلارین اهمیتلی بولوملرینی اوخوماغا باشلامیشدی.لر. آخشام اونلار ائوه چاتاندا آرتیق هاوا قارانیق ایدی و فیروز ایله ناصر شامی حاضرلامیشدی.لر. «یئرآلما، سوغان، قیرمزی بادیمجان و چرخ اولونموش مال آئیندن بیر یئمەلی شام حاضرلامیشدی.لر کی، تزه چورک ایله چوخ دادلی اولماغی بللی ایدی. اونلارین قارینلاری قاپینی آچاندان سهسلنمیه باشلایب، چوخ چتینلیکله اوزلرینی سوفره باشینا یئتیریب، داها قالخماق ایستهمیردی.لر. شامی یئیهیهیه آز قالیردی.لر بارماق.لارینی دا یئسین.لر. بارات دؤنوب ناصر ده دئدی: «هئچ بیلیمردیک، سن ده بئله دادلی یئمکلر بیشیره بیلرسن». بارات کیمی یاواش و میزی

- میزی دانیشان ناصیر ده شامی یئیهیئیه گولومسهییب، باشینی «تصدیق» علاماتی اولاراق ترپه‌دیپ، بیر مخصوص حالدا جاواب وئردی: بلی...

فهلهلکدن ائشیک یاشام‌لاری اونلار اوچون داها اؤنملی اولان بارات‌گیل گئجه‌نین یاریسینا قدر کیتاب اوخویوب، یولداشلاری ایله دانیشیب و بحث ائدیردی‌لر. شانسدان او گئجه هوشنگ ده اونلارین ائوینده ایدی. اونلارین هر‌سی بیر بوجاقدا بیر شئی آلتلارینا، بیر یومشاق شئی ده باشلارینین آلتینا و نهایت اؤرتوک ده اوست‌لرینه سالیب یاتدی‌لار. بارات‌گیل بیلیردی‌لر کی، ساعات آلتیدا ائوون ائشیه چیخمالیدیر، چونکی ساعات یئددی‌ده اونلار دامین اوستونده اولمالیدیر‌لار. اوروج باشینین اوستونه زنگی قورولو بیر ساعات قویدو. بارات دا اونون اومیدینه راحت خیال ایله یاتدی. اونلار درین یوخونون ایچینه جومدولار.

صبح بونلار قالخاندان نه قدر ده سه‌س سالماق ایسته‌مه‌سه ایدی‌لر ده، یئنه ده بیر آز سه‌س واریدی و ائله هوشنگ ده او آزجا سه‌سه یئریندن قالخدی. او بارات‌گیله دندی کی، تلمه‌مین، صوبحانه‌نیزی یئیین، من سیزی ماشینلا یئتیرم. بارات ایله اوروج شیرین چایلا تزه پنیر - چۆره‌یی یئیب و قارینلاری دویاندان سونرا هوشنگین ماشینینا مینیب و ساعات آلتینی ایگیرمی دقیقه کئچندن سونرا «آکباتان» شهرچیینه ساری یولا دوشدولر. هله ساعات یئددیه اون بنش دقیقه قالمیش اونلار دروازده ایدی‌لر. بنش دقیقه قالان بینانین آشاغیسیندا و دوز یئددیده دامین باشیندا. اونلار یالنیز پیل‌لرده یوخارییا دیرماشاندا فهلله یولداشلارینی گۆردولر کی، هر‌سی بیر ده‌لیکدن چیخیب و نردیوانا ساری گلیرلر. ساعات یئددی‌ده هامی دامین باشیندا ایدی.

هاوا هله سرین ایدی، آما سویوق دئییلدی. قیرمیزی رنگلی گونش ده گون چیخان طرفدن اونلارا ساری ساچیردی. گون‌ه‌شین ایستیزی ایله سرین یئلین آسمه‌سی اونلارین اوزونه ووراندا هامینی نعه‌ش‌لندیریردی. باراتا تقریباً هامی یوخونون ایچینه اولاندا اونلار اوجا داغ باشلارینا قالمیق اوچون داغا دیرماشاندا یارانان حال‌لار آل وئیریدی. بارات‌گیل ساختمانین باشیندا گۆیون بیر قاتیندا گون تزه چیخاندان ایشه باشلاییلار، حال‌بوکی جاماعاتین یاریدان چوخو هله یوخودایدی.

بارات ایله اوروج ایکیزی ده گونون چیخان زمانینی چوخ سؤیریدی‌لر. اونلار ایشه باشلایاندا گۆردولر کی، «ارشده» گۆزل آشیق هاوالاریندان یواش‌یواش آلتدان-آلتدان اوخویور. «عاشق» هاوالارینی چوخ سئون بارات‌گیل اونو ارشدین نارین سه‌سیله ائشیدمکدن ده چوخ لذت آلیردی‌لر. اونلار سه‌س‌لرینی چیخارمادان آرشده یاخین یئرده ایش گۆرمه‌یه مشغول اولدولار کی، او، اوخوماقدان یورولوب دؤنوب و اؤز کندلیسی اولان یاشلی موغانلی ایشچی‌دن - «علی قارداش»‌دان بیرسوز خبر آلسین.

«علی» قارداش دا اوغولیا بیرلیکده چالیشیردی لار. آرماتور ایشی چوخ زامان جوت جوت گؤرولمهلی ایدی. اونلاری داشیماق، آلتلارینا چهارپایالاری دوزمک و اونلاری سیمله چهارپایالارین اوستونه باغلاماق مجبور اندیردی کی، چوخلو ایشلر جوت جوت گؤرولسون. «آسلان» کیشی بو علی بهی دن چوخ چکینیردی. «علی» بهی نه قدر ده ساکیت و یلواش دانیشان اولسایدی، بیر ساکیت ایلان کیمی سهسی چیخاندا بیچاق کیمی کسیردی. باراتگیل اونون یانیندا «امنیت» حیس اندیردی لر.

اونلارلا تزه تاناش اولوب دانیشماغا باشلایان باراتگیل اونلارین کیم اولدوقلاری و هارادان گلدیکلرینی اؤیرنمهیه چوخ ماراقلانیردی لار. اونا گوره هرهسی بیر طرفده عینی حالدا او بیرری فلهلرله دانیشیردی لار. باراتگیل گؤروردولر کی، بورادا اؤیرهمن شئی لری کیتابلاردا اؤیرهنه بیلمز لر. اونلارین بو فلهلرله دانیشمالاری بیر سئوینجلی کیتابی اوخوماغا بنزه مییردی کی، بونلارین اونو اوخوماغی سئودیکلری قدر او کتاب دا قورتولماغا گل مییردی. نه قدر ده بو دونیانی سئوسه ایدی لر، اونو یاشاماق ایسته مییردی لر. ایلر بو یو هر گون صوبدن آخشاما قدر آنجاق آرماتورلاری باغلاماق اونلار اوچون ایسته مهلی بیر یاشاماق دئییلدی.

بارات ایله اوروجون سولدوزدان اولدوقلارینی اؤیرنن باشقا فلهلر بونلارلا دئدی لر کی، اورادا سولدوزدان گلن چوخلو فلهله واردی. بونلارین چوخلاری «سیمیت» توکمه بؤلومونده چالیشرلار، بیر آزی دا فلهله باشی دیرلار، بیر ایکی نفر لری ده دفترلرده یازی ایشینه مشغولور و نهایت بیر نچه سی ده گنجه گوندوز اورادا کئشیک چکیرلر. بونلارین بیر آزی اؤز آرواد- اوشاقلارینی دا تهرانا گتیریب، بیر ائو کیرا توتوب، «آزادلیق» میدانین دؤره سینده بیر یئرده یاشاییردی لار، اوندان سونرا اونلارین هامیسی بو یاریمچیلیق ائولرین آشاغی طبقه سینی تمیزلاییب و دؤرد- دؤرد، یا بئش- بئش بیر یئرده یاشاییردی لار.

دامین اوستوندن باخان زامان او بیرری داملارین اوستونده «سیمیت» تۆکنلری، بو بیرسی طرفلره ده باخاندا تاختا میخلیانلاری گؤرمک اولوردو و اونلار دا تزه دیوارلار و یا تزه تاوانلارین تاختاسینی دؤشه مییردی لر کی، سونرا اونلارین آرماتورلاری باغلانسین و اونلارین سولوله لری و ائلکتتریک لوله لری چکیلندن سونرا سیمیتلری تۆکولسون. بو اوچ- دؤرد مرحله بیر- بیرلرین دالیسینجا گئندن سونرا گؤروردون کی، بیر بینا بیر طبقه ده اوجالدی. باراتگیل داملارین اوستونده او بیرری قروپلارین چالیشمالارینی گؤروردولر.

اونلار دامین اوستونده اوزون فیل کیمی خورطوملاریل «سیمیتی» یئردن سوروب، دامین اوستونه توکن «جرتقیل» لری حیرتیه تاماشا اندیردی لر. اونلار «سیمیت» تۆکنلرین ایشلرینی اؤز ایشلریندن داها عظمتلی و دهیرلی گؤروردولر. البته بونلارین دا آرماتورلارینی همان جرتقیلر قالدیریب و بیر گویون اوجا قاتیندا

بیر فیرلاناندان سونرا باراتگیل اولان دامین باشینا گتیریردی. جرثقیل بونلارین آرماتورلارین گۆیدن تحویل وئرنده بوتون سیمتچی لر و تاختا میخلائانلار دا دایانیب، تاماشا اندیردی. او زامان باراتگیل ده آللرینی بؤیورلرینه قویوب، غرورلانیردی. اونلار ایکی هفتهنین ایچینده گؤروردون، بیر داها قاباقکی بینایا گلیب و اونون اوستونده بیر تزه «قات» یا طبقهنین آرماتورلارینی تۆکوردولر.

باراتگیل بیر هفتهنین ایچینده بیر نئچه نفر سولدوزلو ایشچی ایله تانیش اولدولار. اونلار باراتگیل اورادا چالیشماغا باشلایاندان اونلارین اورایا گلمک لریندن خبردار اولموشدولار. باراتگیل بیلدی لر کی، سولدوزون چوخلو کندلریندن اورادا چالیشانلار وار، او سیرادان باراتین قوهوملاری چوخ اولان «آغ طوله» و «محمّدیار» کندلریندن. اوروج ایله بارات داها ناهار واختی داملارین اوستونده بیر ساکیت یئرده اوزانیب و «کوکا کولا» ایله بیر «کئک» یئمیردی. اونلاری چوخ واخت سولدوزلو کندلی لر قوناق چاغیریردی. لار.

اونلارین ائولری «سیمیت» دن دوزلمیش بینالارین آشای طبقه لرینین اوتاقلاریندا ایدی کی، اورالاری سیلیب سوپوروب، اؤزلرینه ائو ائتمیشدی. لار. اونلار یئردن بیر متر اوجالیقدا دؤرد آیاق تاختالارین اوستونه میز کیمی تاختا ووروب و اؤزلرینه بؤیوک سکی دوزلتمیشدی لر کی، اوتاغین دؤرده اوچونو توتوردو. بو سکی لرین اوستونو پتی دن و چوخ زامانلار دا خالچا سالیب و اوستونده یاشاییردی. لار. اونلارین یورغان دؤشکلری ده باغلالمالاردا دیوارلارا دایانیردی. اونلارین قاب. قاشیق لاری و اوجاقلاری بیشیرمک اوچون قاپی قاباغیندا ایدی. اونلارین چوخونون قاپیسی همیشه لیک آچیق ایدی، اما ایستهن لر قاپی دوزلدیب، قویوب و باغلا بیردی. لار.

اونلار حتّی دیوارلارا میخ ووروب، پالتارلارینی اورادان آسیردی. لار. اونلارین ایشلری توزتورپاغین و سیمیتین ایچینده اولسایدی دا، هر گون یویونوب، ائولرینی سوپورردی. لار. اونلار اؤزلرینه ائشیکده تاختادان بیر کیچیک اوتاقلار قاییرمیشدی. لار کی، اونون ایچینده حمام اندیردی. لار. اونلار سویو قیزدیرماقدان اؤترو هم تاختا اودوندان، هم ده قازوئیل دن ایستیفاده اندیردی. لار. اورادا سو دولدورماق، سو قیزدیرماق، هم ده حمام دوزلتمک اوچون بوشالمیش نفت بوشکالاری چوخ ایدی. اونلار دؤورمه کی ایمکانلار ایله اؤزلرینه هر بیر شئی دوزلتمیشدی. لار.

ایکینجی هفته نین ایچینده بارات اورادا عمی اوغلان لارینین اوچونو تاپدی. اونلارین داها یاشلی و ناخوش اولانی اؤزونو سمیت تۆکمک بۆلمه سینده او بیرری فهله لرین ایچینده ایتیریپ، گونون کئچیریپ پولون آلیردی. او بیرری عمی اوغلان لاری هر ایکیسی ده جاوان ایدی. لار. اونلارین بیرسی «خودان» عمی سینین اوغلو ایدی کی، جاوانلیقدا اؤلوموشدو. خودان عمی سینین چوخ ایگید

اولدوغونو آناسینین دیلیندن چوخ ائشیتیمیشدی. ایندی عمی اوغلونون ھئیکلینی گۆرنده بارات عمی سینین نه قدر قامتلی اولدوغو آینه گلیردی. بارات گیلی ایلر بویو گۆرمهین عمی اوغلولاړ ایندی دونیانین بو غریبه نۇقطه سینده تاپماقلارینا سئوینیردیلر، خصوصاً ده، «اوروج» ایله «بارات»ین عالی تحصیل لری اولدوغو اوچون داھا ماراقلانیردی لار.

اونلار بارات گیلہ چوخ برکیبیردی لر کی، «ناھاړدا دانیشماغا فورصت آزدی، بیر گنجہنی شاما اونلارا قوناق اولالار. بارات گیل بیر طرفدن هر گون ثانیہ لری ساییردی لار کی، ایش قورتولاندان سونرا او بیرری بۆلمہده یاشایان یولداشلاری ایله گۆروشسون لر، او بیرری طرفدن ده ایشچی لر ایچینده او یانیش آپارماغی اۆزلری اوچون تئوریک باخیمدان بیرینجی مقصد بیلیردی لر، بو ایستکدن چکینه بیلمزدی لر. نہایت بیر گنجہنی اورادا قالدی لار.

آخشام لار اورادا ایش قورتولاندان سونرا آیری بیر دنیا باشلاپیردی. هامی یویونوب، بیر باشدان تمیزلہمکله مشغول اولاندان سونرا پالتارلارینی دہییشیب، ایش پالتارینی چیخاریب، عادی پالتار گئیردی لر. اونلار یا شہرکین ایچینده او باش-بو باشی دولانیب، بیربیرلرینہ باش ووروب-دانیشیر، یا دا بیر نچہسی شہره دولانماغا گئدیردی لر. بیر نچہسی ده گنجہنین آشیازلیغینی اوزرلرینہ گۆتورموش و سویوب، دوغرویوب، بیشیرمہیہ مشغول ایدی لر. دولانانلارین هر بیرینین آلینده بیر اوزون گۆزل رنگلی تسبیح سالاناراق بیر درین روحو ساکنیلک گۆرونوردو.

بو گزمہلرین ایچینده بارات گیل اۆنجه «حسین»ی گۆردولر. حسین بارات گیلین سولدوزداکی قونشوسو «علی پوستچونون نوحسی ایدی. دیپلم ساوادی اولان حسین بیر ادارہده مشغول ایدی و بارات گیل کیمی شیک و تمیز گئینیمیشدی. «حسین ایله بارات گیل بیربیرلرینین دیل لرینی راحت باشا دوشوردولر. اونو اورادا تاپماق بارات گیلین اورکلرینی بیر مقدار سرینلندی. سونرا بو دولانمالاردا بارات گیل «رشید» ایله تانیش اولدولار.

«آغ طوله» کندیندن اولان و بوتون ایشچی لر، خصوصاً ده سولدوزلو ایشچی لرین ایچینده تانینان «رشید» اۆزونه گۆره بیر گۆرکمی و کەسری وار ایدی. اونون هم ھئیکلی چوخ ایری، هم ده سہسی گور ایدی، بیر طرفدن ده چوخ «قوچو صیفت» آدام ایدی، بیر طرفدن ده بیر بۆلمہنین ایشچی لرینین باشچیسى ایدی. «رشید» بارات گیلین اورادا چالیشمالاریندان خبری وار ایدی. او بونلاری گۆرمک اوچون بیردن تاپیلدی و اونلار قوناق اولان ائوده گۆروندو.

هامی سلام علیک و خوش بئش اندندن سونرا هامینین قاباغینا چای قویدولار. رشید ده تئز قابیتمالی بیر شخص کیمی سکینین اوستونده آیق لاری ساللاق آیلشدی. او تسبیحی چئورمچؤبرہ او بیرری لره شوخلوق مقصدیله آتماجالار آتیردی. او، فیکرینی گیزلتمہدن «فدایی لر» سیاسی تشکیلاتیندان حمایہ ائتمہیہ و اونلارین

آزادلیق و عدالته اساسلارنان «سوسیالیستی» آرمان لاری حاققیندا دانیشماغا باشلادی. بورایا کیمی احتیاط ایله دانیشان بارات ایله اوروجون اوزلری آجیلیب، رشیدین سوزلرینه قاریشدی لار.

اونلار گنجه قویروقلو شوربانی یئیندن سونرا هامی نین یورغون اولدوق لاری اوچون هره بیر بوجاقدا یاتدی لار کی، صاباح تئزدن قالخیب ایشه باشلا سین لار. گنجه نین سه سسیز لیلینده یئرلری ده ییشیلدی یی و گنجه حیوانلار یینن سه س لری گل دی یی اوچون چتین یاتا بیلن بارات گیل ده نهایت یوخویا گنتدی لر. صاباح داها اونلار مجبور دئییلدی لر کی، ساعات بئش یاریم دا دورسونلار. اونلار ساعت آلتی یاریم قدر یاتدی لار.

بارات گیل بیرایکی ساعات ایشه باشلاماقلار ییندن سونرا گوردولر کی، بونلار یین بئلری قاشینماغا دوشوب. بارات بئلینی قاشیدیقجا یئنه ده چوخ قاشینیردی. او چوخ زحمتله اوزونو ناهار اچان ساخلادی و ناهار واختی اوروجدان ایستهدی کی، اونون بئلینه باخ سین. او کؤینه یینی چیخارداندا سونرا اوروج اونون بئلینه باخدی. اونون بئلینده نئچه یئرده، «شاللاق» یئری کیمی زولاق- زولاق قیزار میشدی. او یانیق زولاق لار یین اوستونه باخاندا اورادا اونو دیشله یین بوتون بوجوکلر یین دیش یینن یئری هر بیر سانتیمتر دن بیر گورونوردو. بارات کوره یینن یانماسینی «سولدوزلو» فهله ره تعریفله یینده، اونلار دئدی لر کی، تاختانین ایچینده اولان «گننه» لر اونو سانجیب. اونلار یین میلچک اولدورن داوالاری او «گننه» لری آنجاق کفنلندیری ب و سرخوش اندیردی. اونلاری بو راحتلیقلا توتوب اولدورمک اولموردو.

بارات او گون آلیندن گل دی یی قدر چالیشدی کی، دالی سینی قاشیماسین، بلکه بیر آز راحت قالا بیل سین. اونلار یئنه ده ساعات دوردن سونرا ائوه گلنده بیر دوش توتوب و تمیز پالتار لار یین گئیدی لر، بارات ائودن بیر پوماد تاپیب بئلینه یاخدی، بلکه قاشینماس یینن قاباغینی آلی سین. سونرا همیشه کی کیمی اوروج ایله بیر چوخ بوزلو لیمو شربت ی دوزلدیب- ایچندن سونرا تهران اونیورسیتهمه سینن قاباغینا گنتدی لر کی، اورا گنتمک اونلارا بیر شئی یئمکدن ده اونلارا آرتیق اؤنملی ایدی. بیر سیرا بحثلرده ایشتی راک اندیب، کیتاب ساتان لار یین دوکان لار یینی دولانی ب و تزه کیتاب لارا باخاندان سونرا، بیر نئچه تزه سیاسی پارتی لر یین قزنتلر یینی آلدیغی یئرده بارات بیر داوا ساتان دوکانینا گنتدی کی، «گننه» لری اولدوره بیله جک بیر درمان تاپ سین. چوخلو آختاراندا سونرا گوجلو بیر «بایگون» بوجوک اولدورن «سئیلن قاز» درمانی تاپیب آلدی.

صاباح اورا ایشه گنتدی لر، دامین اوستونه چیخمدان قاباق بوتون یولداش لاری ائودن انشی به چیخ میشدی لار. بارات ائو یین هر یئرینه، خصوصاً سکی نین آلتینا آلدیغی داوانی فیس لاد اتدی. سونرا قاپینی باغلاییب، او دا او بیر یی یولداش لاری کیمی، دامین

باشينا دیرماشیب ایشه باشلادی. اونلار دا او بیرری فهلەر کیمی بیر حربی (نیظامی) دیسیپلینله چالیشماغا باشلامیشدی لار. اونلار ایشچی لرین پسیکولوژی دوروملارینی بیربیرر آنالیز اندیب اونلاری تانیماغا چالیشیردی لار. عینی حالدا اونلارین کند ایلله باغلی اولماق لارینی و او کندین طبیعتینین گۆزلییی و تمیزلییینی ده اؤزلی ایلله داشیدیقلا رینی گؤروب بیلیردی لر کی، اونلار اورادان اوزاق دوشمه لرینین دردینی چکه بیلیردی لر و هر زامان نه واختسا کنده دؤنمه لریندن دانشیردی لار. اونلار عینی حالدا اؤز بوش آل لریندن سونرا دونیادا یالنیز اؤز یولداشلاریندان سونرا بیر شئی لری یوخ ایدی. اونا گؤره هامیسی بیر گوجلو بیرلیک و آمکداشلیقلا ایش لارینی قاباغا آپاریردی لار. فهلهمباشی قوجا و تکباشینا اولان ایشچی لرین ضعف نؤقطه لریندن سوء ایستیفاده اندهرک، او بیرری ایشچی لره قارشى چالیشیردی. اما بو ایش ده هئچ زامان چوخ ایرملی گنده بیلیردی.

اونلار ناهار اوستو ائوه ناهار یئمهمیه گکندنه گوردولر کی، آزقالا یوزلرله تاختا آراسیندا گیزلنن گنه لرین اؤلوسو یئره تۆکولوب. اونلارین هر بیرریسی بلکه بیر «مرجیمکدن ده بؤیوک اولاردی لار. عینی حالدا اونلارین جانلاری دا چوخ مؤحکم و برک ایدی. اؤز اوغوروندان سئوینجلی اولان بارات بیر طرفدن اؤز اینتیقامین آلماسینا سئوینیردی، او بیرری طرفدن ده او بیرری سولدوزلو فهلهرین یانیندا اؤز اعتبار لارینین اوجالماسینی حیس اندیردی.

باراتگیل دوزدور کی، آرماتور باغلایان ایشچی لرین ایچینده ایدی لر، اما سولدوزلو ایشچی لره داها چوخ دیقّت گؤستریب، اونلارین بیر نئچه سیله ائولرینه گئت - گل سالدی لار. هوشنگگیل ده «رشید» و حتّا «حسین» و بیر نئچه نفر باشقاسیلا دا تانیس اولای بیلدی لر. بو ایشچی لر چوخ اؤیرمەن و بیلهمیه عطش لری اولدوغو اوچون چوخ دیقّتله باراتگیلین ائولرینده کی دانیشیق لار، یا دا اونلارین یولداش لارینین دانیشیق لارینا دیقّت اندیردی لر.

باراتگیل بئله لیکله یابین بیر آیینی سوردولر. اونلار بیر آیلارینین پولونو آلاندان سونرا بارات پولونون چوخونو وئریب بیر «موتور سیکلت» آلدی. او موتور سیکلت سورمه یی بیلهمه دیی اوچون او بیرری بیلهمه یان ایش لری کیمی اونو اؤیرنمهیه باشلادی. آلی، قولو و آیاغینی بیر نئچه دفعه نئچه یئردن یارالایاندان سونرا نهایت سورمه یی اؤیرندی. اونلار آرتیق ایش باشینا «موتور سیکلت» ایلله گئدیردی لر.

بارات بو چالیشمالارین ایچینده ده بونو بیلیردی کی، اونیورسیتهدە یای اوچون ایکی درس گؤتورویسه ده، هئچ بیرینین کیلاسینا گکتمیر. او یالنیز «پرولتاریا» نین ایچینده چالیشماغا مشغول ایدی. اونون بو قدر چالیشما، ائوده و انشیکده اوخویوب چالیشمالاریندان سونرا درس اوخوماق اوچون داها انرژییسی قالمیردی. او درسی قولاغینین دالیسینا آتاراق اؤزونه دئیردی کی، «ایمتاحان لار یئتیشنده بیر ایش

گۆرەجک». او عینی حالدا اونیوئرسیته‌ده‌کی یولداشلارینی دا چوخ آز گۆره بیلیردی.

ایش یئرینده ایش ساعاتینی و ایش حاققینی ده‌ییشمک ایله باغلی بیر سیرا ده‌ییشیک‌لرین آریا گل‌مه‌سی حاققیندا دا بارات‌گیل ایله آرماتور باغلایان‌لار آراسیندا بیر سیرا جیدی دانیشیق‌لار آریا گلدی. بارات‌گیلین ایچینده هامی دیرناق‌لاریلا اوز حاققلاریندان یاپیشیردی‌لار. اونلارین هامیسی یاریم سانتی متر ده اوز فهله حاققلاریندان گئری چکیلک ایسته‌میردی‌لر. اونلار آچیقلاما اوچون آرماتورچولارین «مهندس‌لر» بۆلمه‌سی ایداره‌سینه گئتدی‌لر. اونلارین هامیسی اورایا توپلاشمیشدی‌لار کی، «اوروج» آغا قالخیب و بیر چیخیش ائتدی. او ایشچی‌لرین بوش بیر آل‌لری و بیر ده بیرلیک‌لریندن سونرا هنج بیر نط‌لرینین اولماسینا ایشاره ائتدی. اوندان سونرا او ایشچی‌لرین سندیکا و یا شورالار قورمالاری ضروره‌تیندن دانیشدی و اونلاردان ایسته‌دی کی، اوزلرینه «شورا» اوچون بیر نئچه نفر سئچسین‌لر.

اؤزونو اورادا اوغورلو حیس ائدن اوروج ایشچی‌لرین اوزلرینین تشکیلات یاراتمالاریندان دانیشان‌دان سونرا، بوتون آرماتورچو ایشچی‌لر اونون یاخاسیدن یاپیشمیشدی‌لار کی، «سن شورا اوچون بیزیم کاندیدامیز اول». اورادا چوخلو دانیشیق‌لار اولدو، اوروج ایله بارات شورا اوچون کاندید اولماغا حاضیر اولمادی‌لار، اما ایشچی‌لر حاققلارینین آزالماسینین قاباغینی آلمایا باشاردی‌لار. اورادا اوروج‌دان سونرا «علی کیشی» اوروج دئین سوزلری چوخ ساده و عامیانه صورتده بیر داها ایشچی‌لرین اوز دیل‌لرینده اونلار اوچون آچیقلا‌دی. بارات ایله اوروج سوسیالیستی ایدئال‌لارینین نه قدر ایشچی‌لرین وضعیتیله اویغون اولدوق‌لارینی داها یاخین‌دان گۆروب حیس ائدیردی‌لر. اونلار ایشچی‌لری ذاتاً سوسیالیست گۆررک اونلارین «موللالار» طرفیندن اونلارین بئیین‌لرینه دولدورولموش بعضی خورافی فیکر‌لرینه حئیرت قالمیشدی‌لار. اما بارات ایله اوروجون سوزلری بو ایشچی‌لره چیریش کیمی یاپیشیردی.

باراتین موتور سیکلتی اولاندان سونرا، اونلارین گئت-گل زامان‌لاری چوخ آز الیب و راحت گلیب - گنده بیلیردی‌لر. بو زامانین تلف اولماسینین قاباغینی آلیب، اونلارا «قولو»، «هوشنگ»، «ناصر» و «فیروز» ایله داها آرتیق واخت کئچیرمه‌یه زامان وئیریدی. اونلار بونا‌تای تجروبه‌لر ایله داها بیر نفر غیر واقعی و چوخ دانیشان «کیتابی» دانیشسادی، بیلیردی‌لر کی، اونلارین دانیشیق‌لاری غیر واقعی‌دیر. بونلار بو طریق ایله اوراداکی ایشچیلر ایله سولدوزون سولچو اؤیرنجی‌لرینین آراسیندا بیر قاپی دا آچدی‌لار و بو قاپی واسیطه‌سیله بیر چوخ ایشچی اونلارلا تانیش اولو. او تانیشلیقدان سونرا، داها بارات کیمی نه ایش گۆرمه‌سینی بیلیمیردی.

بارات ایله اوروج داها تام بئله فهله اولموشدولار. آما اونلار ايكي آي لاري قورتولاندان سونرا دؤنوب اساس ايشلرينين داليسينجا گنتمهلي ايديلر. بارات ايمتاحتان لاري و درس لرینين داليسينجا و اوروج دا سولدوزا دؤنمهلي ایدی کی، اؤزونه بير دوغرو ايش آختارسين. اونيوئرسيته درسینی باشا ووران اوروج اؤز ايقتصاديات ايختیصاصیندا اؤزونه ايش آرامالی ایدی.

باراتگيل بو ايشلري او زامان گؤروردولر کی، اونلارين هئچ بير سياسي تشکيلاتا باغليليق لاري يوخ ایدی. دوزدور کی، اونلار فيکری باخيمدان فدایي لر تشکيلاتيندان طرفدارليق و اونلار بيرليکده ايشلهين فهلهلردن ده «آزادليق» مئيدانيندا فدایي لرین چيخيشينا قاريشماغا دعوت ائديردي لر، آما فدایي لرین ده تشکيلاتی باراتگيل کیمی چالیشانلاری قانادی آلتینا آلا بيلهجک قدر بؤيوک دئييلدی. باراتين يالنيز بير «پيشگام» تشکيلاتينا باغليلیغی وار ایدی کی، اونون دا چالیشمالاری داها چوخ اويرنجی لر ايچينده خولاصه اولوردو.

سياسی دوروم و وضعيت او قدر ده آچيق، دئموکراتيک و ثابيتلشميش بير امنيتلی دوروم دئييلدی کی، اونلار تشکيلاتلارینی آچا بيلسين لر. اونا گؤره «چيریکی» يول ایله تزه اينقيلابی کئچيرندن سونرا ایل لر بويو بوغونتو و خفقانين آلتيندا اولاندان سونرا اونا تاي بو راحتليقدا تشکيلاتلارینی بؤيوده بيلمزدی لر. آما گونون ضرورتلرينه ده او کيچيک تشکيلاتلا جواب وئره بيلمزدی لر. او ائوده هامی «قولو» نون فدایي لر تشکيلاتينين عوضو اولدوغونو بيليردی. بو او زامانا عايد ایدی کی، بلکه بوتون ايراندا فدایي لر تشکيلاتينين نچه يوزدن چوخ عوضو اولمايایدی.

باراتگيل او قدر ایل لر بويو سولدوزلو سولچو اويرنجی لر و يولداشلار ایله بيرليکده بير اورقانيزم کیمی ياشاميشدی لار کی، اونلارلا «جيددی» و سياسي تشکيلاتی علاقه قورماق گونونون خياليینی ده بئله ائده بيلميردی لر. بير گون «قولو» باراتا دندی کی، او و نوروزلا بيرليکده دانیشماق ايسته بير. بو دانیشیغی دا باراتگيلين ائولرينده آپارماقلارينا قرار وئردی لر. هله سياسي تشکيلاتی يوخ، بلکه اؤز ايليشکی لری آراسيندا «محفلی» دوشونن بارات مسالهين اهميتینی ياخشی دوشونمه ييب بو توپلانتيا بير يئرده اولدوقلارينا گؤره او بيری حقوق اوخويان دوستلاری «قولو» نو دا گتيردی. قولو بو توپلانتيدا اونو گؤرندن سونرا، سانکی بير قدر شاشيردی، دئيهجیی سؤزلری دئمکدن چکينه رک دانیشيغين مضمونونو ده ييشدی. بارات دا بو اوتورومون اونون دوشونديووندن داها جیددی اولدوغونو حيس ائدەرک او بيری «قولو» نون اورايا گتيرمه سينين نه قدر يالنيش اولدوغونو بيلدی. بو اوتوروم اونلارين فدایي لر تشکيلاتينا عوضو اولمالارينين باشلانغیجی اولما بيلردی کی، باراتين بو يالنيش حرکتی بو فرصتی آلدن قاچيردی.

اوروج فهلمر ایچینده داها آرتیق اعتبار قازانمیشدیر، چونکی او باراتدان داها یاخشی ساده دیلیله اونلارلا دانیشیردی. اونون باراتدان داها آرتیق دانیشما باجاریغنا مالیک ایدی. بونلارین ایکسی ده عادتاً بیر یئرده اولاردی. اونلار «آکباتان» دا بیر ائوده اولاندا اونلارین دوره یولداشلاری دا اورایا گلیب، بونلارین دانیشیقلا رینا قولاق آسیب و هر نه سورونلاری وار ایدی سوروشاردی. لار.

فهلرین یاشام لاری دوزگون بیر یاشام دئییلدی. نه ائولری ائو ایدی، نه ده دوزگون سولاری، ائولرینده دوزگون یاشام ایمکان لاری وار ایدی، نه ده شهره گنتمیه وسیله لری و هامیسیندان آن اؤنملیسی بو ایدی کی، نه ده اونلارین عایله لری اوراد ایدی. اونلار بئش- بئش کیریبیت قوطوسونا بنزر ائوه گیریب، اورادا یاشاییردی. لار. انشیک ده بوتون یاریمچیق بینالار (تیکیلی لری) و توزتوپراق ایدی. اونلار هئچ زامان دائمی بو وضعیتده یاشایا بیللمزدی. لار. اونلارین هامیسی اؤزلرینی اورادا موقت ییلیب و عینی زاماندا دا ثابت ایشه مالیک اولماقدان سئوینیردی. لار، آلبته اورادان قورتولماغین یولونون فیکرینده ده وار ایدی. لار.

بو فاصیله ده عینی حالدا بوتون تهراندا و آیری شهرلرده دئموکراتیک وضعیتده ایمکان اولدوغو قدر «فدایی لری» و او بیر سیاسی تشکیلات لار چالیشمالارینا دوام اندیردی. لار. بو چالیشمالارین آن اؤنملی لریندن بیر «تورکمن چولو» نده باش وئرمیشدیر. اورادا فدایی لری تشکیلاتین کؤمهی ایله چوخلو اکیچی لره «شورالار» قورولوب و امکداشلیق لار گوجلندیریلیب. بو میلتین بیرلشیب، اؤزو اؤز ایشلرینین ایدارمسینی اؤز آلینه آلماسینی گؤزو گؤرمیه رک، دولت آدام لاری ایشه باشلادی. لار.

دولتین اینتیظامی مامورلاری منطقه نین ایرتیجاعی قوملرین کؤمهی ایله شورالارا هوجوم اندیب، اونلارین فدایی لری تشکیلاتین عوضو اولان رهبرلرینی توتوب، اونلاری اؤلدوروب و شهادته یئتیرمیشدی. لار. بو فاجعه نین خبری یایلاندان سونرا، اعتراض اولاراق فدایی لری طره فیندن تهراندا بؤیوک چیخیش لار تداروک گؤرولدو. بو بؤیوک اعتراض چیخیشلاریندا، چوخلو «آکباتان» شهرکی نین ایشچی لریندن ده ایشتیراک ائتمیشدیر. بو چیخیشدا دا یئنه ده یوز مینلرله فدایی لری طرفدارلاری انشیه چیخدی. لار. اما بو هوجوم لار و اؤلدورمهلر فدایی لری اساس استراتژی لریندن، یعنی حؤکمتی «انقلاب»، «ملی» و «خلقی» بیر حکومت کیمی تانیدیقلاریندان یانیتلنمادی، عین حالدا بو عملری حکومتین ایچینده کی بیر دسته «کور اقلیته» نسبت وئیردیلر.

اوروج ایله بارات اؤزلرینین اورادا موقت ایشله مک لرینی او بیر ایشچی لره بیلدیریب، اؤزلرینی شورایا سئچیلمکدن معاف ائده بیلدی. لار. اما تقریباً «علی قارداشی» یاریمچیق آرماتورچولارین کاندیدی کیمی قبول ائتدیره بیلدی. لار کی، نهایت اکینجی آی قورتولاندان سونرا ماعاش آما گونو گلدی. بارات ایله اوروج

همیشه کی کیمی دامین باشیندا ایش اوستونده پوللارینی او بیرری فلهلر کیمی «موهندیس» لرین بیریندن آلدی لار. او گونو ایشلهیندن سونرا او بیرری فلهلردن ساغ اوللاشیب و «آکباتان شهرکی» نده چالیشمالارینا سون قویدولار.

بارات اوزونو یای ترمینین ایمتحانلارینا حاضیرلامالی ایدی، اروج دا سولدوزا دؤنوب، اوز تقدیرینه داوام وئرمهلی ایدی. اما اونلار آچدیغی قاپینین بیر طرفیندن سولدوزلو فله و ایشچی لر گلیردی لر، او بیرری طرفیندن سولدوزون اویرنجی لری و سولچو آیدینلاری. اونلار بیر- بیرله تانیش اولاراق بیر- بیرلریندن اویره نیب و بیر-بیرلرینی یاخیندان تانییر، سونوندا ایککی طرف ده بیر- بیرلرینی کامیللشدیریردی لر. بارات اونیورسیتیه دؤندن سونرا، اونون ایککی درسینین ده سون ایمتحانلاری یاخینلاشیردی. امتحانلارا مربوط اولان درس لرین کیلاس لارینا بیر-ایکی دفعه دن آرتیق گئتمه یین بارات او بیرری یولداشلاریندان درس لیکلری (جوزولری) آلاندا سونرا اوزونو حاضیرلاماغا باشلادی.

اونون ایککی درسیندن بیرینین - «ایش ایقتصادیاتی» هنج کلاسیندا ایشتیراک ائتمه میش، حتا اوستادینی دا تانیمیردی. او بیرریسی - «سوسیالیستی حؤکومت» درسینین کیلاسیندا بیر- ایککی دفعه ایشتیراک ائتمیشدی. او اوزونون بیلگی لرینه «سوسیالیستی حؤکومت» حاققیندا چوخ ایناندیغی اوچون اونون درسینی چوخ اوخوما ییب، بئله سینه ایمتاحانیندا حاضیر اولدو. او ایمتاحاندا ایککی سورغو سوروشولموشدو؛ بیرری «سوسیالیستی دوشونجه نین تاریخی باخیمیندان یارانماسینی آچیقلا سینلار» و او بیرری «سوونت لر بیرلییی حؤکومتی نین تشکیلاتینی آچیقلا سینلار». بارات بیرینجی سورغویا او قدر یاخشی جواب وئرمیشدیر کی، اونو خوجا سه سله ییب و دئدی کی، «سن یوزدن یوز آلیرسان، اما کلاس لاردا اولمادیغین اوچون من سنه (الف) یئرینه (ب) وئره جهیم. بارات ایسه نتیجه دن چوخ راضی ایدی.

او بیرری ایمتاحانین گونونده، بارات جوزولرین اوخوموش و یاریمچیق ایمتاحانا حاضیر ایدی. او اوتوبوسدان اونیورسیتیه قاباغیندا ائنده گوردو کی، اورمیله می هملکاسی «ناصر» ده اوتوبوسدان ائندی. اونلارین هر ایککسینین بیر درسه ایمتاحانلاری وار ایدی. اونلارلا بیرلیکده بیر باشقا اونلار یاشدا بیرری ده اونلارلا قاتیلدی کی، بارات اونو دا ناصرین دوستو کیمی ساندی. اونلار گنده گنده هر شئی دن دانیشیردی لار. سؤزلرینین ایچینده بارات دئدی کی، «درس لرین اوزوندن بیر- ایککی دفعه اوخویوب، داها قالانی قالب «اوستادین» اینصافینا، یا اونو چیخاردا، یا دا ایمتاحاندا دوشورده». بارات گیل ایمتاحان جلسه سینده اوتوراندا سونرا بارات بیردن گوردو کی، ناصر ایله بیرلیکده یولدا گلدی کلری و باراتین اونو تانمادیغی آدم، سن دئمه، بو درسین استادی ایمیش. بارات حتا اونون کیلاسیندا

بیر دفعه ده ایشتیراک ائتمه‌دن، اوستادینین قیافه‌سینی ده تانیمدان اونون یانیندا او سۆزلری دئمکدن چوخ اوتانیردی.

بارات ایمتاحانی اورتا سویه‌ده بیتیرندن سونرا، گندیب و اونلاردان چوخ یاشلی اولمایان اوستادی گوروب، اوندان او سۆزلره گۆره عوذر ایسته‌دی. اونلارا تای تزه اوستادلار «آروپا» و یا «آمریکا» دان تزه گلیب، هم اونلارین اونوئرسیته‌لرینده، هم ده او بیرری اونوئرسیته‌لرده درس وئیریدی. بارات‌گیلین فاکولته‌لرینده ده نۆچه نفر اونلارا تای تزه اوستاد وار ایدی. ایمتاحان‌لاری قورتولاندان سونرا بیر-ایکی هفته‌لیک بارات بیر سولدوزا باش ووروب، اوروچ ایله بیرلیکه بیر آز ذهنینی دورولدوب، سولدوزداکی یولداش‌لارینی گۆرندن سونرا بیر داها تهرانا دؤندو کی، پاییز ترمینی اونوئرسیته‌ده باشلا سین.

همیشه بارات اوچون اوتوبوسدا گنج‌لری یول گلک فیکری باخیمدان بیر بویوک ذهنی دینجلمک امکانی یارانیردی. رؤیالاری گنج‌نی اۆز فیکیر و ذهنینی آزاد بوراخان باراتی هارالارا ایسته‌سه‌یدی آپاریردی. او رؤیالار دونیاسیندا فرقلی سناری‌لری آراشدیریب، اونلارین هارالارا گنتمه‌لرینی فرقلی حاللاردا آراشدیریردی. چوخ چتینلیک‌لرین ایچینده او رؤیالار دونیاسیندا موشکول‌لره چارا تاپیب، اونلاری چۆزندن سونرا دینجه‌لیب، بیر نۆچه ساعات یوخویا گنديریدی کی، آخیردا سحر تئزدن تهرانا یئنی‌شندن سونرا ائوه گندیب و اۆزونو تزه تئرمه یازیلماغا حاضیر لایاردی.

بارات تئز ایکی هفته تعطیل‌لرینی سولدوزدا بیتیرندن سونرا تهرانا دؤندو کی، پاییز ترمینی اونوئرسیته‌ده باشلا سین. ده‌ییشیک‌لیک‌لر تئز تئز باشلان‌دی، حؤکومت بیر طرفدن اورقان‌لارینی تثبیت ائتدی. اۆنجه امنیتی اورقان‌لارینی یارادیب، آشکار و یا گیزی «خالق موجه‌دلری» تشکیلاتینی و بو بیرری طرفدن «سولچو» و اونلارین ایچینده خصوصاً فدایی‌لر تشکیلاتیندان بیر نۆچه نفری توتوب، اوردا-بوردا اعدام ائتمه‌یه باشلادی. بو بیرری طرفدن حؤکومت «میلی-سیاسی حیزب‌لر و بیر قدر ده عومومی سولچو تشکیلات‌لارینین» «آلینده» اولان کوردوستان اوستانی‌نا هوجوم ائدیپ، اونلارلا ساواشا باشلادی.

حاکیمیت هوجوم‌لاریندا دوزدور کی، چوخ اوغور آلدی ائتدی، آما اۆلدورمه‌لرده، خصوصاً توتولموش و یارالی زیندان‌لر حاققیندا گۆستریدیک‌لری وحشیلیک‌لر اونلارین وحشی سیمالارینی دونیایا گۆستردی. بو بیرری طرفدن ده

آلینده ظاهیرده بیر کاغیز کیمی قدرت اولان «بازرگان» دولتی اعلان اندیردی: «بیز یاغیش ایسته‌ییردیک، سئل گلدی». منظورو بیز بو بویوکلوکده اینقیلاب ایسته‌ییردیک، بیز بو گوجلۇ سولچو و اینقیلابی سیاسی قوئلری ایسته‌ییردیک. اونلارین هامیسی «فدایی‌لر» و «موجاهیدلر» تشکیلاتلارینی آزیب- داغیتماغا قرار وئرمیشدی‌لر. اونلار بو ایشه اؤز حاکیم شرع موللارلارینین و اونلارین آل‌لرینده‌کی چوماق‌لاری «اینقیلاب کومیتەسی» و یا «ایسلام اینقیلاب پاسدارلاری» تشکیلات‌لاری توسطیله گؤروردولر.

درین سیاسی بحثلر سولچو سیاسی تشکیلاتلار آراسیندا باشلادی. اونلار عومومیتله، ایکی دسته‌یه یاخینلاشیب، بؤلونمەیه باشلامیشدی‌لار. بیر دسته حؤکمتی «اینقیلابین دوشمن‌لری» کونترولا آلماسینا اینانیردی‌لار، او بیرى دسته اینانیردی کی، اونلار هله اینقلابین ایستکلریندن حیمایه اندیر و کور «خرده بورژوا»‌لارین آلینده‌دیر. چوخ گوجلۇ تبلیغاتا باشلامیش ایکینجی باخیش «ایران توده پارتیاسی» واسیطەسیله تبلیغ اولونوردو کی، «غیر کاپیتالیست یوللا سوسیالیزمه ساری» ایدئولوژی‌سینه اینانیر و آساس دونیا بؤلونمەسینده شرق و غرب بلوکلاری آراسیندا منطقه‌ده آمریکانین هجومو و ایرانین سیاسی و یا نظامی حیل‌لرله کونترولا آلماسینی بیرینجی خطر بیلیم، هر آنتی آمریکا حؤکومتده بو اساس خطرین قاباغیندا حمایت اندیب و امکداشلیق ائتمک ایسته‌ییردی. نه قدر ده «ایران توده پارتیاسی» حؤکومتدن حیمایه ائتمسه ایدی ده، آمریکانین نوفوذلو آداملاری و اونلارین سیاستینی دولایلی یوللا قاباغا آپارانلار ایران توده پارتیاسینی ده او بیرى‌لره تاي آرادان قالدیرماق ایسته‌ییردی‌لر. آمریکانین «یاشیل قورشاق» سیاستینده هئچ بیر سولچو تشکیلات منطقه‌ده قالمالای ایدی.

نهايت آشکار اولدو کی، «فدایی‌لر» تشکیلاتینین ایچینده بیر- بیرلریله بیرلیکده یاشایا بیلمەین ایکی باخیش وار ایدی: اونلارین بیرى حؤکومتی «میلته قارشى» ساییر و اونون هر قیمته اولمالیدیرسا، دئوریلەمەسینی ایسته‌ییر؛ او بیرى باخیش اساس خطری «آمریکا» طرفیندن گلدیینه اینانیر، اونون موقابلینده بو حؤکومتی «میلی» بیر حؤکومت تانییر کی، بیر دئموکراتیک پروسئسده ده‌ییشه بیلر. توتمالار، اؤلدورمەلر و کوردوستانا هجوم ائتمک و حربی قوئلری برکیدیپ، اینقیلابی یارادان سیاسی گوجلری آرادان گؤتورمەیه چالیشماق، داها بو سیاسی حیزبلره آزاد چالیشما ایمکانی وئرمەدن اونلاری یئر آلتی حرکت‌لره چئوریلەمەسینه مجبور اندیردی.

بیر طرفدن حؤکومت «موللارلارین آلینه دوشموش، او بیرى طرفدن اونلارین ایندییه قدر خمس و ذکات ایله آیق اوستونده ساخلایان سنتی یاخین یولداشلارینین (بازار اهلینین) هامیسی وزیر- وکیل اولاندان سونرا، تکجه بازار و احتکار ائتمکله قیمت‌لری یوخارییا آپاریب، بازاری آله آلمایا باشلامادیلار، بلکه اؤلکەنین

ایستحصالچی صنعتلری یاواش-یاواش آرادان گنتمیه باشلادی، چونکی بازارچی‌لار ایستهدیکلری هر جینسی اوجوز ائشیک اۆلکهلردن گتیریردی‌لر، هم ده آرتیق دولت ایچریده محصول استحصال ائدنلردن ده حیمایه ائده بیلمیردی، نتیجهده اۆلکه «استهلاکچی» بیر اۆلکهیه دؤندو.

فدایی‌لرین ایچینده هامی سیاسی حیزبلرینه بیر درین عاطفی باغلانتیسی وار ایدی. اونا گۆره اونون ایکی دسته اولماغینی ایستهمیردی‌لر. آما بوتون بو ده‌ییشمهلری گۆرندن سونرا «اقلیت» بۆلومو اۆزونو حۆکومتدن حیمایه ائتمیه قانع ائده بیلمهدی. اونلار دریندن بو حۆکومتین تئزلیکه ده‌ییشمەسینی و «بئری» و «خلقی» بیر حۆکومتین اونون یئرینه کئچمەسینی طلب ائتمیه باشلادی. اوندان قاباقکی ایش‌لر بوندان دا خاراب اولسون. آما «اکثریت» چوخ عاطفی باخیمدان اوز حیزبلرینین بۆلومەسینی ایستهمەدن، اۆزلرینی «آمئریکا خطری بیرینجی خط‌دیر» و «حۆکومت آنتی آمريکادیر» و «عومومیتله بو حۆکومت یئرلی و میلی‌دیر» دئییه، قانع ائتدی‌لر کی، اونون ایچینده اولان آنتی اینقیلاب و ایرتیجاعی عونصورلری ایزوله ائتمک گرک‌دیر.

«اونلارین ائولرینده ده بو بحث‌لر چوخ قیزغین قاباغا گئدەرک، بوتون بو مسالهلری آراشدیرماغا باشلامیشدی‌لار. اۆلدن اۆز خیالینی راحت ائدیپ و «ایشچی‌لر آزادلیق یولوندا مبارزه» تشکیلاتینا باغلیلیغینی بیلدیرن «ناصر»، «اقلیتین» دوشونجه‌سینی دستکله‌ییردی. اونلارین ایچینده «قولو» دا اقلیتین دوشونجه‌سینی دستکله‌ییردی. بو بیر طرفدن بارات‌گیل، هوشنگ، نوروز، اوروج و هابئله او بیر‌لر «فدایی‌لرین» پارچالانماغینی ایستهمەدن اۆزلرینی قانع ائتدی‌لر کی، همن «ایران توده پارتیاسی»‌نین دوشونجه‌سی اولان «اکثریتین» دوشونجه‌سی دوزگون‌دور.

«اقلیت» آیریلما‌دان قاباق چوخ فدایی‌لری اۆزنه ساری چکمیردی، بلکه اونلارین شاققالانمالاری اونلاری حکومت قاباغیندا داها ضعیفلشدیردی. «اکثریت» فدایی‌لر رهبرلییی داها راحت «ایران توده پارتیاسینا» یاخینلاشیپ و اونون سیاست‌لرینی گۆتورمیه باشلادی. اونلار «تئوریک» باخیم‌دان دا «ایران توده پارتیاسی»‌نین نشر ائدیپ یایدیغی و «سوویت‌لر بیرلییی» حۆکومتی طره‌فیندن یازیلیمیش کیتاب‌لارا دایانیردی‌لار کی، «مرزلردن او بیر طرفه» نسبت بیر غیرواقعی و خیالی دونیا بونلارین ذهنینده یارادیردی.

بارات‌گیل پاییز درس‌لرینی باشلامیش، یارییا قدر ده ایرملی گنتمیشدی‌لر. اونلارین فاکولته‌لرینده ده تقریباً فدایی‌لر طرفدارلارینین هامیسی دریندن «اکثریت» و «اقلیت» اختلاف‌لارینی دوشونمەدن یئرلرینده قالیپ و اکثریت ایله بیرلیکه قالدی‌لار. ائله بو زامانلاردا تهراندا اۆزلرینی «ایمام خمینی خطینده اولان اۆیرنجی‌لر» آدلان‌دیران بیر دسته ایسلام اونیورسیتیه اۆیرنجی‌لری بۆیوک

«آمریکا» ائلچیلییینه یوروش آپاریب، اورادا چالیشان لارین گۆزلرینی باغلايیب و گیزی یئرلره آپاریب و ائلچیلییی آله کئچیریپ و اوراداکي دوغرانییش کاغیذلار ایچینده او دؤولتین «ایران» اوچون گیزی پروقرام لارینی آچماغا باشلادی لار.

دوینیا چاپیندا چوخ بؤیوک سهسله نن بو ایش ایچهریده اکثریت ملت طرفیندن آلقیشلا قارشیلانندی. «اکثریت» فدایی لری ده «خالق موجاهیدلری» نه قاتیلیب و آمریکایا قارشى آپاریلان بو حرکتدن جیدى حمایه ائتمهیه باشلادی لار. داها بو بیر مساله بوتون او بیرى سیاسى مساله لری اولکده و دئمک اولار کی، دونیادا باتیردی. داها «ایران توده پارتیاسی» و «اکثریت فدایی لری» بو اؤیرنجی لرین دوشونجه سینی «امام خمینی نین خطی» آدلانديراراق، اونو تعریف و بزمییب و فرموله ائتمهیه باشلاییردی لار کی، بلکه حؤکومتین ایچینده اولان «دموکراتیک» قوه لری و او بیرى لری اؤز لری تعریف ائندیک لری فرمولون دوره سینه ییغیشالار. هفته لر بو اولایلار لا ایلگیلی بارات گیل هم اونیوئرسیتده، هم ده ائتیکده چیخیشلار تداروک گؤروب و اونلاردا ایشتیراک ائدیردی لر و اؤز آرالاریندا و ائتیکده دانیشیق لار آپاریردی لار. عینی حالدا اونلار کئچمیش تئرم لر کیمی فاکولته لرینه «سوسیالیزمه اینانان» اوستادلار کتیریر و «سوسیالیزم اقتصادی و سیاستی تدریس ائدیردی لر کی، هم اؤز لری، هم ده او بیرى اونیوئرسیته لر و فاکولته لرین گلیردی لر. اونیوئرسیته بیرینجی مکان ایدی کی، «کور و ارتجاعی» دوشونجه لر اورانی داغیدا بیلیمردی. اورادا بوتون سیاسى دسته لره باغلی اولان اؤیرنجی لر اؤز لرینه «مرکز» لری اولاراق اورادان ایش لرینی گؤروردولر. بو مساله بیر تیکان کیمی حؤکومتین گؤزونه باتیردی.

هر گون سیاسى و اجتماعى دسته لر چیخیش ائدیپ و مینلره دسته دسته شکلینده آمئریکانین ائلچیلییی قاباغینا گلیپ و اورادا بو حرکتدن حمایه لرینی اعلام ائدیردی لر. «فدایی لر» سیاسى تشکیلاتی دا بیر چیخیشدا اون مینلره حمایه چی لرینی خیابانا کتیردی. ائلچیلییین دیوارلاریندا خمینی نین بؤیوک شکلینى چکندن سونرا ایری خطلی شوعارلا «امام خمینی خطینده اولان اؤیرنجی لر» حمایتینده یازیلیمیشدی. هله بؤلونمه میس فدایی لر تشکیلاتی بیرلیکده بو حرکتدن حمایه ائندی.

اونیوئرسیته ایچینده حؤکومه گلندن سونرا دا «ایسلامی اؤیرنجی لر» تشکیلاتی او بیرى لره نسبت چوخ ضعیف ایدی. قیشین آخیرلاریندا خبرلر یاییلیردی کی، «گلن ایل اونیوئرسیته لر باغلانا جاق» هئچ کس بو مسالهیه اینانمیردی، هر کس اؤز درسی و ایشینه مشغول ایدی. قیشین سونو یاخینلاشاراق «ایسلامی شورا مجلس سئچیم لری» مساله سی آریا گلدی. بارات بیر گون گوردو کی، هوشنگ ایله قولو رشیدگیلین ائولرینی آختاریر. اونلارین ائولرینی تانییان بارات «هاشیمی»

خیابانبین آخیرلاریندا اولان رشیدگیلین ائولرینه اونلارلا بیرلیکده گنجه یاریسی گتدی لر.

«رشید» ائیواندان اونلاری سالاملایب و اونلارین اوزونه قاپینی آچدی. ائوده خانم و اوشاق اولدوغو اوچون، بونلاردان آنجاق «هوشنگ» ایله «قولو» ایچهری گنڈیب و «رشیده» خبر وئردی لر کی، «فدایی لر سازمانی» ائو سولدوزدا کاندید ائتمک ایسته ییر. تشکیلاتی باخیمیدان کیم لر و نجه قرار وئرمه لرینی بیلمه یین بارات آنجاق بونو گؤروردو کی، هوشنگ ایله قولو بو مساله یین بیر طرفی دیر. اونلار رشیده دئدی لر کی، بو قرار هله قطعی دئییل، اما رشید کاندید اولماغا فیکیرله شیپ و حاضر لاشمالی دیر.

آکباتاندا بیر اصلی ایشچی دسته لرینین باشچیسی اولان و بئله ایش لرده قاباغا دوشمکدن چوخ خوشو گلن «رشید» بو مساله دن تام راضی ایدی. اوز- گوزونون رنگی بیر آز سارییا چالان رشیدین هیکلینین ایری و دولو اولماسی اونا بیر هیبت وئیردی کی، ائونون گور سه سیله هامی اوندان حساب آپاریردی. ائونون بیر آیری خصوصیت لریندن بیر «لوطو صیفت» اولماسی ایدی کی، بیر سیاسی کاندید اوچون چوخ یاراشیقلی خصوصیت دئییلدی.

باراتگیلین ائولرینده ده رشیدین کاندید اولماسی حاقدا بیر مقدار غرور لانیردی لار، چونکی رشیدی اوزلریندن بیلیردی لر. بو بیر طرفدن فدایی لر سولدوزون اوزونده و عینی حالدا «سویوق بولاق» و کوردوستان شعبه سی طرفیندن ده بارات بیر مقدار تانیدیغی بیر آیری موعلیمی کاندید ائتمک ایسته ییردی لر. بیر فیزیک دبیری اولان او کاندید تبریز اونیورسیتیه سینده درسینی بیتیرمیشدی. هر حالدا او، رشیددن ده شخصیتی داها بیشمیش ایدی. آخیردا «صالح آذربور» ایله «رشید آسدی» آراسیندا «فدایی لر تشکیلاتی» چوخ دوزگون اولاراق «صالح آذربورو» کاندید تعیین ائتدی.

سئچیم لره عاید تبلیغ لر باشلادی. باراتگیل هله تهراندا ییدیلار. اونلار او بیر «پیشگام» اویرنجی لری کیمی تهراندا کی کاندیدلرین تبلیغی ایشلرینی قاباغا آپاریب اونلارین بیر قوللاری اولاراق سهس لرینی ملته چاتدیریردی لار. تهراندا «مجلس» اوچون چوخلو فدایی لرین کاندیدلری واریدی. اونلاری تانیتماق لازیم ایدی. سئچیم لر ائله تشکیل اولونموشدور کی، «اقلیت» سهس گتیرن لرین داها هنج حاقی قالمیردی و اونلار ملّتین ایچینده ایتیب و یوخ اولمالی ایدی لر.

1359- جو ایل «بایرام» یاخینلا شیردی. مجلس سئچیم لری اوچون تبلیغ لر لاپ جیدی اولموشدو. بارات بایرام تعطیللری اوچون بیر داها سولدوزا گلمله ی ایدی. او هله سولدوزا گلن زامان اوزونو بیر «سیاسی تشکیلاتی کادر» کیمی گوروب و اوزونه اونا اویغون رول وئیردی. بو گلش زامانی دا او بیر لره تای اونا اوختار روحیه ایله گلیردی. او سولدوزدا قالان یولداشلارینی تانییب و

سولدوزن تشكىلاتىنى كىملىرىن دولاندىرىدىغانى بىلىردى. اونلار يىن باشىندا «اوروج» ايله «بايرام» يىن اولدوغوندان آرخا يىن ايدى. سولدوزون تشكىلاتىنىن سويوق بولاق تشكىلاتى ايله ياخىن ايلشكىسى وار ايدى. اورادان آسلى ايدى.

بارات بىر دۇنمەسىندە بىر گۇرۇش و باخىش اوچون دە سويوق بولغا گىتتى. اونون آلىندە بىر كىچىك رنگلى «زاقروس» داغ لارىنىن حربى خرىطەسى وار ايدى كى، «ناصر» اتوين بىر بوجاغىنا آتمىشدى، اونو اۇزو ايله گىتيرىب و سويوق بولاقدا اورانين مسؤللو اولان مەمدە وئردى. «پىشگام» دفتريىنە گىتدىب، اورانى بىر دولاندى. سويوق بولاق شەهرىنى چوخ دولاندى كى، «غىر اسلامى» و «دموكراتىك» و «آزاد» بىر موخىطىن هاواسىنى سىنەلرىنە دولدورسون لار كى، قانىندا كى و آغجىرلرىندە كى سولۇلار يىنىدىن گوج آلىب دىرىلسىنلار.

سويوق بولاغىن خىابانلارى ھەمىشە كى كىمى بىر بۇيوك و قالابالىق بازار كىمى گىت گىلى و اداملارلا دولو ايدى كى، ھامىسى گولەگولە اوجادان دانىشىردى لار. مەلىتىن كوردو (گىن) و رنگلى پالتارلارى بو سەس و صدانين اىچىندە دوكان بازار ايله بىرلىكدە بىر بۇيوك باھار گولۇستانىنا بنزەيىردى كى، اونون اىچىدە ھىچ بىر كۇھنە كۇتوك و تىكان يوخ ايدى. ھامى دىيىب - گولوردو. «كوردوستان دموكرات پارتىياسى» و «فدايىلر كوردوستان تشكىلاتى» دفتىرلى بىر بۇيوك دولتى ادارەسى كىمى دائىما گىت گىلى ايدى.

بارات گۇردو كى، سولدوزدا گۇزل بىر تشكىلات يارانىب و تىبلىغات ايشىنى ياخشى قاباغا آپارىر. اونلار كىندىلدە مەلتە چىخىش لار تشكىل ائدىر و دانىشىردى لار. اونا اوخشار سولدوز شەهرىندە دە مدرسەلدە تىبلىغلە مەلتى توپلايىب و «صالح آذرىور» فدايىلر كاندىدى اولاراق اورادا چىخىش ائدىب و دانىشىردى. سولدوزون شەهرىندە موعلەلم و شاگىردلر و او بىرى آيدىن لار اىچىندە گوجلۇ نوفوذو اولدوغو اوچون بو تىبلىغلر گوجلۇ قاباغا گىدىردى.

بارات اۇزونو بو جوما چاتدىرىب، مدرسەدە كى چىخىش لارا اىشتىراك ائدىب و اۇزونو ساخلامايلاق، اونلارا اۇز نظرىنى ھە تىكنىكى باخىمدان وئرىر، ھە دە تئورىك باخىمدان دانىشيق لارا قاتىللاراق سۇزلرىنى دىيىردى. اورادان ايكى ھدفى اىزلەمەك اىستەيىردى: بىرى اۇزونو توپلوم اىچىندە دىكلدىب گۇسترسىن كى، او گىنج ياشىندا بىر قوجا سىياسى چالىشقان عىسگردير؛ ايكىنجى ھدفى دە سىچىملىرىن داھا جىدى قاباغا گىتمەسى اوچون او دا اۇز تائىرىنى گۇسترمىش اولسون.

بارات «صالح آذرىور» و اورمىدە درس اوخويان زاماندا تانىيىردى. اونون ياشى باراتىن بۇيوك قارداشى «رشىد» ە ياخىن و اونلارلا درس اوخوماق باخىمىندان ھەمدورە ايدى. بارات بو باخىمدان اونونلا بىر ياش گروپوندا اولمادىغى اوچون اونونلا چوخ اوتوروب - دورمامىشدى. اما تانىيىردى و اونونلا ياخىن سلام-ئىلىكى وار ايدى. «صالح» تىبرىز اونوئورسىتەسىندە «فىزىك» اىختىصاصىنى

بیتیرندن سونرا سولدوزدا موعلیملیک اندیردی. بارات هله اونیوئرسیتهده درسینی اوخویوردو. ایندی اونلارین ایکسی ده اوزلری اوچون بویوک بیر کیشی اولوبلار. بارات اول گندیشینده «سویوق بولاق» فداییلر دفترینه اورادا ایکی چوخ گنج اوغلان ایله تانیس اولدو، اونلارلا دانیشیب و بیر نچه کوردوستان تشکیلاتی یازیلاریندان آلدی. ایکی هفته تعطیللری قورتولاندان سونرا بیر داها سویوق بولاق شهرینه باش ووردو. هله بعضی یئرلرده دولتین نیظامی قوهلری کوردوستانداکی چیریکی قوهلرله ساواشدا ایدی. اونلار اوزلرینی هله او قدر بیر-بیغیش ائتمه میشدی لر کی، کوردوستانا بویوک هجوم ائتیسنلر. سویوق بولاق دورهمی تام ساکیتلیک ایدی. بارات دؤنوشه یاخین بیر داها سویوق بولاقا دؤنمک ایستهمدی کی، تهرانا گئندنن قاباق سینه سینی بیر داها آزادلیق نفسی ایله دولدورسون. او آزادلیق هاواسیندا چیرکین ارتجاعی نفسلردن اثر یوخ ایدی. او، بوتون شهری دولاناراق، «شوان پرور» دن ده ایکی کاسئت آلیب فداییلر دفترینه دؤندو. او، کئچن دفعه تانیس اولدوغو ایکی جوانی سوراقلاشدی. اون سککیز-اون دوققوز یاشی اولان بیر آیری جوان دؤنوب بیر چوخ توتقون و غملی باخیشلا دئدی کی، یولداش «خسرو» ایله یولداش «آمین» دیوار ییخیلیب، آلتیندا قالدیلار و تاسقله ایکسی ده جانلارینی آلدن وئریبلر. باراتین اورهمی گولوستان باغینین ایچینده بیر بولبولون اولومونو گورن کیمی توتولوب و چوخ بیر قملی اورکله سولدوزا دؤندو. اونون اورهمی ده او گولوستان کیمی پاک اولدوغو اوچون اوزونه ده ایذن وئرمهمدی کی، آیری بیر فیکر ائتسین. او ایکی جوانین اولومونون سببیین دیوار آلتیندا قالماسی اولدوغونا اوزونده هنج بیر شوبهه ائتمه دن قبول ائتدی.

باراتین سولدوزا هر بیر گلیشی بیر طرفدن تهراندا اویرنیدی خصوصی تئوریک و ایدئولوژیک بیلگیلری اورایا مونئقل اندیب اورادا یولداشلاری ایله بیرلیکده اونلاردان ایستیفاده ائتمک ایدی، بیر آیری هدفی ده البته سولدوزون اولایلاریندان اوزاق قالماق، اونلارین ایچینده اولماق، اونلارین نجه قاباغا گئتمه سینی اویرنمک و اونلارین فعالیتلرینه تاثیر گؤسترمک ایدی. بیر آیری نظردن ده اورادا داها اوزونو عادی و عامی میلته یاخین گوروب اونلارلا ایلشکی قوروب و اونلاردان اویرنیردی، بیر آیری نظردن اورا اونون دوغما وطنی ایدی. اورادا هر بیر سواقلی دیوار اونا اوشاقلیغیندان بویوک خاطیرملر یادینا سالیردی. اونا «گادار چایی» بیر موقدس آناکیمی تانییردی. اورادا داییلار، عمی لر، یولداشلار، قوهوملار و قونشولار وار ایدی. اورادا «قاراپاق ائلیندن» بیر بولومو یاشاییردی کی، بارات گیلین آتابابالاری ایدی. اورادا اونون آناسی اونا تعریف ائیلهدیی «قاچاقچیلار» اولموشدور کی، هر بیرسی سینما پرده سی کیمی باراتین گوزونون قاباغیندا رنژه گئدیردی. اورادا او «اکبر چرخچی» به ایکی قیران وئریب چرخ کرایه اندیب و چرخینه مینیپ یئره ییخیلا-ییخیلا و یارالانا-یارالانا

اوروج، ارسلان، رجب، قوربان، بایرام و او بیرری دوستلارلا چرخ سورمه اؤیرنمهسی گؤز اؤنونه گلیردی. بورا اونون دوغما «وطنی» دیر. دونیانین هر بیر نوقطه سینده نه قدر ده اوزون زامانلار یاشاسا، سولدوز اونون وطنیدیر. وطن اونا آناسینین قوجاگی کیمی دیر. هنج یئر آنانین قوجاگی کیمی اینسانا دینجلمه ایمكانی وئرمز.

بارات سولدوزا گلندن سونرا همیشه حیس ائدیردی کی، سولدوزدا تهرانا نیسبت کتاب آز اولدوغو اوچون اورادا تهراندان داها آز تئوریک دانشیق لارا ایمكان اولوردو. اونلارین ائولری تهراندا اؤزو بیر اونیورسسته کیمی ایدی کی، سولدوزدا اونا تای ایمكانلاری یوخ ایدی. تهرانداکی یولداشلاری سولدوزا نسبت تئوریک باخیمدان قاتقات دالی ایدی لر. اؤزو ده اوزون موئت سولدوزدا قالیب، سونرا تهرانا دؤننده اؤزونون تئوریک باخیمیدان دالی قالماسینی حیس ائدیردی.

بو سولدوزا گلمه لرده یئنه ده همان حیس اونا یارانیردی. اما سولدوزداکی یولداشلارینین تشکیلاتلارینین نظمی و وسعتی اونیو چوخ تاثیر آلتینا آلدی. ایکی هفته بایرام تعطیلاتی بیتندن سونرا، بارات بیر داها تهرانا دؤندو. تهراندا یوتون اؤیرنجی یولداشلاری و هر بیر شئی یئرینده ایدی. اونلارین «ستارخان خیابانینداکی» ائولری، «نوصرت خیابانینداکی» کیمی سولدوزلو سیاسی اویرنجیلردن دولو اولموشدو. اورا ایله «نوصرت خیابانینداکی» ائوین فرقی بو ایدی کی، «نوصرت خیابانی» «انقلاب» میدانینا یاخین اولدوغو اوچون هامی اورانی تانییر و اورایا باش ووروردو و تزه گلن هرکیم اورایا گئدیردی، اما داها درین سیاسی ایشلرله ماراقلانانلار «ستارخان» خیابانینا گئدیردی لر. بلکه ده بئله دئییلسه، داها یئرینه دوشر کی، چوخ غیر سیاسی لر، سیاسیلرله بیرلیکده «نوصرت خیابانینا گئدیردی لر، حالبوکی چوخلو سیاسی لر «ستارخان» ائوینه باش ووروردولار.

باراتگیل دؤنندن سونرا اونلار اؤزلرینی ایلین آخر ایمتحانلارا حاضرلامالی ایدی لر. بو بیرری طرفدن اونلار آرتیق بیلیردی لر کی، فدایی لردن مجلسه سئچیلرله ده، دولت اونلارا مجلسه گیرمک اوچون او دئموکراتیک ایمكانی وئرمه یه جک. خمینی او درجه ده کؤهنه فیکیر و گئری قالمیش بیر آدام ایدی کی، دئییردی: «اؤلکده هر شئی گرک اسلامی اولسون». اسلام عطری، دادی و یا قیافه سی اولمایان هر شئیین یاشاماغا حاقی یوخ ایدی.

باراتگیلین سیاسی چالیشمالاری تهراندا داها قاباقکی کیمی آزادجاسینا قاباغا گنده بیلیمیردی. «اسلام انقلابی مودافعه کومیتهلری» حربی تشکیلاتی داها یئرینه دوشموشدو و چالیشانلاری تانییب توتوردولار. کوردوستاندا دا دولت او بیریلرله حربی ساواشا گیریشیردی. باراتگیل بیلیردی لر کی، اونلار بیر گون اولاجاق کی، اونا تای بیر ایشی ده اونیورسسته لرله گؤرملر. اونیورسسته لر آیدین و غیر اسلامی اویرنجیلرین آئینده ایدی.

چوخ سورمەدى كى، باھارین آخیر آیى اولمادان و باراتگيل ايمتاحتانلارینی باشلامیشدان خبرلر گلدی كى، داھا «اقلیت فداییلری» اؤزلرینی فداییلر تشکیلاتی ایچینده ساخلایا بیلیمیر، اونا گوره آیریلماغا مجبور ایدی.لر. اونلار آیری بیر «کار» (ایش) آدیندا قزئت چیخاردی.لر کی اوستونده «اقلیت» کلمهسی یازلمیشدی. باراتگیلین ائولرینده یئنه ده همیشهکی کیمی بحثلرین داوامی وار ایدی، آما باراتگیلین هم تئوریک، هم ده عاطفی و نهایت تشکیلاتی باخیمدان حاضیرلیق لاری یوخ ایدی کی، آیریلیق و هاچالانماغا دؤرسون.لر.

آیریلماق مسالەسی فداییلر اوچون بیر بؤیوک یارا کیمی آجیدیردی. دوزدور کی، اقلیت آز آدام اؤزویله آپاردی، آما تئورک نظریندن داھا بیر تکان فداییلر تشکیلاتینا وئردی. باراتگیلین اؤزلرینی دؤلتدن حیمایه انتهمیه قانع انده بیلیمین چوخلو یولداشلاری اقلیته قاریشماغی دوشونوردولر، آما بوتون یولداشلاریلا اولان عاطیفی ایلشکیلری اونلارین بو راحتلیقدا آیریلماغینی قبول ائدیب و اؤزلرینی «اقلیت»ه یاخین گؤرمهلرینه مانع اولوردو.

بو حاقددا باراتگیلین ائولرینده کئچن بحث و دانیشیقلار اونلاردا همیشه «ناصر» ایله «قولو»نون باخیش لاری بیربیرلرینه چوخ یاخین اولوردو. اونلارین بیر تک اساس ایختلاف لاری بو ایدی کی، ناصر اؤز دوشونجهسینده «سوینت لر بیرلییی»نی بیر آیری «امپریالیستی» گوج بیلیردی کی، او دا «آمریکا» کیمی اوچونجو دونیا اؤلکه لرینین جانینا دوشوب و اونلاری تالاماغا مشغول ایدی. «قولو» شرق بلوکونو جیدّی تنقید انتسه ایدی ده، اونلاری «امپریالیست» و تالانچی حؤکومت تانیمیردی.

باراتگیل «قولو» ایله «ناصر»ین منطق لری قاباغیندا همیشه اسکیک گتیریردی.لر. «ناصر» ایله «قولو» اونلارین هامیسیندان آرتیق موطالیعه ائدیردی و هامیسیندان آرتیق تئوریک مسالهلری بیلیردی.لر. باراتگیل هله خوشبین اولماغی ایستهمیردی.لر. اونلار هله انقلابین مغلوب اولونماسینی بو راحتلیقلا قبول ائتمک ایستهمیردی.لر، یا دا بو حؤکومتین اساسا ارتجاعی و ملتین ضدینه اولدوغونا انانیردی.لر.

باراتگیل عومومیتله اؤز یوللارینین دوزگون اولماسی و سوسیالیزمین بشریتّه دوزگون اؤزگورلوک (آزادلیق) و عدالت گتیرمهسینه ایناملاری وار ایدی. بو اینام اونلارا بئله دئییردی: اونلارین ایختیلافلاری «اقلیت» و یا «ناصرگیل» ایله بوندایدی کی، هر بیرى بیر فرقلی یول ایله بیر هدفه چاتماغی ایستهییرلر. چونکی اونلارین هامیسینین هدفلری بیر ایدی و بیر سیرا مشترک واسیطلر ایله موختلف یوللارلا بیر هدفه چاتماق ایستهییرلر، اونلار بیر-بیرلری ایله یولداش ایدیلر. اونلار عینی حالدا ایل لر بویو بیر سنگرده سینهلرینی گول له قاباغینا وئرمک اوچون

بیربیرلرینه مخصوص سایغی لاری وار ایدی. اونلار بیر- بیرلریله دوزگون یولداشلار ایدی لر کی، دوشونجه لر ی بیر- بیرلریله فرقلی اولموشدور.

بارات حیس ائتدی کی، اونون دوشونجه لر یله ایلگیلی اونوئورسیتهدن داها چوخ ائوده آرتیق اونون اوچون اویرنملی و اونو اوزونه طرف چکن ماراق لار واردیر. او دوزدور کی، اونوئورسیتهده بیرینجی و ایکینجی ایل اویرنجی لرین سورغولارینا جاواب وئریب اونلارین مسالهره عاید فیکیرلرینی آیدینلاشدیریردی، عینی حالدا فاکولته ده کی سیاسی چالیشمالار اونو داها آرتیق راضی ائده بیلمیردی. او ملّتین ایچینده و هامیدان آرتیق یئنه ده سولدوزون جماعتینین ایچیندن اوزاق قالماماغی چوخ ایسته ییردی. او ایل آخیر امتاحانلارینا مشغول ایدی.

بارات اونوئورسیتهده کی یولداشلارینی دا احتراملا قارشیلاییردی، خصوصاً قدیمکی یولداشلارینی. بو ترم داها اونون یولداشلاریندان چوخو دوغرودان اونوئورسیتهدن بیتیریردی لر. او گلن ترم داها «ایکی ایسماعیل لار، حمید، ابراهیم، بلکه احمد، جمشید، علی، نورعلی، مختار و ها بئله چوخلو قدیمکی یولداشلارینی» داها فاکولته ده گۆرمه یه جکدی. اونون اؤز همدورملری و اوندان سونراکیلاردان داها چوخ اؤزوندن قاباقکی کورس اویرنجی لر ایچینده یاخین یولداشلاری وار ایدی. بارات بیر طرفدن ده بیلیردی کی، «خاتون» اوندان بیر ایل قاباقدی و اوندان داها تنز درسینی قورتاراجاق، اما اوره ییندن گلیمیردی کی، اوندان سوروشسون کی، نه واخت درسینی قورتاراجاق. یالنیز بوندان سنوینیردی کی، هله «خاتون» بو ترم درسینی قورتارمایاجاق و بیر ترم داها اونوئورسیتهده اولاجاقدی. بارات باهارین سونو او ایلین ایمتاحان لاری قوروتولاندان سونرا بیر ایل داها درسی وار ایدی. اونلارین هامیسی صاباحی دوشونمهدن همیشه کییمی بیربیرلرینی آلقیشلایاراق، بیربیرلر ایمتاحانلارلا ایلگیلنیردی لر. نهایت بارات گۆردو کی، اونون آخر ایمتاحان گونو یئتیشیب. او امتحاندان سونرا داها یای ترمی اولمادان سولدوزا دؤنمه لی ایدی. او چوخلو یولداشلاری ایله هئچ «خوداحافظلشمهدن گۆردو کی، اونلارین ایمتاحان لاری قاباقجا قورتولماق اوچون اونوئورسیتهده دئییلدی لر. او یولداشلاریندان جیددی خوداحافظلیک ائتمهدن اونوئورسیتهدن ائله بیر حالدا چیخدی کی، هر گونکو کییمی صاباح فاکولته یه قاییداجاق و «خانون»، «حمید»، «ابراهیم»، «اسماعیل»، «نوروز»، «اسماعیل» و او بیرلر اورادا اولاجاقلار.

باهارین سون گون لری تهران یین هاواسی داها دا قیزیشیردی. اونو ایستی ده بیر قدر کاریخدیرمیشدی. او اوتوبوسدا آیلشرکن اوزونو تک حیس ائتدی. اونو بیر غریبه داریخما حیسی باسیر و اوره یینی سیخیردی. اوتوبوسون ایچینده ایکی - اوچ گوله گوله آیلشن اویرنجی لرین گولوش لری باراتی داها دا اینجیدیردی. اونلار هر نه قدر اوجا گولوردولر، بونا بنزه ییردی کی باراتا داها دا بویوک یامان دئییرلر. اوتوبوسون ایچینده چوخ آز اویرنجی وار ایدی. بارات پنجره قاباغیندا آیلشیب و اؤز

رؤیالارینا جوموشدو. اونون گۆزو پنجرهدن انشیه باخیردی، آما او، بیر شئی گۆرموردو، یالنیز اؤز ایچینده جومدوغو رؤیالار ایچینده جیدی چالیشیردی کی، چتینلیکلره اوستون گلیب «آزادلیق» و «عدالتی» زحمت چکن و محروم قالان انسانلارا گتیره بیلسین. رؤیالاریندا کیچیک کیچیک اوغورلار اونون اوزونو گولدوروردو. آما چوخ زامانلار اونون رؤیالاری جیدی بیر دورومدا داوام ائیردی. اونون اورمیی ده سیخیلیردی، چونکی بیلیردی کی، یای ترمی اولماسا، اونون او بیرری یولداشلاری، او جوملهدن «خاتون» و دا گۆرمک بیر نجه آی چکه بیلر.

باراتین باهار ایمتاحانلاری قورتولان بو فاصلهده اونون کیچیک قارداشی «اوختای» اون ایکنجی صنیف ایمتاحانلارینی قورتاریب و او دا تزه و بویوک دونیانین اولایلارینا باشینی قاتماق اوچون تهرانا گلیمیشدی. بیر آیدین فیکیرلی، چوخ سئویملی و یاراشیقلی بیر گنج اولان «اوختای» تئز هامینین اورمینه اؤزونه یئر آچدی. او تئزتئز سیاسی ایدئولوژیک کتابلاری اوخویوب و باشینی باشلارا قاتماغا چالیشیردی. او دا عمل آهلی اولاراق چوخ گنج فحلر ایله یولداش اولوب و اونلارین ایچینده تانیندی.

تهرانا گلنده بیر نفر همکلاساریندان دا اؤزویله گتیرن اوختای اونونلا بیرلیکده چالیشیردی، عینی حالدا «آکباتان» شهرجیینه گندیب و اورادا اؤز لرینه ایش تاپماق ایستهمیردی لر. اونون یولداشی بئله نظره گلیردی کی، ائولرینده اؤز ایش لرینی اؤزو گۆرمه دیی اوچون بارات گیلین ائوینده ده «یئرین یاخشی بیغیشدیرمیر، قابلارینی یومور و ها بئله تمیزلیک و ایش گۆرمک انتظامینی گۆزله میردی. بارات اونونلا آیشیب و اونا آچیقلامالی اولدو کی، بورا اونون ننه سینین ائوی دئییل. او بورادا اؤز ایش لرینی اؤزو گۆرمه لیدی و هامیسین دا لاپ تئز گۆرمه لیدی کی، او بیرری لرینین ده دوزه نی (نظمی) بیر- بیر لرینه دیمه سین.

اؤزونو خطره سالماقدان قورخوسو اولمایان بارات ایستهمیردی کی، اوختای دا او گۆرن ایش لردن گۆروب، اؤزونو خطره سالسین. او، اوختایین خطرلی بیر ایش لر گۆرمه مه سی اوچون اونو گۆز آلتینا آلمیشدی. بارات بوندان خبرسیز ایدی کی، اونون گۆزوندن ایراق، اونلارین تهران اونیوئرسیتیه سینده اؤیرنجی اولان حسن آدلی بیر آیری یولداشلاری اوختای اؤزویله بیرلیکده اعلامیه داغیتماغا آپاریر. اونلار بو ایشی گۆرمک اوچون باراتین موتورسیکلتینی آپاریرلار.

«حسن» ایله «اوختای» بیر گون صبح اثرکندن ساعات بنش یا آلتیدان سونرا موتور سیکلتله اعلامیه داغیتماغا گئتمیشدی لر، اونلار «اسلام انقلاب مودافعه کومیته سی» طرفیندن توتولورلار. اونلار زیرکلیک و مهارت لری ایله اورادا بیر تورک آدم تاپیب و «اسلام کومیته سی» نده آز آدم اولماسینا گۆره اونلار اؤز لرینی اورادان ساغلام قورتارا بیلیمیشدی لر. اونلار ائوه گلندن سونرا باراتا نجه گونه جن

بیر شئی دئمه میشدی لر. هله نئچه گوندن سونرا یاواش- یاواش بیر سانسور اولونموش ناغیلی باراتا تحویل وئردی لر.

بارات گیلین ائولری چوخ قالابالیق اولموشدو. باراتین ایمتاحانلاری قورتولماق اوچون تهراندا قالماغا بیر ماراغی قالمامیشدی. او سولدوزا گلک و کوردوستان فدایی لر تشکیلاتینا یاخین اولماق ایسته بیردی. او یورقان- دؤشهینی، موتورسیکلتینی، داها او بیرری واریوخو، کیتابلاری و جزوملرینی «اوختایا» تحویل وئریب، سولدوزا دؤنمهیه باشلادی. اوندان قاباق، بارات ایستهدی کی، «پیشگام» تشکیلاتیندان بیر آراییش (معرفی) کاغذی آلسین کی، اونا تشکیلاتی بیر فرد اولراق، دوزگون یئر وئرسین لر. بارات گیلین «پیشگام» کومیتهلرینده کی «موختار، نور علی، بارات و ذبیح» وار ایدی لر، بیر معرفی کاغذی «ذبیح» کمیته باشی اولراق یازیب و بیر تیکه کاغیذا باغلادی کی، بارات اونو کوردوستان تشکیلاتینا تحویل وئرسین. بارات عینی حالدا بونو دا بیلیردی کی، سولدوزا اونون تشکیلاتین باشیندا یولداشلاریندان بیر یئرده ایشلمک اوچون بئله معرفی کاغیذلارینا احتیاجی یوخدور. اونون «پیشگام» تشکیلاتینین ایچریسیندن داها چوخ ائشیکده فعالیتلری و چالیشمالاری وار ایدی. هر حالدا اونون «پیشگام» کومیته سینده اولماسی اوچون بو معرفی کاغیذی لازیم ایدی.

بارات گیلین ائولرینده او قدر آدام وار ایدی کی، او ائوین ایجاره سینین فیکرینی ائله مسین. اوردا قالانلار چوخ راحت اونو اؤز آرالاریندا بؤله بیلردی لر. او ائوین وسایلی هامیا عاید ایدی، بارات همیشه کی کیمی سولدوزا گلمه سینین «موقت» (اوتری) و قیسا زمانلی اولماسینی دوشونوردو. او بیلیردی کی، فاکولته لرینده یای ترمی درس یوخدور، پاییزا قدر اؤزونون سولدوزا قالماسینی دوشونوردو. او عینی حالدا اومیدی وار ایدی کی، بوتون یاخین یولداشلاری اونیوئرسیته نی قورتارماق اوچون ده اولسا، او دا تنز قورتارسین. او تصوّر ائنده کی، فاکولته ده اونون یاخین یولداشلاری اولمایاجاق لار اونو داریخما باسیردی و تنز- تنز درسینی اوخویوب و اونیوئرسیته نی بیتیرمک ایسته بیردی.

بارات 1359 - جو ایل باهارین دوز آخیرلاریندا بیر داها سولدوزا دؤندو. او سولدوزا دؤنده اؤزونو اینقیلابدان قاباق کی کیمی، سولچولارین تشکیلاتینین شهر کومیته سینین دولانديرانلاریندان اولدوغو کیمی، یئنه ده اونا تای بیر وظیفه ده حیس ائدیردی. او شهره گلندن سونرا دوز «اوروج» ایله بایرامین سوراغینا گئتدی. اونلارلا همیشه کی کیمی گؤروشوب و عومومی شهرده کی فدایی لر و سیاسی مسالهلر باره سینده دانیشماق ایستهدی. او شهرده کی دورومو آغیر- یونگول ائتمک ایسته بیردی. بارات یئنه همیشه کی کیمی بئله دوشونوردو کی، اونون بیر چوخ اؤنملی و موهوم ماموریتی وار دیر.

سولدوزون باهاری همیشه‌کی کیمی چوخ گۆزل ایدی. بارات هاوانین دورو و تمیز اولماسینا حئیران قالیردی. گۆیه باخاندا او قدر ماوی رنگی دورو ایدی کی، بارات گۆیون درینلیکلرینده اوچان قوش‌لاری دا سئجه بیلیردی. او گۆیده‌کی قوش‌لارین هئچ قانات وورمادان گۆیون درینلیکلرینده بیر آز اۆزلرینی بیر طرفلیک ائتمکله بیر بۆیوک دایرمده دؤوره ووروب و اورادان آشاغیداکي جامعاتی گۆز آلتینا آلیردی‌لار. او عینی حالدا آرزو ائدیردی کی، او قوش‌لار کیمی گۆی‌لرین درینلیکلرینده بوتون مرزلی و سینیرلاری سیندیراراق هر یئره ایسته‌بیر اوچا بیلسین. اونون گۆزلری گۆیده‌کی درینلیکلرین و کایناتین ایچینده محو اولاندان سونرا انسانلارین پیسیلیکلرینه حیرتله باخیردی.

هاوا چوخ دا سویوق دئییلدی، آما او قدر سویوق ایدی کی، هله بو راحت‌لیقدا گاداردا چیممک اولمازدی. گاداردان صحبت گلдіسه، آرتیق ایللردیر کی بارات گاداردا چیممه‌یب. او حیس ائدیردی کی، گاداری چوخ طبیعی حالیندان چیخاریب‌لار و هم ده چیرکلشدیریبلر. او گادارا باخاندا بیر یارالی جیرانی گۆروردو کی، سلطان یعقوب داغلاریندا قانی آخا‌خا چۆلدۀ اوتلا‌بیر. بونا بنزه‌بیر کی، اونی اوخلاییلار و هله اوخ اونون جانیندان آسلانیب.

بارات سولدوزا گلندن سونرا سولدوزداکی یولداشلارینی بیر گۆرمه‌لی، او بیر طرفدن او «پیشگام» طرفیندن یازیلان آرایش کاغذینی کوردوستان تشکیلاتینا وئرمه‌لی ایدی. بارات سولدوزدا «اوروج» ایله «بایرامی» گۆروب و اونلارلا دانیشانان سونرا گۆروردو کی، اونلار بیر تشکیلات صاحبی‌دیرلر. اونلاردان سونرا چوخلو او بیر یولداشلارینی اۆزوندن آز سابقه‌لی و آز تجربه‌لی و بیلگی‌لی بیلیردی. بارات ذهنینده دولانان فیکرلرینی اوروج و بایراملا آریا قویماغا باشلا‌بیردی. او شهرده نه ایش‌لر گۆرمه‌لی‌دیرلر، او باره‌ده آردیجیل اۆز فیکرلرینی وئریردی. اوروج‌گیل ده بیلیردی‌لر کی، بارات اونلارلا بیر سطحده اونلارلا قاریشمالیدیر، آما بو ایش ده بیر تشکیلاتی فرم تاپمالیدیر.

بارات عینی حالدا نهایت تهران‌دان گتیردی‌بی آرایش کاغذینی بیر طرفلیک ائتمه‌لی ایدی. او بو مساله‌نی بیر طرفلیک ائتمک اوچون بیر داها «سویوق بولاغا» گنتمه‌لی ایدی. هاوا گونشلی، گۆزل و هم ده سرین ایدی. باراتین اوزونه سرین یئل ووراندا اونی داها آرتیق دیری‌باش و اوزوگولر ائدیردی. اونون بوتون جانینداکی سوللۇلار اویناماغا گلیردی. بارات صوبحانه‌سینی یئیب و ساللانا-سالانا تلمه‌مدن شهرین اصلی خیابانینا ساری یولا دوشدو. گونوزلی سویوق‌بولاق یولو آچیق و آزاد ایدی و بیر قدر ده دئمک اولار کی، «دولتین» قۆملرینین آئینده، آما گنجه‌لری

«پیشمرگه» لرین آئینده ایدی. گوندوز «سویوق بولاغا» گئتمک اوچون اونون اوچون هئچ خطر یوخ ایدی.

همیشهکی کیمی اصلی خیاباندا ایکی- اوچ مینی‌بوس دولانیب و موسافیر توپلاییردی. بیرری اورمیّه، او بیرری سویوق‌بولاق و اوچونجوسو ایسه «پیرانشهر» سه‌سله‌بیردی‌لر. بارات سویوق‌بولاق مینی‌بوسوندا آیلشندن سونرا مینی‌بوس یاریم ساعاتا قدر موسافیرله دولونجایا قدر شهرده دولاندى، سونرا یولا دوشدو. بارات مینی‌بوسون ایچینده هم ایسته‌میردی جاماعات اونون سویوق‌بولاغا گئتمه‌سینی گؤرسون، هم ده مینی‌بوسون پرده‌سینین دالیسندان جاماعتین قیافه‌لرینی ذره‌بین آلتینا آلمیشدی.

سویوق‌بولاق اوچ یولوندان ساغا دؤندن سونرا گئت- گنده بارات حیس اندیردی کی، یول‌لار چوخ خلوتدیر. هر گلیب‌گئدن ماشین دا چوخ سورعتله گلیر، یا دا گئدیر. بارات جاده‌لرده بو خلوتلییی و سورعتله گئتمه‌لری گؤرمکله حیس اتدی کی، جاده‌لر امن دئییل. مینی‌بوسون ایچینده ده چوخ آزاراق جاماعات بیر‌بیرلرله دانیشیردی‌لر. بو جاده‌ده بعضاً پیشمرگه‌لر اوتوبوس‌لاری ساخلا‌بیردی‌لر و ملّتن نه ایسه سوروشوب، و تفتیش اندیردی‌لر، هردن ده دؤولتین قوه‌لری. بو قورخویلا گئتمک سویوق‌بولاغین یاخینلیقلارینا قدر داوامی وار ایدی. مینی‌بوس سویوق‌بولاغین یاخینلیقلارینا چاتارکن داها ماشین‌لارین گل‌گئت‌لری چوخ ایدی. کندلرده داها چوخ ماشین‌لار گلیب- گئدیردی‌لر. ماشین‌لارین سه‌سی چوخ‌الاراق مینی‌بوسداکی موسافیرلرین ده دانیشیق‌لاری و گولوش‌لرینین سه‌سی اوجالیردی. اونلارین گولوش‌لرینین بعضی‌سینین ده مصنوعی اولماسی گؤرونوردو. او گولوش‌لر بیر درین خطر‌دن قورتولان اضطرابدا اولان بیر آدمین سئوینجینه بنزه‌بیردی.

مینى‌بوس سوندا شهرین اصلی خیابانینا گیردی. سویوق‌بولاق دا سولدوز کیمی بیر دیری و جانلی شهر ایدی. خیاباندا جاماعتین اوجادان دانیشمالاری و گولمه‌لری انسانین بوتون دردی و غمینی یادیندان چیخاریردی. همیشه‌لیک قالماقالی بازارلار، رنگلی جینس‌لر و پارچالارلا یئنه ده همیشه‌کی کیمی باراتی مدهوش ائله‌میشدی. بارات شهری آنجاق او قدر تانییردی کی، «فدایی‌لر» تشکیلاتینین دفترینین یئرینی بیلسین. سالاناسالانا بارات او طرفه یولا دوشدو. او ایچهریه گیرمه‌میشدن «یولداش جاواد» و یا «یولداش ممد»ین سوراغینی توتدو.

دوزدور کی، ایندییه قدر او نئچه دفعه «یولداش جاواد» و «یولداش ممد» ایله گؤروشو اولموشدو، اما هئچ اومموردو کی، اونلارین هئچ بیرری باراتی تانیسین. بارات انقلاب‌دان سونرا تقریباً همیشه تهراندا اولموشدو. اونلار گونده یوز‌لرله آدمی «فدایی‌لر دفترینده» گؤرورلر. هارادا اونلار باراتی یادلاریندا ساخلا‌یاجاقلار. اونا دندی‌لر کی، «ممد» تهراندا و جاواد سویوق‌بولاقداء، اما او هله دفترده دئییل. بیر- ایکی ساعات‌دان سونرا گله‌جک. اونا دندی‌لر کی، یولداش «عؤمر» و یا یولداش

«مینە» واردیر. بارات آنجاق یولداش «جاواد» و یا یولداش «مەد»ی گۆرمک ایستەپیردی. او قیافەلەردن یولداش عۆمرین اوجادان گۆلمەلرینی گۆروب و اتشیتدی، عینی حالدا «یولداش مینە»نین جیددی و مسئولانە قیافەسیندە گۆردو کی، اونون جیددی قیافەسینین دالیسیندا اورەیینین مەربانلیغی و نازیکی اولماسینی دا گۆرمک اولوردو.

بیر ساعات یاریمدان سونرا «جاواد» یولداش قیسا بویو ایله گۆرۈندو. اونون قیسا بویو دولو و آغ هیکیلی اونا بیر مخصوص هیبت وئرمیشدی. اونون اۆزو دە بیر «چیریک» کیمی چوخ زامانلار سیلاح بئلیندە دولانیردی. باشینین توکو صاف و چوخ جیددی قیافەسی وار ایدی کی، چوخ آز گۆلردی. او تئوریک باخیمدان دا هامیدان دولو ایدی. هر بیر سورغویا چوخ بیر درین جاوابی وار ایدی. او فداییلرین کوردوستان تشکیلاتینین تئوریک قزئت «ریگای گل»دە چوخلو تئوریک مقالەلر یازاردی کی، بارات اونلارین هامیسینی اوخوموشدو. بارات اونا و اونون هیبتینە چوخ درین احترامی وار ایدی. او ایچەریدەکیلر ایله گۆروشوب و خوش-بئش ائندن سونرا بارات دا اۆزونو میدانا آتیب و اونولا دانیشماغا باشلادی. یولداش «جاواد»، من تهراند اولا ن سولدوزلو «پیشگام» اۆیرنجی لردنم، ایندی منطقیه دؤنموشم و بورادا تشکیلات ایله باغلی چالیشماق ایستەپیرم. بو دا «پیشگام»دان منیم «آراییش» کاغیزیم.

بارات بیر بۆیوک دویمە بویونجا قاتلادیغی بیر تیکە کاغیزی اونا وئردی. جاواد اونو آلیب، آچیب - اوخویاندان سونرا بیر بئش دقیقه آیری ایشلە ایلگیلندی. او، باشقا ایشلەرلە ایلگیلنمک و او بیریلەرلە دانیشماقلا یاناشی، باراتین کاغیزینا فیکیرلەشیردی. بارات اۆز- اۆزۈنە دئییردی کی، «ذبیحدئیر» کئشگە آچایدیم و اوخویایدیم، گۆره ایدیم کی، نه یازیب». «بلکە ذبیح فداییلرین اصلی عوضولریندیر». بو فیکیرلرین ایچیندە ایدی کی، بیردن جاواد اونا ساری گلدی و دندی کی، «بو تیکە کاغیزی گۆتور و آپار «اوشنویه»دە سازمانین دفترینە و اورادا «پرویز» لە وئر». بارات ایندیە قدر فکیر اندیردی کی، سویوق بولاقدان اوشنویه گنتمک اوچون سولدوزدان کئچمەلیدیرلر، اما ایندی اۆیرندی کی، سویوق بولاقدان، پسو و جلدیان یولو ایله اوشنویه گنتمک اولار. او منطقە بوتون کوردلر یاشایان بۆلگه ایدی و کنترلی تام پیشمرگه لرین آلیندە ایدی.

ناهاردان سونرا ایدی و بارات بیر آز دا آچمیشدی. او ایکی شیش جیبر کباب آلیب و چۆرک ایچیندە دورمک دوزلدیب و بیر شیشە کوکاکولا ایله اونو آشیردی. بیر آز دولاناندان سونرا اوشنویه قاراژینی تاپدی. ساعات اوچ یاریم ایدی و هله گونلر چوخ اوزون دئییلدی. بارات بیر قدر دە قارائلیق دوشمەسیندن نیگران ایدی. او بوتون کوردوستانین اورتاسینداکی پیشمرگه لرین نظارتیندەدیر، یاریمچیق بیلدییی کوردجە ایله داغ- داش یولویلا آخشام اوشنو طرفه یولا دوشدو. او بۆلگه لردە او

زمان هامي كوردو پالتار گنيردى لر. بارات ميني بوسون ايچينده تك ادام ايدى كى، پالتارى دا كوردو دئيلىدى، كوردجهنى ده دوغرو دانىشا بيلميردى. او بوتون بير غريبه كيمي ميني بوسون ايچينده «اوشنو» يه سارى يولا دوشدو.

سويوق بولاقدان «پسوه» يه كيمي داغلارين اوستوندهكى يوللار ايله گنيردى لر. يوللارين چوخو دا آسفالت دئيلىدى. ميني بوس ياواش ياواش گنيردى. پسوهنى كچندن سونرا «نالوس» كندينه سارى گنيركن، هاوا قارائلىق اولماغا باشلادى. بارات قارائلىق هاوا ديل لرينده دانىشا بيلمهدى بوتيون موسافيرلرين ايچينده غريبه كيمي نظارتى پيشمرگه لرين آلينده اولان منطقه لرين يوللاريندا اوشنو شهرينه سارى يولا دوشدو.

اوزاقدان اشنو شهرينين ايشيق لارى گورونوردو. هله شام واختى تزه چاتميشدى كى، بارات گيلين ميني بوس لارى اوشنويه يئتيشدى. آياغين ميني بوسدان يئره قويماي كيمي حيس ائتدى كى، آياق لار اويوشوب و راحت يول گنده بيلمير. باراتين آياق لارينين آچيلماسى بير بنش دقيقه سوردو. او «فدايى لرين دفترى» نى سوروشاراق، اونون يئرئنى اويرندى. يولدا گنيركن باراتين باشيندان مين بير فكر گنيردى. اونو ندن اوشنويه گوندريرلر؟ او، سولدوزدا قالا و اورادا دا ايشينى گوره بيلردى. اونلارين ائل لرى سولدوزدادير. تشكيلات اونون سايبقه سى و سولدوزداكى موقعيندن و پلان لاريندان خبرلرى يوخ ايدى. آخير جاواد اونو نه تانيير. بو بير تيكة و نوخود بويدا كاغيزين ايچينده نه قدر باراتين شخصيتى و مقامىنى آچا بيلرلر. اونو اوشنويه گوندرمك لرينه اصلاً اينانا و اونو دوشونه بيلميردى. بير طرفدن ده او هله ائولرينه ده هارا گنئديينى دئمهييب. اونلارين ائولرينده ده نيگران ولا بيلرلر. البته بو آخير مساله باراتى ائله ايلگيلنديرميردى.

بارات قارائليغين ايچينده اوزونو فدايى لرين دفترينه يئتيردى. قارائليقا دفترين بيناسى و تشكيلاتى چوخ گورونموردو. اورانين چوخ كيچيك اولماسى بللى اولاراق گورونوردو. بلكه بير كيچيك كندين مدرسه سى قدر ايدى. بارات اورا يئتيشنده شام واختى ايدى. شامى دا بيشيرمه ميشدى لر. او چاتان كيمي «پرويز» ين سوراغىنى توتدو. بلكه پرويز اوندان بير بنش ياش بويوك اولاردى. اوردا دفتردهكى لرين چوخو تورك ايدى لر. بير نچه سينين اورميّه لهجه لرى وار ايدى. قياقه لردين معلوم ايدى كى، سانكى، نچه سى اورادا قالماقلارينا كونولدن راضى دئييل لر. اونلار اوزه قالاراق دفترده قاليردى لار و پرويزين اوزو ده تورك ايدى، اما اورمولو دئيلىدى. او اوجا بوى و بير آز ساريمتيل بير اوغلان ايدى. او كاغيزى اوخوياندان سونرا، بير سوز دئمهدى. اونلار شامدان سونرا بير آز دانيشاندان سونرا، نگهبانلارى تعيين ائديب اوز آرالاريندا گنجه رمزىنى تعيين ائديب، سونرا ياتانلار ياتماغا حاضيرلاشدى لار. اوندان قاباق بارات بير سو باشينا گتمك ايسته دى. توالت حيطين بير بوجاغيندا ايدى. ائشيك چوخ قارائلىق ايدى. گويون اوزو ده بير بويوك

سوفرمیه بنزهیبردی کی، اولدوزلاری سانکی آلك ایله اونون اوستونه سپلهیبیسن. اولدوزلار گۆیده ائله پارلایبردی کی، اولناردان گوزونو چکندن سونرا داهایاق آلتینی گورمک اولموردو. گئجه اویاق قالان حیوانلارین اوخوماق، حرکت و اوللاماق سہسی دایانمادان قولایا گلیردی. بارات دؤرمیه باخمادان دوز قاباغینا باخیردی و قارنلیق ایچینده آیاغینین آلتینا باخاراق بیر نئجه دقیقہدن سونرا ایچہریبہ دؤندو.

بو جمعین ایچینده بیر نفر ده سولدوزلو وار ایدی کی، چوخ سولدوزلولار اونو تانیمیردی. اونون داییبسی تهراندا اؤیرنجی ایدی و نئجه دفعه باراتگیلین ائولرینه گلیمیشدی. اولنارین ائولری سونرا «پیرانشهر»-ه کؤچموشدو. او بیر بویلوبوخونلو، گولش قاباق و دریبسی آغ بیر اوغلان ایدی. او پیرانشهر فدایی لر دفتربینین نیظامی بؤلہسینین مسولو ایدی. او، او بیریلره نیسبت هامیدان آرتیق ایناملی بیر اوغلان گورونوردو. بارات ایله او اوزاقدان تانیش ایدی لر. اولنار بیر قدر خوش-بئش ائندن سونرا هامی یوخویا گئندی. بارات دا اولنارلا بیرلیکده دفترده یاتدی. باراتین شانسی بورادایدی، چونکی اونون هله نیظامی تعلیماتی یوخ ایدی، او گئجه کنشیک وئرمہیجک ایدی.

صوبح شہرده مال حیوانین سہسی و گونون ایشیغینا هامی یوخودان دوردو. بارات دا دوراندان سونرا یئرینی بیغیشدیددی. اولنار سویوق سو ایله اوزگوزلرینی یودولار. باراتین اوزونو ده بیر مقدار ساققال باسمیشدی. او اوزونو قیرخماق اوچون هئچ بیر وسیلهسی یوخ ایدی. او آزاراق امکاناتین ایچینده هئچ کس اوزونو قیرخماق فیکرینده دئیلدی لر. بعضی لر اوزلرینی هفتهده بیر دفعه قیرخیردی لار. بارات اوشونون کند چؤرمی ایله پنیر، قاتیق و اوستوندن چای ایچمک فیکرینده ایدی کی، اولنار اوزلرینی یویاندان سونرا سوفره آچیلیمیشدی. اولنار هامیسی سوفرمین باشینا توپلاشیب و نوش جان ائتدی لر.

ائله بو واختدا بارات فدایی لرین یئرینه ائشیکدن باخماق فورستی تاپا بیلدی. دوغرودان دا بیر کیچیک بیر مرتبهلی کند مدرسهسینه بنزهیبردی. اونون نئجه اوتاغی وار ایدی کی، فرقلی مقصدلر اوچون ایستیفاده اولونوردو. بارات بیر داهایا همشهرلیسی ایله دانیشماغا فرصت تاپا بیلدی. چایی ایچندن سونرا «پرویز» اونا یاخینلاشیب دئدی:

- «سولدوزدا (دورگه کندینده) پرویز نوبهاری تانییرسان؟

بارات دئدی:

- هن تانییرام.

پرویز یئنه ده بیر تیکه نوخود کیمی پوکهلنمیش کاغیدی وئردی اونا و دئدی کی، «بونو آپار، وئر پرویزه». بارات بیر طرفدن سئویندی. هر نه اولسا، اونو گؤندهریرلر سولدوزا. او، پرویزی اؤزوندن سیاسی تشکیلات باخیمدان داهایا

حیس اندیردی. نەدن اونو اوزوندن آشاغی بیر آداما تانیتمیرماق ایستیرلر. نەدن اونو شەریەشەر، کەندبەکەند اۆتوروردولر. اۆزونو قانع ائدەرک دئییردی کی، «ایشلر تشکیلات کاناالیدان گئتمەلیدیر». اونو سولدوزا گۆندرمکدن سئوینیردی. او چایینی جوتلەیندن سونرا یولداشلاریندان آیریلیب و سولدوزا طرف یولا دوشدو. اوشنو سولدوزون بلکە دۆرتدن بیرى قدر اولاردی. شەر داغین آتەیندە یئرلشدییى و اونون ایچیندن چوخلو داغین بولاقلارینین سویو آخماسی اوچون شەردن داها چوخ بیر بۆیوک کەندە بنزەییردی. اوشنونون ھاواسی سولدوزدان داها سویوق نظرە گلیردی. اورا دیریلیکە و سەسلى-صدالى اولماقدا سویوقبولاق ایلە موقایسە اولونمالی دئییلدی. بارات داغین دۆشوندە بیر آز پیدادا یوخارییا دیرماشاندان سونرا شەرىن اصلی خیابانینا یئتیشدی. او یولا دوشوب سولدوزا گئتمک اوچون شەرىن قاراژین آختاریردی.

باراتین سولدوزا بیرباشا اوشنودن دۆنمەسینین ایمکانی یوخ ایدی. اوشنودن سولدوزا قیرخ کیلومتەردن آز یول ایدی. آما اوشنو تامامیلە دۆلتین آلیندن چیخماسی و شەرىن اکثریتینین کورد اولماسی اوچون سولدوز یولو ھم قورخولو، ھم دە دولتین ایسلام امنیتی قۇملرى واسطەسیلە تفتیش و کونترول اولوردو. بارات او یولدان گلە ایدی، کسینلیکە اونو توتاجاقدی لار. بارات یولونو اوزاق، آما آرخابین سالاراق، بیر داها جلدیان و پسوہ طرەفینە سالدی. او بو طریقە گلەک ایلە پیرانشەر (خانا) یولوندا ائنیب، سونرا خانا-نقدە مینی-بوسلارینا مینیب سولدوزا دۆنە بیلردی.

بارات مینی-بوسا میندە آرتیق ھاوا قیزیشمیشدی. او دۆنرکە گۆنش دە ھر بیر ییری پاریلدادیردی. چۆل-لردە اکینچیلر اۆز زمیلى اوستوندە چالیشیردیلار. آما چۆلدە چوخ آدم گۆزە دەیمیردی. بارات ماشینلارین گلیب - گئتمەسیندن و چۆلدە آدم-لارین یوخلۇغوندان حیس اندیردی کی، یالئیز امنیتی قۇملر ھر ایکی طرفدن سیلاح-لارینین گوجونە امنیت حیس اندیردی. خبرلردە یول قیراغیندا پارتلایان بومبالار و گئدن-لرین یارالانماسی و یا اولمەسی ھلە داغیناق صورتدە قولغا گلیردی.

بارات اۆز رۇيالارینین ایچیندە ایکن بو دفعە خیالی داها راحت ایدی کی، نہایت سولدوزدا چالیشاجاق. او، اۆزو ھم بیرباشا بو حاقدا «اوروج» و «بایرام» ایلە دانیشیب و اونلار دا بو مسالەنین تداروکوندەدیرلر، ھم دە تشکیلات طرفیندن بارات بیرباشا معرفی اولونوب. نہایت اونو تشکیلات سیستملى شکیلدە سولدوزا دۆندرمەسینە اونون اورەیی داها دینج و آرام ایدی. بو رۇيالارین ایچیندە اولارکەن بیردن اۆزونو جلدیانین یاخینلیغیندا و «خانا-نقدە» یولوندا گۆردو. او اورایا یئتیشندە مینی-بوسدان ائندى. مینی-بوس پسوہ طرفە توز- تورپاغین ایچیندە یولونو دوام ائتدی. بارات چۆلون اورتاسیندا تەکباشینا جادەنین قیراغیندا سولدوزا گلن طرفدە ھردن دایانیب، ھردن دە یاواش- یاواش یول گئدیردی. او بیر آز گئندەن

سونرا دایانیب و بیر یئرده اوتوردو و گۆزونو «خانا» طره‌فینه تیکدی. بورا آرتیق کورد قۆملرینین تام کونترولوندا دیر. بورادا بارات تامامیله غریبه‌دیر - اؤزونو هامیدان آرتیق تانیش بیلن بیر غریبه. او اؤزونو دولتین اسلام قۆملریندن داها چوخ کوردوستاندا چالیشان سیاسی قۆملره داها یاخین گۆروردو. اگر پیشمرگه‌لر گلسه‌لر اونو هارادان تانیاجاقلار؟ بلکه اونو توتارلار؟ او اؤزونو نجه تانیئدیرسین و تهلوکه‌دن قورتارسین؟ اگر گلن ماشین اونو تانیسا، اونلارا نجه آچیقلاسین و اؤزونو آرتیق سورونلاردان قورتارسین. بارات یئنه ده بیر بوتؤو نیظامی منطقه‌ده آلی‌بوش چؤلون اورتاسیندا بیر ماشین یا مینی بوس گۆزله‌ییردی کی، تاپیلسین و اونو سولدوزا آپارسین.

بلکه بارات بیر ساعاتا یاخین اورادا دایانمیشدی کی، اوزاقدان «خانا» طرفیندن جاده‌نین اوستونده بیر قارالتی گۆزه چارپیردی. بورا کیمی یولدا گلیب - گندن بیر- ایکی ماشیندان بیرینی دایاندیرا بیلمه‌ین بارات اومیدی وار ایدی کی، بو دفعه بو ایشده باجاریقلی اولا بیلسین. قارالتی یاخینا گلدیکجه بؤیویوردو. گونشین ایستیزی جاده‌نین اوستونده بیر ایستی یئل کیمی ائله بیر وضعیت یارادیردی کی، ماشینین رنگی و شکلینی پوزوق گۆستریردی. ماشین یاخینلاشدیقجا معلوم اولدو کی، او بیر مینی‌بوس‌دور. بارات جاده‌نین کناریندان آلینی چاپالاتماق ایله شوفئری تام باشا سالدی کی، او بیر موسافیردی. مینی‌بوس یاخینلاشدیقجا، شوفئری باشی داها مینی‌بوسون شوشه‌سینه یاخینلاشیردی. مینی‌بوس سورعتینی آزالدیب و گلدی باراتین یاخینلیغیندا دایاندی. مینی‌بوس دایانمادان بارات شوفئری یاخیندان تانییب و فیکره قالدی کی، اونا بورادا دایندیغینی نجه توجیه ائله‌سین. اونا نه‌لر دئسین. دونن تهراندا درس اوخویان اونیوئرسیته اؤیرنجیسی، بو گون خانا یولوندا چؤلون اورتاسیندا تک‌باشینا کوردلرین کونترلوندا اولان منطقه‌ده نه ایش گۆرور.

بارات مینی بوسا مینندن سونرا تنز شوفره سلام وئردی. «سلام آقای افشانی». شوفر باراتین قوهومو، دوکتر تقی‌نین بؤیوک عمی اوغلو سو، بارات‌گیلین اورمیه‌ده‌کی هم‌منزیل‌لری «رضا»نین آتاسی و نهایت بارات‌گیلین بیر آز اوزاق قونشولاری ایدی. او تجروبه‌لی بیر انسان اولاراق باراتی چوخ سورغو- سوالا توتمادی. یالئیز بیر تزه سیغار یاندیریب، دریندن اونون توستوسونو سینه‌سینه دولدوروردو. اونون بیر طرفدن گولش قاباقلیغی و خوش دانیشیقلیغی و دونیا گۆرموشلویو باراتا چوخ خوش گلیردی. اونون گۆزونون دوره‌سینین چین‌لری و درین فیکیرلی باخیشلاری اونو بیر طرفدن گۆستریردی کی، فلک اونا یاراشان کیمی گرک خوش داورانماییبدی. او باراتی یاخیندان تانییدیغی اوچون اونو قاباقدا شوفر- شاگرد یئرینده آیلشدیریب و اونولا عادی و عومومی مساله‌لردن، تهراندان و هابئله مملکتین گله‌جه‌ییندن سوروشوردو. او، عینی حالدا باراتا اؤز سیاسی وضیّتی بارمه‌ده اؤیود وئیریردی. «اوغلو، هنج زامان بو موللا جاماعاتینا اینانما، اونلار

ایلان یئیبب اژدها اولوبلار». خانایولوندا چوخ تفتیش فلان یوخ ایدی. بارات یاریم ساعاتدان سونرا سولدوزدا و ژاندارمری میدانین قاباغیندا ساغ اوللاشیب و مینی بوسدان انیب و اولرینه ساری یولا دوشدو. او پرویزی گورمهیی سونرایا بوراخی.

بارات گیلین اولرینده آتالاریندان سونرا هامیسی او جملهدن آنالاری آچیق دوشونجهلی و اوزگورلوک یولوندا ساواشان انسانلار ایدی لر. اونلار باراتین گنجه ائوه گلمه مهسینی، آتالارینا بئله لاناتمیشدی لار کی، بارات سانکی یولداشلارینین ائوینه قوناق گندیب». آتالاری دا بیر سوز دئیردی. بارات آرتیق بویوک بیر کیشی ایدی. او اونیورسیته نین دوردونجو ایلینه گیریر. اونون ایکی باجیسی دا سولدوزدا ایدی لر. اوختای تهراندا قالماغا و اورادا شانسینی سیناماغا قرار وئرمیشدی. او بارات گیلین «نوصرت خیابانی» اولرینده قالیردی. اونیورسیته اویرنجی لری اولان باجی لاری اونیورسیته لرین درس لری و ایمتاحانلاری بیتدییی اوچون ایکسی ده سولدوزا دئوشدولر. آنالاری ائوی یاریمچیق اوشاقلاردان دولو گورمهسینه سئوینیردی.

بارات صاباح پرویزین اوشنوده یازیب اونا وئردییی نوخود بویدا اولان کاغیزی سولدوزدا «آرازخان دورگهسی» کندیده یاشایان بو بیر «پرویز»ه آپاریب و تحویل وئرمهلی ایدی. «آرازخان دورگهسی» سولدوز ایله سویوق بولاق یولو آراسیندا یئرلشمیشدی. سولدوزدان چیخاندان سونرا بیر طرفی «اورمو»یا، او بیر «ساغ» طرفی ده سویوق بولاقا گندن محمدیار اوچ یولوندا «آرازخان دورگهسی» کندی همین اوچ یولدان بلکه بئش کیلومتر «اورمو دهنیزی» طرفینده ایدی. بارات چوخ گزندن سونرا ناهارا یاخین کندن مینی بوسونو تاپا بیلدی. صوبح تئزدن کندن مینی بوسو بیر تعداد کندلینی شهره گتیرنده بیر نئچه ساعات دایانمالی دیر کی، لازیمی موسافیر توپلاییب و دولو موسافیر ایله کنده دئنه بیلسین. بارات مینی بوسون ایچینده بیر یاریم ساعات شهرده دولانندی، نهایت مینی بوس دولدو.

مینی بوسون موسافیرلری هامی بیر بیرلرینی تانییردی لار. هامیسی کندی ایدی لر. هامیسی آل لری قابارلی، اوزلرین گون یاندرمیش، کند و ایش پالتارلاری آیینلرینده باشلاریندا بؤرک بیر بیرلرینی آدلا سهسله ییب و اوجادان دانیشیردی لار. اونلار اوجا اوجا دانیشارکن قامقاه چکیب، اوجادان گولوردولر. بارات عومورونو کیتابلارلا کئچیرن بیر اونیورسیته اویرنجیسی کیمی اوزونو بو قوناقلیقا تام غریبه ساییب و بیر بوجاقدا سیخیلیب، پنجره دن انشییه باخیردی.

بارات بیلیردی کی، محمدیار اوچ یولوندا ماشینلاری ایسلام انقلاب موحافیز قوملری تفتیش اندیردی. بو بیر طرفدن ده بیلیردی کی، کنده گندن ماشینلار ایله

ایشلری یوخ ایدی. اونلار سویوق بولاق و اورمییه گئدن مینی بوسلار و ماشینلاری آختاریردی. لار. هردن بیر دوشونوردو کی، «اگر ماشینی ساخلاسلار، او نه دئسین». اونولا یاناشی، باراتی معرفی ائتمکده بونو دوشونوردو کی، «او، پرویز بو پرویزی هارادان تانییر؟» بلکه «پرویز» سولدوز تشکیلاتینین مسؤلودور. بارات هله بو مسالهنی بیلمیردی کی، سولدوز ایله سویوق بولاق تشکیلاتینین آراسینداکی ایرتیباطلاردان سونرا چوخ دؤره کنارداکی ارتباطلار دا بو آرادا عمل اندیردی. بارات هئچ جوره سئزه بیلمیردی کی «اوروج، بایرام» و او بیرری یولداشلاری اولان زامان اونلار نمدن باراتی «آراز خان دورگه سینده پرویزه» معرفی اندیبلر. او پرویزی اوزاقدان بیر آز تانییردی و اونون باجاریغینی بیر شهر مسؤلو اولماق اوچون کافی گؤرموردو. حیس اندیردی کی، اونو اوزوندن آشاغی بیر آداما معرفی اندیبلر کی، اونون تشکیلاتی تکلیفینی تعیین ائله سین.

بارات دا او بیرری موسافیرلرله بیرلیکده کنده یئتیشدی. او یئتیشنده تقریباً ناهار اوستو ایدی. او، دوز پرویزگیلین ائولرینی سوروشدو و اونلارین قاپیلارینی گؤستردی. لار. اونلارین قاپی لارینی چالاندان سونرا پرویزین قارداشی قاپینی آچدی. او باراتی تانیمدان پرویزین بیر یولداشی شهردن اونو گورمهیه گلیب دئی، دوشونمک باراتا خوش گلدین دئیب و دندی کی، ایندی پرویز ناهارا ائوه گلهجک. باراتی اونلارین ائولرینده ایکینجی مرتبهده قوناق اوتاغینا آپاردی. لار. اونون قارداشی دا بارات «قوناق» تک قالماسین دیه، گلدی و اونون یانیندا ایلشدی. اونون اؤزو ده ایش باشیندان چؤلدن ناهارین یئمیه گلیمیشدی.

چوخ چکمدی کی پرویزین سهسی حیطده گلدی. او، ایشدن گلندن سونرا آل-اوزونو یودو. اونون دا اوجا دانیشماغینین سهسی ائوه گلیردی. اونا آشاغیدا دئمیشدی. لار کی، قوناغین وار. اونلار بیر- بیرلرینی چوخ آز اوزاقدان تانییردی. لار. بیر آز تانیماق سولدوزدا کیفایت اندیردی کی، ایکی نفرین بیر- بیرلرله سلام علیکی اولسون. بو قوناغین کیم اولدوغونو بیلیمین پرویز اونو گورمهیه تله سیردی، آل-اوزونو قورولایاندان سونرا قوناق اوتاغینا گلدی. باراتی او بیرری قوناق لار کیمی قارشیلادی. ناهار اوچون یاغلی بیر شوربا بیشیرمیشدی. لار کی، کند چؤره یی، سوغان و قاتیق ایله اونو نوش جان ائندی. لار. اونلار چای ایچنده ایشینه چوخ یوبانان پرویزین قارداشی عوذر ایسته ییب و اونلاری اؤز باشلارینا بوراخدی.

بارات ایله پرویز چای ایچرکن بارات اوشنودن گئیردی کی کاغیزی پرویزه وئردی و اونا چوخ قیسا شکیلده مسالهنی آچیقلا دی. پرویز ده کاغیزی اوخویاندان سونرا او دا بیر فیکره جومدو. چایی ایکیله یندن سونرا او دا بیر تیکه کاغیز گئیریب و اونون اوستونده بیر نئچه جومله یازیب و اونو باغلا یب باراتا وئردی. بو دفعه او باراتا تاپشیردی کی، بو کاغیزی سولدوزدا «اوروجا» وئرسین. بارات اؤز اورمینه ده دئییردی کی، «اوروج»-ا کاغیز وئرمک لازیم دئییل، او باراتین «جیرکینی» ده

بیلیر، «بۆرکونو» ده. پرویز بیر اوجا بویلو جاوان اوغلان ایدی کی، دیپلومو قورتارمیشدی. او کنده او بیرری قارداشلارینا بیرلیکده چالیشیردی. بارات قدیمدن بیلیردی کی، او فدایی لر سمپاتیدير. سولدوز ایله سویوق بولاغین اورتاسیندا بیر کندن ایچینده فدایی لرین پرویز کیمی بیر فردلری اولمالاری بویوک اهمیت داشیردی.

بارات ایشی قورتولاندان سونرا سولدوزا قایتمالی اولدو. «گنجهنی گنتمه، قال بورادا، صاباح گندرسن» اونلارین آرالاریندا معمولی تعارف لر قورتولاندان سونرا پرویز باراتی یولا سالدی. بارات بیر مقدار خیالی دینجلدی کی، داها اونون تکلیفی نهایت معلوم اولدو. او بیرری طرفدن حیس اندیردی کی، اونون باجاریغی و موقیتینه گۆره دیرلندیرمه ییبلر. اونا بیر مقدار اسکیک باخیب لار. اونا حتی اوشنونون تشکیلاتینین مسؤلو دا تاثیر گۆستره بیلمهدی. آخیردا بارات بو نتیجه گلدی کی، منطقه نین نیظامی اولدوغونا و «آرازخان دورگه سی» نین استراتژی اهمیتی و پرویز گیلین سویوق بولاغا داها یاخین اولمالاری اوچون بلکه اونلار بیر نیظامی تشکیلاتی ایله باغلی سویوق بولاغ ایله ایلشکی لری واردیر کی، سیاسی تشکیلاتدان تامامیله مستقل عمل اندیر. بارات امنیتی مساله ره گۆره اوزونو قانع اندندن سونرا اوزونه بو ایجازهنی وئرمیردی، بو حاقدا بیر نفر دن ده بیر شئی سوروشسون کی، «گۆره سن، پرویز گیلین سویوق بولاغ تشکیلاتی ایله نیظامی بیر ایلشکی لری وار یا یوخ؟»

بارات بو فیکیرلرین ایچینده اولارکن بیردن گۆردو کی، سولدوزا یتیشیب و مینی بوس شهرین ایچینده دیر. بارات مینی بوسدان ائندن سونرا حیس اندیردی کی، بیر هفته لیک بیر داغا چیخماق پروقرمیندان گلیب. او داها باشینی آشاغیا سالیب و ائوه گئتدی. بیر ساعات ائوده دینجلیب بیر نفس تزله یندن سونرا بیر داها انشیه چیخدی کی، یولداشلاریندان گۆرسون. سولدوزون هاواسی باهارین آخیر گون لری نین هاواسی ایدی. آخشام یئنه ده هاوا سرین ایدی. خیاباندا یئنه ده چوخلو جاوان دولانیردی. باراتین معلم اولان یولداشلارینین چوخو شیک پالتارلاری آیین لرینده یا خیاباندا قدم آتیردی لار، یا دا قهوه خانالاردا ایله شیب چای ایچیردی لر و یا ماشینلارینین ایچینده شهری گزیردی لر.

بارات گزرکن اوزوندن یاشی آز اولان یولداشلارینین بیر- ایکسینی گۆروب اونلار لا یاواش یاواش قدم آتانا اونلارین تئوریک سورونلارینا جاواب وئیردی. باراتدان بش یاش کیچیک اولان آردشیر ایله نبی دیپلوملارینی یئنجیه آلمیشدی لار. اونلار سوسیالیزمین ایدئولوژیک اساسلاری و کؤکلری و دنیا سیاستی حاققیندا «امپریالیست بلوک» و «سوسیالیزم بلوک» آراسینداکی درین ایختیلافلاری آراشدیریب و عمومی جهت لرین تعیین ائتمهیه چالیشیردی لار. اونلار بو آرادا «اقلیت، توده پارتیاسی و «اکثریتین» فیکری ایختیلافلارینی آراشدیریردی لار.

بارات بو گزمه‌لرده بېردن «اوروجو» گۆردو کی، همیشه کی کیمی سورعتله تنز- تنز بېریبېردی. او همیشه کی کیمی بئله نظره گلېردی کی، بېر ایش دالیسینجا گندیر و یا بېر کسی آختاریر. هامی سولدوزدا بیلیردی کی، او سیستئملی شکیلده فدایی‌لر تشکیلاتینی دولاندیرانلارداندیر. عینی حالدا «اوروج» یولداشلارینی گۆرن زامان دایانیب و اونلارلا آل وئریب و بېر نئچه لحظه خوش-بئش ائدیردی. اونلار بېر- بېرلرینی گۆرندن سونرا، اوروج ایله بارات‌گیلین اوچو گۆرۈشدولر و شیرین خوش‌بئشه باشلادی‌لار. بارات بو گۆرۈشده بېر کیمسه‌نین باشا دوشمه‌یه‌جیی شکیلده پرویز وئرن او بېر تکه پیتییی اوروجا وئردی. اوروج دایانمادان اونو آچیب اوخودو و اونو سایمادان جیریپ یئره سپه‌لهدی. بارات نه فورصت اولدو او باره‌ده بېر شئی سوروشسون، نه «امنیتی-تشکیلاتی» جهتنن اؤزونه ایجازه وئریردی، بېر سورغو سوروشسون. اونون اؤزۈ ده او مسالیه سایمازینا یاناشدی.

بارات شهره گلندن سولدوزدا «فدایی‌لر شهر کومیتەسی» نین جلسەسینه گتمک ایستەیبیردی. اما اونلاری بېر یئرده گۆره بېلمیردی و یا اوروج و بایرام و او بېری‌لر ایله بېر یئرده گۆرۈشه بېلمیردی. بارات کوردلر مەخەسینه داواملی گندیردی، اورادا وضعیتین بېر میقدار نورمال حالا دؤنمەسینی گۆرۈردو. اورادا کورد یولداشلاری بېر ناوار ساتان دوکان آچمیشدی‌لار کی، اونلارین بېر گۆرۈشمە‌یئرلی ده اورا اولموشدو. بارات‌گیل بېر اورایا باش ووروب و یاریم ساعات اورادا قالاندان سونرا بېر داها دؤنوب و شهرین ایچەریسینه گلیب و آخسام اولدوغو اوچون داها ائولرینه گتندی‌لر.

نهایت بېر گون صوبح اوروج اونلارین جلسەلرینین قرارینی «شیخ موختار» بن باخجاسینا «گادار چایی» نین شهره ساری جهتینده تعیین ائتمیشدی. اورادا چوخ آدم یوخ ایدی. «بارات‌دان سونرا بېر اوروج، بېر ده بایرام و نهایت نادیر وار ایدی. اوروج دئدی کی، «کندین تشکیلاتینی صلاح‌گیل ایداره ائدیرلر کی، اونلار بېر نفر گوندره بېلمە‌ییب‌لر. بېر یاریم ساعات دانیشاندان سونرا بارات اؤیرندی کی، شهر کومیتەسی دئیبین هر بؤلوم بېر کیچیک قروپ کیمی یاریم‌چیق موستقیل عمل ائدیر و اونلارین آراسیندا آردیجیل جلسەلر یوخدور. «کوردلر مەخەسینه دؤردبئش نفر یولداشلاریندان واردير کی، عملاً او مەخەنی دولاندیریر‌لار. مەلەملر ایچینده نئچه نفر واردير کی، ایداره هیاتینه اوخشار بېر موقعیت‌لری وار. کند یولداشلاری اونا بنزر بېر دورومدا ایدی‌لر، اما اونلار چوخ سویوق‌بولاق یولداشلارینا ساری ایدی‌لر. اونلارین هر بیرسی اؤز یئرلرینده «سویوق‌بولاق» تشکیلاتی ایله گنت. گل‌لری اولماقلا یاناشی، شهردن بېر نفر ده رسماً داواملی اولاراق «سویوق‌بولاغا» گندیردی و اورایا راپورت آپاریب، راپورت گتیریردی. تقریباً دئمک اولار کی، موختیلف بؤلوم‌لرین موستقل عمل ائتمک‌لری داها چوخ ایدی و اونلارین آراسیندا امکداشلیق آز گۆزه چارپیردی.

سویوق بولاغا راپورت آپاریب گتیرمک وظیفهسی اولان نادر بو مسئولیتین اؤزو اونا بیر مخصوص اوستونلوک وئرمیشدی. بارات اونون شهر کومیته سینده اولماسیلا راضیلاشا بیلیمیردی، چونکی اونونلا اولان تانیشلیق اونو هم سیاسی-ایدئولوژیک و تشکیلات، هم ده اؤز شخصی اینامی و باجاریغینا گؤره اونو بو ایشه و بو موقعیتده اولماسینا راضی اولا بیلیمیردی. او گونکو جلسهیه «نادیر» بیر ساعاتا یاخین گنج گلدی و آغاجلارین آراسیندان گیزلنمه گیزلنمه و بویلا نابویلا نا گلمهسی ده بونلارین آتینی تۆکوردو. بارات اؤز فیکرینی بو حاقدا اوروج و بایرام ایله پایلاشدی. اونلار نچه اوتوروم بیرلیکده کئچیرندن سونرا بو قارار گلدی لر کی، بیر نفر کند تشکیلاتی و نچه نفر شهر تشکیلاتی طرفیندن توپلانیب، شهرین اصلی کومیته سینین موختلف بۆلمه لرینین سئچیلنلریندن تشکیل تاپسین. شهرین تشکیلاتی آن آزی اوچ بۆلومه بۆلونه لیدیر: «کوردرلر بۆلمهسی»، «تورکلر بۆلمهسی»، نهایت بۆیوکلوک و اهمیتلرینه گؤره، «موعلملر بۆلمهسی». دئمک اولار کی، «موعلملر بۆلمهسی» اؤزو آل آلتیندا «گنجلر تشکیلاتی» و «قادینلر تشکیلاتی» دا دولانديریردی.

بایرام «کوردرلر محلهسی»، «اوروج موعلیملر، قادینلار و گنجلری احاطه ائدن بوتون تورکلر قیسیمینی عۆده سینیه آلدی و بارات «کندلر تشکیلاتی» نی عۆده سینیه گۆتوردو. اونلارین هر بیرینین مسئولیتلری چوخ آغیر ایدی. باشلارینی قاشیماغا واختلاری اولموردو. بارات اوروجون خیاباندا سورعت ایله یئیین یئیین گئتمه سینینی ایندی آنلایا بیلیردی کی، او بو قدر شهرین بلکه یوزلرله فداییلر تشکیلاتیلا چالیشان و چالیشماق ایسته ینلرین بۆیوک تشکیلاتینی نجه بیر جترین آلتینا گئتیرمک.

«کندلر تشکیلاتی» حاققیندا، «سویوق بولاغا ساری کندلر»، یا دا دئمک اولار کی، شهرین گون چیخان طرفی نین یولداشلاری اؤزلری بیر- بیرلرینی یاخیندان تانییر و بیر بیرلرینی گؤروب، تکتک کندلرینده ایشله ییر و کندلیلر آراسیندا تبلیغ، ترویج و تشکیلاتی ایشلرینی گؤروردولر. اونلارین «کورد کندلریندن و عینی حالدا گون باتان کندلریندن هئچ امکداشلیق ائتمیردی لر. «صالح» کوردلر محله سیندن و «احمد» معلیم اولدوغو گون باتان کندلردن «کندلر تشکیلاتینا» گلدی. سویوق بولاق طره سیندن ده «صالح ایله حسین» گلدی لر. کند کومیته سی بو حسابلا بنش نفر اولدو، حالبوکی «صالح ایله «حسین» اؤزلری اؤز بۆلوملرینده آیری یولداشلاری وار ایدی کی، اونلارلا یا جمعی جلسه قویوردولار و بیر سیراسی ایله ده تک به تک گؤروشوب و اونلارلا سؤز آپاریب، سؤز گئتیریردی لر. «صالح ایله «حسین گیل» ین تشکیلاتی نچه نؤمره ده بیر قزئت یا ژورنال چیخارمیشدی لار کی، کندلرین خبرلرینی و کندین «خوش نشین» لرینین چابالارینی اربابلارین یئرلرینی آلماغا و آرالاریندا بۆلمه یه اورادا یاییب و اونلاردان حیمایه ائدیردی.

اونلار عینی حالدا نادیرین «پیک» عونوانیندا سرویسینی ده چوخ اهمیت وئرمه‌یرک اونو شهرین تورکلر بؤلمه‌سی کومیتهلرینین بیرینده یئر وئردی‌لر. بو بؤلگه و فرقلی بؤلوملرین مسئوللارینین تعیین اولونماسی و اونلارین آل‌لرینین آلتینداکی کومیتهلرین آدام‌لارینین بللی اولونماسی و قرار وئریلمه‌سی اونلارین تک‌به‌تک کومیتهلری و شهرین اساس کومیته‌سی هفته‌ده بیر «جلسه» یا گؤروش‌لری اولمالیدیر، اونلارا بیر اصلی پلاتفورم اولاراق اونو اجرا ائتمه‌یه باشلادی‌لار. هفته‌لیک موختلف بؤلمه‌لرین جلسه‌لری هفته‌به‌هفته یاواش‌یاواش یئرینه دوشوردو. اونلارین یولداشلاری بوندان قاباق چوخلاری آردیجیل و دال‌بادال اوتوروم‌لار و جلسه‌لره آلیشمایمیشدی‌لار. اوتوروم‌لاردا اونلار تکجه شهرین هر بؤلومونده باش وئرمیش اولای‌لاردان خبرلری اولوردو، عینی حالدا اوز بؤلوم‌لریندن دانیشارکن اولای‌لارین حاققیندا فیکیر بیرلییی قاباغا آپاریب و قرارلار وئیردی‌لر کی، نه ایش‌لر گؤرسون‌لر. گلن اوتورومدا او قرارلارین اجرایی حاققیندا دانیشیردی‌لار.

بارات آلینی ایشه باتیراندان سونرا گؤردو کی، نه قدر ایش چوخدور و نه قدر گونده‌کی اولایلارین قاباغیندا اونلار موقع بیلدیرمه‌لی و اونلارا عمل ائتمه‌لی‌دیر. اونلارین ایش‌لری تکجه تشکیلاتی فورمالاشدیرماق دئییلدی. غربی آذربایجانین بیر طرفینده تورکلر و او بیر طرفینده ده کوردلر اولان و دولت قوه‌لری ایله یئرلی قوه‌لر آراسیندا ساواش گئدن بیر منطقه‌ده و او بیر طرفدن ده سولدوز جامعاتی یئنی بیر «تورک‌کورد» ساواشیندان سونرا تزه بیر- بیرلرینه یاخینلاشیرلار. حالبوکی هم کوردلر، هم ده تورکلرین چوخو سولچولار و خصوصاً «فدایی‌لری» «اوزونو ساتان و دوشمنین طره‌فینی توتان» تانییردی‌لار. اونلار بیر- بیرلری ایله اوزبه‌اوز اولمالی‌دیرلار. اونلار عینی حالدا اولکده کنچن بوتون اولایلار حاققیندا سولوزدا گؤرولمه‌لی ایش‌لر حاقدا دانیشیب و قرار وئرمه‌لی ایدی‌لر. اونلار موطالیعه ائتمه‌لی، هم ده بیر چوخو ایشله‌ییب و چؤرک ده قازانمالیدی. چوخو دا بارات کیمی دوشونوردو کی، یاخین گله‌جکده اونلار حؤکومتی آله کئچیرمک‌لر، او زمان اونلارین دولت وظیفه‌لری اولاجاق و اورادان کئچینه‌جک‌لر.

یابین اورتالاریندا تهران‌دان خبر گلدی کی، «تهراندا ایسلام کومیتهلر «پیشگام» دفترلرینه هجوم اندیب. یابین اورتاسینداکی بوتون اویرنجی‌لر شهرلرینه دؤنوب‌لر و اونیوئرسیتیه‌ده درس ده یوخدور، دولت «پیشگام» دفترینی باغلاماغا یوروش فورستی تاپیدیر. اوندان سونرا دولت طرفیندن «فرهنگی اینقیلاب» اعلان اندیلدی و اونون آردینجا اونیوئرسیتهلر باغلانسین کی، آچیلان زمان اونلار

«ایسلام» اؤیرنجی لر توپلوما تحویل وئرسین لر. ایسلام انقلابا مینن لر، اینقیلاب ائدن لرین بیر بهیر قول-قانادین چاپیردی لار.

بیر یاندان اونیوئرسیتهلرین باغلی اولماسی، او بیر یاندان آل لرینی دیرسهیه کیمی سولدوزون تشکیلاتینا باتیرماسی باراتی گۆردویو ایشده داها داواملی دایانماسینا قرارلاندیردی. یاواش-یاواش اونلارین تشکیلاتی مؤحکملاشیر و یئرینه دوشوردو، اما اونلارین تک به تک ایشلری آغیر ایدی. بارات فیکرین ده انده بیلیمردی کی، اوروچ او گئنیشلیکده و چوخلو آیینین آلتیندا اولان «فدایی لر»ین تشکیلاتینی و ایشلرینی یئر به یئر ائتسین. اونیوئرسیتهلردن خیالی راحت اولاراق یابین آخیرلارینا یتیشیردی لر.

بیر گون بارت ایله اوروچ آخشام خیاباندا دولانیب دانیشیردی لار. اونلارین دانیشیق لاری دا یالنیز تشکیلاتین مسالهلری حاققیندا ایدی کی، هفته نین آخیرینا کیمی دؤزولمزدی کی، اوتورومدا تکلیف اولونسون. بو دانیشیق لارین اورتاسیندا بیردن بیر نفر اونلارا یاخینلاشدی. او اوروچ ایله یاخیندان خوش بئش ائندن سونرا دئدی کی، «گلیب، ائو کرایالاسین». او، گئندن سونرا اوروچ دئدی کی، «اونون آدی ماحموددو و یاخین یولداشلارداندی. اورمیهدن گلیب و بورادا دبیر اولاراق درس وئیر». اوروچ سؤزون داوامیندا دئدی کی، «ماحمود شهر کومیته سینده عوضو اول بیلر». بارات اونو تانیمیردی، اوروچدان آرتیق بیلگی آلدان سونرا راضیلاشدی کی، ماحمود گلنده، او دا شهرین تشکیلاتینین بیر بؤلومونو عؤده سینه آلسین، بلکه بئله لیکله اوروچون یوکو آزالسین.

بو زاماندا «فدایی لر تشکیلاتی» سولدوزون تشکیلاتینی فوتبال توپو کیمی، او طرف-بو طرفه آتیردی لار، شهرین دؤردده اوچو تورک اولاراق اونو کوردوستان تشکیلاتینا، او بیر طرفدن ایندی ده سویوق بولاقدان اونو کسب و «پیرانشهر» یاپیشدیرمیشدی لار. پیرانشهرین ده فدایی لر تشکیلاتینین «چوخلوغو» تورک ایدیلر کی، اونلارین ایچینده «حمزه» پیرانشهرین فدایی لر تشکیلاتینین مسئولو تبریزدن گلیمیشدی و تهراندا اولان «قولو» یولداشلارینین اوگئی قارداشلارینین دؤردو ده فدایی لر تشکیلاتیندا پیرانشهرده یاشاییردی لار. اوچ-بئش نفر تورکو بارات تانییردی کی، پیرانشهر تشکیلاتیندا چالیشیردی لار. پیرانشهر تشکیلاتی بو «نیظامی» منطقه ده اونلارا «نیظامی» تعلیمات وئرمیه چالیشیردی کی، اونلار قاباقکی لار کیمی سورپریز اولماسین لار.

بارات حمزه نی یاخیندان گؤرمه میشدی. سولدوز طره فیندن ایندی داها چوخ «اوروچ» پیرانشهر ایله ایلشکیده ایدی. او گندیب دانیشیب و سولدوزون اولای لارینی اونلارا اؤتوروردو و بیر پارا اونلارین فیکرلری و تجربهلریندن اؤیره نیب اؤزو ایله گتیریردی کی، سولدوزدا اونلاری تطبیق ائتسین. سولدوزن «پیرانشهر» ده «حمزه» ایله ایلشکیسی چوخ یاخین، راحت و یولداشواری ایدی.

اونلار «حمزه» ایله چوخ راحت ایشلرینی گؤروردولر. بلکه ده حمزه بونلارین دلیلین، دردین و سؤزلرینی مشهددن گلیمیش «جاواد یولداش» دان داها راحت باشا دوشوردو.

بیر گون پاییز چاتهجاچاتدا اوروج دندی کی، «حمزه بیزی بیربه بیر پیرانشهر (خانا) دا گورمک ایسته بیر». اونون بیربه بیر دئمکده، شهر کومیتیه سینین عوضولاری ایدی. موضوع دان خبری اولمایان بارات اؤزونو «خانا» یا گنتمیه حاضیرلادی. او نچه ایل اولاردی کی، «خانا» یا گنتمه میشدی. او، اوشاقلیقدا دایی سی اورادا سو ایداره سینین مدیری اولاندا اورایا گنتمه میشدی. «خانا» نین بؤیوکلوو ده «اوشنو» ایله بیر اولاردی. «خانا» دا «اوشنو» کیمی داغین دؤشونده یئرلشمیشدی، اما خانا اوشنو کیمی سولو دئییلدی.

بارات سولدوزدان خانا طره فینه مینی بوس ایله چیخیب، بیر سیرا داغلارین آراسیندان گئندن سونرا «جلدیان» ساخلووونون (پادگانین) یانینا یئتیشدی لر. یولدا تک به تک موسافیرلردن انن و آیری موسافیرلرین مینی بوسا مینه ملری اولوردو. «جلدیان» پادگانی بیر دوزنلیکده بو داغ داشین آراسیندا یئرلشمیشدی کی، بیر طرفی سولدوز، بیر طرفی خانا، او بیر طرفی اوشنو، نهایت بو بیر طرفی «پسوه» طریقيله سوبوق بولاغا گئیدردی. خانانین یولونداکی زمی لرین چوخو بوغدالیق و یا «پازی» (چوغوندور) اکین لری ایدی. بیرمقدار یاشیللیق اوشنو یولونا نیسبت آز ایدی. مینی بوس پادگانین قباغیندا بیر ایکی موسافیر ائندیرندن سونرا بیر داها یولا دوشدو. بیر یاریم ساعات گئندن سونرا مینی بوس خانانین «قند فابریکاسی» نین قباغینا چاتدی. اورانی کئچندن سونرا داها خانانین شهری باشلا بیردی.

بارات سوندا خانایا چاتدی. خانانین دا اوشنو کیمی بیر دنه اصلی خیابانی وار ایدی. بارات خیاباندا گندرکن فدایی لرین قرارگاهلارینین سوراغینی توتوردو. «خانا» دا او آذربایجانین او بیر طرفی کوردلر یاشایان شهرلری کیمی «کوردوستان دموکرات نیظامی قوه لری» نین آلینده ایدی. اورادا «ایسلام انقلاب مودافیه کومیتهلری» آددا بیر تشکیلات یوخ ایدی. بونا گوره بارات خیاباندا داها آزاد دولانیردی. یابین آخیرلاری هوانین ایستیسینده نهایت بارات قرارگاه چاتدی. قیرمزی رنگیله فدایی لرین بؤیوک آرمی قاپنین باشیندا گورونوردو. بارات آرتیق او قرارگاهی اؤز ائوی کیمی سایاراق ایچهریه گیردی. بیر ابتدائی مدرسه نی اؤزلرینه قرار گاه سئچمیشدی لر.

بارات اورایا چاتاندا «حسن» اوراد ایدی. قرارگاهدا هامینین آیینده کوردو پیشمرگه پالتاری وار ایدی. یالنیز بارات عادی پالتار گنیمیشدی. بوتون پیشمرگه گنین لرین هامیسی دا آل لرینده بیر «کالاشینکوف» وار ایدی. بارات ایله «حسن» خوش - بئش اندیب دانیشماغا مشغول اولدولار. قرارگاهین بیر اوتاغینین دؤشمه سینه قالی (فرش) سالینمیشدی و یئرده راحت اوتورماق اولوردو. او اوتاق

«حمزه» نین اوتاغی ایدی. بارات اورایا یئتیشنده هله حمزه قرارگاهدا دئییلدی. بارات بیر «کار» نشریهسی آینه آلیب اوخوماغا باشلادی. «حسن» اونا دئدی کی، «حمزه» ایله «ولی» کنده بیر باش چکمهیه گنڊیلر. بلکه بیر- ایکی ساعاتا گلدی لار.

بیر ساعات اولمادان اونلار قرارگاهدا قاییتدی لار. هم «ولی»، هم ده «حمزه»، ائلهجه ده «حسن» - اوچو ده ظارافاتجیل ایدی لر و بیر- بیرلرینه آتماجا آتاراق ظارافات اندیردی لر. «حسن» ایله «ولی» نین جوان و بویلوخونلو اولدوق لارینا گوره «پیشمرگه» پالتاری اونلارا یاراشیردی، عینی حالدا دا پیشمرگه لری تورکجه دانیشمالاری بارات اوچون بیر آز غیر عادی گلیردی. اما «حمزه» یه پیشمرگه پالتاری اصلاً یاراشمیردی. بیرینجی، بونا گوره کی، «حمزه» یاشلی بیر کیشی ایدی و یا حیاتدا یاشادیغی ادیتلر اونو قوجا کیمی گؤستریردی. یاشید اولماسنا باخمایاراق، حمزه هم هیکلی دولویدو، هم ده باشینین توکو تۆکولموشدو. بیر یاشلی و کؤک تبریزلینین اینینه پیشمرگه پالتاری گنڊیره سن گور نجه گورونر. مخصوصاً تبریز لهجه سیله تورکو دانیشاندا باراتین اول فکرینه گلن حیس بو ایدی کی، «سانکی اؤرده یه قاز پالتاری گنڊیریسن».

حمزه او بیرلرله شوخلوق اندندن سونرا باراتا یئتیشنده اونا بیر آتدان- اوستدن باخیب، اونا آغیریونگول اندیب و بیر آن فیکره گئندن سونرا اونولا دا گولش قاباقلا خوش- بئش ائندی. سونرا حمزه اوز اوتاغینا گئندی. اونلارین اوزلری بیر نچه دقیقه اوز مسالمری حاققیندا دانیشاندا سونرا حمزه اونلارا دئدی کی، «دئیین، بارات ایچهریه گلین». بارات دا «ولی گیل» دن باشی آیلیب و قرارگاهین کوماندانین اوتاغینا گیردی.

حمزه یئرده آیشمیشدی. باش دستمالینی باشیندا چیخارمیشدی. اونون باشینین کئچل اولماسی و عینی حالدا اولوبقالان توکلرینین ده یاریسی آغ اولماسی قرارگاهین ایچینده و اوزگوزو ده ایستی هاوادا ترله میش و یاغلی اولموشدو و اوزونو ده بیر مقدار آغ- قارا ساققال باسمیشدی. بارات اوزاؤزونه دئییردی کی، بونلار نه وضعیته یاشاییر لار. اونلار گورهن، نچه گوندن بیر حمام اندیرلر. حمزه نین ایری و شابان دوداق لاری دا اونو بیر آداما بنزه دیردی کی، بیرینجی دفعه آدام اونو گورسه ایدی، اوندان اوزاق گزمه یه چالیشاردی. او باراتدان ایستهدی کی، او دا آیشسین. حمزه بونا دیقت گؤستمیردی کی، بارات اونون باش گوزون، پالتارین و هیکلینی ذره بین آلتینا آلیب. حمزه اوز روایلارینین ایچینده درین جوموشدو. بارات تعجب اندیردی. حمزه اونو سولدوزدان بورایا چاغیریپ، ایندی اونولا لاقئیدجه سینه داوراناراق ساکت دایانیب. حمزه جیدی دانیشماغا باشلایاندا سه سی او قدر آرام و نازیک چیخیردی کی، سانکی بیر اوشاق دانیشیردی. بو ایری بویلو «شابان» هیکله بو نازیکلیکده و اوشاقینا سهس هئچ یاراشمیردی. بیر آز

آرتیق دانیشانندان سونرا بارات گۆردو کی، بو یاشلی کیشی نه قدر قلبی نازک و حیصلی بیر آدمدیر.

او باراتندان بیر آز او یان-بو یاندان خبر آلماغ، سونرا سولدوزون تشکیلاتی حاققیندا سورغولار سوروشماغا باشلادی. بارات دا عادی بیر دورومدا اونون سورغولارینا ایستر سیاسی، ایسترسه تئوریک و یا تشکیلاتی باخیمدان بیلدی بی قدر جاواب وئیردی. سونرا بیر داها حمزنین قیافهسی جیدی اولدو، آما سهسینین حیصلی اولماسی دهییشمهدی. دؤنوب باراتین گۆزلینه باخاراق دئدی: «بیلیرسن، بو سازمان نجه گلیب بو نقطهیه یئتیشیب؟» سونرا فداییلرین زینداندان آن شتتلی ضربه آلتیندا اولان شرایطدن بیر-ایکی نومونه گتیردی. اونون سۆزلریندن بللی ایدی کی، اونون اوزو ده چوخ زندان چکیب. اونون بوتون هیکل و سهسی «فداییلر» تشکیلاتینین زجر چکمه لریندن دانیشیردی. نهایت اونون اوزو دیله گلیب دئدی: «بیز دیرناق لاریمیزلا بو سازمانی بورایا یئتیرمیشیک». بوتون بو زجرلردن سونرا یئنه ده بو یاشلی کیشی تبریزدن گلیب و آذربایجانین بیر کیچیک شهرینده بیر مدرسه حیطینده قالاراق اۆز آرمانی و باراتین یولوندا ساواشیر.

اونندان سونرا بیر داها دؤنوب و باراتا دئدی کی، «بارات یولداش»، «سازمان قرار وئریب دیر کی، سنی رسمی عضولویونه گؤتورسون». «بو عضولویو قبول ائدیرسن؟ بئله بیر مسالیه اوزونو هئچ حاضیرلامایان بارات بیر طرفدن سورپریز اولدو، آما شک ائتمه دن دئدی کی، «آلته کی، قبول ائدیرم. سونرا حمزه اونون آیین مؤحکم آلینده سیخاراق اونا تبریک دئدی. حمزنین وجودوندا فداییلر تشکیلاتینین چکدی بی عذابلاری و اذیتلری و عینی حالدا گلهجک مباریزه نی گۆرن بارات چوخ غرورلا حمزه یولداشین آیینی سیخدی.

سونرا صؤحبت بیر میقدار داها یولداشواری حالا دؤندو. «حمزه» باراتندان شهر کومیته سینده اولان او بیری یولداشلاری خبر آلدی. او سوروشوردو کی، باراتین نظری «بایرام»ین عضو اولماسینا نه دی. سونرا خبر آلیردی کی، «ماحمودون عضو اولماسینا نه دی». بارات اونلاردان «بایراما مثبت نظر وئردی، «ماحمود» حاققیندا موساعید نظر ویریب، اونو آز تانیماغینا دا ایشاره ائتدی. آخیردا حمزه «نادیر»ین حاققیندا دا خبر آلدی کی، بارات منفی نظر وئریب دئدی کی، اونون عضو اولماسی هله تنزدی. او سیاسی تشکیلاتی ایستی-سویوغونا دوشمه ییب دیر. سونرا حمزه بئش-اون صفحه کاغیز باراتین آینه وئردی کی، اونلاری دولدورسون. اونلار عضو اولما فورملاری ایدی لر. اونندان سونرا سولدوزا دؤنه بیلر و سونرا بایراما دئسین کی، او دا «خان»یا گلکسین. بارات او فورملاری دولدورماغا باشلادی. هر کس او فورملاری تداروک گؤرموشدو، چوخ بیلگیلی و تجروبه لی بیر آداما بنزه میردی. اوراداکی سورغولار پسیکولوژی باخیمیندان اینسانین داورانیشینی فرقلی سیاسی و تشکیلاتی دوروملاردا آراشدیریر و

اونو سیناییردی. بارت ساعات دورد آخشام اولاردی کی، فورملاری قورتاردی و سولدوزا دؤنمهیه حاضر ایدی. هله گونون باتماسینا اوچ- دورد ساعات وار ایدی. او یولداشلاریندان آیریلیب، شهره چیخدی و مینی-بوس قاراژینا ساری یوللاندى. چوخ چکمه‌دی کی، بیر مینی-بوسا راست گلدی. داها بو دفعه شوفر تانیش چیخما‌دی. بارات اوز رۇیالارینین ایچینه جوماراق یولون اوزونلوغونو حیس ائتمه‌دن سولدوزا ساری گلیردی. بو دفعه بارات رسمی فدایی‌لر تشکیلاتینین بیر عوضوو اولاراق خانا شهریندن دؤنوردو. اونون رۇیالاری داها آرتیق گنرچهیه یاخین ایدی. بو دفعه باراتین اوزو بیر «فدایی» ایدی.

بارات داها بیلیمیشدی کی، حمزه «اوروج» و اوّل عوضو انڈیب، اوندان سونرا «بارات» ایکنجی نفر ایدی کی، سولدوز تشکیلاتیندان عوضو اولموشدو. اوندان سونرا نوبت بایراما یئتی‌شیردی. بارات بیلردی کی، «نادیر» عوضو اولمویاجاق، چونکی باراتین اونون حاققیندا گتیردییی سببلر مؤحکم و قانع‌اندیجی اولای بیلردی. بلکه اوروج اونون حاققیندا موساعید نظر وئریمیش. گویا حمزه ماحمودون حاققیندا آیریجا بیلگیلری ده وار ایدی. اونا گؤره معلوم اولانی بایرام‌دان سونرا نوبت ماحمودون ایدی کی، «خانا» یا گنتسین. بارات‌گیلین تشکیلاتیندا دورد نفر رسمی فدایی‌لر تشکیلاتینین عوضوو وار ایدی. اونلارین شهر کومیتەسی داها دورد نفر اولموشدو. اونلارین دوردو ده بیلگی، باجاریق، تجروبه و ساواد باخیم‌دان بیر-بیرلرینه چوخ یاخین ایدی‌لر. اگر بیرینین ساوادی بیر آز چوخ اولسایدی، او بیرینین تجروبه‌سینین بیر آز چوخلوغو اونون اسکی‌کلیپین دولدوروردو. بارات بیر مقدار چوخ بیر تئوریک شخص اولسایدی، اوروج چوخ اجتماعی بیر شخص ایدی. بایرام چوخ کندلی فحل‌لره یاخین ایدی، ماحمود چوخ تشکیلاتی و تبلیغاتی بیر فرد ایدی. اونلار بیر-بیرلرینین چاتیشمایان جهت‌لرینی دولدورودولار.

فدایی‌لر تشکیلاتیندا رسمی عوضوو اولماق اونلارا مخصوص امتیازلار گتیرمیردی، یالنیز اونلارین مسئولیت‌لرینی آرتیریردی. پاییز گلیرکن مدرسلر باشلادی و موعلیم‌لر و بوتون شاگیردلر مدرسلره گئندیلر. اونلارین درسه باشلاماسیلا شهر یئنین دیریلیب و جانا گلدی. اونولا سولدوزون فدایی‌لر تشکیلاتی دا دیریلیب و خصوصاً شهر، گنج‌لر و قادی‌نلار تشکیلاتی دیریلدی. اونلار شهرین تشکیلاتینین ایداره‌سینین عهده‌سیندن لاپ یاخشی گلیردی‌لر. اونلارین ایلشکی‌لرینین «خانا تشکیلاتیلا داوام ائتمه‌سی موشکول اولوردو، چونکی «خانا» سولدوزون بیر بؤیوک قصبه‌سی کیمی ساییلیردی، نجه اولار کی، بیر بؤیوک شهر اوز قصبه‌سی طرفیندن ایداره اولونسون؟

آذربایجانین کوردلر یاشایان شهرلرینده فدایی‌لر تشکیلاتی «بنزین» نظریندن چتینلیک چکیردی‌لر، چونکی دولت اورالارا چوخ آز گؤندیریردی. بونا گؤره سولدوز کیمی شهرلرده ماشینلاری اولان او فدایی‌لر اونون «باکینی» دولدوروب و

گندیب او یاخین «فدایی‌لر قرارگاهیندا» اونی بوشالیدی، بیر داها گلیردی‌لر کی، همان ایشی تکرار انتسین‌لر. کوردوستان دئموکرات تشکیلاتی ماشینلارینین بنزینی بو یول ایله تامین اولوردو.

فدایی‌لر تشکیلاتی اوزلرینی نظامی باخیمدان تعلیمات وئرمیه چالیشیردی‌لر کی، بیر عادی «عسگر» قدر اوزلریندن مودافیعه ائتمک اوچون حاضرلیقلاری اولسون. بونا گۆره نچه قروپ کوردلر ایچینه گۆندردی‌لر کی، اورادا تعلیم دۆره‌سی گۆرسون‌لر. باراتا سیرا چاتینجا هم هاوالار دولوب و سویوق‌لار باشلادی، هم ده امنیتی وضعیت ده‌یشیلدی. دولت نظامی قوهری ایله تصییقینی کوردلره آرتیریردی. گئت‌گل کوردوستانا داها چتینله‌شیردی. حرکت کوردوستانین ایچینده ده او طرف-بو طرفه چتینله‌شیردی.

فدایی‌لر تشکیلاتینی بیر درین ایدئولوژیک سیاسی بحران بوروموشدو. سورون بو ایدی: «اگر امپریالیست آمریکانی اینقیلابا و ایران ملتینه بیرینجی خطر کیمی سانیرسان، او زمان بو حکومت ایله ساواشمالیسان، اوندان حیمایه ائتمه‌لیسن، غیر سرمایه‌داری گلیشمه یولونا اینانسان، بو حکومتدن او قدر حیمایه ائتمه‌لیسن کی، اونی ایستیحاله اندیب و حیمایه ائتمکله سوسیالیزمه ساری یۆنلندیره‌سن».

«ایران توده» پارتیاسینین تئوریسی اولان بو تئوری آرتیق «اکثریت فدایی‌لر» تشکیلاتینا دا یول تاپمیش و اوستونلوک آلدی ائتمیشدی. بو تئورینین اساسیندا فدایی‌لر کوردوستاندا سیلاح‌لرین یئره قویوب و ساواشدان آل چکمه‌لی ایدی‌لر. اونلار دا دؤلت ایله ساواشمالی‌دی‌لر، دولتین ساواشی اونلارلا بیتمه‌میشدی کی، هیچ، اونلار اولکی کیمی بوتون سولچولاری محو ائتمک ایسته‌ییردی‌لر.

پاییزین اورتالاریندا بیر گون باراتا تشکیلاتدان خبر گلدی کی، «حمزه» اونی «خانا» یا چاغیریب. حمزه اونی گۆرمکدن مقصدی نه ایدی؟ بارات بیلیردی. گیزی چالیشما و خبرلری تئز اوزه چیخارماق بیر گیزی سیاسی چالیشمانین اوصول‌لارینداندیر. بارات سه‌سسيز یولا دوشوب «خانا» یا گئتدی. اورایا یئتیشدن سونرا حمزه اونا دندی کی، «بوکانا» گنده‌جک‌لر. اونلار آنجاق «پرویز» ی گۆزله‌ییرلر کی، «اوشنو» دن گل‌سین.

هر زمان هر یئره گۆندرسه ایدی‌لر، گنتمه‌یه بیر عسگر کیمی حاضر اولان بارات ائولرینه بیر شئی ده دئمهمیشدی. بیلیردی کی، ائوده آناسی و باجی‌لاری بیر یول ایله آتاسینا مسالهنی چاتدیراجاق‌لار. بارات اونلارلا بو قدر دئمیشدی کی، «خانا» یا گئدیر. اونلار دا اوشنو تشکیلاتینین مسؤل «پرویز» ین گلهمسینی گۆزله‌یهرک، حاضرلاشیردی‌لر کی، «بوکانا» شهرینه گئتسین‌لر، بیر-ایکی ساعات وخت حمزه‌گیل ایله کئچیرمه‌یه مجبور اولدو. اورادا اونلارین ایچینده یالنیز بارات کوردو و بیشمرگه پالتاری آیینده یوخ ایدی.

بو بیرایکی ساعات فورصتده بارات حمزه‌نین شخصیتین آیری اوزونو گۆردو. او تامام «حسن»، «ولی» و او بیریلر ایله دانیشیب - گولوب و ظارافات ائتمکده ایدی. بارات حمزه‌نین دانیشق‌لاریندان و ایش‌لریندن گۆروردو کی، چوخ تجروبه‌لی بیر انسانا بنزه‌بیر. حمزه‌نین دانیشیق‌لاری، قرارلاری و عمل‌لری تئوری‌دن آرتیق تجروبه‌یه دایانیردی. عینی حالدا اونو کوچه‌ده و یا قهوه‌خانادا گۆرسه‌یدین، هنج زامان بیر عادی اکینچی، بازاری و فهله و بنّادان سّجه بیلمزدین. «پرویز» گلندن سونرا اونلار آخشام قارائلیق دوشمەدن یولا دوشولر. دانیشیق‌لاردان معلوم ایدی کی، اونلار «سردشت» شهرینه گئتمه‌جکلر. اونلار بیر میقدار «سردشت» یولونون یاریسینا قدر گئده‌جک، سونرا یولون اورتالاریندا اصلی یولدان چیخیب و گنت‌به‌گنت فرعی یول‌لارلا گئده‌جکلر. ارتش و دولتین نظامی قوهری غربی آذربایجانین کوردلر یاشایان بۆلگه‌لرینین بعضی قیسمت‌لرینی آله کچیرمیش و کونترول ائدیردی‌لر.

اونلارین هامیسی بیر بؤیوک لندروور ایله بوکان سمتینه یولاندی‌لار. بیر میقدار گئندن سونرا داها بارات بیلمیردی، اونلار هانسی کئندن هارایا گئدیرلر. او آنجاق بیلیردی کی، لندروورین سورعتی آزدی. اونون چالا-چۆکه‌یه دوشمه‌سینی و بونلاری دائماً بیر غالاماغینی گۆروردو. بونو دا باشا دوشوردو کی، بعضی یئرلرده اونلار چوخ احتیاطلا گئدیردی‌لر.

گئجه‌نین یاریلاریندا بارات گۆردو کی، اونلار «بوکان» شهریندن بیر ائوین قاباغیندا دایاندی‌لار. اورادا چوخلو ماشین‌لار وار ایدی کی، هامیسی حیطین ایچینده پارک ائله‌میشدی. اونلار سه‌سسيز-سمیرسيز بارات‌گیلین هامیسینی بیر اوتاغا آپاردی‌لار و اونلاردان ایسته‌دیلر کی، یاتسینلار. بارات‌گیل باش آلتینا و اوست‌لرینه یاریمچیق بیر شئی چمکک اوچون بیر شئی تاپدیلار. اونلار اوزانیب و یاری‌بوخو و یاری اویاق حالدا گئجه‌نی صوبحه یئتیردی‌لر. گئجه‌نی صوبحه قدر نئچه دنه آیری ماشین دا اورایا گلدی و اونلارین دا ایچیندن آدمالار ایچهریه گلیب و ساکیت اوزاندی‌لار.

هاوا ایشیق‌لانما‌میشدان هامی اویاق ایدی. بنله کی گۆرونوردو، اونلارین چوخو گئجه‌نی راحت یاتا بیلمه‌میشدی‌لر. اونا گۆره هامی «توالتین» قاباغینا دوزولموشدو. اونلارین تقریباً هامیسی بیر-بیرلرینی تانییردی‌لار. بارات اؤزونو او جمعین ایچینده چوخ غریبه گۆروردو. او، حمزه، حسن و پرویزدن سونرا او بیریلر ایله ایکی ساعات دا بیر یئرده اولما‌میشدی. هامینین یاتماق پالتارلاری ایله قوناقلیق پالتارلاری بیر ایدی. چوخ آز آدمادان سونرا هنج کس ده ساققال‌لارینی وورما‌میشدی‌لار. بیر اوتوز نفره قدر اورادا آدم وار ایدی.

ساعات یئددی دۆره‌سینده سوفرملر آچیلدی و پنیر-چۆرک و چای هامی اوچون حاضیر ایدی. هامی صوبحانه‌لری یئیندن سونرا اصلی مساله ایله ماراقلانماغا

باشلادیلار. او جمعین ایچینده بارات نچه نفری تانییردی کی، اونلار لا ایندیه قدر قیسا دانیشیقلاری دا اولموشدو. اونلار «جاواد یولداش»، «بهر روز سلیمانی یولداش» و «عمر یولداش» دان عیبارت ایدی و اونلار لا یاناشی، البته کی، حمزه، پرویز و حسن ده وار ایدی لر. پس بارات چوخ دا تک دئییلدی. آنجاق اوندان سونرا هامی بیشمرگه پالتاری گنیمیشدی لر کی، او اوزونو بو باخیمدان تک گوروردو.

جلسه نی «جاواد یولداش» کوردوستان تشکیلاتینین مسئولو آجدی. او باشلانیش سوزلرینده بو مساله نی دندی کی، «بو کوردوستان تشکیلاتینین بویوک کونفرانسی دیر، هامینیزا خوش گلدین دئییرم. سونرا سوزلرینین داوامیندا بئله دندی کی، «بیلدیینیز کیمی، بیزیم تشکیلات بویوک سیاسی و ایدئولوژیک دهیشیلمه و چئوریلش کئچیریر. بو چئوریلش حاققیندا بیز کوردوستاندا مخصوص قرارلار وئریب و بللی ایشلر گورمه لیک. بو حاقدا یعنی قرارلار ایله باغلی دانیشیب و بللی قرارلاری ایجرا ائتمه لیک».

چون بوندان قاباق فدایی لرین کوردوستاندا نیظامی موباریزملرینه سون قوبماق مساله سی حاققیندا تئوریک و سیاسی یازی لار و تبلیغ لر اولموشدو. هامی تقریباً بو نتیجه یه چاتمیشدیر کی، بو مساله ایجرا اولونمالیدیر. اولماز بیر مئیداندا «آنتی امپریالیست» موباریزمه ایران دولتیندن حیمایه ائده سن، او بیرری مئیداندا (کوردوستان دا) همن دولتین قارشیسیندا سیلاح گؤتورمه سن. سیلاح لار کوردوستاندا یئره قویولمالیدی. بحث بو حاقدا باشلادی. بیربیر دانیشانلار فارس دیلینده چوخو چکینه چکینه و بیر سیراسی دا اصرار لا بو مساله نی تایید ائدیردی لار. صحنه داها چوخ بونا بنزه ییردی کی، بیر مغلوب اولموش قوشون، بیر قاچاق یولو تاپیب دارماداغین اولماقدان قاباق صحنه دن ساغلام قورتولوب و قاچماق ایسته ییر. بیر شئی اورادا بیزلر یاددان چیخاریریک کی، «بو دولت دیر کی، بیزلرله ساواشا گلیردی، میلتین اوزو دولت ایله ساواشمیردی».

بو بویوک ایجلاسی فیکری باخیمدان «جاواد» ایداره ائدیردی، بیرایکی نفر ده نوبت وئرمکه و نوبت ایله دانیشمالاری ایداره ائدیردی لر. بو جمعین ایچینده مودافیه ائدن لرین هامیسی «توده پارتیا» سینین و یا دوغروسو، «سوونت لر بیرلییی یایدیغی»، «سوسیالیزمه دوغرو غیر سرمایه داری یولو» تئوریسینه دایاناراق بو مساله ده اوزلرینه براعت قازان دیریردی لار. بوتون بو اوتوز نچه نفرین ایچینده، بیر نفر تامامیله موخالیف بیر موضع توتموشدو. او دا «سنندج» شهرینین گؤندردییی مسئولو «بهر روز سولیمانی» ایدی. هامینین فیکرینجه، تئوریک باخیمندان مساله حل اولوب و داها دانیشیق یئری یوخدور، داها کئچک ایجرائی مساله لره دئییه، دوشوندویو بیر دورومدا «بهر روز سولیمانی» باشلاییب و بونو اورتایا قویوردو کی، بو ایشلرین آلتیندا «ایران توده پارتیاسی وار». او سونرا «28 مرداد جریانلاری و مصدق» دولتیندن یاریمچیلیق حمایت ائدیپ، سونرا اونون دالیسینی بوش بوراخان

توده پارتیاسینین عملاً او تاریخی کسیمده قارا رولونو آپیردی. بیر اوجا بوی و قارامتیل آریق بیر اوغلان اولان سولیمانی یاشی اوتوزدان آز اولاردی. بهروز آغیر سیگار چکیردی. اونون قیافهسی ده گۆستریردی کی، حیاتدا چوخلو چتینلیکلر چکیب. هنج کس حاضیر دئییلدی کی، اورادا آیشیب و اوتوز ایل بوندان قاباقکی «ایران توده پارتیا» سینین گۆردویو ایشلر حاققیندا دانیشسینلار. چوخلاری دا وار ایدیلر کی، چوخ آز دانیشدیلار.

«کونفرانسین بیرینجی گون دانیشیقلاری چوخلو سیاسی و ایدئولوژیک موضوعلارا حصر اولوندو کی، عمومیتله کوردوستاندا بوتون دفتلری و مکانلاری باغلاما قراری وئریلدی. بو حاقدا دا شاید تورک و غیر کورد فداییلر داها سئوینجلی ایدی لر کی، داها یاشاملاری بیر قدر نورمال حالینا دؤنهجک و اونلار بؤیوک شهرلره دؤنه بیلهجکلر. صاباحینا یئنه ده صوبح تنزدن صوبحانهنی یئیندن سونرا جلسه رسمیت تاپدی. بو دفعه چالیشیردی لار کی، دفتلر و مرکزلرین نجه باغلانماسی و اوندان سونرا نجه چالیشمالاری حاققیندا دانیشسینلار. بو دانیشیقلارین ایچینده یئنه ده نجه دفعه «بهروز سولیمانی» نوبت آلدی و اؤزونون بوتون بو ایشله موخالیف اولماغینی اعلام ائتدی و آردینجا بیلدیردی کی، بو ایشلرین هامیسی «ایران توده پارتیاسینین ایشی دیر کی، فداییلر تشکیلاتینی داغیتماغا ساری آپاراجاق. اونون سوزلری قیزیل قلمله فداییلر تشکیلاتینین تاریخینده یازیلمالی دیر.

اجرائی باخیمدان نه ایشلر گۆرولملی ایدیه، دانیشیلدی و قرار وئریلدی کی، هامی گئندن سونرا اونلارین ایجراسینا باشلا سینلار. تانیمیش اصلی مسئوللارین هامیسی کوردوستاندان چیخمالی ایدی لر. اونلار بؤیوک شهرلر «تهران» و «تبریز» کیمی یئرلرده یئرلشمه لیدیرلر. اونلارین بیر ده «بهروز سولیمانی» اونون عایلهسی» کوردوستاندان چیخمالاری ایدی. بو یولداشلارین بیر سیراسی بؤیوک شهرلرده تانینیب، توتولوب و اعدام اولوندولار. او جمله دن بیر ده «بهروز سولیمانی» ایدی.

بارات اؤزونو و سولدوزدا گۆردوکلری ایشلری کوردوستاندا کچن مسالهلره چوخ آز یاخین گۆروردو. سولدوز عمومیتله بیر آذربایجان شهری اولاراق، اونون اکثریت جامعاتی آذربایجان تورکلریندن عیبارت ایدی و اونون کوردوستان شهرلریندن داها چوخ اورمیه و تبریز ایله ایلشیکسی وار ایدی. اونون نهن کوردوستانا باغلانماغی و کیملرین بو مساله حاقدا قرار وئرمه لری اولسون کی، طبیعی صورته اوللر کوردوستان تشکیلاتینین اورادا آزاد چالیشماسیندان، یا دا آیری بیر سببدن آسیلی اول بیلردی. بارات گیلین مسالهلری یوزده یئتمیش کوردوستان مسالهلرینین ائشینه اولوردو. بارات دا نجه دفعه نوبت آلیب و تنوریک نظریندن کوردوستاندا سیلاحلاری یئر قویماقدان مودافیعه ائتدی.

ایکی گون کونفرانس بیتندن سونرا آخسامدان بیر یاریم ساعات فاصیله ایله بیربیر لندروورلر او ائوین حیطیندن قارانیلقدا چیخیب و اؤز شهرلرینه یولا دوشوردولر. باراتگیل ده بیر- ایکی ساعات هاوا قارانیلق اولاندان سونرا یولا دوشدولر. اونلار بوکانا گئندنده هامی بیر- بیرلری ایله چوخ عادى شکیده «جوک» دئییب و شوخلوق ائیدردی لار کی، بو مساله باراتی چوخ اینجیدیردی، دؤنوب گئلندن سونرا هامی گوردوکلری جیدی ایشلر حاققیندا دانیشیردیلار. کیملر نه ایش و هارادا گورمه لیدیرلر. ماراقلی بودور کی، باراتگیلین ماشینلاریندا هامیسی تورک ایدی و بیر نفر ده فارس و کورد یوخ ایدی.

گئجه نین قارانیغیندا بیر زامان یورغون-آرغین اونلار خانایا یئتیشدی لر. اونلار مرکز لرینه گئدیپ و ائولرینه گئندلر ائوه، قالانی دا اورادا اوزانیب یاتدی لار. بارات صاباحینا کئچن دورد گونو ایچینده یاتدیغی و اونلارلا گزدییی همن «پلو یئمک» پالتارلاری ساققالی قیرخیلمامیش و باشی دارانمامیش وضعینده مرکزده بیر تیکه صوبحانه یئیپ، سونرا مینی بوسلا سولدوزا طرف یولا دوشدو. او مینی بوسون صندلیندن حیس ائیدردی کی، سولدوزا چوخ آز قالیر یئتیشسین. جاده نین نیسبتاً ساغلام اولماغی سبب اولدو کی، بارات مینی بوسدا یولون چوخونو یاتسین. گوزون آچاندا سولدوزا یئتیشمیشدی لر. «خانا» قاراژی باراتگیلین ائولریندن چوخ اوزاق ایدی. بارات «تپه قیراغی» یوللار ایله اؤز ائولرینه ساری یولا دوشدو کی، چوخ تانیش اونو بو وضعینده گورمه سین. ائوه یئتیشندن سونرا تنز بیر حمام ائدیپ ساققالینی قیرخیب، پالتارینی دهییشدی، ناهار واختی گلنده بیر ایستی و جاناسینر ناهار یئدی و سونرا بیر میقدار دینجه لیب و کیتاب اوخوماغا باشلادی کی، آخسام اوستو خیابانا چیخیب و «اوروج» گیلی تاپیب و اونلاردان گله چک گوروش لرینین واختینی اؤیرنیب و سفرینین راپورتونو او ایجلاسدا هامییا آلاتسین. هاوا گونش و عینی حالدا چوخ سرین بیر هاوا ایدی کی، بارات دا بئله هاوانی چوخ سئویردی. بیر دمیر صندلی ده گون قاباغیندا حیطده آیه شیب، بیر کتان آلینده آیاقلارینی دیوارا دایاییب، صندلین ایکی آیاغی گؤیده و ایکی آیاغینین اوستونده دایاناراق او کتابین ایچینده کی مطلبلرین ایچینده جومدو.

سولدوزون وضعیتى تام فرقلی ایدی و اؤزونه مخصوص مساله لری وار ایدی. باراتگیلین، دوز دئسک، «اکثریت فدایی لری» نین سیاسی ایدئولوژیک موضع لری بو ایدی کی، دولتی ایله «آنتی امپریالیست» موباریزملرینده امکداشلیق ائتسین لر. اونلار دؤولته کؤمک ائتسین کی، داها آرتیق دموکراتیک اولسون و آرتیق زحمت چکن لره خیدمت گؤستر سین. اونلار دولتی «آنتی امپریالیست» بیر حاکیمیت کیمی

تانیدیق لاری و «آنتی امپریالیست موباریزمین» اساس محوری بیلدیکلری اوچون هر کس بو دؤولته قارشی موباریزه ائتسه ایدی، آرتیق دوشمن جبههسی حساب اولونوردولار. بو مساله اونلارین چوخلو یاخین قدیمکی یولداشلارینا شامل اولوردو.

باراتگیل او قدیمکی یولداشلارینی «بویوک سوسیالیست دوشونجه بلوکونا» عاید ادرکن اونلارلا اؤز آرالارینداکی ایختیلافلارینی ایدئولوژیک گؤروردولر و اونلارلا یولداشلیقلارینی قورویارق، ایدئولوژیک موباریزه لرینه اونلارلا دوام ائدیردی لر، اونلارلا یاناشی، منطقه ده «کالبا عظیم معبودی، موحریر و قطاری» دستهسی، کوردوستان دموکرات پارتیاسی و «کومله» تشکیلاتینین آشکار عملیاتلارینین قارشیسیندا دایانمیشدی لار. «هئچ زامان» سولدوزون تشکیلاتی بیر نیظامی تشکیلات اولمادی. سولدوزون تشکیلاتی بوتون حرکتلری و گوردویو ایشلری سیاسی اولاراق منطقه ده بو ساییلدیگی اوچ قوه نین آشکار موباریزه سینین دولتین ایشدن سالماسینین قاباغیندا دایانیب و اونلاری محکوم ائدیردی لر.

«کوردوستان دموکرات پارتیاسی» چوخ کندلرده عملیات آپاریب و هردن سولدوزون کندلرینه ده سالدیریب، اهالی نین یارالانیب و اولمه سینه سبب اولدوق لاری اوچون سولدوزون تشکیلاتی یازدیگی یازی لاردا اونلاری محکوم ائدیردی. اونلاردان دا آشکار شهرین ایچینده «موحریر، معبودی و قطاری» دستهسی ایدی لر کی، بیر طرفدن کئچمیشده شاه رژیمینی مودافعه ائدن لردن ایدی لار، ایندی «خلق موسلمان» دان حمایه ائتدیکلری اوچون بو دولتین قارشیسیندا دایانیب و سولدوزون تورکلرینی کوردلرین هوجومونون قارشیسیندا قورویانلار طرفینده قرار تاپمیشدی لار. اونلار سولدوز جاماعاتینین یانیندا بو سون خصوصیتلرینه گوره آرتیقراق تانینیردی لار.

باراتگیل بیر طرفدن دولتی حیمایه ائتمهیه، او بیر طرفدن ده کوردلرله یاخینلاشیب و ایکی میلتین منطقه ده یارالانمیش اورکلرینه مرحم قویوب و اونلارین ایکیسینی داها قارداش کیمی بیربیری ایله یاخینلاشدیرماغا چالیشیردی لار «معبودی» گیلین ایفراتی و شوینیستی دوشونجه لری ایله راضیلاشا بیلمزدی لار. اونلار هم ایفراتی شکیده «آنتی کورد» ایدی لر، هم ده دولت ایله یئر آلتی جیدی صورتده ساواشیردی لار. اونلار منطقهیه «اصفاهان» دان تزه گلن جاوان و بیر انقلابدان چیخمیش اونیورسیتیه اسلامچی اویرنجیسینه اوخشیان «فرماندار» ایله یئر آلتی جیدی ساواش آپايردی لار.

باراتگیلین دوشونجه فلسفه سینده بیر نفر و یا بیر جریان زحمت چکن لره هر نه قدر یاخین اولسا، او قدر عدالته یئر اوزونده ایمکان یارادا بیلر. سرمایه صاحب لری کونوللو اولاراق زحمت چکن لرین حاققیندا عدالتی ریعایت ائتمزدی. اونون اوچون زحمت چکن لر اؤزلرینی تشکیلاتلاندیرماقلا عادیلانه تارازلیق یارادا

بیلیرلر. او گونلر سولدوزدا «معبودی، موحریر و قطاری» دستهسی بیر باخیشدان زحمت چکنلرین یوخ، بلکه سرمایه صاحیبلرینی تمثیل ائدیردی. بارات گیل اونلاری «آنتی کورد و آنتی دولت اولدوقلاری و زحمتچکنلرین طرفدارلی اولمادیقلارینا، همچنین [گویا]¹ «قارنا» و «قالاتان» کورد کندلرین قتل عامینا گؤره منطقه ده اصلی خطر ساییردی. لار.

اونلار هنج ایش گؤرمه دیکلرینه قدر سولدوزون اهالیسینین هامیسی بیر- بیر ایله قوهوم قونشو اولدوقلاری اوچون خوشلوقلا یاشاییر و بیر- بیرلرینه دایاق ایدی، بیر- بیرلره یاخینلیقا کئچینیردی. نهایت بیر گون بارات «کندلر کومیتة سینده» اوتورومدا آیلشنده احمد اونلار اوچون خبر گئتیردی کی، صاباح «معبودی، موحریر» دستهسی شهرده تزه گلن «فرماندارا» قارشلی بیر بؤیوک میتینگ یولا سالماقلا. بو میتینگده اونلار تورک بازاری لری خیابانا چکیب و فرماندارین قاباغینا گئدیپ و اونون استعفا سینی ایسته یه جکلر. او استعفا وئرمه میش اورادان چکیلیمه جکلر.

بارات گیلین هفته لیک اوتوروم لاریندا بو حاقدا دانیشیب و قرار وئرمه لری ایجلاسارینا داها اوچ- دؤرد گون وار ایدی. بارات نچه گون دؤزه بیلمزدی. میتینگ (چیخیش) صاباح اولماقادی. باراتین خصوصیت لریندن بیر یو ایدی کی، اگر بیر آن دا بیر ایشین گؤرولمه سینین ضرورتی وار ایدی، او ایش گؤرولمه لی ایدی و بارات او ایشی گؤره بیلردیسه، بوتون خطرلری بوینونا گؤتوروب او ایشی گؤرردی. او زمان اونلار «اسلام انقلاب پاسدارلاری» ندان حیمایه ائدیردی لر کی، اولکه اینقلاب قوملرینین آئینده قالاراق، اؤز آیاغینین اوستونده دورا بیلسین. بارات گیلین باخیشیندا «اسلام انقلاب پاسدارلاری» قوشونو دوزگون و «معبودی، موحریر» دستهسی باطیل ایدی. لار. اونلارین اعتراض چیخیشلاری آنتی اینقیلاب بیر حرکت ایدی. بو باخیشلا بارات آخشام خیاباندا گزهرک دوشونوب بو نتیجه یه گلدی کی، «اسلام انقلاب پاسدارلاری» قوشونون شهرده کی دفترینه گئدیپ و اونلاری صاباحین اولاینین جریانیندا قویسون.

بارات اورانین قاپیسیندن ایچهرییه گئدرکن بو فیکر باشیندان کئچیردی کی، «نادان دوست، عاغیللی دوشمندن داها خطرلی دیر» دئییه، احتیاطلا ایچهرییه گیردی. او سالوندا بیر نفره صاباحین جریانینین خبرینی وئرنده اونلارین سولدوزلو باشچیسی گلدی. بارات اونلارا خبری دئینده اونلارین باشی سویوقلوغونو گؤرنده اونلارا دئدی: «صاباحکی چیخیشین قاباغی آئینماسا، قاباغا گلن فاجیعه نین مسؤلو سیز سینیز کی، بیله- بیله بیر ایش گؤرمه دینیز». او، سؤزون دئییب، ایشینی گؤرندن

¹ معبودی گیلین قارنا حادیثه سینده هنج موداخله لری یوخ ایدی. کوردوستان دموکرات پارتیاسی جلدیان پادگانینی قورویان سولدوزلولاری (جانمردلری) «دواب» گدیینه نامردجه سینه اولدوردوکن سونرا اونلارین عایله لری و یاخین قوهوم لاری کوردوستان دموکرات پارتیاسیندان اینتیقام الماق اوچون قارنادا کوردلری اولدوردولر...

سونرا داها راحت بير نفس آليب انشييه چيخدى. او آرتيق اورميينى بوشالديب و او لحظه گورمهجيى ايشى گورموشدور. او، او تشكىلاتين دفترينه گيريب و دانيشميشدى كى، عادى حالدا اونون بئش آغاجليغيندن كنجيردى، چونكى اونلارين نه قدر ايرتجاعى اولدوق لاريني و نه قدر آيدين آداملاردان توتوب و اعدام ائتمكلرينى بيليردى. او قاپيدان چيخاركن حيس ائديردى كى، هر دم بير نفر داليدان اونون بوينوندان ياپيشيب و اونو ايچهرهيه چكيب و آپارا بيلر. انشييه چيخاندان سونرا آرتيق اورادان تنز اوزاقلاشيب و آخشامين قارانليغيندا يوخ اولدو.

صباح احمد وئرن خبر تاماميله دوز چيخدى. بازاردا ياواش-ياواش توپلانمالار و فرماندارين استعفاى خبرى اوجاليب و هر يئره ياييلدى. ايش دوكان بازاری باغلاما چكدى. ناهاردان سونرا «اسلام انقلاب پاسدارلارى» حيس ائديردى كى، چيخيش ائدنلرين ايشى جيډى و تهلوكلهلى بير حالا دؤنور. اونلار «فرماندارليغي قوروماغا باشلادى لار. چيخيش ائدنلر، فرماندارليغي موخاصيره ائديب، فرمانداردان ايسته بيردى لر كى، انشييه گليب و اونلارى سورغولارينا جاواب وئرسين. فرماندار دا بير زيندانى كيمي موخاصيره ده قالراق، انشييه چيخميردى. نهايت آخشاماياخين چيخيش ائدنلرى چوخ چتتيليكله داغيديب و موشكول حل اولوندو. اونلارين باشچيسينين كئچن گنجه باراتلا دانيشديغي سؤزلر ياديندا قالمالى ايدى. او بيليردى كى، بارات بير نفر «فدايى لر» تشكىلاتى طرفيندن ايدى، شخصى دوشونجهسى بارات گيلين تشكىلاتينا گوره دهيشه جك ايدى.

بارات گيل نئچه گون او اولايدان سونرا گنجهنى صوبحه قدر آيله شيب و هفته اوتوروم لاريندا بوتون تشكىلاتين مسالمرى و هفته نين اولاي لارى و گله جك ايش لرى حاققيندا دانيشا جاقدى لار، هفته نين سؤزو كئچن قابا قكى نئچه گون اولاي لاريندان دانيشماق ايدى. بارات «اونون مسؤلى تى آلتيندا اولان تشكىلات اولايين خبريني يارانمادان قاباق باراتا خبر وئرميشدى لر. اونون داليسينجا بارات گنديب و دولت آداملار يلا بو اولاي حاققيندا جيډى دانيشيق آپارميشدى» - دئنده بو مسالهدن چوخ راضيليق گؤستردى لر.

كوردوستان تشكىلاتى اوزونو توپلاماغا باشلاماق و سلاح لارى يئره قويماقلا چوخ كيچيلدى و ايشلر اوزاندى. بو پروسس ين اوزو چوخ راحت قاباغا گنتميردى. بونا گوره بيرينجى دفعه اولارق سولدوز تشكىلاتينى، اورميه تشكىلاتينا آسيلي ائتى لر. اونلار بارات گيلين باجاريق لارينا اينانمادان بير نفر ده اورميه دن اونلارا باشچى تعين ائتميشديلر. بو جاوان و بارات گيلدن بلكه بير ياشدا و يا بير-ايكى ياش بؤيوك اولان بو اوغلان بارات گيله مسؤل تعين ائتميشدى لر. او اوغلانين آدى سيروس ايدى. سيروس، باجاريق، تجروبه، مسؤلى تى، تئورى و آيرى باجاريقلار باخيمندان بارات گيله بير سطحده ايدى. اونون يوخا ريدان گلمهسى اوزو ايله بير اوتوريله گنتيريردى و بارات گيلين دوشونجه لرى و احتراملارى او اندازه وار ايدى

كى، ھىمىشە بو اوتورىتەيە احترام قويسونلار، سىروس ايله ياخين بىر ايلشكىدە ايشلەسەنلەر. سىروسون دا اۈزو اونلارنى ياخشى دوشونىن بىر و ھەم دە بىر تىمى ايشلەين اوغلان ايدى. باراتگىل اونونلا راحت و ياخيندان ايشلەمەيە باشلادىلار. ھەر حالدا بىر تىمى چالاشما موحىطىندە «سىروس»ون دا بىر مخصوص رولو وار ايدى كى، يئرەنە يئتىرىدى. باراتگىلەن دە بو قدر خبرلەرى وار ايدى كى، «حمزە: داھا منطقەدە دىيىل. اونلار بوندان آرتىق دا بىلمەك ايسەمىردىلەر: مسالەلەرە گۆرە «امنىت (تەلۈكەسىزلىك).

«باراتگىلەن شەر كومىتەلەرىندە نۇچە نەردن بىرى دە «ماحمود ايدى». اونون تەكباشىنا اولماسى و بىر ائو توتەماسى اوچون او ائو بونلارەن «شەر كومىتەسىنىن ھەتەلىك اوتوروملارەنەن يئرى ايدى. اونلار ھەر ھەتە بىر آخشام اوراىا گىلەب و اوتوروملارەنەن دىستوروندا اولان بوتون مەسلەر ھاققىندا دانىشىردىلار. اونلار بىلىردىلەر كى، ھەر بىر اوتوروم صاباخ صوبحە ياخين سورەجەك. آخشام گون باتارەن، قارائلىقدا يارىم ساعەتەن- يارىم ساعەتە فاصىلە ايله اونلار بىرەبىر «ماحمود»ون ائوینە توپلاشىردىلار.

ماحمودون خوصوصىتەلەرىندەن بىرى بو ايدى كى، ھىمىشە گۆلدردى و گۆلدورمەيە نۇچە سۆزو وار ايدى. ايكىنچى خوصوصىتى بو ايدى كى، بىر قدر دوشونجەلەرى و گۆردويو ايشلەردە تەسىك بىر اوغلان ايدى. بو اونون آشپازلىغىندا دا گۆرونوردو. بئش-آلتى نەر ايشلەين و جاون آدمى ائوینە قوناق گۆروب شاما ھىمىشە «خورما، ياغ - يومورتا ايله «قايسافا» دوزلەردى كى، بئش دىقەدە اونلارنى بىر- بىرىنە قارىشىدەرراق قىزاردىب و سوفرەنەن اوستونە قوياردى. بو گۆرۈشە اونلارەن بىر-بىرلەرىلە دانىشماغا او قدر چوخ سۆزلەرى اولدوغوندان ھۇچ بىلمەزدىلەر كى، ماحمود بونلارەن قاباغىنا يئەك اوچون قايسافا قويوب. يا دا او نەدن ھىمىشە اونلارا «قايسافا» وئىردى. آنجاق بونو بىلىردىلەر كى، گۇجەنەن يارىسى اونلارەن قارىنلارنى بىرەبىر سەس وئەرمەيە باشلايدى. بو زامان «ماحمود»ون اۈزو ھامىدان اوجا سەسلە گۆلمەيە باشلاردى.

اونلارەن ايشلەرى نۇچە بۆلمەنەن عىبارت ايدى: بىرىنچى، اۈزلەرىنەن اىچەرى موطالىعەلەرىنە آرتىق دىقەت گۆستەرىب، لازىم اولان كىتابلارنى آلدە اندىب اوخومالى-دەرلەر. ايكىنچى، اولكە و منطقەنەن سىياسى دورومونو اونلار ھەر ھەتە آراشدىرىب، اۈزلەرىنەن فەكىرلەرىنى بىر-بىرلەرىنە ياخينلاشدىرمايدىرلار. اونلار بو جەتەن سولدوزون سىياسى اولالارنى ھاققىندا مخصوص موضع توتوب و لازىم اولان ايشلەرى گۆرمەلىدەرلەر. باراتەن فرەنى مسولتەلەرىندەن بىرى بو ايدى كى، بوتون تەشكىلاتەن گلەن يازىلى خبرلەرى ھەر ھەتە توپلايىب و اونلارنى بلكە بئش-آلتى آل يازما نوسخە ايله تەشكىلاتەن بۆلۈملەرىنەن آللەرىنە يئتىرسەن. بو ايجلاسدا بوتون تەشكىلاتەن فرەلى بۆلۈملەرىنەن «كەندەر، مەرسەلەر، كوردلەر مەلەسى، توركلەر

منطقەسى، گىنجىلەر، قاديىنلار و ھا بىللە ئۆز بۆلەملىرىنىدە قاپاقچادان دانىشدىق لارى او بىرى مسالەلرى دە تصويىب اوچون بىر داھا مۇزاكىرە ئاڧىب و ھاقلارىندا قرار وئىرىدىلر. چوخ مسالەلى بۆلمە ھىمىشە ماحمودون بۆلومو ايدى، جاوانلارلىن ھىمىشە مسالەلرى وار ايدى و بو مسالەلر دە او قدر چوخ ايدى كى، بارات گىل بو ھاقددا دا نە واخت لارى وار ايدى دانىشالار، نە دە قطعى نظر وئره بىلردىلر، چونكى او بۆلومدە چالیشانلارى اونلار ياخىندان تانىمىردىلار و ماحمودون بىلگىلرىنە اينانمالىدىلار. بو بىلگىلرە دايناراق قرار وئردن سونرا گۆروردون كى، گلن دفعە ايشلر ترسەسىنە اولور، بىللە كى، اونلارلىن تحليللرىنى تام ھىچ ائىردى. بونا گۆرە بو مسالەلرى ايجلاسلىن آخىرىنا ساخلاردىلار كى، او ھاقددا يارىمچىق نظر وئرمكلە، يىنە دە اساس قرار «ماحمود»ون بوينونا بوراخىلسىن.

دئدىك كى، بارات «كندلر تشكىلاتى مسولو ايدى». تشكىلاتلىن او بۆلوموندن «شەر كومىتەسىنە» گلىب و اورادا باشقا مخصوص مسولىتلر داشىيردى. بارات ايله تشكىلاتلىن «كندلر بۆلومونون» اىلىشكىسى ھىمىشە راحات قاباغا گىتمىردى. او بۆلمەدە «احمد، صالح، حسين، صالح و بايرام وار ايدى. بونلارلىن اىچىندە، خصوصاً، حسين چوخ جىدى و منظم تشكىلاتى اىلىشكىيە و ھر ھفتە ايجلاسلاردا اولماغا و حسابات ايشلرىنى گۆرمەيە بويون آيمىردى. بونا گۆرە بعضاً اونون ايجلاسدا اشتراك ائتمەسەسى اونون بۆلوموندەكى يولداشلارلىنلىن دا بارات يوخارىدان مونئقىل ائىدىيى چوخلو مطلبلردن و مسالەلردن و يا خىر وئردىيى قرارلاردان خىرسىز قالا بىلردىلر. بونا گۆرە او ايجلاسلا گلەسە ايدى دە، بارات گىندىب اونو كندەدە و يا ھر يىردە اولمالىدىسا تاپىب و اونون ايجلاسلا گلەمەيىنى تنقىد ائىدىب، بوتون چاتدىرمالى مطلبلرى يىتتىرمەلى ايدى.

كندلر كومىتەسىندە صالح ايله حسين ايكىسى دە دبىر (كاتىب) ايدىلر. حسين اۆزو و كندىن تشكىلاتلىنلىن اىنتىظاملى اولماغىنا چوخ بىل باغلامىردى. او حتا «تشكىلاتلىن» اونون يانىندا اولان و اونو قايتارمادىغى و نىجە كىفى چكىدى خرىلەدىيى بىر مىقدار ماللىن حساباتلىنى وئرمەمك اوچون اۆزۈنە براعت قازاندىرىدى. باراتلىن اونون قويروغونو بوراخماماسى، اونولا اۆز آراسىندا بىر مىقدار سويوقلوق ياراتمىشدى. البتتە اونلارلىن ظاھىرە اىلىشكىلرى عادى و نورمال ايدى، آما بارات بىلردى كى، او باراتلىن دالىسىندا راحات اوتورمايىب و اونا قارشى او بىرىلرلىن آراسىندا منفى تبلىغ ائىردى. او كند كومىتەسىندە بللى قرار وئرمكدن قاچىردى، چونكى اونون دالىسىنجا اونون اىجرا ائتمەدىيى ايشلر اوچون ميدانا گىرمەلى و بللى ايشلر گۆرۈلمەلى ايدى.

بارات گىللىن تشكىلاتى ايشى ھلە بو صورتدە داوام ائىردى. كند تشكىلاتى سولدوزون بوتون يان- يۆرەسىندىن «كومىتەلىن» اىچىندە آدمالارى و ھفتەلىك جىدى و اىنتىظاملى ايجلاسلىرى اولدوغو جىدى بوتون اولايىلاردان خىرلىرى وار ايدى، بو

اونلار بلی تاثیرلر قویا بیلیردی. بارات گیلین یولداشلاری هم کندلرده «شورا» قورماغا چالیشیردی لار و بو حاقدا دا چوخلو اوغورلار آلدی ائتمیشدی لر، هم ده شورالارلا امکداشلیغی قاباغا آپاریردی لار.

موختلیف موناسبتلر، او جومله دن «اینقلابین ایل دؤنومو» اوچون بؤیوک پروقراملار حاضیرلایان لار کندلر آراسیندا فوتبال و یا والیبال یاریشماسی تداروک گؤرمکله اونلارین آراسینداکی آیدین و گنج جاوانلاری تیملر ایچینده تشکیلاتلاندیریب، هم ده بوتون کندلی جاوانلارین آراسیندا ایدمان چرچومسینده امکداشلیغی گوجلندیریردی لر. اونلارین بومتوددا تشکیلات یاراتمالاری چوخ یاخشی قاباغا گئدیردی.

بیر دفعه بارات «اورمیّه» شهرینده بیر ایجلاسدا «باتی آذربایجان» شهرلرینین کند تشکیلاتلاری نوماینده لرینین ایجلاسیندا ایشتراک ائتمیشدی. بارات اونلارین ایچینده سولدوزون تشکیلاتینین بو حاقدا نه قدر او بیرر شهرلردن ایرملی اولمالارینی گؤروردو. یالنیز اورمیّه و سلماس آراسی و ترگور- مرگور بؤلگه سینده گؤرولن ایشلر سولدوزدا گؤرولن ایشلرله موقایسه اولونا بیلردی. بارات گیل بو تجربهلردن غرورلانیردی لار کی، ایشلری یاخشی قاباغا آپاریرلار. همیشه ده هر شئی اونلار ایستهدییی کیمی قاباغا گئتمیردی.

بیر نچه نفر تشکیلاتین آشاغی قات سمپاتلاریندان بیر یئره توپلاشیب و هر بیر شئی تحریم اندیب و بونو تبلیغ ائتمهیه باشلاپیردی لار کی، «شهر کومیته سی» اؤزو بیر ایش گؤرمور و اونلار یالنیز بو بیررلردن ایش چکیرلر و بونلاری خطره سالیرلار. اوروج ایله بارات بو مسالهنین قارشیسینی آماغا تعین اولدولار. اونلار بو یولداشلارلا بیر ایجلاس قویدولار. اوراداکی دانیشیقلاردا عینی حالدا سوزلری نچه جهندن قاباغا آپارماغا باشلادیلار: بیرینجی، اونلارین ایشینی بیر نوع «فراکسیونیزم» آدلاندیریب، هر نوع فراکسیونیزمی سوسیالیست دوشونجه لر ایله محکوم ائتمهیه باشلامیشدی لار؛ ایکینجی، اونلارین سؤزلرینه قولاق آسیب و بیر آنلاشیمالی و رعایت اولونمالی مسالهلر واردیسا، اونلاری دوشونوب و رعایت و یا ایصلاح ائتمهیه نظره آلسینلار؛ اوچونجو، اونلارا گؤسترسینلر کی، تکجه بونلار او بیررلرین اون قاتی قدر ایشله بیرلر، بلکه بونلار او بیررلره تاپشیریلان ایشلرین اوخشارینی یوز قات قاباقجاندان گؤرموشدولر. بو ایشی ثبوت ائتمک اوچون قرار اولدو کی، اونلار بیر لیکده نچه قروپدا «اعلامیه» یاپیشدیرماغا گئتسینلر.

صباح گنجی اونلارین بیرر ایله بارات بیرلیکده بیر اصلی خیابانی عؤده لرینه گؤرتورموشدولر کی، ایکی طرفه اعلامیه یاپیشدیرسینلار. باراتین یولداشی بیر اعلامیه نی یاواشدان یاپیشدیریب گئتمک ایسته ینده بارات دؤنوب اونا دئیرکی، یاواش، گل بونو مؤحکم و داواملی و آرخابین یاپیشدیراق، باشدان سووما اولماز. بارات دایانیب آن او یغون یئرلری تاپماغا چالیشیردی، تئز- تئز ووروب و آرادان

چیخماغا یول وئرمیردی. اونا گۆره اونلار گۆردولر کی، بارات و اونون یولداشلاری او بیریلردن داها اورکلی و داها ایش گۆرندیرلر. اونلار باراتگیلین آرتیق اؤزلرینی خطرہ سالمالارینی گۆرنده داها آغیزلاری باغلاندى. گنجهمین قارانیغیندا حؤکومتین فضوللاریندان دا بیر نفر گلندن سونرا بو بارات ایدی کی، سینه قاباغا وئریپ و اؤز موضعیندن مودافیعه ائتمیشدی.

داها او فراکسیون کیمی عمل ائندلر اوندان سونرا بیر ده شهر کومیتہ سینی سورغوسئوال آلتینا آلمیردیلر کی، «سیزلر هنج ایش گۆرمورسونوز». اونلار تشکیلاتین ایچینه گیریپ، جیدى چالیشیردی لار. اونلار اؤزلری بیر کیچیک ایش گۆرنده آرتیق بیلیردی لر کی، بو بؤیوکلوکده اولان او بیرى ایشلر نئجه یئر به یئر اولور. بو گنجیشلیکده تشکیلاتکی اونلارلا «فدائی» بیر کیچیک شهرده گیزلی چالیشیردی لار، تشکیلات بیر ساعات کیمی ایشلہ میردی. «تشکیلات عوضولری آراسیندا» یارانان چوخلو جور به جور مسالہلری اؤز آرالاریندا حل ائدیپ و دوشونجهلری قدر حلی یولونو تاپیب و چۆزمہ یه چالیشیردی لار.

باراتگیلین سیاسی تحلیل لرینه گۆره اونلارین فعالیتی و ایشلرینین دموکراتیکلشمہ سی و اونلارین منطقه سینده اونون درینلشمہ سینین قارشیسیندا دایانان آن جیددی مانعه «موحریر و معبودی» نین دستہ سی ایدی. اونلارین بیر دموکراتیک و سوسیالیزم یولوندا چاغداش بیر حرکت سایدیق لاری «کوردوستان میلى حرکتی» «موحریر و معبودی» نین آن جیدى دشمنلریندن ایدی لر. اونلار (معبودی گیل) باراتگیلین فیکیرینجه، «انقیلابی» بیر دولت سایدیق لاری، آما دئموکراتیک اولمایان بو خمینی دولتیه ده جیدى دشمن ایدی لر. باراتگیل هنج جور «قارنا» و «قالاتان» کورد کندلرینین قتل عامینی اونودا بیلیمیردی لر. باراتگیل منطقه ده «ایمامین اینقیلابین سیاسی خطیندن» حیمایه ائتمہ یه باشلامیشدی لار. اونلار «غیر سرمایه دارلیق، سوسیالیست» یولو گنډیردی لر کی، گون به گون تبلیغ اولونوردو. «ایران توده پارتیاسی» سؤیتلر بیرلییین کمنیست پارتیاسینین بو حاقدا یازدیغی تاریخی کتابلارینی دایم اوخویوب و منطقه اولایلارینا دنیا مقیاسیندا باخیردی لار. اونلار بو باخیشلا یاناشیب دونیانی ایکی «بلوک» گۆرنده اؤزلرینی بیر «بلوک» ون ایچینده گۆروب و او بلوکون نهایی و دونیاداکى هدفلری اونلار منطقه ده کی کیچیک هدفلردن داها اؤنملی اولوردو.

سولوزدا «فدایی لرین» حمایه سی ایله «موحریر و معبودی» دستہ سینین فرماندارا قارشى «کوداتا» ماهیتلی حرکتینه سون قویاندان سونرا، اونلار ایکی شوکاری بیرلیکده تبلیغ ائدیردی لر: بیرینجی، تنز بئله قرارا گلدی لر کی، «ایسلام انقلاب پاسدارلاری آغیر سیلاح لارلا جیحازلانديريلمایدير» شوکاری گنجیش شکیلده بوتون شهر و کندلرده یایدی لار. بو شوکارین ایری و بؤیوک یازیلما سی هر نؤقطه ده هم معنوی باخیمدان میلتین ایچینده «دولتین ایشلره حاکیم اولماسی حاقدا»

آرخاينليق ياراديردى، هم ده فدائي لرين آدينى ميلتين ايچينده گوجلۇ شكيلده ياييردى. البته، بو تبليغاتين دوزگون بير سياست اساسيندا اولوب - اولماسيني زامان سونرالار گؤستره جكدى.

ايكىنجى مساله، بير شوعارى ميلتين ايچينده يايماق ايدى كى، اونون اوستونده دايم موباحيئه اولونوردو، اما فيكير آيريليغي اولدوغو اوچون هله قرار وئره بيلميردى. بو شوعار چوخ جيدي بير شوعار ايدى كى، نئجه جهندن اونملى ايدى: بيرينجى، منطقهده «فدائي لرين» سياسى تحليل لرى باخيمدان اونلارين مستقل سياسى تحليل لرinen اساسيندايدى؛ ايكىنجى، بو شوعار آنجا «فدائي لرين آديلا» يايىلمالى ايدى. اونا گؤره اونلارين اؤز شوعلارلارين بللى تاثيريني گؤسترمكله، اونلارين مستقل گوجونو ده گؤستيريدي. نهايت زامان باخيمدان تام و دوغرو ايدى. دونن تئز و صاباح بو شوعارى وئرمك اوچون گنج ايدى. بو شوعارى پلانلايب و اونون اوستونده مستقل قرار وئرمك سولدوزون فدائي لرinen سياسى ايدئولوژيك باخيمدان نه قدر يتكىنلىكلريني گؤستيريدي. بو شوعار بئله ايدى: «معبودى، محرر و قطارى بيرليي توتولمالى دير».

هامى بو شوعلارين سياسى باخيمدان دوز اولماسينا اينانيردى لار، اما عمله اونون وئريلمه سينه «پسيخى (روانى) باخيمدان ميلت بارات گيله قارشى چيخا بيلمه سيندن» احتياط ائديرديلر. بارات بو شوعلارين منطقهده «استراتژيك» اولماسينا دايناراق، زامانين لاپ اويغون اولماسينا تاكيد ائدرك دئيردى كى، بو شوعار قطعا وئريلملى ايدى و ائله ايندى ده وئريلميدير. باراتين تاكيدى آخيردا او بيرى لرين احتياطينا اوستون گليب، قرار وئريلدى كى، بو شعار تشكىلات واسيطه سيله بوتون شهرده و كندلرده - هر يئرده يازيلسين. بو شوعار نئجه هفته نين ايچينده، بوتون شهر و كندلرى بورودو. بو شوعلارين آلتيني دا «فدائي لر تشكىلاتى ايمضالاميشدى. شهره تزه گيرن بير شخصده بئله بير فيكير يارانا بيلردى كى، آرتيق شهرى دولتن سونرا فدائي لر كونترول ائديرلر.

بو شعارلارين چوخ گنئيش يايىلماسى سياسى باخيمدان «محرر، معبودى و قطارى» دسته سيني اولدورمك دورومونا سالدى. چوخ چكهدى كى، «ميرزا ابراهيم محرر» ائوينده محبوس كيمي قالدى، «معبودى» و «قطارى» ايكي سى ده توتولولار. بو بير جهندن گؤستيريدي كى، بارات گيلين تشكىلاتى منطقهده بؤيوك سياسى دهيشيكلر يارادا بيلرلر؛ ايكىنجى، اونلار منطقهده دولتين جانيني جيدي خطرندن قورتارماقدا و اونلارى مؤحكنديرمكه جيدي رول لارى اولوردو. گؤره سن، بو ايش نه قدر دوز ايدى؟

سولدوزدا «فدائي لر» تشكىلاتى نه قدر «گوجلۇ اولسايدى لار، بوتون اولكهده وضعيت آيرى شكيلده قاباغا گنده بيلردى. دولت مؤحكملشديرديى هر بير آتديمدا او قدر ده «ترور»، «توتمالار»، «زيندانا سالمالار»، «اعداملارى» چوخالديردى.

اونلار هئچ بير جوانا، هئچ بير سياسي حيزب و دستهيه رحم ائتميردى لر. بوتون سياسي تشكىلاتلار گيزلى حالدا فعاليت ائتمك ايسته بيردى، اما هامى چالیشانلار «اينقىلاب» گونلرى و اوندان سونراكى آزادلىق لارين ايچينده تانينميشديلار. سولوزون اوز ايچينده ده بارات گيل گيزلى چالیشمالارينا داوام ائديردى لر. بو ارادا «خالق موهايدلرى تشكىلاتى» ايله دولتين آراسيندا آيرىلىق و موباريزه داها شيدتلىدى، اونلارين سمپاتلارى و عوضولرين چوخلارى توتولوب و زيندانلارا سالينميشدى. «خالق موهايدلرى تشكىلاتى» «ايرتيجاع» ايله موباريزه ائديب، اونلارى حاكميتدن ائديرمه يى ايلك هدف اولاراق سئچميشدى لر. دولت ده اونلارى اوزونه بيرنجى هدف كيمي سئچيب، اونلارى دارماداغين ائتمك مقصدى ايله توتوب زيندانلارا ساليب و اعدام ائتمكه مشغول ايدى. اونلارلا بيرليكه، دولت كيچيك سياسي سوسياليست تشكىلاتلارى دا داغيتماغا باشلاميشدى. «ايشچى لر يولو» (راه كارگر) و يا «ايشچى لرين آزادلىغي يولوندا موباريزه ائدن تشكىلات»، كوردوستان سياسي تشكىلاتلارى، اوزلليكه، «كومله» و «اقليت فدايى لرى» و هاميدان آرتيق «خالق موهايدلرى» ايله بيرليكه دولت طرفيندن قيرغينا معروض قالميشدى لار. سولوزدان «خالق موهايدلرى» نين نچه چالیشانى توتولموشدو. اونلارين بير نفر جوانلاريندان «مولا حسنى» نى اولدورمه يه چالیشاندا اوزو اولدورولور. «اكثريت فدايى لرى» نين ده «صالح» كورد كندلرى تشكىلاتيندان توتولور و زيندانا ساليينير.

بارات گيل بوتون بو اولاي لارين ايچينده بو تنوريك مطاليعلرى داوام ائدركن، گونون سياسي اولاي لارينا باخيش لاريني بيلديرير و تشكىلاتى اداره ائدركن، عيني حالدا اوزلرينى «ايختصاصلى سياسي تشكىلاتى» ايش گورمك باخيميندان دا يوكسلتمه لى ايدى لر. بونا گوره اونلارين آراسيندا تشكىلاتى مسؤليت لردن سونرا ايختيصاص مسؤليت لر ده آيرى شكيلده بولونمه يه باشلادى. بو مسؤليت لرين بعضا ده بيشيلمه سينه باخمايلاق، ايلك بولونمه لرينده، تبليغات «ماحمود»، «ايشچى لر» و «قادينلار» مساله سى باراتا وئريلميشدى. بو مسؤليت لرله ياناشى، ماحمودون گنج لر و باراتين كندلر اوزره قاباكي مسؤليت لرى ده اوز يئرینده قالىردى.

صوحت كندلردن گئنده هله «حسين» ايله باراتين آراسيندا گئدن تشكىلات ديسپليني حسيني داها دا آرتيق راحت سيز ائديردى. او هارادا اولسايدى، هر هفته بارات اونا يوخارينين قرارلاريني چاتديرانندان سونرا اوندان گوردويو ايش لرين رپورتونو وئرمه سيني ايسته بيردى. او دا دئيردى كى، «كندين ايشى انله دئييل كى، من هر هفته سنه رپورت وئرم».

او يئر آلتى دانيشيقلار بايرام ايله صالحى قانع ائده بيلميشدى كى، بارات كندلى اولماديغي اوچون كندلى لرين مساله لريني دوشونه بيلمز، اونا گوره اونلار باراتين يئرینه صالحى بو بولومدن شهر كوميته سينه گوندرمك ايسته بيردى لر. بو زمان

«صالح» سولدوزدا دئییلدی و «احمد» ده اورادا یوخ ایدی. بو حسین اوچون داها اویغون بیر فرصت ایدی. بیر گون قیشین سویوغوندا اونلار شهر تشکیلاتیندان ایستهدیلر کی، بو مساله اوزره دانیشماق اوچون بیر نفر ایجلاسا گل سین. اونلارین هامی سینین بیربیر بئین لرینی حسین دولورموشدو کی، «بارات کندلی دئییل، اونا گوره کندن مساله لرینی تانی میر، بس، صالح اونلار طرفیندن شهر کومیته سینده اولسون».

اورمیهدن «علی» آدیندا بیر نفر بونلارین ایجلا سینا گلدی. ایجلاسدا اونلارین هامی سی اوز سئجیدیی آدمی - صالحی شهر کومیته سینده گلمه سین ایستهدی لر، داها باراتین چالیشماسی، یعنی اونون تشکیلاتی اوز اورتا بارماغینا ساریماغینی و بیر بی انضباط و حیف - منیل ائدن بیر آدم اولدوغونو آچماغی ننتیجه وئرمه دی. صالحین ده شهر کومیته سینده گلمکدن پی سی گلمیردی. بو وضعیتی گورنده شهر کومیته سی مجبور اولدو کی، «صالحی» کند بولوموندن شهر کومیته سینده گئتیر سین، بارات دا شهر تشکیلاتینین اوج بولوموندن بیرینی عؤده سینده گؤتوردو. شهرین اوج بولومو، ایکی بولوم تورکلر بولومونده و بیر بولوم ده کوردلر بولومونده ایدی کی، اونلارین هامی سینا «اوروج» یئتیشیردی. البته، بو ایش دوغرو دان دا، بیر نفر - «اوروج» اوچون آغیر بیر ایش ایدی. بارات داها «ایشچی لر» و «قادرین لار» ااختیصاص پروگرام وئرمه سی، نهایت تزه مسؤلیتی «توده پارتیاسینین شهرده کی مسولو ایله امکداشلیق ایشی و اونا تای امکداشلیغین توده پارتیاسینین کندلر مسولو ایله قاباغا آپارماغی دا عؤده سینده قویولموشدو. صالحین شهر کومیته سینده گلمه یی اونلارین ایشلرینین یونگوللشمه سینده کؤمک ائتدی. اونلار داها راحت اولموشدو لار.

بارات گیل یئنیجه سولدوزون تشکیلاتینین «باتی آذربایجان» تشکیلاتینا قوشولماسینا عادت ائلمه میشدی لر کی، «سیروس» خبر وئردی کی، «حمزه» گلیر و اونلارین یئنیدن مسؤللاری اولاجاق. بو ایشدن اونلارین هامی سی سئوینیردی لر، چونکی «حمزه» چوخ دویغولو، ایناملی و تجربهل ی بیر کادر ایدی کی، آن چتین شرایطده اینان دیق لارینین یولوندا چالیشیردی. «حمزه» نین گلمه سی بو معادا دئییلدی کی، «سولدوزون تشکیلاتی» کوردوستان تشکیلاتینا یاپیش سین. چونکی بیر طرفدن کوردوستان تشکیلاتی دارماداغین اولموشدو، عملاً اونلارین هامی سی اورمیّه تشکیلاتی ایله ایلگیلی چالیشیردی لار، عینی حالدا «حمزه» نین باشقا بیر مسؤلیت لریندن او قسمتده کوردوستان فدایی لر تشکیلاتینا بیر جان و فرم وئرمک ایدی. اما سولدوزون تشکیلاتی گئندیکجه «حمزه» نین چوخلو انرژیسینی اوزونه

ایختیصاص وئریردی. حمزه کوردلر منطقه‌سینه داها یاخین اولمالی ایدی، هم ده گیزلین قالمالی ایدی.

اورمیّه یاشاییب، اورادا فدایی‌لر تشکیلاتیندا چالیشان «سیروس» سولدوزدان و «ماحمود» ون ائویندن گنتمیشدی. اونا گۆره «اورمیّه» ده قالماق ایستهمه‌ین حمزه سولدوزا گلک ایسته‌ییردی کی، کوردوستان تشکیلاتینا دا داها یاخین اولسون. بو دفعه اونلار «حمزه» نی «ماحمود» ون ائوینده ساخلاماغا باشلادیلار. بو مساله هم حمزه‌نین اؤزونه چوخ خطرلی ایدی، هم ده بارات‌گیلین تشکیلاتی، خصوصاً، ماحمودا خطرلی ایدی. سولدوز کیچیک بیر شهر اولدوغو اوچون اورادا حمزه کیمی بیر شخصی گیزلتمک چوخ چتین بیر ایش ایدی. اونلار شهر کومیتەسی جلسەلرینه چوخ دیقتلی، زامانلی و امنیتلی گلیب - گنډیردی‌لر. بئله کی، هئچ موشکل اونلارین هئچ بیرینه، خصوصاً، حمزه‌یه یارانماسین.

1360 جی ایل باشلانیب، باهارین ایلک سویوق گون‌لریدیر. حمزه سولدوزدان بیر نفری تبریزه آپارماق ایسته‌ییردی کی، اورادا تشکیلاتین بیر ایجلاسیندا ایشتیراک ائتسین‌لر.. یئنه ده بو سفره حمزه «باراتی» سئچمیشدی. تزه هاوا ایشیق‌لندا صبح لاپ تنزدن اونلار تبریز اتوبوسونا مینمەلی ایدی‌لر. او زمان شهردن چیخماق اوچون لاپ اویغون بیر زمان ایدی. بارات ماحمودگیلین ائولرینه گلنده حمزه‌نی گۆردو کی، بیر قارا اوزون پالتو آئینده، بیر اونا تای قارا «لیهدار» بۆرکلریندن ده باشیندا، شیک بیر قارا باشماقلا، کامیل بیر «بازار حاجیسی» کیمی قاپییا چیخدی. ایندی بونلار یولدا گنډرکن، بونا بنزه‌یردی کی، «بازار حاجیسی» اؤز اوغلونو دالیسینا سالیب و یولدا اؤزویله بازارا و یا آیری بیر یئره آپاریر. هاوا هله او قدر سویوق ایدی کی، چوخ آز آدم انشیکده تاپیلیردی. بو امنیتی باخیمدان تام یاخشیدی کی، هئچ کس اونلاری سورغو- سوالا توتماسین. نهایت اونلار تفتیش نقطەلریندن کئچیب و تبریزه ساری یولا دوشدولر. حمزه همیشه احتیاط ایله حرکت ائوردی، بعضاً داوام گنډیره بيلمەیب و او گولمەلی جوکلاریندان، یا «شیدتلی» یامانلاریندان» بیر- ایکیسینی دئییب و باراتی گولدوروردو. اونلار تبریزه یئتیشدی‌لر.

او بؤیوکلوکده تبریزده «حمزه» داها آرتیق احتیاط ائدیردی کی، «منی چوخلاری تانیییر، هر آن گۆره بیلرلر». نهایت بیر تیمی ائوه گنډندن سونرا گۆردو کی، اوراداکیلار «کوردوستان تشکیلاتی» ندان بیر نچه نفردیر. اونلارین ایچینه «مینە» یولداشی تانییدی. عملاً «کوردوستان تشکیلاتی» ندا «مەد» و یا «جاواد» اولماسایدیلار، «مینە» هامیدان یوخاری مسؤل نظره گلیردی. بارات یئنه حیس ائتدی کی، «کوردوستان تشکیلاتی» ندا بیر قوتلی گوج «سولوز» و «کوردوستانا» هر قیمته اولمالیدیرسا، یاپیشدیرماق ایسته‌ییر. البتّه بارات اوچون چوخ اؤنملی بیر

مساله نظره گلميردى. اما كوردوستان تشكىلاتى او دارماداغين حاليندا ايكن اوتوروملاريني تيريزده قويورلار، لازم دئييل، سولدوز گليب و تيريز طريقله كوردوستانا باغلانسين. بارات او اوتورومدا دا باشقا ايجلاس لار كيمي جىدى بحته قارشىب و اشتراك ائتدى. اوراداكى دانىشيقلار «كوردوستان تشكىلاتى» نا عايد و عيني حالدا سياسى مسالهلرله ايلگىلىرىدى.

حمزه كيمسه بيلمەدن آيلارلا سولدوزدا گيزلى قالاندان سونرا «اورميّه» شهرينه گئتدى. اورادا تكيه بير بويوك آپارتماندا ياشايان بير آيرى «فدائى» خانيم دكتزله گيزلى ائوده قالماغا باشلادى. بو فاصيلهده «سيروس» اورميده «غربى آذربايجان تشكىلاتى» نا جذب اولونوب و اورادا چاليشيردى، حمزه نين ده اورميّه گئتمەسى اونلارين هاميسيني داها راضى ائتدى. بيرينجى، اورميّه داها بويوك اولدوغونا گوره حمزه اوچون داها امن ولا بيلردى. ايكينجى، سولدوزا داها ياخين اولماسى اوچون نسبتاً راحت اورايا گنده بيلرلر. هر هفته بير گون اونلارين هاميسى اورميّه گنديب و اورادا گنجەنى صوبحه قدر حمزه گيلين ائولرينده هفتهليك شهر كوميته سينين ايجلاسينى تشكىل ائيدرديلر. صوبح گون چىخار-چىخماز ائشبيه چىخب، سولدوزا سارى يولا دوشوردولر. بو اوتوروملارين بيرينده «جاواد يولداش» دا ايشتىراك ائتدى و گونون اساس تئوريك و سياسى مسالهلرى، دولت و «ايران توده پارتيا سينين» ايليشكىلى حاقيندا دانىشيقلار آپاردى. اونلار بير آيرى فرصت ده تاپديلار كى، «مجيد» فدائىلر باش سياسى دفتري عوضوو» نون اورميّه گلمە سندن ايستيفاده ائديب و اونلارين دانىشيقلاريني ياخيندان گورسونلر.

اونلارين ائولرى اورميّه ده «نوصرت» خيابانيندا بير تزه دوزلميش آپارتمانلارين بير طبقه سينده قرار تاپميشدى. بارات گيلين اورايا گيرمكلرى داها هئچ چتين دئيلىدى. بارات ين اوزو او منطقهده ايللر بويو ياشاديغى اوچون اورادا باجىلارى ايله ياشاديغى و چتينلىكده «دبيرستانا» گئتمەسى ايله باغلى قديم خاطيرملرينى بير كوهنه سينمانين هميشه آغقارا شكلىنده گورونن بير فيلمى كيمي خاطرينه گتيريردى و بير آجى، شيرين چتينلىك داستانى كيمي اونو اوز رويالارينا ياشايدردى.

بارات گيل اونلارى گورنده هر دن اوزلريله اونلارين آراسينداكى سياسى تئوريك فاصيلهنى چوخ درين گورموردو، يالنيز بارات بو سورغويا جواب تاپا بيلميردى كى، «نەدن فدائىلر تشكىلاتى بو قدر اوزونو خطرە سالير كى، حمزه كيمي كادريني سولدوز كيمي شهرده آيلارلا ساخلاسين، حالبوكى بير نفر بارات گيلين اوزلريندن اونلارين ايجيندن سئچيلىب، يوخاريللا ايليشكى باغلايل بيلردى؟!» اونلار اوزلرى تاماميله يوخاريدان كؤمك اولمادان سولدوزون تشكىلاتيني آن ياخشى شكيله ايداره ائده بيلردى، حتا سيروسون و يا حمزه نين كؤمەيى اولماسا بئله.

باراتگیله یوخاریدان بئله قرار گلدی کی، فدایی لر تشکیلاتینا عضو توتمانین ایکینجی مرحلهسی باشلانماقدادیر. اونلارین ایچینده هله بئش نفردن آرتیق رسمی عوضولر یوخ ایدی. اونلارین رسمی تشکیلاتلاریندا اونلارلا فدایی چالیشیردی. اونلارین شهر کومیتهسینده بئش نفر فدائی عضو اولدوغو اوچون اونلارین اؤزلری تشکیلاتین تزه عوضولری حاققیندا سون قراری وئرمه ایختیارلاری وار ایدی. اونلار تشکیلاتی باخیمدان تانییدیلاری اوچون اکثریت تزه عوضولرین حاققیندا جیدّی دانیشیقلاری بیربه بیر قاباغا آپارماغا باشلادیلار.

اونلار نئجه دفعه شهر تشکیلاتی، جاوانلار و قادینلار بؤلومونده فیکیر ایریلیغی ایله قارشیلانمیشدی لار کی، اونلارین حاققیندا «بارات» موخالیف سهسی وئیریدی، بیر نفرین ده مخالفتی اولسایدی، کفایت اندیردی کی، او شخص عوضولویه سئچیلیمه سین. او نئجه نفرلردن سونرا اکثریت تشکیلاتین ایچینه قاباقجادران سئچیلنلر «عوضولویه سئچیلدیلر». اونلار رسماً شهر کومیتهسی طرفیندن تبریک اولوندولار. تشکیلات اؤزونه گؤره بیر آغیرلیق و بؤیوکلوک قازاندی. هئچکیم ده گونوگوندن خفقانا دؤنن شرایطه آیاغینی دالیا قویمادی کی، اؤزو عوضولویونو ایسته مه سین، بلکه یولون چتینلییینی و آغیرلیغینی بیله بیله افتخارلا قبول ائتدی لر. داها سولدوزون تشکیلاتیندا اونلارلا فدایی تشکیلاتی رسمی عضوو چالیشیردی.

شهرده وار اولان چوخلو چتینلیکلردن بیر ده بو ایدی کی، قیزلارلا اوغلانلار گوروشوب- تانیش اولما ایمکانی یوخ ایدی. بو حاقدا هامیدان دالی قالان باراتین اؤزو هله قیزلارلا دوست اولماق، ائولنمک اونون فکرینده یئری یوخ ایدی. تشکیلاتین آدمالارینین چوخو سوبای ایدی لر. اونلارین ایچینده ائولیلرین سای آلا لرین بارماقلاری قدر اولاردی. بو جاوانلارین چوخو دا ائولنمک شرایطینه چاتمیشدی لار و او بیر قیزلاری گوروب - تانیش اولماق اونلارلا چوخ چتین ایدی. بو آرادا چتینلیکله آتیلان آددیملار دنیز قارشیسیندا بیر دامجیا بنزه بیریدی. باراتگیلین بعضاً قیز- اوغلان قاریشیق کومیتهلری یاراتمالاری چوخ چتینلیکله قاباغا گئدیردی. بو کومیتهلر ده چوخ کیچیک بؤلوم تشکیلاتا شامل اولوردولار کی، اونلارین نئجه عضوو ده معمولاً قاباقجادران ائولی ایدی لر. باراتگیل بیر نئجه آردیجیل اولای لاردان بو امکان اوچون بیر جیدّی تکان وئرمهیه ایستیفاده ائتدی لر. اونلارین فیکری «بایرام»ین ائولنمهسی ایله باشلاندی. اونلار بو ائولنمه لری بیر بؤیوک توی شنلیکلرینه چئویریب و بوتون تشکیلاتین قیز- اوغلانلارینی اورایا قوناق چاغیریب و اورادا اونلارین بیر- بیرلریله آرتیق تانیش اولمالارینا ایمکان یارادا بیلر لر. بو حاقدا «بایرام»ین کندلرینده توتولان توپوندان بیر قیغیلیم کیمی شهر کومیته سینین فیکرینده چاخدی.

تهران اونیورسیتەسینده درسینی بیتیرن «بایرام» آتاسینا اکین- بیچینده کۆمک اندیردی، چونکی اونا «فدائی» اولدوغو اوچون ایش وئرمیردی. اونا بیر گون کوردلر مەخلەسینده «ناوار ساتان دوکاندا» بیر قیزلا گۆزگۆزه باخاندا بارات گۆرموشدو. اونلارین گۆزلرینین بیر- بیرینه باخارکن پارلاماغینی حتّی عشقدن بهرەسی اولمایان بارات دا سئجدی. اونلارین نئجه گۆروشوب، دانیشیب و نه زامان ائولنمەیه قرار وئرمەلرینی یاللیز اۆزلری بیلیردی. بارات آنجاق بونا سئوینیردی کی، اونلارین تویلاریندا یاللی گندەجکلر. اونلار بایرامگیلین بۆیوک و قورو حیطلرینده چوخ بۆیوک یاللی سالدیلار. اورادا اونلار هم کوردو، هم ده تورکو یاللی گنتەمیه باشلادیلار.

باراتین بۆیوک قارداشلاری، «سولنیمان» و «رشید» ایکسی ده درس لرینی چوخدان قورتاریب و ایش صاحابی اولسالار دا، ائولنمک زامانلاری آرتیق کئچمیشدی. سولنیمان قارداشلاری و باجیلاری درس لرینی بیتیرسینلر دئیە، اونلاردان حیمایە انتدییی اوچون جاوانلیغینین چوخ عۆمرونو ائولنەمەیشدی. ایندی ایسە اونلارین هامیسی اونیورسیتەده اولاندان سونرا، آرتیق اونون دا واختی اؤتمەدن و چوخ گئج اولمادان ائولنەملی ایدی. او اوتوز اوچ یاشینی کئچیریردی. گلدی ائولنمکده «رشید» سلیمانان قاباغا دوشدو. رشید بیر میقدار چتینلیکلە سئودییی قیزین اورەیینی آلە آلیب و اونون عایلەسی دە راضی اولاندان سونرا اونلارین تویلاری سولدوزدا باراتگیلین بۆیوک ائولرینده توتولدو. باراتین اورەیی بو قدیمکی مئله بنزەر سۆز کیمی - «کور آلهدان نه ایستەر: ایکی گۆز»، بونا بنزر بیر ایمکان آختاریردی کی، بوتون تشکیلاتین اوغلانلاری و قیزلارینی بیر یئردە گۆروشوب - دانیشما و اویناماغا توپلاسین.

«رشید»گیلین اوچ گون سوردویو تویوندا چوخلو فورصت یارانندی کی، بیر چوخو بیر- بیرلرینی گۆرسون. هرچند آرتیق تانیش اولماغا ایمکان یوخ ایدی. باخیشلاردان یارانان محبّت قیغیلجیملاری اورکلرده محبت یارادیردی؛ سونرا زامان بلکہ بو قیغیلجیملارین بیر آلووا دؤنوب - دؤنەدییینی گۆسترسین. رشیدین ائولنەمەسی سولیمانانی دا آرتیق فیکرە سالدی. بو فاصیلەده اونونلا بیر زاماندا بیر آیری اولای قاباغا گلدی. بیر- ایکی مسالەنین هر بیرینین اؤزونه گۆرە بیر داستانی واردی.

هوشنگ ایله بارات بیربیرلرینه اۆز قارداشلاری کیمی یاخین ایدی. لر. هوشنگ دە بارات کیمی، سولدوزدان چوخ اوزون زامان اوزاق قالا بیلیمیردی. او تهراندا یاشادیغی زامان ایلدە نئچە دفعە سولدوزا گلیردی. «رشید»ین تویوندان سونرا هوشنگ باراتین یانینا گلدی و اونونلا بیر جیدّی مسالەنی اورتایا قویدو. او معمولاً چوخ جیدّی اولاندا بورنونون اوجویلا بیر نقطەنی نیشانە توتوب اورایا

باخاردی. بو دفعه ده هوشنگ باراتین گۆزلرینه یوخ، بلکه بیر نقطه‌نی نیشانه توتوب و بارات‌گیلین حیط‌لرینه اونولا باغلی بیر جیدی مسالهنی اورتایا قویدو. او باراتا دئدی کی، اونون بویوک باجیسی - «ترلان» دان خوشو گلیر». سونرا او بارات‌دان «ترلانین تهرانا گل‌مرک اونولا آرتیقراق تانیس اولما ایمکانی یاراتماسینی ایسته‌دی». او بو تانیس اولماقدا اگر اونلارین ایکسی ده بیر- بیرلرین یاشاماغا قرار وئرسه‌لر، اوندان بیر ایش گؤروله بیلر.

هوشنگ گئندن سونرا بارات ترلانی سه‌س‌ل‌دی کی، اونلار اوتوروب دانیسین‌لار. «ترلان» و «مارال» - ایکسی ده فدایی‌لر تشکیلاتی‌دیلار. آما اونلار «محمود» ون بؤلومونده ایدی‌لر. اونلار هم ده بیلیردی‌لر کی، «بارات» «شهر کومیت‌ه‌سی» نین اصلی عوض‌لریندن بیریدیر. بوندان قاباق، ترلان ایله باراتین بونا تایی بیر اوتوروب - دانیشماغی اولسایدی، بیر «تشکیلاتی» دانیشیق اولما بیلردی. ترلان بئله دوشونوردو کی، بو دانیشیق دا تشکیلاتا عاید بیر دانیشیق‌دیر. آما بارات اونا هوشنگین حاققیندا صؤحبت آچدی. سولدوزون کیچیک اولماسی اوچون اونلارین عایله‌لری بیر-بیرلرینی تانییردی‌لار، آما نه قدر «ترلان» «هوشنگی» تانییر، یا نه قدر هوشنگ ترلانی تانییر و یا اونلار نه قدر بیر- بیرله توتوشا بیلیر، یا بیر- بیرلرینی سؤه بیلرلر، بو آرتیق بیر مساله ایدی کی، او قیز ایله اوغلانین بیر-بیر ایله بو شیدتلی آیری یاشادیغی شرایطه بیر ایمکان یارانمالی ایدی کی، اوزونو گؤسترسین. بارات هوشنگین حاققیندا اؤز بیلگیسینی ترلانا دئیندن سونرا اوندان سوروشدو کی، اگر تهرانا گئدیب و اورادا بیر مودت هوشنگ ایله تانیس اولماق ایستیرسن، اونون تداروگو گؤرولسون. بو فاصیله‌ده «موختار» دا تهراندا ائولنمیشدی. ترلانین اونلارین ائولرینه قالماسی قاباق‌دادان دانیشیلیمیشدی. بیر نچه گوندن سونرا ترلان تهرانا گئتمه‌یه قرار وئرنده اونون اورا گئتمه‌یینی هنج کس بیلمه‌دی. هامی فیکر اندیردی کی، تبریزه اونیوئرسیتیه گئدیب. بلکه ده آناسینا دئمیشدی. آناسی هامیدان آرتیق سر ساخلایان بیر شخص اولدوغو اوچون نه بیر شئی سوروشدو، نه ده بیر سؤز دیلیندن انشیه پیرتدی. ترلانین تهرانا گئدیب - گل‌ه‌سی ایکی هفته چکدی.

ایکینجی ماجرا دا «سولیمان» ین مساله‌سی ایدی. بو مودتده ایشینده یوکسه‌لیب و یوخاری تخصّصی مقام‌لارا یئتیشمیشدی، ایندی بویوک «دوغو آذربایجان» ین اوستاندارلیغینین شهرسالما بؤلومونون نظارت‌چیس ایدی. او چالیشدیغی ایداره‌ده بیر قیزدان خوشی گلیردی، اداره‌نین «آبدارچی» سیندان ایسته‌بیر کی، گنتسین و اونون حاققیندا بیر شئی‌لر سوروشسون. بیر یاشلی کیشی اولان، اونلاری اؤز بالالاری کیمی تانییان و هامینین دا اونا سایغیسی اولان «آبدارچی» دا بیر طرفدن گؤرور کی، «سولیمان» ین آرتیق ائولنمک واختی کئچیر، دوز او قیزگیلین ائولرینه گئدیر و اوندان اؤز رئیس طرفیندن ائلچی اولاراق قیزی ایسته‌بیر. او بئله‌لیکله سولیمانین

آلینی خینادا قویور. وسواسا دوشموش سولئیمان دا آرتیق ایشلری بیتیش گوروب تسلیم اولور. خانیم قیز دا موثیت جواب وئردن سونرا باراتگیلین اولرینده بیر داها توی تداروک گورولمهیه باشلاپیر.

بنله بیر بهانایا حاضیرلیقلاری اولان بوتون تشکیلاتین جوانلاری قیزلی-اوغلانلی یننه ده اوچ گون- اوچ گنجه چالیب اویناماغا باشلادیلار. باراتین اوزو ائو صاحبیلریندن بیرى اولدوغو اوچون چوخلو ائو ایشی ده گورمهلی ایدی. او، عینی حالدا تشکیلات طرفیندن مسئول اولاراق چوخلو مسالهلری نظرده توتومالی ایدی، اونلاردان آن اؤنملیسی «امنیتی» مساله ایدی. اورادا اونلارلا چالیشقان ضیالی - آیدین فدائی بیر یئره توپلانمیشدی. بیر سولدوز کیمی شهرده چوخلو اولایلار یارانا بیلردی.

سولئیمانین تویوندان نئجه آی داها کئچمه میشدی کی، «هوشنگ» ایله «ترلان» دا ائولنمهیه راضیلاشدیلار. اونلارین ایکسی ده باراتین چوخ یاخین فیکیر یولداشلاری اولدوقلاری اوچون توپلاری یولداشلاری طرفیندن چوخ دیرلی و اورکدن دستکلندی. اونلار بو توپلاردا اویناماقدان سونرا، سؤز، ماهنی و چوخلو شعر اوخوماقلاردا باشلاپیردیلار. هامی «هورموز»دان ایسته دی کی، دوداغیلا فیشقا و آغزیلا تار چالاراق ماهنی اوخوسون. عینی حالدا هوشنگدن ایسته نیلدی کی، علیرضا نابدیلین «ایشیق» شعرینی اوخوسون. آخیردا باراتدان دا ایسته نیلدی کی، چاشنی اولاراق «هشترخان» ماهنیسینی اوخوسون کی، اونلار آخیردا بیر گولسون لر. اونلارین اورکلری قیزیشیب و عظم لری مؤحکمله شیردی.

بو توپلاردان سونرا تشکیلاتدا بیر مقدار آچیقلیق حیس اولونوردو کی، قیزلارلا اوغلانلارین آراسیندا دیمیر دیوار یوخ ایدی. اوندان سونرا بیر ایری بویوک مساله قاباغا گلیمیشدی کی، اونا چارا قیلماق آزی بارات کیمی بیر شخصلرین آلیندن خاریج ایدی. او دا بو ایدی کی، بعضا بیر قیزی ایکی اوغلان ایسته ییردی. بنله حاللاردا معمولاً قیز او آداما کؤنول وئیردی کی، ثابت ایشی و گلیری اولوردو. بیر تشکیلاتدا زحمت چکنلردن و آیاق آلتیندا قالانلاردان حمایه ائتمک اساس هدف اولدوقدا بو مسالهنی حل ائتمک چوخ چتین ایدی. بونا گؤره «اوروج»ون بؤلومونده ایکی- اوچ ائولی تشکیلات عوضوندن بیر کیچیک کومیته یاراندى کی، بو حاقدان فیکری باخیمدان کؤمک انتسین لر. چونکی باراتگیلین اوزلری چوخ جوان، هم ده سوبای ایدی لر. او کومیته تقریباً وئردییی فیکری یاردیمدا مستقل عمل ائیدیردی. اونون نظرلرینین هئچ اجرچی رولو یوخ ایدی، یالنینز مشورتی کاراکتئری داشیپیردی.

ایلیک مرحله ده موعلیم و یا ادارلرده چالیشان و ثابت گلیرلری اولانلار بیربه بیر ائولنمهیه حاضیرلاشیردیلار. بیربیرینی سؤمک خبرلری ترمنازه خصوصاً شهر کومیته سینده گون به گون قولاقلارا چاتماغا باشلامیشدی.

بارات دا آرتیق بیرمی آلتی یاشینا یئتیشمیشدی. او آتاسیندان داها پول آلمازدی. اونون بیر ایشی اولماسینا باخمایاراق، او گئنیشلیکده - بلکه منطقهده آن بویوک حتا دولته باغلی اولان سیاسی تشکیلاتلاردان دا بویوک اولان سیاسی تشکیلاتین بیر اساس مسئولاریندان ایدی. اونا تشکیلاتدان دا بیر قیران وئرلمیردی. بیر ایشی ده یوخ ایدی، آتاسیندان دا پول آلمازدی، چونکی آتاسی دا یوخسول ایدی، او بیر یولداشلاری کیمی، تشکیلاتدا موعلیم و یا دوکتور و یا موهندیس اولمالاری اوچون یاخشی گلیرلری وار و یا آتالارینین یاخشی وارلاری وار ایدی، پول و مالی باخیمدان بیر یتره بند دئییلدی و گلیری یوخ ایدی. بوتون ترسهسینه مسئولیتی اونلاردان داها بویوک ایدی. اونلارین ایچینده «اوروج» دا بارات کیمی بیر شرایطده ایدی.

اوروج، بیر چورکچی خانادا چالیشماغا باشلادی. او هر گون صوبح ساعت بنشدن اورادا چورک توپلایب ساتیردی. بارات دا اوز جیبخرچی و هر هفته اورمیدهکی اوتوروم جلسهری اوچون لازیم اولان پولو آله گئیرمک اوچون بیر ایش گورمهلی ایدی. بو حاقددا بیر فکر بنیننه دوشدو: ائولرینین دالیسینداکی آنبار کیمی ایشلتدیکلری پیله یولونو بیر آیری یولداشیلا باقل دوکانینا چئویرسینلر. اورادا محلهنین لازیم اولان خیردا ماللارینی ساتسینلار. اورادا ایکی دنه ده مدرسه وار ایدی. اونلار مدرسه اوشاقلارینا دا شئی- شوی ساتا بیلردی. اونلار ایکسینه بو دوکانی باراتین داییسی اوغلوندان بیر مقدار پول بورج آلدان سونرا یولا سالدیلار. بو دوکان تکجه باراتین و یولداشینین جیبخرچلرینی چیخارمیردی، بلکه آرتیق اونلارین تشکیلاتلارینین عومومی رابطهلر اوچون دفترلری اولموشدو، هم ده اونلارین ائولرینه گوروش و تشکیلاتی اوتوروملار اوچون بیر آیری گیریش اولموشدو. بو وسیله ایله اونلار محلهنین قونشولاری ایله ده یاخین ایلشکی یارادیب و اونلارلا دانیشیغا و تبلیغه باشلادیلار. اوروج ایله بارات بو طریق ایله یالنیز جیبخرچلرینی بیر یول ایله چیخاریردی.لار.

بارات چوخ تنز اویرنمیشدی کی، پولسوز «فدائی» بیر تشکیلاتین ایچینده یئنه ده «پوللو» عایلهدن گلن «فدائی»دن گئری قالیر. او هم کیتاب آلیب و اوخوماقدان گئری ایدی، هم ده او بو یولدا تکجه جانینی قویموردو، بلکه گلهجک اوچون هئچ بیر تامینات، اقتصادی تضمین و امنیتی یوخ ایدی. بونا گوره اونلار ائولنمکده ده چوخ چتینلیکله قارشیلاییردی.لار. آتالاری وارلی اولان شخصلرین آتالاری اونلارا او قدر مال - مولک قویوردو کی، اونولا ائو- ائشیک تشکیل ائتسینلر. اوروج و بارات کیمی لرینه گلهجک اوچون هئچ بیر تامین و قارانتی یوخ ایدی. اونلارین اؤزلری او قدر هدفلرینین یولوندا گنجه- گوندوز و یوخولارینی قویموشدولار کی، بو و یا بونا تای اونلارین طبیعی اولاراق گلهجکلریله باغلی اولان مسالهلر کیمی، فیکیرلرینی مشغول ائتمیردی.لر. نه گؤزل بیر ایستکدیر، هم اوزگورلوک، هم ده

ایجتماعی عدالتی بیرلیکده بوتون میلته ایستیه سن و اونون یولوندا بوتون وارلیغینی قویاسان. بو یولدا اوزون بوتون وارلیغینی بیله- بیله و یا هنج بيلمه دن آلدن وئره سن. قیزلارین چوخو و اوزمللیکله اونلارین آنالاری اونلارا بونو دئییردی کی، «بو بویوکلوکده، گنیشلیکده و درینلیکده تشکیلاتین باشچی لاری و دولانديرانلارینین چوخونون جیبینده بیر شاهی پول یوخ و گله جکده ده اولما یاجاق، چونکی اونلار اگر ده چوخلو موعلیم، موهندیس و دوکتورلارا مسئول اولسالار دا، اونلارین گوردیو عظملی ایشه بیر نفر اونلارا بیر قوروش دا وئرمیر».

بارات بیر گون گنجهنی صبحه قدر هفته لیک اوتوروم لاریندان گلندن سونرا صوبحدن ناهاراجان اونون نوبتی ایدی کی، دوکانی دولانديرسين. ناهاردان سونرا باراتین نوبتی بیتندن سونرا ائوه گلیب، ناهارین یئییب و یئلین ایستیسینده بیر اوزاندی. او اوستونه باجی لارینین بیرینین چادراسینی چکمیشدی. بارات یاریمچیلیق یوخونون ایچینده ایدی کی، ائشیتدی «اولدوز» ایله آناسی اونلارین ائولرینه گلدی لر. اوزونو تامام یوخویا ووروب بیر ساعتدان آرتیق اویاق اولراق چادرانین آلتیندا اوزانیق حالدا قالدی. او اوزونون ده بيلمه دییی بیر سببه گوره اولدوز ایله اوزبه اوز اولماقدان اوتانیردی. او بوتون بو زامانی اونلارین سوزلرینه قولاق آسیردی کی، اونلار گئندن سونرا دیکه لیب قالخدی.

اورهیینین بیر گوشه سینده اولدوزا بیر یئر ساخلایان بارات خیال ائدیردی کی، همیشه اولدوز اورادا قالاجاق و کؤنلونده کی او یئر ده اونون اوچون حاضیر قالاجاق.

بیر گون بارات گوردو کی، صوبح تئزدن اونون و اولدوزون آناسی تئزئتئر اوطرف بو طرفه گئدیرلر و چابالاماقدا دیرلار. آخشاما یاخین اولراق باراتین آناسی گلیب و باراتا دندی کی، «اولدوزا ائلچی گلیر. اونلار ایکسی ده قاباقدان کؤنول وئریبلر. بو آخشام اونلار گوروشه اونلارین ائولرینه گلیرلر، سن ده حاضیرلاش، اورا گئت. باراتین سانکی باشینا بیر قازان سویوق سو تۆکدولر. دایم اولدوزون اورادا اونون اوچون قالاجاغینی دوشونن بارات بیردن شاشیردی.

بارات اوزونو ائله گؤستردی کی، شاشیرماییب. او اوزونو بونا گوره سئونجک بیر آدام کمی آپاریردی. بونولا یاناشی، اوزونه اوغلانین کیم اولدوغونو سوروشماق قدر گوچ وئردی. اوغلان باراتین قدیم اوشاقلیق صینیف یولداشلاریندان بیر ایدی کی، نهایت درسینی قورتاریب و هنج بیر سیاسی دستهیه قوشولمادیغی اوچون اوزونه ایش تاپیب و بیر تیکه چؤرک چیخارا بیلیردی. بارات باشیلا آناسینا بیر موساعید اشاره ائدی، تئز گینیپ، خیاباندا قدم آتماق اوچون ائشیهه چیخدی. او تام کنیلمیشدی. سانکی قولاق لاری ائشیتیمیر، گؤزلی دا آجاق باخیر، اما هنج کیمی گؤرمور. بیر- ایکی ساعتدن سونرا او قدر حالی اوزونه گلدی کی، آرتیق بو مساله نی ده اوز آرمانی یولوندا بیر فداکارلیق حساب ائدیپ و چتینلیکله

اولسا بئله مسالهنى اۋزونه قبول ائله تديردى. او بو يولدا گئندلرين اونلارلا ايل زيندان چكملرينى يادينا سالىردى. اونلارين چكدىلىرى قارشىليغيندا و اونلارين فداكارلىقلارينين يانيندا ائله گۈزه گلیم بير فداكارلىق نظره گلميردى.

هاوا قارائلىق اولموشدو و سوفرهنى سالميشدى لار كى، بارات اولدوزگيلين ائولرينه گئتتى. اورادا باراتين اورمييندن خبرى اولمايان اۋز يولداشيني گۈروب، اونا تبريك دئدى. بير ساعاتى اورادا شام اوستونده دۈزدو، نهايت هامى ائولرينه گئتتى لار. بارات هميشهكى كيمى گئجهنى اۋز اوتاغينا گنديب، اورادا چوخلو موطالعهيە باشلادى. او قدر اوخودو كى، آخيردا كتابين اوستونه دوشوب و ياتدى. بو دفعه نه قدر كيتابا باخيردى، اوراداكى مطلبلىرى اوخويا بيلميردى. اوشاقلىقدان و جوانلىقدان اولدوزلا اولان لحظىلر قاچاراق اونون خاطريندن كنجيردى. او بو رۇيالاريندا او كنجىش خاطيرلىرى دهيشمهيە چاليشيردى كى، بو داستانين سونو دهيشيلسين و اولدوز باراتين اورمييندهكى يئرده يئرلشسين. بارات گۈرمهديى گۈرمهلى ايشلىرى بو رۇيالاريندا گۈرمهيە چاليشيردى. دئمهدىيى سۈزلىرى دئمهيە چاليشيردى كى، زامانى دالييا قايتارسين. او «روسىيەن سوسىيالىستى تارىخى» نه عايد بير كتاب اوخوماغا چاليشيردى، اما اورادا اۋز تارىخىنى اوخويوب دهيشيردى. بو حالدا اولاراق هنج بيلمهدى كى، نه زامان يوخويا گنديب.

عراقين ايران اۈلكهسینه باسقىسى و بوتون آمريكا و اونون دالييسينجا او بىرى «باتى» اۈلكهلرينين «صدام حسين» دن حيمايه ائتمهلىرى آيدىن گۈستريردى كى، اونلار بو حۈكومتى چئویرمهيە چالشيړلار. بو حالدا تكة فدايىلر دولتى دستكلهيب و اونلارين «آنتى آمريكا» موضعلريندن حمايه ائديردى لار. اونلارين تنقيدلرى دولتين «آنتى دموكراتيك ايشلريندن ده آرتيق رنگينى آلدن وئيردى كى، اونلار دولتى اۋز دوشونجهلرينده دموكراتيك جهته سارى ايتلهسينلر. فدايىلرين اكثريتى جبههيە گنديب، انقلاب قارشى «آمريكا» طرفيندن دستكلهمن يوروشون قاباغينى آماق اوچون حيمايه ائتسينلر. بونا گۈره اونلار اۋز سمپاتلاريني جبههيە گئتمهيە تشويق ائديردى لار. بو مسالهنين تام ترسهسى ده صادق ايدى. يعنى دولت جيڭدى اولاراق اۋزو ايله جيڭدى موخاليفلرى توتوب زيندانا ساليب و اونلارين ايچينده قيرغين سالماغا باشلاميشدى. اينقيلاب ائدن نسلين يارىسى جبههلرده و يارىسى دا زيندانلاردا چورويوردو. اونيۇرسيتهلر ده باغلى ايدى.

بو مسالهلرين دالييسينجا سربازلىق واختى چاتان بوتون جوانلارى سربازليغا آپايريدى لار. چوخلو جوانلار دا سرباز گئتمكدن اۋترو اۈلكهمن قاچيردى. بارات ياشينا گۈره سربازلىقدان ماعاف اولموشدور، اما كوچهلرينده بير چوخ اوندان داها

جوانلار سرباز گنتمیشدی. اونلارین هامیسینین آنالارینین گۆزلری یولدایدی. جبهه‌لردن چوخ قارماقاریشیق خبرلر گلیردی. بو خبرلردن بیرى بو ایدی کی، سیاسى باخیمدان دولت ایله موخالیف اولان و سیاسى دستلره باغلى و اونلارا سمپاتلاری اولان سربازلاری آرخا جبههده گۆللهمیردی. مینلره مدرسه اوشاقلارینی دا جبهه‌لرده مین‌لرین اوستونه گۆندیریدی. اونلار اؤلوب بیتسین‌لر، بلکه یول او بیرى فورصتجیل نیظامی‌لره آچیلسین کی، اونلار جبهه‌لردن ساغلام دۆنندن سونرا میدال اوستدن میدال آسینلار.

تهراندا توتاتوت چوخالمیشدی. بیر طرفدن «ساواش» بیر بهانه اولموشدور کی، «اکثریت فدایی‌لری» و «ایران توده پارتیاسی»ندان سونرا او بیرى‌لرینین هامیسنی «صد انقلاب» آدینا توتوب و اوزون زامان ایشکنج‌لر، زیندان و اعدام جوخه‌لرینه وئیریدی. بارات قاچاق ایشیتدی کی، «تهراندا» اونلارین قدیمکی ائولرینه دولت آدام‌لاری توکولموشدولر. اونلارین ائولری داها داغیلیب و ائو صاحیبینه تحویل وئریلمیشدی. «ناصر»ین و «قولو»نون قاچاق اولماسیندان خبر گلیردی.

بو فاصیلهده بارات‌ین کیچیک قارداشی «اوختای» تهراندا سولدوزا گلدی. او اۆلکه‌دن قاچماغی دوشونوردو، اما بو مسالهنین یئنیجه باشلانماسی اوچون هنج‌کیم هانسی یول‌لارلا گنتمه‌سینی بیلمیردی. هم ده او قاچاق یولو ایله، هم ده «پاسپورت» آلاندا سونرا گنتمه‌لی ایدی. او سربازلیق ائتمه‌دی اوچون اونا پاسپورت وئرمز ایدی. بارات دا بو حاقدا بیر یول بیلمیردی. سولیمان دا قانون و اخلاقا چوخ باغلى اولدوغوندا قاچاق گنتمک اونون فکریندن بئله کئچمیردی.

بارات‌ین ذهنیندن آرتیق بو مساله کئچیردی کی، «تهراندا اوختای آرتیق «اقلیت فدایی‌لرینه یاخینلاشیب» بارات اونون دوشونجه‌سینی بؤیوک بیر انحراف گۆردویو اوچون اونون ذهنینی آیدینلاشدیرماغا چالیشیردی. او ساعات‌لار چالیشدی کی، باراتا «چاغداش سؤیت‌لر ایتتیفاقی» تاریخیندن و دونیانین یئنی ده‌یشمه‌لری حاققیندا و قودرت بالانسیندا آغیرلیغین سوسیالیزم جبهه‌سینه ساری آغیرلانماسینی آچیقلاشیب و بو دؤولتی اینقیلاب حاکیمیتی اولماسینی آچیقلاشیردی.

او بو دؤولتین نهایت ایسته‌یه-ایسته‌مه‌یه تاریخین طبیعی آخیمینی گنده‌رک سوسیالیزمه ساری گنده‌جه‌یی حاققیندا چوخلو دانشیدی. چونکی دونیادا میلت‌لرین و دؤولت‌لرین حرکتی او یؤنه ساری‌دیر. «اوختای» نه دینیردی، نه ده بیر سورغو سوروشوردو. بارات او بیرى طرفدن، قارداشینی سئودی اوچون ایسته‌میردی، او بارات کیمی اوزونو درین سیاسى تشکیلات‌لارین ایچینده خطره سالسین. اوختای دا اوز دونیاسینا جوماراق، یولداشلارلا گزیب و دولانماق‌دایدی.

ایکی ایل اولاردی کی، اونیورسیت‌لر باغلانمیشدی. اوختای کیمی گنج‌لر اونیورسیت‌یه درس اوخوماق اوچون گنده بیلمزدی. اونون عسگرلیک واختی دا

یئتیشمیشدی و آدی دا چیخمیشدی. او آرادا سرگردان دولانیب و بیلمیردی کی، نه ایش گورسون. اۆلکه‌دن گنج‌لر یئنیجه قاجماغا باشلامیشدی‌لار. بارات نه اوختایین نه ائشییه گئتمه‌سی یولونو بیلیردی، نه ده اونا دئیردی کی، اۆلکه‌دن قاچسین، نه ده کی اونا دئیردی، عسگرلییه گئتسین. او بو مساله حاققیندا قرار وئرمه‌ی «اوختاین» اؤزونه و بؤیوک قارداش‌لارینا بوراخمیشدی. اونلار بلکه بیر یول و بیر چاره اوختایین قارشیسینا قویدولار.

اوختایین یولداشلاری دا او شرایطده ایدی‌لر. اونلار بیر-بیرلیله چوخ یاخین و محبتلی یولداش ایدی‌لر. گونده گلیب و بیر-بیرلریله توپلاشیب، چوخ گۆزل و تمیز گئیینیپ، سونرا دولانماغا چیخیردی‌لار. اونلارین گۆزلریندن «ساواش» و جنگه گئتمکدن قورخو و نیفرت یاغیردی. اَما دؤولتین مامورلاری ساواشدان قاچانلارین دالیسینجا اولوب، اونلاری توتوب عسگرلییه گۆندریردی. بیر-بیر اوختایین یولداشلاری عسگر گئدیردی‌لر. اونون اؤزو ده ائشییه چیخماق اوچون بیر یول تاپا بیلمه‌دی. اونون قارداش‌لاری دا بو حاقدا بیر ایش گۆره بیلمه‌دیلر. بیر-بیر یولداشلاری عسگرلییه گئندن سونرا اوختای دا یاشامیندا بو بؤیوک قومار اوینادی. آخیردا بیر نئجه آی قاقاق قالاندان سونرا ساواش زامانی اوختای قاچاقچادان قورتولماق اوچون سربازلیغا گئندی. اَوو «شیراز» شهرینده بیر «پادگانا» وئردی‌لر. او آی‌لار اورادا قالیب و ائولرینه مکتوب یازیب و اؤزونون وضعیتیندن راضی‌لیغینی بیلدیریردی. بارات‌گیلین ائولرینده ده هامی آرزو ائدیردی کی، گله‌جک گؤنلرده «اوختای» یئنه جبهه‌دن اوزاقدا قالسین. اَما خبرلر اوختایین یولداشلاری حاققیندا خوش دئییلدی. اونون یولداشلاریندان ایکسی (حسین و عزیز) جبهه‌ده جان‌لارینی آلدن وئردی‌لر. اونون ایکی آیری یاخین یولداشلاری (عیسی و محرم) هله ساغ ایدی‌لر. هامی بو قورخونو ایچینده داشیییردی کی، «ای کاش بیر بد خبر اونلارا گئیرمه‌سین‌لر».

اَما بد خبرلر یالنیز جبهه‌دن گلمیردی. جنگ و ساواش بیر بهانه اولموشدو کی، «ایران اسلام حؤکومتی» اۆلکه‌نین امنیتی‌نین ایچهریدن ده خطرده اولماسی بهانه‌سینه بوتون او بیرری فرقلی فیکیرلی اوپوزیسیون سیاسی تشکیلاتلارینین آداملارینی توتوب، زیندانلارا سالیب و چوخ قورخونج و دهشتلی شیوه‌لرله اؤلورسون. اونلار بوتون «غیر اسلامی» دوشونجه‌لی سیاسی پارتیالاری وحشیلیکه داغیتماغا باشلامیشدی‌لار. بو سیاستده اونلار حتا اونلاردان حمایه ائدن حیزبلره ده رحم ائتمیردی‌لر.

بو گون‌لره قدر اونلار «اقلیت فدایی‌لری»، «ایشچی‌لر آزادلیغی یولوندا چالیشان تشکیلات»، «ایشچی یولو»، «فدائی چیریکلری»، «خالق موجهیدلری» و کوردوستاندا چالیشان سیاسی تشکیلات‌لارین هامیسینی «صَد انقلاب» و آدلاندير اراق، دارماداغین ائتمه‌یه باشلامیشدی‌لار. اونلار «اکثریت فدایی‌لری» و

«ایران توده پارتیاسی»نی هله داغینیق اولاراق توتوب، ضربه آلتینا آلیردی لار. هامی گؤروردو کی، گون به گون آزدلیق قوشو دار آغاجیندا بوغولور و اونون نفس چکمه سی مومکونسوز اولور.

بارات گیل سولدوزدا اؤز تشکیلات لارینی مؤحکم لندیریب، درینلتمیه باشلامیشدی لار. اونلار آرتیق ایشچیلر، کندلی لر و گنج لری تشکیلاتلاندیرماغا مشغول ایدی لر. اونلارین همچنین عمومی سیاستلری آمریکا یولا سالمیش ایرانا قارشی ساواشدا دولتدن و اینقیلابدان حیمایه ائتمک ایدی. بو هایا-هایدا تهراندان خبر گلدی کی، قولونو» تهراندا توتوب لار. سولدوزدا «بارات»، «اوروج» و «بایرام»ین باشینا سانکی سویوق سو تۆکدولر. اونلار قولوگیل هردن تعریف اندیردی لر کی، زیندانلاردا سیاسی محبوس لارین باشینا نهلر گتیریر لر. بارات گیل ده بیلیردی لر کی، ایسلام قوئلری حاکیمیتی آله کئچیرنده «زیندان لاری موزمیه چئویرمه ییک» دئمک لرینه باخمایاراق، بونلار زیندان لاری داها آرتیق بؤیودوب، ایشکنجه و جینایت مکانینا چئویرمیشدی لر. زیندانین ایچیندن آنجاق رۇیایی تصویرلری اولان بارات گیل اؤز یوخو و رۇیالاریندا هر گئجه گوندوز «قولو»نون وضعیتینی تصوؤر اندیردی لر.

«قولو»نو بیر گون خانیمیه بیر قوهومونون ائوینه گندنه توتمودولار. او تزه ائولنمیشدی، خانیمی دا اونون اوشاغینی یئنیجه قارنیندا داشیبیردی. اونو توتاندان سونرا داها اوندان بیر خبر یوخ ایدی. گون لر کئچیردی و «قولو»نون وضعیتیندن بیر خبر یوخ ایدی. او «اقلیت فدایی لرینین» باشچی لاریندان بیرى اولمالی ایدی. او اوتوردوغو یئرینده بیر داغ کیمی آغیر و سنگین ایدی. بارات گیل رۇیالاریندا اونون دورومونو آنجاق تصوؤر اندرک، اونون آدینی دیل لرینه گتیرمکدن قورخوردولار.

بارات گیلین دوکان لاری ائولرینین دالیسیندا ایدی، هم ده اونلارین ائولرینه دالی کوچدن بیر گیریش آچمیشدیر کی، اونلارین ائولرینده اولان اوتوروم لارا گیریش و چیخیشی راحت اندیردی. اونلارین دوکان لاری دا کیچیک گؤروش لر و بیر پارا شئیلری آلدن- آله وئرمک اوچون چوخ ایغون ایدی. بارات همچنین اورادان اؤز موطالیعه سینه ده ایستیفاده اندیردی. اونلارین ائولرینین گیریشی گون باتان طرفدن اولسایدی دا، اونلارین دوکان لارینین گیریشی قوزئی طرفدن ایدی.

بیر گون بارات دوکاندا ناهار دان سونرا اوتوروب آلینده بیر کتاب اوخویوردو. هله آخشام اولمامیشدی و هله دوکان چوخ خلوت ایدی. هئچ کس آلیش- وئریشه گلمیردی. بارات بو فورستی اوخوماق اوچون داها اویغون گؤروردو. او اؤز آلینده کی کیتابی اوخویا- اوخویا او کتابین مطلبینده جومموشدو. بو حالدا «اوروج» باراتین دوکانینا گیردی. اوروجون اؤزونون او قدر باشی شولوغ ایدی کی، اؤز کفینه باراتین گؤروشونه و اونون حالینی خبر آلماغا واخت تاپا بیلمزدی. آخشام گوشتی چوخ چتینلیکله پنجره نین قیراغیندان اؤزونو زحمتله ایچهریه سالیب و

پېشخانين قاباغينى ايشيق انديردى. دوكانين او بيرى بۇلوملرى بو سكوتون ايچينده
 گونش اولان قيسمه بو سكوتون ايچينده باخيب و حسرت چكيردىلر.
 اوروج دوكانا گيرركن، بير اۆترى گۆزونو باراتين گۆزونه ديكيب، تئز
 گۆزونو چكىدى و ديوارلارا باخماغا باشلادى. اونلار بير تئز كيف-احوال ائلهدىلر.
 اۆزونو ساخلايا بيلمەين اوروج دوكانين اوزوناسينا بير نئجه آتدیم آتاندان سونرا او
 باش-بو باشا گئتىدى. او اۆزونو او قدر گوجلۇ گۆرموردۇكى، اورمييندهكى سۆزو
 ديلينه گتيره بيلسين. كتابين ايچيندهكى مطلبلردن فكرينى ترمجه اوزاقلانديرميش
 بارات ياواش-ياواش ايستهيىردىكى، اوروجون نه اوچون اورايا گلهمسينى
 اويرنسين. البته كى، اونو گۆرمكدن سئوينيردى، آما اونون نەدن گلهمسينى بيلمك
 ايستهيىردى. اوروج ايكي دفعه دوكانى آشاغى - يوخارى گئندن سونرا داها باشينى
 قالديريپ، پسره (تاوانا) باخماغا باشلادى. بو حالدا اونون اورهيى آرتيق پارتلاياچاق
 قدر اولاراق بوغازى توتولاتوتولا آغزىنى آچيب، دئدى كى، «قولۇ» نو
 اۆلدوروبلر. بارات اوروج ايله يولداشليغيندا بيرينجى دفعه اولاراق اونون سەسنيين
 و بوغازينين بو شيدتله توتولماغىنى گۆروردۇ. بو نئجه كلمەنى ائشيدركن، سانكى
 باراتين باشيندان بير آغير توخماق ووردولار. او «شوك» حاليندا سانكى باشينا
 بير قازان سويۇق سو تۆكدولر. او آنچاق بو جالاد حۆكمته يامان دئمەيه باشلاسين.
 بو يامان دئمەلرين ايچينده او فورصت تاپيب و اوروجدان خبر آلدى: «اونو نئجه
 اۆلدوروبلر؟»

باراتدان داها قاباق ماجرادان خبرى اولان اوروج آرتيق شوك حاليندان
 چيخيب، بو دردين و ضربەنين آغيرليغىنى تام حيسّ انديردى. بارات هله تزه شوك
 حاليندا ايدى. اوروج چوخ چتئىلىكله اۆزونو توپارلاييب و بير نئجه كلمە دانىشا
 بيلمەك دئدى: «او ايشكنجه آلتيندا اۆلدورولوب». او دا بو سۆزلرى ديله گتيرركن
 ايشكنجه ائندنلره بير نئجه يامان دئدى. آما بارات بير دلى كيمي هزيان دئمەيه
 باشلاميشدى. اونون قورخونچ رۇيالارى «قولۇ» نون حاققيندا گرچكلشميشدى. او يا
 «قولۇ» نو زيندانا گۆروردۇكى، اونا باخيب و هميشەكى كيمي مهربان باخشىلا
 گولور، و يا اونو ايشكنجه ميزينين اوستونده بوتون آياق بارماقلاريندان توتموش
 گۆز-باشينا كيمي يارالى گۆروردۇ.

سولدوزدا فدائىلر تشكىلاتينين شهر كميتهسنيين ايچينده «بارات» ايله
 «اوروج» دان سونرا هئچكيم «قولۇ» نو ياخيندان تانيميردى. اونلار شهر
 كوميتهسنيين ايجلاسيدا اونون اۆلدورولمەسنيين خبرىنى وئريب و «قولۇ» نون
 سولدوز سولچولارينين آراسينداكى يئرلىنى آچاندان سونرا هاميدان بير دقيقه سوكون
 ائتمەلرينى طلب ائتدىلر و بو سكوتون بوتون تشكىلاتين بۇلوملرينده اجرا
 اولونماسىنى ايستهدىلر. دوزدور كى، قولۇ «اقلّيت فدائىلىرى» نندن ايدى، آما بو
 سوكون ائتمك قولونون داها دا حۆرمەتىنى چوخالتدى.

بارات گیل هله اوتوروم لاریندان اؤترو اورمیده «حمزه گیلین» ائولرینه گئدیردی لر. اونلارین اوتوروم لاریندا هردن بو سؤز اورتایا گلیردی کی، اونلار یاشادیق لاری یئری و او منطقهده یاشایان انسانلاری و او منطقهنین اقتصادی، اجتماعی و تاریخی توخوماسینی (ترکیبینی) آراشدیریپ و تانیمالاری لازیم ایدی. اونلار بو ایشی گؤرمک اوچون بیر نچه یؤنده اؤز تحقیق لری و موطالیعه لرینه باشلاماییدی لار. اونلار بو موطالیعه نی «حمزه» نین رهبرلییی ایله اوچ بؤلومده دوام اندیب و تکمیللشدیرمهیه باشلادی لار. تاریخی، فرهنگی- اجتماعی و نهایت اقتصادی اجتماعی. بو حاقدا دا «اقتصادی- اجتماعی بؤلومون موطالیعه سی» باراتین عؤده سینه قویولموشدو. فرهنگی- اجتماعی بؤلومو اساساً «اوروج» عؤده سینه آلمیشدی. تاریخی باخیمدان دا اونلار او بیرری یولداشلاری، او جمله دن سویوق بولاقلی «صلاح» و «یوسف قهرمان اوغلو» و بیر نچه آیری شخصین تحقیق لرینه دایاناراق، قاراپاق ائلی نین تاریخی و سولدوز ماهالیندا یاشایان جاماعتین تاریخی آراشدیرماغا چالیشمیشدی لار.

اقتصادی و اجتماعی مطالعه اوچون بیر نچه صفحه لیک سورغولار آمار و «حسابات» توپلاماق اساسیندا حاضیرلانمیشدیر کی، اونلاری توپلاماقلا نه فقط او منطقه ده اولان فدایی لر اؤز منطقه لرینده کی یاشایان جماعتین دموگرافیک توخوماسینی اؤیرنیردی لر، بلکه اونلارین ایستک لری و فیکر لری ایله ده تانیش اولوردولار. بو سورغولارین جاواب لاری بوتون سولدوزون منطقه لرینه اویغون حاضیرلاندى. او زامان بو توپلانمیش مطلب لری بیر کیتاب شکلینده حاضیرلاماق «حمزه» ایله «بارات» ین عؤده سینه قویولدو. اونلارین ایکسی ده اؤز آرالاریندا بو ایشی بؤلدولر. بئله کی، «تاریخی- فرهنگی و اجتماعی» بؤلومونو حمزه، سونرا ایقتیصادی- اجتماعی بؤلومو بارات توپلایب یازسین.

بارات بو زامان عملده گوردو کی، بیر تحقیق ایشی آپارماق نه قدر چتین دیر. بو چوخلوقدا حاضیرلانمیش مطلب لری نجه توپلایب، تدقیق اندیب و اونلاردان دوزگون نتیجه چیخارماق نه قدر چتین ایدی. بارات یازماغا باشلاپاندا گوردو کی، هم یازماسی چوخ زامان آپاریر، هم ده اونون چوخ یاواش قاباغا گئدیر، حالبوکی «حمزه» بولدوزئر کیمی گئجه- گوندوزه سالیپ و گئجه لری اویاق قالاراق ساعاتلار بیر بیرینین دالیسینجا یازماقلا یازی ایش لری قباغا سالا بیلردی، یوخسا بو کتابین یازماسی قورتولماغا گلیردی. بیر آیا یاخین یازماقدان سونرا او کیتاب تقریباً یوز نچه صفحه آل یازما اولدو. اونلار سونرا اونو نچه جیلد آل ایله یازماغا باشلادی لار کی، اونون بیر جیلدی یوخاریدا تشکیلاتا گؤندریلسین، نچه جیلدی ده تشکیلاتین ایچینده موطالیعه اوچون ایستیفادهیه وئریلسین. بئله لیکله اونون حاضیرلانماسیندا ایشتیراک ائدن لر گؤروردولر کی، اونلارین حاضیرلادیق لاری مطلب لر ده او کیتابدا

گلیب. اونلارین دا حاضیرلاشدیق لاری مطلب سولدوزون تاریخینده قالارغی اولاراق قالا بیلر.

باراتگیل حمزه‌نین و اوزونون گوجونه بیر نئجه آیین ایچینده چوخ چتینلیکله یازدیق لاری بو بیر جیلد کیتاب هئچ فدایی‌لرین رسمی ارقانی اولان «کار» قرن‌تینده عکس اولونمادی، بلکه تشکیلاتدا بیر یئرده بیر بوجاغا آتیلیب و اونلارین نئجه آی زحمت‌لری بیر بوجاقدا بیر پتی و یا دؤشک آلتیندا قالدی. او بیرری طرفده سولدوزدا اونلارین تشکیلاتیندا بیر به‌بیر اوخونوردو. اونلار هله باسقی آلتیندا گیزلی و یئر آلتی بیر تشکیلات کیمی چالیشیردی‌لار. بو زاماندا «گنج‌لر» بؤلومو تشکیلاتیندان بیر گنج توتولاندا دولت تشکیلاتی اولان «اسلام انقلاب پاسدارلاری» اونلارین اتولرینه گنجه دوشوب او کتابین بیر نوسخه‌سینی تاپیب آپارمیشدی‌لار. باسقی‌لار آرتارکن ایکی نوسخه‌سی قالان او کیتابدان بیرری باراتین تشکیلات بؤلومونده، او بیرری ده بایرامین آلتینده ایدی. باسقی‌لار آرتارکن، بایرام او کتابی بیر پارا آیری کیتابلارلا باخچالاریندا و بارات دا اونو بیر پارا آیری کیتابلارلا حیط‌لرینده پلاستیکه بورویه‌رک قویلا‌دی‌لار. گۆرمسن، او کیتابلار یاغیش، شاختا و بورانلار آراسیندا نه بایرام‌گیلین باخچاسیندا و نه بارات‌گیلین حیطیندن داوام گتیره بیلر‌میش.

«ایران توده پارتیاسی» ایله «ایران فدایی‌لر تشکیلاتی» (اکثریت) آرالاریندا ایدئولوژیک دوشونجه‌لری چوخ یاخینلاشدیرمیشدی‌لار. اونلار سیاسی باخیمدان هر ایکسی ده دؤولتدن جیدی شکیده حیمایه اندیردی‌لر. اونلار هم ده دولتین ارتجاعی عمل‌لرینی تنقید اندیردی‌لر. همچنین بو ایکی تشکیلات بیر پروسه‌ده بیرلشمک و بیر تشکیلاتا دؤنمه‌یی دوشونوردولر. اونلارین سیاسی ایدئولوژیک دوشونجه‌لری نه قدر ده بیر- بیرلرینه یاخینلاشایدی دا، اونلارین تشکیلاتی بیرلشمه‌لری سولدوزدا راحت قاباغا گنتمیردی.

تشکیلاتین یوخاریسیندان اونلارا مسئول‌لار سطحینده اونلارین آراسیندا هفته‌لیک گۆروش‌لرین کئچیریلمه‌سینه دایر امر وئریلمیشدیر کی، اونلار فیکیرلرینی بیر-بیرلری ایله پایلاشیب و امکداشلیق ائتسین‌لر. بو مسئولیت‌لردن ایکسی باراتین بوینوندا ایدی. بونلاردان بیرری «کندلر کومیته‌سی پروگرام تۆکمه‌سی» و ایکینجیسی «شهر کومیته‌سی مسئول‌لار» سطحینده گۆروش‌لر ایدی. بارات هر ایکی حاقدان چتینلیکلرله قارشیلانمیشدی کی، اونلارین بیرینین عۆده‌سیندن آسانلیقلا گلیردی، اما او بیریسینین عۆده‌سیندن گله بیلمیردی.

«کندلر کومیته‌سی پروگرام‌لاری» بؤلوم مسئول‌لاری سطحینده اونلارین آراسیندا گنت به‌گنت درین بیر دوشونجه آیریلیغی گۆرونوردو کی، تامامیله ایکی فرقلی تاکتیک ایله فعالیت اندیرلر. بارات‌گیل و بوتون فدایی‌لر تشکیلاتی، انقلابین ایچیندن قاینامیش و میلتین اؤزلری یاراتمیش «کند خوش‌نشین‌لر شورالاری» نا دایاناراق اونلاری گوجلندیرمک و اونلاری بیر- بیر ایله ایلشکی یاراتماق و نهایت

اونلاری شهردهکی بیر دؤولت ایدارمسی اولان «یارادیجیلیق جهادی» آدی آلتیندا توپلاماغا چالیشیردی لار. بو شورالار قاباقچادان یارانمیش و چالیشیردی لار و چوخلو ایشلر ده گورموشدولر. حتا بیرچوخ یئرلرده اربابلارین بیر مقدار یئرلریندن ده آرالاریندا بولموشدولر.

«ایران توده پارتیاسی»نین بو حاقدا فیکری بو ایدی کی، «کندلیلر بیرلیکلری» یاراتسین لار. بو دوشونجهده دندی میز کندلیلرین آراسیندا چالیشقان لاری بوتون اولکهدن بیر یئره توپلا سینلار کی، اونلار بیر موسنتیل منطقه کندلیلری تشکیلاتی اولاراق اونلارین ایستکلرینی ایرهلی سورسون لر. بارات گیل دئیردی لر کی، «هر بیر منطقه نین و هر بیر اولکهنین اینقیلاب لارینین اوز اوزللیکلری وار، بیز او اوزللیکلری اویرنیب سئچمه لیبیک. بیزیم اینقیلابیمیزین اوزللیکلریندن بیر ده میلتین اوز شورالارینی یاراتماسی دیر. بیز لازیم دئیل کی، اوز ذهنیمیزده یاراتدیغیمیز تشکیلات فورماسینی بو ملته تحمیل اندک». بارات گیل بو فیکیر ایریلیق لاری ایله عملده ایشلرینی قباغا آپاریردی لار. بلکه اونلارین تشکیلاتی «توده پارتیاسی»ندان یوز قات آرتیق ایشلر گوروردو. اونلار واخت لارینی هئچ جوره ائله یالانچی تشکیلاتلار آرخاسینجا هدر ائتمه لی دیرلر.

آما بوندان داها چتین ایلیشکی اونلارین شهر کومیته سی سطحینده ایدی. «ایران توده پارتیاسی» گوندردییی هم یاشدا چوخ گنج، هم ده اونا نسبت تجربه سی آز اولان آدام اونلارلا گوروشندن گندینجه یه کیمی دانیشماغا باشلاییردی. بارات گیل اوتوروم نیظامینی دا اویرنمیشدی لر کی، هر بیر اوتورومدا اونلار دانیشاجاق لاری نئچه موضوعو هر بیرینه بللی بیر زامان تعیین ائدیب و اونون حاققیندا هامی دانیشانان سونرا قرار وئیریردی لر. بو جوجه گلندن هئچ کیمه قولاق آسمایاراق اوجا سه سله گندینجه یه قدر دانیشیردی. باراتدان قباق اوروچ اونونلا گوروشوردو کی، بونا گوره دیله گلیب دالیبا چکیلمیشدی، ایندی بارات بو چیخیلماز وضعیتین ایچینده قالمیشدی. «ایران توده پارتیاسی» اوز آدام لارینا بئله دئمیشدی: بیزیم آماجیمیز «فداییلر»ین فیکر و ذهنینی ده ییشمک دیر، اونا گوره اونلارلا او قدر دانیشیلمالیدیر کی، اونلاری اوزلرینه فیکیر داش ائتسین لر. سولدوزداکی لار هم ساواد، هم ده باجاریق و تجربه باخیمدان «فداییلر» تشکیلاتیندان گئری ایدی لر. فداییلر تشکیلاتیندا اولان و «توده»چی لرده چوخ آزاراق گورونن بیر اوزللیک وار ایدی کی، او دا اوز ایستکلرینه عشق و اینام ایدی. اونا گوره بو یولدا فداکارلیغا حاضیر اولمالاری ایدی. اونلارین سولدوزدا فداییلر تشکیلاتیندا اوزلرینه یئر آچا بیلمه ییب و توده پارتیاسینا گئتمکلرینین بیر سببی ده بو ایدی کی، «توده چیلر» ایناملی و فداکار دئییلدی لر. باراتین هفته ده ایکی ساعات «ایران توده پارتیاسی شهر مسؤل»نو گورمه سی سانکی ناچارلیقدان ایشکنجه آلتیندا اولماغینا دوزمه سی دئمک ایدی.

بو فاصیلده «حمزه» سولدوز تشکیلاتیندان گۆتورولدو. باراتگیلین بیلدی یی قدر اونی تیریزه گۆندردی. باراتگیل باشا دوشدولر کی، اونلارین ائولرینه اورمیّه امنیتی مامورلار تۆکولموشدولر کی، اونی اورادا تاپا بیلیمیشدی. بیر داها سیروس اورمیّه تشکیلاتی طرفیندن اونلارلا ایلیشکی یاراداراق اونلار دئی کی، بو ایلیشکی کئچجی دیر و بیر آیری شخص سونرا سولدوز تشکیلاتینا گۆندهریلهجک. باراتگیل هم حمزه، هم ده سیروس ایله ایشلمکده چوخ راحت ایدی. اونلارین دوشونجهلری و سیاسی تشکیلاتی باجاریقلاری و دوشونجهلری بیر- بیرلرینه یاخین اولاندان سونرا بیر- بیرلرینه یاخشی بیر «فدایی لر سایاگی» احتیراملاری دا وار ایدی. اما باراتا دایم بو سوال یارانیردی: «نهن تشکیلاتین یوکسک بۆلومو بو قدر خطر و زحمته دۆزور کی، بیر نفر اونلار تای بیر کسی اورمیّه دن و یا تبریزدن مسؤل گۆندرسین؟ نهن اونلارین اۆز ایچلریندن بیر نفری بو ایشه تعین ائتمیر؟» آنجاق خیدمت گۆسترمیه و عۆمورلرینی بو یولدا صرف ائدن عوضولر بو سورغولارین دالیسینی چوخ تۆتموردولار.

باراتین باجی لاریندان ترلان ائولندن سونرا تهرانا کۆچوب گئئدی. هوشنگ اورادا بیر پارا ایشلرده چالیشیب و بیر تکه چۆرک تاپیردی. اوندان قاباق دا باراتین باجی لارینین ایکسی ده تشکیلاتدا چالیشمالارینا گۆره، اونلارین ائولرینه چوخلو قیزلار گۆروشه و تشکیلات اوتورملارینا گلیردی. بارات اونلارین چوخلارینی تانیمیردی. او، هردن اونلار ائولرینه گلنده اونلاری گۆرنده هر بیر سوبای گنج کیمی یالیز اونلاری گۆروب خوشلانیردی. بارات شهر تشکیلاتینین مسؤلاریندان اولدوغو اوچون اونلارین چوخونون آدلارینی ائشیتیمیشدی، اما هله قیافه لرینی گۆرمه میشدی. بو گۆروش لر، او ائشیتدی یی آدمالار انساننی چۆهره وئریردی. او بیربه بیر بونلاری تانیماغا باشلا بیردی. اونا بو قیزلارین بیر سیراسینا نسبت هئچ بیر گنجلیک هیجانی و عاطیفه لی حیس یارانا بیلیمیردی، اما بعضی لریندن بو باخیمدان خوشلانماغا باشلا بیردی. بو پروسه ده اونون خوشلانماق حلقه سی یواش-یواش دارالیب و اونون خوشلاندیغی قیزلار اوچ- دۆرد نفر آراسیندا آزالمیشدی.

باراتین باجی لاری «کار» قزئتینی سولدوزا 1360 جی ایله «اورمیّه» دن گئتیریردی. اونلار چادرالاری باشلاریندا اورمیّه گئدیپ و اورادان قاباقجا تعین اولونموش یئرلردن- عادتاً ماغازالاردان - اونی آلیب قاراؤدا اوتوبوسا مینیپ، اورادان سولدوزا گتیریردی. «ترلان» ایله «مارال» - ایکسی ده بو ایشی نوبه ایله گۆروردولر. باراتگیلین ائولرینه چالیشقان فدایی لر آن خطرلی ایشلری چوخ زامان اۆزلری گۆروردولر. «ترلان» تهرانا گئنددن سونرا بو ایشین آغیرلیغی «مارال» ین بوینونا دوشموشدو.

«بارات گیلین تشکیلاتیندا اونلارین «گنجلر» بۆلومونده ھمیشە چوخلو موشکوللری وار ایدی. بو موشکوللر ھئچ زامان قورتولماغا گلמידی و تشکیلاتین «گنجلر» بۆلومو اۆزو بو موشکوللری چۆزمکده اوغورلو اولو بیلیمیدی، اونا گۆره اونلاری «شهر کومیتەسینه» گتیریدی. بارات گیل ده آرتیق اونلارا ماحمودلا «نه ایش گۆرسونلر»، «نه ایشلر گۆرمەسینلر» - دئمکدن بزمیشدی.لر.

«بارات» خوشلانیدیغی قیزلاری ھله یوخلا بیردی، گۆرسون کی، بیرینی سئوسه، او قیز کیم اولو بیلر. او اورەینە یاتما یان قیزلاردان ایکی- اوچونو اۆنجه دن قیراغا قویموشدو. او بیریرلرینن ایچینده ایسه ایکی- اوچونون آراسیندا بیرینی سئچمک اوچون اۆز ایچینده یاریشیردی. اونلاردان سونرا اورتادا قالانلارلا نسبت آلا یاریمچق نظری وار ایدی. او، اۆز موطالیعەسینی داوام ائدەرک بئینینده بو فیکیر «اگر بونلارین بیریلە بیر گون ائولنمک ایستەسه، او قیز کیم اولو بیلر؟» دولاشماقدا ایدی.

قیزلارین ایچینده بیریری وار ایدی کی، چوخ گۆزل اولدوغو اوچون ایکی-اوچ اوغلان اونا نیسبت اۆز سئوگیسینی تشکیلاتا بیلدیرمیشدی، باراتین اوندان خوشی گلسه ایدی ده، اونو دیلینە گتیرمەیی و اونو ایستەمکده آیاق قاباغا قویماسی، تشکیلاتین ایچینده آیری جور سەسلەنە بیلیردی، اونا گۆره بارات اوندان گۆزونو چکەرک واز کئچدی.

بیر گون «اوختای» سربازلیقدان مازونیتە (مرخصی) گلیدی زامان بارات گۆردو کی، او، باراتین خوشلانیدیغی قیزلارین بیرینە رساملیق اۆیرەدیر. اونلارین بیر-بیرلە آنلاشمالاریندان بارات حیس ائتدی کی، اونلارین آراسیندا رساملیق اۆیرنمکدن داھا آرتیق بیر ایلشکی واردی. بارات تنز آیاغینی دالییا چکیب و اوندان دا واز کئچدی. باراتدا بیر قیزا قارشى کۆنلوندە بیر محبت حیسى اویانسایدی دا، او حیسى گۆسترمکده چوخ چکینگن گۆرونوردو. بارات بو حاقدا اۆز آلینى آچیق ساخلامیشدی.

بارات گیلین ائولنمک یاشلارینین دولما زامانی اونلارین ھئچ بیریری بو ایشە لازیم اولان شرایطە مالیک اولما ماقلا یاناشی، ھله اونلارین دوشونجه سینه ده بو شئیلر یئر آلمیردی. اونلار بیلیمیدی لر کی، دوشونجه لرینین چرچیوه سیندن ائشیکده اونلارین رعایت ائتمەلی بیر چوخ عنعنەلر و شرطلر واردیر. اونلارین تشکیلاتلاری بو تشریقاتی عنعنەلرە ھئچ بیر «آلترناتیو» تاپا بیللمەمیشدیر. بونلار او شرایطە یاشایارکن، اونلاری نظره آلمالیدیرلار. باراتین حتا ذهنیندن ده ائولنمک اوچون اونون گرک ایشی و گلیری اولماسی مسالەسی کئچمیردی کی، اۆزو ایله قوراجاغی عایلەنین باشینی دولاندىرا بیلسین. آما او «تشکیلاتی» مسؤلیت لرینە باخارکن، بو مسالە چوخ آز اهمیتلی گۆرونوردو.

بیر گون اونلارین بیر شهر کومیتہ‌سینین ہفتہ‌لیک کنیریلن اوتوروموندا «ماحمود» ہمیشہ‌کی کیمی «تشکیلاتین گنج‌لر بؤلومو» نون موشکول‌لرینی سایماغا باشلارکن چوخ جیدی شکیلده بو مسالہ‌نی اورتایا قویماغا باشلادی کی، «گنج‌لر بؤلومو» نده «نیگار» ین آتاسی اونا سولچو اولدوغو اوچون چوخ تضییق گؤستریب، تکجه اونون تشکیلاتدا خیدمت ائتمہ‌یینین قارشیسینی آلمیر، ہم ده اونو او قدر اذیت ائدیر کی، او جیسمی، خصوصیلہ ده روحی باخیمدان چوخ اذیت چکمکده‌دیر. او، آشکارجا «گنج‌لر تشکیلاتی» نین جان توتماسینی بیر طرفدن «نیگار» ین اورادا واخت قویا بیللمہ‌سینه، او بیرری طرفدن ده اونون شهر کومیتہ‌سینده اولماقلا بو چتین وضعیتدن چیخماسینا باغلادی و بئله‌لکله ده او طبیعی اولاراق زیندانا دؤنموش ائودن چیخا بیلر. او آخیردا بئله تکلیف ائتدی: «شهر کومیتہ‌سینده بیر کس واردیر کی، اونولا ائولنمہ‌یہ حاضیر اولسون؟»

او اوتورومدا «شهر کومیتہ‌سی» نین عوضولری بیر باشدان بو سورغونون قباغیندا جواب وئرمہ‌یہ باشلادی‌لار. سیروس بیر باہانا گتیریب اؤزونو کنارا چکدی. چؤرکچی‌خانادا چالیشان «اوروج» دا بو ایشی گؤره بیللمہ‌یہ‌جہ‌یینی بیلدیریب دندی کی، اونولا یولداشلیغی وار، اما اونولا ائولنمہ‌یہ هئچ بیر حیستی یوخدور. حتا ماحمودون اؤزو ده عینی شرایطده اؤزونو قیراغا چکدی، حالبوکی ایش و گلیر باخیمدان هامیدان وضعیت یی یاخشی ایدی. سوندا سیرا باراتا چاتمیشدیر، او دا دؤنوب دندی کی، «نیگاردان پیسی گلیمیر»، چونکی اونون سئوگی حیستی اولسا دا، دندی‌یمیز سببلره گؤره قیراغا قویدوغو قیزلاردان سونرا نیگار ایکینجی دستہ‌نین ایچینده یئرلہ‌شیردی و اونلارا نیسبت ده هئچ بیر قرار وئرمہ‌میشدی.

بارات یالینز اونلاردان خوشلانیردی، داها بو حیس اونلاری سئویب ائولنمہ‌یہ حاضیر اولاجاق قدر دئییلدی. بارات بیر تشکیلاتی مسئولیتی گؤره بیلسه ایدی، اونو دانمادان چوخ تنز بوینونا آلاردی. بو ایشده اونون سئوگیسی هله یارانمقدایدی و جیدی قرار وئریلمہ‌جک سطحده دئییلدی. او بیرری عوضولر «شهر کومیتہ‌سینده» تامامیلہ بو ایشی بویونلاریندان آتدیقلاری شرایطده باراتین «پیسی گلہ‌مہ» سی او بیرری‌لره گؤره موثبت بیر حال ایدی. بارات نیگارلا گؤروشوب، بیربیرلرینی سینامالی ایدی‌لر کی، گؤرسون‌لر بیر-بیرلرینہ قارشى سئوگی حیستی یارانا بیلر یا یوخ. اونلار بیربیرلرینہ آرتیق تانیشماق و سون فیکیرلرینی دئمک اوچون قرارلاشدی‌لار.

بارات‌گیلین ایکی آیلیق گؤروش‌لرینده اؤنجه بو ایشدن «شوک» اولان «نیگار» سونرا ائولنمہ‌لرینہ قرار وئردی. اونلار ائولنمک پلانی نی حاضیرلاماغا باشلادی‌لار. بارات ائولنمہ‌یی یالینز «اونلارین ائولرینده بیر-ایکی گئجه هامی توپون باہاناسینا توپلاشیب و گئجه‌نی سحرہ قدر «یالی» گئده بیلسین‌لر» کیمی تصور ائدیردی. باراتین توی اوچون توپوق آتی و دویو موشکولو حل اولاندان

سونرا اونون خيالى راحت اولموشدو كى، هر شئى اؤز قايداسيندادير. اونلارين بيشميش اوچون بير قوتو بئش كيلولوق ياغلاريني صالح كنددن گتيرميشدى. بارات بو حاقدا «نيگار» ين قارداشلا دانيشاندان سونرا بير تشكىلاتى مسئوليت كيمى يولونو بولوب و اونا چاره تاپدى. اونلارين كؤنول راضيلقلاريني آلميشديلار. بارات گيل نيگارلا بو ايشه راضيليق وئردى. اونلار آتا-آنالارين راضيلغيني دا آلميشدى لار.

بارات بيرينجى دفعه اولراق عؤمرونده جيڭى شكيلده بير قيزلا ائولنمك حاققندا دانيشماغا باشلاميشدى. اونلارين ايكيسينين ده آراسيندا بئله نظره گليردى كى، «بارات» آياغين قاباغا قويوب، نيگاردان ايستهيب كى، گؤرسون، اونونلا ائولنه بيلر يا يوخ. بير-ايكى آيدان سونرا او دا موساعيد و مثبت جواب وئرنن سونرا داها آيرى شئلىرى دوشونمەن و يوخلامدان قرار وئردى. بارات گيلين خانوادەسى طرفيندن رسماً بيرى نيگار گيلين خانواده سینه خبر وئرسين. سونرا دا اونلار ايلچى گنتسينلر.

بارات اؤزو نيگارين قارداشينا بو مسالەنى خياباندا قدم آتالما آچيقلادى. اوندان سونرا باراتين دايبسى گيل اونلارلا ائيلچىلبيە گنديب، نهايت موساعيد جواب آلدان سونرا اونلار بير داها توى يولا سالماق تداروكونو گؤرمەيه باشلادى لار. اونلار قوناقلق يئمكلرينى چوخ راحتليقلا تداروك گؤره بيلدى. اونلار چوخ شئلىرى اؤز دوكانلاريندان گتيردى. يولداشلاريندان بيرى «تغى» اونلارين يئمكلرينى گؤره بيلهجك چوخلو سهميه تويوق آتى گتيرميشدى.

بارات گيلده بير داها دا توى اوچون قازانلار آسيلدى. اونلارين بوتون يولداشلارى بو فورصتدن اؤترو لحظهلىرى ساييردى لار، چونكى اوغلانلار و قيزلار بير يئره توپلانيب و ياللى گندهجكلر. بو جور شرايط «اسلام» دينين محدوديتلرينه گؤره چوخ آز يارانا بيلير. اونا گؤره يارانان زامان بوتون جاوانلار اؤزلرينى بزهديب و اورادا بير-بيرلرينه گؤسترمك ايستهيirdى لار.

تويدان قاباق «نيگار» ائولنمك حاققندا كولتورل و فرهنگى مسالەلىرى باراتدان داها درين بيلديى اوچو اونا دئدى كى، «تويدان قاباق، اونلار اورميه خريده گنتمەليدى لار. گلبنه قيزيل و پارچالتار آليماليدير. اونون باجىلاريندان دا بيرى گلير، بارات گيلين عايله سيندن ده بير بؤيوك گلەليدير. باراتين قويور-زويور آماغا داها پولو-زادى يوخ ايدى، بونو دا بيليردى اونلارين ائوينده بير كس اونا كؤمك ائتمەيهجك، چونكى اؤزو بو فيكىرى ائديب و قرارا گلەميشدى. باراتين جييينده اولان بئش-اوچ تومن پول ايله اؤزونو اورميه گنتمەيه حاضيرلاميشدى. او اؤز دوشونجه سینه اساسلاناراق، دئيردى كى، «بيز سولچولار بو مادياتدن آل گؤرتورمەلييك. بير دست پالتار و بير اوزوكدن سونرا هئچ بير شئى آماق لازيم دئييل». بو فيكير ايله گنديب، اؤز ذهنيده بوتون «مادى» كولتورون قاباغيندا

دايانيردى. بيلميردى كى، «نيگارين» ذهنيده نه كنجير و اونلارين عايلهسى نه جور دوشونورلر. بوندان سونرا هر شئى دوشوننده نيگارين دا فيكرينى اويرهنيپ اوز قرارينا قاريشديرمالى ايدى. هر حالدا بو فيكييرلرين ايچينده ايدى كى، «ماحميد» اونا ياخينلاشدى و دئدى: گل، سفنه اولما. بو بنش مين تومنى آل و اورميهن دوز-عمللى بير شئيلر آل». «ماحميد» دا، گورونوردو كى، بو مساله حاققيندا باراتدان داها آرتيق بيليردى و اوندان چوخ گنرچكليكلىرى گوروردو و او بير دبیر اولدوغو اوچون آلى جيبينه ده گنديردى.

يئنه ده توى باشلاندى. يئيپ -ايچيب، چاليپ - اوينايب و اوخوماق ايكي- اوچ گون داوام اندندن سونرا اونلارين ايكيسى بير هفتهليك بال آيى تعطيلاتى اوچون تهرانا گئتدىلر و اورادا سمس- صدادان اوزاق «ترلان» ايله «هوشنگ» ين قوناغى اولوب دوندولر. بو دؤنمهن سونرا داها اونلار راحت تشكيلاتين شهر بولومو و قادينلار بولومونون اجلاس لاريندا ايشتيراك انده بيليردىلر. بونلارين بير عايله اولدوق لارى اوچون تشكيلاتين اجباراً قيزلار و خانيملار آغالارى ايله بير يئرده اولمالى بولوملرده راحت ايشتيراك انديردىلر.

«حمزه» گئنددن سونرا اونلارين تشكيلاتينا گلن سيروس اونلارا دئميشدى كى، اوزو اورادا موقتىدير. او ضمناً بو فاصيلهده اونلارا دئدى كى، «تبريز» دن اورمييه گلن تشكيلاتين مسؤلو، سولدوزون تشكيلاتيني گورمك و اوزو اونون هفتهليك اوتوروم لاريندا ايشتيراك ائتمك ايستهير. اونون آدى «يولداش كاظم» دير. هامى بيليردى كى، «كاظم» اونون اصلى آدى اولمالمالى ايدى. اونو گورميه و اونولا تانيش اولماغا اوزلرينى حاضيرلاييردىلار. نهايت بو قدر اونلارلا فوتبال توپو كيمي بو طرف او طرفه آتاندان سونرا بير نفر بيرباشا تيريزدن گليب و اونلارلا ايليشكى قورور.

«كاظم» سولدوزا گليب و هميشهكى كيمي، اونلارين شهر كوميته سينين اجلاس لارينين كنجيريلدى يئرده - ماحمودون ائوينده گوروشدولر. آن كيچيك حركتى گؤستريردى كى، هر مسلمان حاققيندا بير تحليلى حركت اندن او شخص چوخ دوشونن و ديسيپلينلى بير اوغلان ايدى. اونون دائماً فيكييرده اولماسينا گؤره ده اونون گولمه ييني چوخ آز گؤره بيليردين. او قلبى نازك اولسايدى دا، حيسياتين چوخ گؤستميردى. اونلارين ايليشكى لرى اونا گؤره جيڭى و تشكيلات يولداشليغى چرچيوه سينده قاليردى. حالبوكى «كاظم» دان سونرا اونلارين اوزلرينى تكجه «تشكيلات» يولداشى دئييل، بلكه معمولى يولداش دئييب و ظارافات ائديب - گولوردولر، بير- بيرلرينه ده دولاشيرديلار. «كاظم» اونلاردان بير نئچه ياش بويوك اولسايدى دا، چوخ تجروبه لى و جيڭى نظره گليردى. اونلار هئچ موشكولو قاباغا گلمه ن، «كاظم» ايله ده تشكيلاتى ايشلرينه داوام انديردىلر.

منطقه هله کوردوستانا دایاندیگی و او منطقهده کوردوستان نیظامی قۆملری گئجهلری یوللاری کونتروللا آملالاری اوچون بیر آخشام «کاظم» اورمیهدن سولدوزا گلنده قارائلیق دوشنده یوللاری «کوردوستان دموکرات پارتیاسی پیشمرگه‌لری» کونتروللا آلمیشدی.لار. اونلار اتوبوسو ساخلایب و اونون ایچینه «دولت امنیّت آدام» لارینی آختارماغا باشلامیشدی.لار. اونلار کاظم شک ائتمه‌میشدن اونو بوراخمیشدی.لار و اتوبوس بیر ساعات گنج سولدوزا گلیمیشدی و «کاظم» دا باشینا گلن اولایدان سئوینجده هیجانلی ایدی. اما اونون هیجانینی یالنیز بارات‌گیل سئجه بیلیردی.لر، چونکی اونلار بیلیردی.لر کی، «کاظم» نه قدر حیسیاتین گۆسترهمه‌مکده جیدی ایدی.

بونلار و ایران توده پارتیاسی نه قدر ده کی بو دۆلتن آرتیق حیمایه اندیردی.لر، او قدر ده اونلارین اوستونه تضییق آرتیردی. او بیرری سولچو و غیر سولچو موخالیف سیاسی تشکیلاتلار بیربه‌بیر دارماداغین اولموشدولار. بارات‌گیل امیدلری وار ایدی کی، اونلار بو دۆلته کۆمک ائتمکله اونلارا گۆسترسین.لر کی، اونلار اورکدن اونلاردان حیمایه ائدیپ و اونلارا کۆمک ائتمک ایسته‌بیر.لر. اما بیر سیاسی گوجلر حرکت حۆکومتین ایچینه یالنیز اونلاری داغیدیپ و یوخ ائتمک ایسته‌بیردی. بو ایستکه «دوینا سویوق ساواش» ایچینه «باتی» (غربی) دۆلتلری، خصوصاً، «آمریکا» ایستکلرینه بیرینجی مساله بوتون سولچو تشکیلاتلاری داغیلتماق اولوردو. بو بیرری طرفدن ده منطقهده کوردوستان نیظامی قۆملری ایله دولت قۆملری آراسیندا ساواش کئچیردی. «ایران» ایله «عراق» دولت‌لری آراسینداکی ساواش دا شیدت ایله داوام ائدیپ، گونده‌گونه شهره شهیدلرین اولولرینی گتیریردی.لر. اونلاری شهرده تشییع اندرکن دۆلتن امنیّتی آدام‌لارین قانلی گۆزله‌رین بارات‌گیله باخیشلاری گۆستریردی کی، «سیزین ده نوبتیز چاتماقدادیر».

بو چتینلیکلرین ایچینه بارات‌ین کیچیک باجیسی «مارال» سولدوزون سهمیه‌سی «کار» قزنتینی گیزی اولاراق اورمیهدن گتیریردی. بارات‌ین بیر گون ایکی کیچیک قارداشی «امنیت» تشکیلاتلاری ایله چالیشان بیر دوستونون قارداشلاری اونا دئمیشدی.لر کی، «امنیتی قۆملر» بیلیر.لر کی، بارات‌ین باجیسی قزنتلری اورمیهدن گتیریر. بارات بو مسالهن خبری اولارکن فیکر انلهمه‌دی کی، اونلار بو تنزلیکهده میدانا گیر.لر. اۆزویله دوشوندو کی، بو هفته «شهر کومیته‌سی اوتوروموندا بو مسالهنی موداکیره انلهمین کی، بیر آلترناتیو یول اونا تاپیلین». هفته آخیری اوتوروما اوچ دۆرد گون قالدیردی. بو آرادا «مارال» بیر دفعه ده اورمییه گئدیپ و اورادان قزنتلری گتیرمه‌لی ایدی.

مارال بو دفعه اورمییه گئدیپ - گلمه‌لرینه بیر نفر اۆز اونیورسیته اویرنجی‌لری ایله تانیپ اولور. اونلار مارالا قزنتلری تحویل وئریردی.لر کی،

سولدوزا گتیرسین. «مارال» ایله «محسن» - ایکسی ده بیربیرلرینی اونیوئرسیتهدن آزاراق تانییردی لار. اونلار بیربیرلرینی گوررکن گوزلری بیربیرلرینه ساتاشاندا ائلکتزیک کیمی بیربیرلرینین بوتون جیسمینی اریتمهیه باشلییردی. مارال بلکه ده انله اونا گوره بوتون بو خطرلری - هر هفته بوتون شهرین قزئتلرینی گیزلی شکیلده اورمیهدن قورخمادان شوقیله گندیب گتیرمهی - بوینونا آلیردی.

مؤحسن گیلین دوکانلاری بیر دار خیاباندا شهرین دوز اورتاسیندا یئرلشمیشدی. اونلارین ثابت یئرلری و موشتی لری اولوقلاری اوچون دوکانلارینا گنتگل چوخ ایدی. مارالین دا اورایا گنتمهسی و اونلارین دوکانلارینین ایچینده بیر نچه دقیقه دولانماسی و بنله تظاهور انتمهسی، یعنی او دا بیر شئی آماغا گلمهسی گوزه عادی گلیردی. اورادا دولانارکن، قزئتلردن چوخ او مؤحسنو گورمک ایستهیردی. مؤحسن ده تنزتنز موشتی لری یولا سالیردی کی، تنز مارال ایله دوکاندا تک باشلارینا اولماق اوچون فورست تاپسین لار. اونلارین بیربیرلرینی گورنده دیل لرینین توتولماسی و اوزلرینی ایتیرمک لری بیرینجی نیشانه اونلارین بیر- بیرلرینه علاقه تاپماقلاریندان ایدی. اوندان سونرا مؤحسنون بوغازی سولانیب و بیر سرین تر اونون اوزونو باسیردی. اونون گوزلری مارالین گوزلرینه ساتاشاندا، قوللاری سوستلانیب ایختیاری آلدن گندیردی. مؤحسنون اونو اورهیینده سئومه سینی بیلین مارال اونون بو حیسلرینی ده گوروردو، اما اوزونه گتیرمیردی. اونون بیر یاریمچیلیق گولوشلری مؤحسنو داها ایختیاردان چیخاریردی کی، بیر گون مؤحسنون اونون دوداغیندان بیر قاچاراق اویوش قاچیردی. آنجاق او زامان ایدی کی، مارالین اوزو قیزاردی و یئنه ده گولومسهیب و قزئتلری چادرسی آلتیندا گیزلهدیب، سونرا دوکاندان انشییه چیخدی. اونون دوداقلاری آلوو کیمی یانیردی. او چوخ اورکدن سئوینیردی کی، مؤحسنون اونو ایستهیر و اودا اوندان خوشلانیردی.

اونلار گلن دفعه گوروشلرینده بو حاقدا دا بیر آز اچیق دانیشیب و اوز ائولرینده بو موضوعون اورتایا قویماغا باشلادیلار. مؤحسنون باجی لاری و عایله سی اونو داها نچه مرتبه دوکاندا گورموشدولر. اونلار او زامان ماجرادان خبرلری اولدو کی، مارال نهایت مسالهنی آناسیلا آرایا قویدو. مارالین آناسی مؤحسن گیلین حاققیندا بیر میقدار بیلگی آاندان سونرا بو مسالهنی سولئیمان ایله آرایا قویدو. بونلارین ائولرینده اونلارین آتالاری یئرینده اول مرحله سولئیمان دانیشار و قرار وئرردی. او قبول ائتدیکدن سونرا اونلار مارالین آناسی ایله دانیشدی لار کی، او دا قاباقچادان هامی قبول ائتدییه مسالیه بیر داها آخیر تایید مؤهورو وورسون.

گون او گون اولدو کی، مؤحسون گیلین عایله لریندن اونلارین ائولرینه ائلچیلییه گلدی لر. اونون بؤیوک عمیسی، دایبسی، آتانااسی و باجی لاریندان بیر-ایکی نفر گلمیشدی لر. همیشه کی کیمی، تویدان آنجاق چالیب. اوخوماق بیلن بارات گیل شام یئییب و دانیشانان سونرا سؤز اوخوماغا باشلادی لر. بیر نچه ماهنی اوخویاندان سونرا قوناق لاردان دا ایستهدی لر کی، اونلار دا اوخوسون لر. مؤحسونون باجی لاری ایچینه «شلاله» او بیر یلردن داها تجروبه لی و ایجتماعی نظره گلیردی. او دایبسی ایله بیر نچه کلمه دانیشانان سونرا قوناق لار دا اوخوماغا باشلادی لر. «جاده چول و سه بر بو»، «کات پاییز بیانی». سحرچاغی پاییزین سرینلیبینه بیر موسافیرین یولا چیخماغینی تصویر ائدن بو گؤزل کوردو شعر اونلارین اورکلرینی چوخ مولاییم بیر شکیلده غمگین و عینی حالدا دا دینجلیدردی. بو شعرلر و سؤزلر اونون دایبسینین چؤهره سینده کی بیر چتینلیک چکمیش فیکیرلی اینسانین دوشونجه لرینی یئتیرن قیریش لارلا چوخ او یغون گلیردی.

اونلارین ائلچي گلمکلریندن چوخ زامان کئچمه دن باراتین یولداشی اونا خبر گئتیردی کی، اونون باجیسین اورمیهدن قزئتلی سولدوزا گتیرمه سینی بیلیرلر. بلکه اونو تک باشینا سولدوزدان اوتوبوسا مینده گوروب و شک اندیب، سونرا دایبسینا دوشوب و بیلیمیشدی لر کی، هارایا گئدیر. باراتین بو مسالهنی چوخ اورژانسی حالدا جیدّی توتماغی و بئله بیر فیکیر - اونلار گلیب و بیر ایش گورمه دن قاباق، اونلار بو مسالیه بیر چاره قیلمالی دیرلار - باشیندان کئچمه سی سبب اولدو کی، اونلار هفته سونو اوتوروم لارینا قدر گؤزله سین لر.

یایدا گونلرین اوزون اولان زامانی مارال اورمییه گندیب و قزئتلی گتیرنده همیشه هاوا ایشیق اولاندا گلیب و سولدوزا یئتیرردی. بو گون هله هاوا آز قالیردی قاراللیق اولسون و هله مارالدان خبر یوخ ایدی. هاوا تزه قاراللیق اولاندا اونلارین ائولرینده هامیدان آرتیق موضوعو بیلین بارات نیگاران ایدی کی، بیر حادثه باش وئره بیلر. اونلار ها گؤزله دی لر، مارالدان بیر خبر اولمادی. هئچ کیمدن بیر سهس چیخمیردی. اونلارین هامیسی نیگاران اولوب سهسلرینی ده چیخارمیردی لر. اونلارین نچه تکه شام یئمکلری ده چتینلیک ایله بوغازلاریندان گتندی. بو حالدا اونلارین قاپی لاری دویولمه یه باشلادی. بارات ایله آناسی قاپیا طرف گتندی لر و قاراللیغین ایچینه باراتین همن (قارداشلاری «امنیت» ایداره سینده چالین) یولداشی قاپیدایدی. او دؤنوب و بارات گیله خبر وئردی کی، «مارالی اورمیّه یولوندا قزئتلر آلینده اوتوبوسدا توتوب لار». بارات گیل داها بیلمه دی لر کی، سولدوزدا ساخلا بیرلار و یا اورمیّه زندانینا آپاریلار. سیخنتی و فشار داها بارات گیلین ائولرینین ایچینه گلیردی. اوختای» عسگرلیک خیدمتینده و او بیر طرفدن «مارال» توتولوب و زینداندان ایدی. «مارال» بین آناسی داها یئرینده دایانا بیلمه دی. او ائوین ایچینه گندیب و چادراسینی باشینا آتیب ائشییه چیخدی.

«ه‌ارا گ‌نديرسن؟» دئيه سوروشاندا دؤنوب دئدى كى، «گ‌نديرم سيباه‌ا، گ‌نديرم كوميت‌ه‌»، گ‌نديرم گ‌وروم قيزيم ه‌اردادى. او داها ه‌ئچ آيرى بير زادا فيكرلشميردى، آنجاق «قيزيم ه‌اردادى؟» و «منيم قيزيم ساغلامدى يا يوخ؟»

بارات دا اونون داليسينجا دوشوب چاليشيردى كى، اونا بير آز «سيپاه‌»دا كيملر وار و نئجه بير يئر اولماسى حاققيندا بيلگى وئرسين. اونون بير آز خيالى راحت ايدى كى، سولدوزدا اونون اؤزونه نيسبت آناسينا داها راحت بيلگى وئرلر. بونا گؤره آناسينين قاباغا دوشمه‌سيندن ده ناراضى دئيلىدى. اونلار ه‌ئچ بيلمه‌ ديلر كى، نه زامان اورايا يئتيشدىلر. سپاهين ايچينه گ‌نتمك اؤزونه خطرلى بيلن باراتين ائشيكده بير يوز متر آراليدا داياندى كى، آناسى گ‌نتسين و اورادان «مارال»ين زنداندا ساخلانماسينى و يا اورادا اولماماسينى خبر آلسين. ياريم ساعاتدن بير آز چوخ كئچندن سونرا «خاور باجى» سپاهين ايچيندن ائشيه چيخدى. او ه‌ئچ بير خبر آلا بيلمه‌ميشدى. اونا يالئيز دئميشدىلر كى، «قيزين بورادا دئيلىدير».

آناسى يولدا گلركن آز دانيشيردى، اَما تنزتنر نفس چكيردى. او اؤز ايچينه جوموشدو. مين بير خيال بئنيندن كئچيردى. آنجاق آغزيندان بير كلمه چيخدى: «گ‌ندك كوميت‌ه‌». بارات دا دؤندو و دئدى كى، «كوميت‌ه‌نين باشيندا اولان «موللا داننده»نين ائوى بيزيم ائوين ياخينليغيندادير. گ‌ندك اونلاردان خبر آلاق. او قونشو و كوميت‌ه‌نين باشى اولدوغو اوچون راحت بيلگى وئرر و آليندن بير ايش گلسه، بلكه قانع اولدو كى، گؤرسون.

بير يول «گادار باشى» و «سويوق بولاق» جادهسى يولوندان بير داها بارات‌گيلين قاپيسينا قدر گلن آنابالا بير داها دا فوتوحى خيابانينين آخيريناجان گ‌نديب و قديمكى «پهلوى» مدرسه‌سينين يانيندان سولا دؤندولر كى، اورادان بير نئچه يوز متر يوخاريدا كوچه‌لرين بيرينده «موللا داننده»نين ائوينه گ‌نتسينلر. «موللا داننده‌نين شخصيتى تاماً آدينين ضيددى ايدى. بير اوزاق كند موللاسى اولراق بير خيرداجا بئلى كوششكى بير كيشى اولان «داننده» شاه‌ا يامان دئيبى اوچون «اينقيلابچى» آدلانديرليپ، سولدوزدا «ايسلام انقلاب مودافيعه كوميت‌ه‌سى»نه باشچى تعيين ائديلميشدى. او بير آدم ايدى كى، اگر قهوه خانادا چاي ايچنده سنين يانيندا آيلشسه ايدى، تنز چاين ايچيب قاچاردن كى، اونون اوزونو گؤرمه‌مهن و يا آنلامسيز سؤزلرينه قولاق آسماياسان. ايندى بو آدامين قاپيسينا گ‌نديرديلر كى، «مارال»ين ه‌ارادا اولماسينى اوندان خبر آلسينلار، هله اوندان دا اونون بوراخيلماسينا كؤمك ائتمه‌سينى ايسته‌سينلر.

«موللا داننده»نين قاپيسينا يئتيشندن ه‌اوانين قارائليغيندا بيردن گؤردولر كى، كوچه‌ده و ائشيكده ايكي «كوميت‌ه‌چى» كئشيك وئرير. اونلارلا دانيشيب و گؤجله باشا سالدىلار كى، يالئيز باراتين آناسى گ‌نديب و اونو گؤرمك ايسته‌مير. اونلار «زنگى باسيپ» خبر وئرندن سونرا ايذن وئردىلر كى، «خاور باجى» ايچهريله

گنتسین. قاپی آچیلارکن بارات گوردو، موللا داندهنین قوروماق اوچون حیطین ایچینده ده ایکی کومیتەچی کنتشیک وئریر. باراتین آناسی ایچەرییه گیردی و موللانی گوروشونه گتتدی.

اونون آناسینین ائشییه چیخماسی یئنه بیر یاریم ساعات سوردو. او چیخاندان سونرا باراتا دئدی کی، «مارال سولدوزدا دئیل». «اونو اورمیّه آپاریبلار». او اورمیّه زیندانیندا و حالی یاخشی دیر. باراتین آناسی اونون یئرینی بیلندن و خیالی اونون ساغلام اولماسیندان راحت اولماندان سونرا تکه تک دانیشماغا باشلادی. اونون ذهنی یالنیز اورادا دولانیردی: گورەسن، «اورمیّه کیملر وار کی، اونا کۆمک انده بیلرلر؟ او اؤز-اؤزونه دئییردی: «صفرخان گیل، سونرا حاجی سولنیمان گیل، سید ضیا گیل و هابنله سایماغا باشلامیشدی». او صاباحا پروگرام تۆکوردو کی، نه ایشلر گۆرمەلیدیر.

بارات دا ائوه گلرکن ائوی تمیزلەمەیه باشلادی کی، اگر ائولرینه آختارماغا گلەسلەر، بیر شئی تاپا بیلە سینلر. اونلارین ائولرینده چوخلو کیتابلار وار ایدی کی، اونلارین ساخلاماغی قاچاق ایدی. اونلاری بارات گیلین ائولرینده توتاسایدیلر، یقین اونو دا زیندانا سالاردی. گنجەنی صوبحه قدر اونلار یوخویا گئده بیلەدی. بیر طرفن «مارال»ین هارادا اولماسینی اؤز خیاللاریندان کئچیریردی، او بیر طرفن ده اونلار قورخوردولار کی، «مارالی» توتاندان سونرا بو احتمال واردیر کی، اونلارین ائولرینه تۆکولوب و هر بیر شئی بیر-بیرینه ووروب و بیر باهانا تاپاراق باراتی دا توتالار. اونلارین ائولرینده یالنیز بارات قالمیشدی.

سولدوزلار، خصوصاً ده اصل و قدیمکی اولانلار بیر-بیرلری ایله قوهوم کیمی دیرلر. اونلار بیر-بیرلرینه چوخ یاخین اولوب، بیر-بیرلرینین هاواسینی چوخ ساخلایاردی. صاباح بارات ایله آناسی دایانمادان اورمیّه طرفینه یولا دوشدولر. اونلار گئندن سونرا یولدا آناسی اورمیّه گۆرمەجیی آداملاری بیر-بیر ساییردی.

اورمیّه آناسینین تانییدیگی ایکی سولدوزلو موللا وار ایدی. اونلار گئدیب و بیر-بیر اونلاری گۆردولر. اونلارین ایکسی ده سۆز وئردی کی، آللریندن گلنی اسیرگەمە سینلر. سونرا چوخ چتینلیکلە «سید ضیا»نی تاپدی. بارات اوشاقلقدان سید ضیا یادینا گلیردی. او، اونلاردان بیر نئچه یاش بۆیوک ایدی، دائماً باغچالاردا قوش ووراردی. او بارات گیلدن ایکی کوچە یوخاریدا اولاردی. او ایندی «کومیتە»لرده یوکسک بیر وظیفەسی وار ایدی. او هم سۆز وئردی کی، آلیندن گلنی ائله سین، هم ده «خاور باجی»یا دئدی کی، قیزی هارادا ساخلانیر. او «مارال»ین حالینین یاخشی اولماسینی دئیندن سونرا اونلارا سۆز وئردی، تاپشیراجاق کی، مارالی هئچ اذیت ائله مە سینلر.

بو فاصله ده ماجرادان خبردار اولان «موحسون» ده او طرف- بو طرفه گنډرک تانیدیغی کانالاردن ایستفاده اندیب، اونلارلا ایلیشکی یارادیردی کی، نه ایسه بیر ایش گۆره بیلسین. خاور باجی ایشلرین گۆرندن سونرا «بارات» ایله «مؤحسونه» نوبت ینیشیمیشدی کی، اونلار دا اؤز فیکیرلرینده بیر پارا ایشلر گۆره بیلسینلر. بارات سون چارا اولاراق «صفرخان» یادینا دوشدو.

«صفرخان» هوشنگین آناسی ایدی. او اؤزونه گۆره بیر ایستینا شخصیته وار ایدی. بیرینجی، او گونده یاریم شوشه عاراق ایچمهسه ایدی، گونو کچمز ایدی. او شاه رژیمی، یا دا «ایسلام» رژیمی اولورسا اولسون، یاریم شوشه گونده عاراغینی ایچهجکدی؛ ایکینجیسی، او هامی ایله آراسی وار ایدی، هله کفلی اولاولا دا دولت آداملارلا داها یاخین ایدی. یعنی او دولت آداملارین کولگه سینده یاتیردی و ایشلرینی گۆروردو.

او بیر طرفدن ده کومیته چی لرین بیر سیراسینی تانییردی. اورالاردا بیر مقدار سۆزوکچیردی. او بیر ده چوخ «شاخ» و «دیک» اوولماسینا گۆره هامی اوندان حساب آپاراردی. او بویو آچاق اولسا دا، سه سی ده زیر و اوجایدی. «صفرخان» ی تانیان اوندان حساب آپاریردی. گنجه «مؤحسن» ایله «بارات» اونو گۆرمه یه گنډدی لر کی، اونا بیر طرفدن «مارال» ین توتولماسی و اونون یئری حاقیندا خبر وئرسینلر و اوندان خبر آلسینلار کی، بیر ایش گۆره بیلر، یا یوخ و یا او نه مصلحت گۆرور.

اونون قریبه اخلاقیندان خبری اولان بارات قاباقچادان اونون حاققیندا «مؤحسونه» بیلدی یی قدر بیلگی وئرمیشدی. اونلار بیلیردی لر کی، بو کاراکتر عینی حالدا بیر کاریکاتور کیمی ماراقلی و اونلار اوچون هم جیدی، هم ده گولملی اولای بیلر. بارات ایله مؤحسون باهارین آخیرلاریندا هله هاوالارین چوخ قیزمامیش و بیر مقدار سرین زامانیندا گنجه ساعات دوققوز یاریمدا اونلارین قاپیسینی دؤیدولر. اونون خانیمی - هوشنگین آناسی باش گۆزونو بوتون اؤرتوب و قارا چادرایلا توتولموش وضعیتده قاپیا گلدی. او بونلارلا تانیش اولاندان سونرا اونلاری ایچهریبه دعوت اندیب و صفرخانین اوتاغینا طرف یولا سالدی.

«صفرخان» ین اوتاغینا گیرن بارات ایله مؤحسون اونو بیر بویوک اوتاغین باشیندا گۆردولر کی، تک باشینا سوفره قاباغیندا عاراقی ایچیب، هله ده ایچمه یه داوام ائدیرک یئمکلر ده قاباغیندا حاضیر ایدی. او بو کیچیک بویو ایله نجه بو قدر یئمکلری یئییردی، بونلار شاشیرمیشدی لار. باشینا قارا چادرا اؤرتوب و اوزگوزونو باغلایان اونون خانیمی نجه دنه نوه صاحیبی ایدی و بارات گیلین آنالارلا بیر یاشدا اولای بیلردی. او، بونلارین قاباغیندا دا آچیلیشا بیلیر و صفرخانا یاریمچیلیق کئفلنمیش حالیندا خیدمت گۆستریردی.

«سولدوزا كۇچوب گلن نىچە طايفادان عىبارت اولان قاراپاق لاردان بىرى دە «شمس دىنلى» لىر طايفاسى ايدى كى، «صفر خانىن» كۆكۈ او طايفانىن باشچى لارىنداندى. اونا گۆرە اونو ھلە «صفرخان» سەسلردىلر. «صفرخان» بونلارى گۆرۈر كىن، دعوت ائەدى كى، آيلشسىن لىر. بارات موزونون خىردالىق لارىنا كىچمەن اۆز باجىسىنىن «قزئىت» داشىياندا توتولماسىنى اونا دئدى. باجىسىنىن اوشاق و ھارادا اولماسىنى دا اونا دئمكەن سونرا اوندان اىستەدى كى، آلىندىن بىر كۆمك گلرسە، اسىرگەمەسىن.

صفرخان يارىمچىق كئفىلى و اۆزونون دە ھىچ بىر خىطرە دوشمەسىنە اىستەمەدى بىر حالدا اۈنچە سولدوزلو «موللا لارىن» و «سەيد ضيا» نىن آدلارىنى چكىب و دئدى كى، اونلارلا دانىشسىنىز، يا يوخ. سونرا اۆزو باشلادى يول گۆسترمەيە.

«گىجەنىن يارىسىندا اىسلام كومىتەسىنىن قايسىنا سارى دوز خىابانىن اورتاسىندا كى خطىن اوستوندىە حرىكت اندرسىز. قايبىيا ياخىنلاشدىغىز زامان اونلار اىست وئىرلىر، بىرىنچى اىستەدى يوخ، اىكىنچى اىستەدى يوخ، آما اۈچۈنچە اىست وئىرندە دايانارسىز. آللىرىنىزى باشىنىزىن اوستونە قالدىراركىن اونلار اوزاقدان سوروشاندا كىم سىز؟ نە اىستەيسىز؟ نە اۈچۈن گىلىسىز؟ اونلار دئىن، سىزى اىچەرىيە يول وئىرسىن لىر. تىز- تىز دە اىشارە اندىردى كى، «مبادا منىم آدىمى دىلىزە گىتىرە سىز!»

باراتگىل قايدىن چىخاندان سونرا اونون سۆزلىرىنە بىر طرفدىن گولمىكلىرى گلەگلە بىلدىلر كى، اونون آلىندىن بىر اىش گىلمىر، گلە دە، قورخوسوندىن گۆرە بىلمىز. آما اونون تانىش لارى بىلگە بىر اىش گۆرە بىلرلىر. اونلار بو قارار گىلىلر كى، صاباح «كومىتە» يە گىندىب، اورادان ياخىندىن مارال دان خىر آلىسىن لار. او قدر «مارال» نىن فكرىندە اولان بارات ھىچ بو فكرىنە چاتمىردى كى، «مۇحسون» اورمىدەن «مارالا» قزئىتلىرى و بوروشورلارى وئىردى كى، سولدوزا گىتىرسىن. اونون اۆزو دە خىطرە ايدى. مۇحسون او قدر آرام و آرخابىنلىقلا گىزىردى كى، ھىچ قورخو اثرى و خىطرە حىسى اوندا گۆرونموردو. اورا يا صاباح گىندىكە كومىتەدىن اونلار مارال نىن ھارادا اولوغو حاقدى بىر خىر وئىرمەدىلر. اونون آناسىنىن اورمىنى يالنىز «سەيد ضيا» نىن سۆزلىرى آرام اندىردى كى، قىزىنىن ھارادا اولماسىنى اونا دئىندىن سونرا دئدى كى، «فىلان موللا فىلان گون اونون حاقتىندا حۆكم وئىرمەك دىر». بونو بىلەركى اونون آناسى اورمىدا اولان سولدوزلو موللا لارى بىر داھا گۆروب، اونلاردان آرخابىن اولدو كى، اونلار دا «مارال» نىن حاقتىندا حۆكم وئىرمەك موللا اىلە دانىشسىن لار. اوندان سونرا اونلار بىر داھا سولدوزا دۇندولر. بارات بىر آتدىم آناسىندان دالىدا بو مسالەلرىن دالىسىنچا گىندىردى، چون ھر آن اونون اۆزونو دە توتا بىلدىلر.

سولدوزا گلندن سونرا بارات باشلادی، ائولرینده حیطین اورتاسیندا کردی لرین ایچینده یئری دریندن قازیب و اورادا بیر بویوک قوطو قدر یئر آچسین. او آرتیق سولچولوغا عاید کیتاب لارینین هامیسینی نایلونا بوکوب، بیر قوتونون ایچینه قویوب، یئرده اونلاری قویلاماغا باشلادی. آرتیق اونلارین ائولرینه آختارماغا گلسه ایدی لر هنج بیر زات تاپا بیلمزدی لر.

قارا گون لرین گلیب - کنجه سی چوخ زامان سورور. نهایت دادگاه (محکمه) گونو گلدی و موللا مارالی آلتی آی زیندانا محکوم ائله دی. بارات گیل بو مسالهدن چوخ سئوینیردی لر کی، «مارالا» آغیر زیندان وئرمه ییبلر و نجه آیدان سونرا چیخیب و گله جک دیر. بیر آز کئچندن سونرا «ایطیلاعات و کومیتة» مامورلاری گلیب مؤحسنونو ده توتوب، زیندانا سالدی لار. بارات آرتیق خطری اؤزونه گون به گون یاخینلاشماسینی گؤروردو. آما او سولدوزداکی ایش لرینی گؤروردو. او اؤز اوتوروم لاری و کومیتةده ایش تیراک اندیردی و مسئولیت لرینین هامیسینی یئرینه یئتیریدی. او «مارال» ین وضعیتی ایله باغلی ایش لرین نه یئرده اولوغو و آناسینین هر هفته سونو اؤزونو حاضیرلاییب اورمیةده زیندانا گندیب و اورادا قیزی نی گؤرسون، اونا نسگیل ائیلهدییی خیریم خیردا یئمکلردن اؤزویله آپارماسی حاققیندا بیلگی وئیریدی. بو گؤروش لرده بیر دفعه بارات اؤزونه جسارت وئریب زیندانین ایچینه گئندی کی، شوشه نین دالیسیندان «مارال» ایله دانیشسین. او همن دانشقدا «کال آما» کیمی «مارال» دان شوشه نین دالیندان ایستهدی کی، تشکیلات حاققیندا هنج بیلگی وئرمه سین. مارال دا هنج جاواب وئرمدی. بارات اونو آرخایین ائندی کی، ائشیکده اونلار اونون ایشینین دالیسیندا واردی لار و آلتی آی تنز قورتولار و او ائولرینه دؤنر.

بارات بوتون شرایطین آغیرلیغینی حیس اندیریدی. او هم ده فیکیر اندیردی کی، ائولنمه یینه گؤره اونون «کومیتة لر اوتوروم لارینا» ایش تیراک ائتمه یی داها راحت اولموشدو، آما او سیاسی دورومدا، خصوصاً امنیتی باخیمدان اونلارین اوستلرینده قالانان باسقی لاری داها آرتیق حیس اندیریدی. اونلارین نه قدر دؤلتنده حمایه ائتمه یی اونلارلا دئموکراتیک داورانماغا نتیجه لنمه دی. تماماً ترسه سینه، بوتون او بیرى سیاسی اوپوزیسیون تشکیلات لاری داغیداندان سونرا گون به گون اونلارا نیسبت حلقه نی داها دارالیدیردی لار.

بارات بیر آیری طرفدن ده تضییقی حیس اندیریدی. ائولنمه یی بیر شیراکت و بیر بیرینین قولتوغوندان توتماق» کیمی بیر فلسفه ایله دوشونوردو، گوردو کی، او جور دئییل، هله بونلاردان داها دا دولاشیق ایلیشکی لر واردیر. عایله لر آراسینداکی تشریفات ایلیشکی لری و «تازا بئی» دن اولان اوما جاق لاردان «نیگار» ین بوندان داها آرتیق بیلگیسی اولاندان سونرا اونلارین ائولرینده ده انتظار وار ایدی کی، باراتین دورومو، بیر استاندارد لارلا توتسون و بارات بیر بللی عمل لری گؤرسون

و یئربه یئر ائله سین. بو موضوع لاری بیر طرفدن تزه اؤرنمهیه باشلایان بارات اونلارین هامی سینین ایچینده گؤرودو کی، «سولچولوق» دوشونجه لر ایله بو تشریفات توتومور، هله بیر طرفدن ده اونون ایشسیزلییی و پولسوزلوغو بؤیوک بیر جیدّی باش آغرییا دؤنمهیه باشلاییر. او ایکی نفر سولچونون آراسیندا فیکر ائله میردی ائولندن سونرا مالی مساله لر بو صورتده یلواش یلواش جیدّی شکیده اؤزونو گؤستر سین و یا تشریفات مساله لر ی اونلارین چیین لرینه آغیرلیق ائله سین.

بارات او قدر بو مساله ده تنز و ساده لیکه قرار وئرمیشدی کی، اوندان سونرا ائولنمکده اینسان لارین هانسی مساله لر ی نظرده توتماسینی اؤرنمهیه باشلامیشدی. او بوتون توپلومدان و تشریفات ی نظره آلمادان بو مساله نین حاقیندا قرار وئرمیشدی. او بونو دا بیر «دوز سیاسی تشکیلات قراراری» کیمی ده یرلندیرمیش و حسابلامیشدی. اونون داها چوخ سیاسی فعالیتی اوچون بیر تشکیلاتی اوتوروم یئری ساییلان «باریمچیق دوکانی» بو تشریفات ایچینده اونون یاشامای اچون بیر ایش رولو اونایا بیلیمزدی. او بوتون بو گئنیش سیاسی تشکیلات مسؤلیت لرینین ایچینده نه جور پول قازانا بیلیمه یی و ائو دولان دیرما ی دوشونمه لی ایدی.

بو فیکر لرین و تشریفاتین ایچینده، بارات تشکیلاتی مسؤلیت لرینین ایچینده جوماراق، بیر گون خبر گلدی کی، «ایران توده پارتیاسینین باشچی لارینی توتوبلار». بارات گیل آرتیق بیلدی لر کی، «ایران توده پارتیاسیندان سونرا سیرا اون لارین دیر. «ایران توده پارتیاسینین بوتون مسؤل لاری نین ایته می «جاسوسلوق» ایدی کی، جزاسی چوخ آغیر و «اعدام» ایدی. بارات گیل اؤز آرالاریندا بو مساله نی آراشدیریب، خطرین اونلارا یاخینلاشماسینی داها جیدّی حیس ائتدی لر. نئجه گون چکمه دی کی، «سولدوزدا» دا «ایران توده پارتیاسی تشکیلاتی» نین دولان دیرانلارینی توتدولار. بارات گیل مساله نین چوخ سورعتلی قاباغا گئتمه سینی حیس ائدیردی لر.

بارات گیل «فدایی لر تشکیلاتی» ندا چالیشدیق لاری اوچون گیزی سیاسی تشکیلاتی چالیشما حاققیندا او قدر بیلگی و تجربه لر ی وار ایدی کی، خطرین نه قدر جیدّی اولماغینی حیس ائندن سونرا بو حاقدا دا جیدّی قرار وئره بیلمه قابیلیت لر ی اولسون. بارات گیلین هفته لیک اوتورم لارینا دؤردینش گون قالیردی. اونلار اوچون زامان داها سورعتلی قرار وئرمک لازیم ایدی. اونلار ایکی اوتوروم آراسیندا کی مساله لرله باغلی قرار وئرمک مساله لرینی ایندییه قدر آرتیق اؤیرنمیشدی لر کی، نئجه حل ائت سین لر. اونلار گونه ناهاردان سونرا خیاباندا دولانیب بیر بیر لرینی گؤروب و گون به گون دورومو آنالیز ائدیردی لر. اونلار «ایران توده پارتیاسی» نین تهراندا کی و بوتون ایراندا کی مسؤل لارینین توتولماسینی چوخ بیر آغیر سیاسی ضربه کیمی دیرلندیریردی لر. اونلارین تشکیلاتینین «توده

پارتیاسی» نا کئچن ایللرده چوخ یاخینلاشمالاری بونو آشکار گؤستریردی کی، «اکثریت فداییلری» تشکیلاتین دا ضربه آلتینا گنتمهسی زامانی آرتیق یئتیشتی. گونلر بیر-بیر کئچیردی، هله اونلارین هفتهلیک اوتوروملارینا بیر نچه گون قالیردی. اوروج ایله بارات خصوصاً هر گون بیربیرلرینی گوروب و گونلوک دورومو آنالیز ائدیردی. اونلار بیر سیرا جیدی مسالهلر حاققیندا تئزیتلر قرار وئرمهلی ایدی. اگر اونلاری توتسالار، تشکیلاتا نه اولا بیلر؟ اونلار توتولمادان نه ایشلر گؤرولمهلی دیر؟ بو مساله بیرینجی مرحلهده چوخ آیدین صورتده مطرح ایدی کی، اونلار «آلترناتیو» شهر کومیتهسی یاراتمالیدی. چونکی اونلاری توتسالار، اونلارین یئرینه تشکیلاتی دولاندرسین. بو دانیشتیق لاری خیاباندا دولانارکن، بیرینجی مرحلهده «اوروج» ایله «بارات»ین، سونرا ایسه «صالیح» ایله «ماحمود»ون آراسیندا اولو. اونلار دا بو «آلترناتیو شهر کومیتهسی»نین یارانماسینی تصدیق ائندن سونرا اؤز کومیتهلرینده اؤز یئرلرینه تعیین اولونموش و حاقلاریندا مشورت ائدیپ قرار وئردیکلری آدمالاری گوروب، اونلار بو قراری بیلدیردی.

چوخ چکمدن خبرلری اولدو کی، «اکثریت فداییلری»نین تهراندا باشچی لارینین ائولرینه گنذبیلر، اونلارین هنج بیرینی توتا بیلمهیبیلر. چونکی اونلار بو یوروشو سنزدیکلری اوچون اؤزلرینی گیزلتمیشدی. بارات گیل اونلارین تشکیلاتینا یوروشون باشلانماسینی گؤرندن سونرا آرتیق بیلدی کی، بو گون صاباح اونلارین دالیسینجا دا گلهجکلر. اونلار آخشاماجان دؤزمهمن بیر-بیرلرینی آختارماغا باشلادی.

چوخ چکمدی کی، «بارات» ایله «اوروج» بیربیرلرینی خیاباندا گوردولر. اونلار دا اؤزلری شهردن چیخمالارینا قرار وئردی. بو گون ده اونلاری توتماسالار، صاباح توتا بیلر. اونلار «صالیح» ایله «ماحمود»و آختارماغا باشلادی. اونلارین هامیسی بو مسالهنی گوروب، بارات ایله اوروجون فیکری ایله راضیلاشدیق لارینی بیلدیردی. بارات ایله اوروج آخشام هوانین قارانیلیغیندا بو قراری خیاباندا تعیین اولونموش «آلترناتیو شهر کومیتهسی» مسئوللارینا دئیندن سونرا اؤز ائولرینه گنتمهیی دوشونموردولر. اونلار بیلمیردی کی، بو گنجهنی ائولرینه گنتمهسلر، ساغلام قورتولا بیلهجکلر، یا یوخ.

اونلارین وئردییی باشقا قرار بو ایدی کی، «ماحمود» سولدوزلو اولمادیگی اوچون بو بیریلره نیسبت آز تانییر. اونا گوره چوخ احتمالی وار کی، اورمیده قالسین، و آن آزی سولدوزون تشکیلاتیلا او ایلشکی قورسون. او گنجهنی بارات گیل اؤزلرینی نیگارگیله قوناق ائله دیلر. اونلار گنجهنی صوبحه قدر فیکیرلشدی کی، اونلارین دالیسینجا گلهجکلر، یا یوخ. دوزدور کی، اونلار بیر آتدیم امنیتی مسالهنی گؤزلهیندن سونرا بارات گیلین ائولرینده دئییلدی. صاباح گونش چیخاندان سونرا

اونلار بيليرلر كي، كئچن گئجهنى اونلار ا هجوم اولماييب و شانس گتيريب جانلاريني قورتاريبلار. اما آرتيق بو گون شهر دن چيخمايديرلار. خياللارى «آلتيرناتيو شهر كوميتەسى» ندىن راحت اولان بارا تگيل بونو بيليردىلر كي، اونلار ين قالمالارى آرتيق توتولمالارى دئمكدير. بو عمل بير سفئليكدير. اونلار بو ضربه ين آلتيندان قورتولماغا گوره گر ك دوشمندن بير آتديم ايرملى اولسونلار. اونلار ا هجوم اولماميشدان اوزلرينى منطقه دن قورتارمايديرلار. هر كس بير طرفه گئتمەلى دير و هئچ كس ده بيلمەمەلي دير كي، او بيرىلر هارا گئتدىلر. بارا ت دوكانى بئله سينه شريكينه تاپشيريب، ايكى بوخا پالتارلا آناسى و باجيسى ايله اويوشوب - گوروشوب و اونلار نيگار ين دا عايله سى ايله گوروشندن سونرا ايكى بوخا پالتارلا تهران اوتوبوسونا مينيب يولا دوشدولر. هارا گئتمەلرينى بيلمەيير و جيبلرينده بلكه بير- ايكى هفته ياشاماق اوچون پول وار ايدى. اوتوبوس يولا دوشندن سونرا اونلار حيس ائتدىلر كي، خطر اونلار ين قولاغينين ديبيندن كئچدى، اما اونلار سولدوزدان چيخيب، بويوك بير شهرده داه ا گيزلى سياسى ياشاييب، اوز آرمانلارى - «آزادليق» و «اجتماعى عدالت» يولوندا ساواش لارينا داوام وئرمەلى ديرلر.

بارا ت هله اوزونو «پولاد» كيمي ضربه لر آلتيندا سينمايان بيليردى. او، آنجا ق «ائو اوغلو» اوچ يولوندىن ساغ كئچمك ايسته ييردى. اونلار ين ايكيسينين بير يئرده اولمالارى اونلارى بير عايله كيمي گؤستررمر ك بو ايمكانى وئردى كي، اورادان دا خطر اونلار ين قولاغينين ديبيندن كئچسين. اورادان كئچندن سونرا بارا تا ايكى-اوچ گونون يوخوسوزلوغو گوج گليب و ياريمچيلىق يوخونون آراسيندا اوز رويالارينا جومدو. آرمانلارى چوخ بويوك، اوركلرى چوخ گئنيش، جيبلرى بوش، ايشلرى يوخ، تشكىلاتى ايليشكىلرى كسيليپ و بويوك بير شهرده معلوم اولمايان ياشام اونلار ين يولونو گوزله يير. اينقيلاب مغلوب اولدو. ياشاسين اينقيلاب.